

Libr. J. Birch. 1723.
1111a

NOVUM *1004a 12.*

**FESV CHRISTI
TESTAMENTUM**

A

SEBASTIANO CASTALIONE

Latine Redditum.

In usum SCHOLARUM.

Editio Novissima,
Prioribus longè emaculatio.

L O N D I N I :

Ex Typographeo M. Clark, prostant apud
J. Nicolson & T. Newborough, Bibliopolas.
M DCC II.



3 Ae

De Auctore hujus Versionis Judicia &
Testimonia doctorum aliquot Viro-
rum.

SEBASTIANUS CASTALIO, sive, ut
alii vocant, CASTELLIO, natione Sabau-
rus, Basileæ per 18 annos Græcas literas è cathedrâ do-
cuit; ZUINGLERO ibidem Ecclesiastæ, necnon
in Reformatione Evangelicâ principi viro, probè notus & ob
summam eruditionem vitæque innocentiam magnoperè pro-
batus: in quâ urbe etiam supremum diem obiit, Anno sa-
tis MDLXIII. ætatis XLVIII. die 29. Decembris. Vir
primè doctus, pius, humilis & integer; atque adèd benè
instructus ad Bibliorum interpretationem, quam Genevæ,
egressus A. D. 1542. perfecit A. D. 1559. id est, no-
nem annis, magna animi alacritate in iis vertendis &
prosperâ valetudine semper usus; quod ipse ait in Præfatio-
ne ad EDOARDUM VI. Anglorum Regem.
Quinimo sæpè, à Deo ex sui diffidentia, uti virum pium
aut eruditum decuit, locorum obscuriorum intelligentiam
vehementibus precibus efflagitavit; ex quâ ejus Transla-
tione id commodi Lector percipiet, quod & SS. Scripturas
facile intelliget, & linguam Latinam unâ eâdemque operâ
addiscet. Nam id erat illi institutum, id consilium, ut
ceterâ omni barbarie, quâ pleræque Versiones scatebant, &
vitæ Hebraicis & Hellenisticis loquendi modis, qui in
utroque quâ Vetere quâ Novo Instrumento utramque paginam
conficiunt, Romani sermonis proprietatem ac puritatem se-
retaretur. Est igitur, ut paucis expediam, hæc Versio isthoc
nomine commendatissima. Quod nè gratis nos affirmare
aspiceris, en tibi judicia & testimonia, quæ polliciti su-
mus, Doctorum virorum. Ad hos Doctos & Egregios Viros
provocamus: partim extraneos, Melancthonum & Bu-
erum; partim nostrates, Johannem Checum Equitem,
& Laurentium Humfredum Divæ MARGARETÆ,

olim, ni fallor, apud Oxonienses Professore: quanquam
nec Bucerum est quod in Albo nostratum non reponam,
utpote qui Cantabrigiæ Professorio munere functus sit.
Habes itaque, mi Lector, utriusque Academiae suffragia
de hoc Homine; de hoc Opere. Tu vale & fave iis, qui
de studiosâ juventute, & sacris & bonis literis imbuendâ,
benè mereri student.

ANDREAS HYPERIUS, Libro II.
De Ratione studii Theologici.

LAudantur etiam quod magnâ curâ, nec minori
religione interpretati sint Biblia, Theologi Ti-
gurini & Sebastianus Castalio.

PHILIPPUS MELANCHTHON
Sebastiano Castalioni S. D.

ET si hætenus ad te nihil scripsi: nam in hac &
varietate & barbarie negotiorum parum mihi
superest temporis, ad illud genus literarum dulcius
quo magis delector; sæpe etiam languescit me in-
tuentem horribiles confusiones inter eos, qui sapien-
tiæ & veritatis studiosi videri volunt, ingens mœstia:
tamen conspecta formâ orationis tuæ, semper te
magnifeci: est enim, ut scis, ingenii, prudentiæ
iudicii & veræ etiam vittutis index recta & elegans
oratio. Scis autem illud Musarum canticum, ὁ
καλὸν φίλον ἐστὶ. quare cùm illa tua ornamenta con-
siderarem, ne fieri quidem potuit, quin te diligenter
etiamsi familiaritas nulla fuit: suntque multi teste
meorum sermonum, quos de te honorificos sæpe in-
ter amicos habeo, &c.

Ex Literis CHRISTOPHORI CARLEILI
Angli ad Castalionem : Anno 1562. iiii. Kal. Maij
datis.

IN altero, qui in te invehitur, tum maiorem in
judicando æquitatem, tum in reprehendendo mo-
lestiam, desiderassem. Convicia dedecent Christia-
num, & immanitas hominem. Legi quidem tua om-
nia studiosè, & quotidie lego, unde uberrimum &
salutarem percipio fructum. JOHANNEM CHECUM
Latinè, Græcè & Hebraicè perbenè scientem, eque-
stris ordinis virum, nonnunquam sum adortus, &
sepeperi semper tua legentem Biblia : percontabar de
quâ in interpretando fide & eloquentiâ : tum ille ri-
tendo, ut erat affabilis, *Mehercule*, inquit, *maiorem*
percipio fructum in legendo Castalionem, *quàm in evolven-*
dis omnium scriptorum commentariis : oratio facilis est,
applicata, dilucida, suavis, concinna & diserta : *Verba*
Græca & Latina, & quæ propius naturam rationemque Gra-
ecæ & Hebraicæ locutionis attingunt : MARTINUM BU-
CHERUM audiivi explanantem Psalmum cxix. & cum om-
nia exposuisset, quæ Græci, Latini & Hebræi doctores, de
ea quam tractavit sententia præclare scripssent, monuit
audendum Castalionem, qui, inquit, *ut est tum pius tum*
eruditus, ita de Hebræis tum gravius, tum disertè convertit
hunc modum : atque hoc fecit me præsentem in Aca-
demiâ Cantabrigiensi, &c.

AURENTIUS HUMFREDUS Anglus,
Lib. I. De Ratione convertendi Authores.

NEC sua laude fraudandus est *Sebastianus Castalio*,
vir in linguis doctissimus, qui omnes opes La-
tine linguæ ad Dei verbum omni instrumento orato-
rio exornandum deprompsit. Si quid erravit, erra-
vit & alii : nec verum semper dicunt qui ad carpen-
dum alios sunt promptissimi : nec statim meliùs dicit,
qui reprehendit acriùs. Errores humani sunt, & sanè
obscura, sacrosancta Dei oracula & mysteria, sine omni
errore in aliam linguam posse transferre, humani in-
genii

genii & eloquentiæ non est. Quis enim hominum Dei linguam, ut est, propria sua & germana specie exprimere poterit? Nec Græcorum quisquam hoc fecisse legitur, nec, quod sciam, Latinorum. Quare homines debemus in errores hominum non sævire. Nec ideo erravit quisquis erravit, quòd Latinè & eleganter studuerit sacros libros traducere: errorum aliarum sunt causæ: eloquentiam nullo modo accusandam censeo. Cur enim alibi compta, hic incompta, alibi polita, hic polluta: alibi *Cicerones*, hic *Scoti* & *Barbari* erimus? Cur cæteræ artes humanæ & profanæ nitescere sola verò scriptura horrere debet? Si rem recte existimare velimus: hic finis omnium est, Dei gloria, quæ illustratur, si illustrior ejus reddatur oratio: huc Rhetorum explicationes; huc linguarum cognitiones; huc quicquid est disciplinarum omnium & doctrinarum, tanquam ad scopum unicum & ultimum referuntur, &c. Item in eodem libro: *Castalio* multos annos domi suam versionem, ut audio, suppressit, truncavit, expendit, eliminavit: Hebraicas phrasas cum Latinis diligentissimè, & Græcismos item cum probatissimis autoribus linguæ Romanæ conjungendo, ut quàm appositissimè idiotismum redderet, & Hebraismos explicaret.]

ORDO LIBRORUM *Novi Fœderis.*

Evangeliū auctore Matthæo.

Evangeliū auctore Marco.

Evangeliū auctore Luca.

Evangeliū auctore Johanne.

Acta Apostolorum.

EPISTOLÆ.

Pauli ad Romanos una.

Ad Corinthios duæ.

Ad Galatas una.

Ad Ephesios una.

Ad Philippenſes una.

Ad Coloſſenſes una.

Ad Theſſalonicenſes duæ.

Ad Timotheum duæ.

Ad Titum una.

Ad Philemonem una.

Jacobi Epistoſa una.

Petri duæ.

Johannis tres.

Judæ una.

Epistoſa ad Hebræos una.

Apocalypſis.

Epiſtoſam ad HEBRÆOS, quòd non ſatis liquido conſtet ea a D. Paulo eſſe conſcriptam, ob eam puto cauſam, Vir Doctus ad calcem Epistoſarum rejecit.

EVANGELIUM

AUTHORE MATTHÆO.

CAPUT I.

*Christi genealogia, & conceptus.
Josephi suspicio, & confirmatio
de virgine. Jesu nomen.*

E Numeratio generis Jesu Christi, prognati Davide, prognati Abrahamo.

2 Abrahamus genuit Isaacum. Isaacus Jacobum. Jacobus Judam, & ejus fratres.

3 Judas Pharem & Zaram, ex Thamare. Phares Esromum. Esromus Aramum.

4 Aramus Aminadabum. Aminadabus Naassonem. Naasson Salmonem.

5 Salmon Boozum ex Rachab. Boozus Obedem ex Rutha. Obed Jessaem.

6 Jessaem Davidem regem. David rex Solomonem, ex ea quæ fuerat Uriæ.

7 Solomo Roboamum. Roboamus Abiam. Abias Asam.

8 Asa Josaphatum. Josaphatus Joramum. Joramus Oziam.

9 Ozias Joathamum. Joathamus Achazum. Achazus Ezeciam.

10 Ezecias Manasse. Manasses Amonem. Amon Josiam.

11 Josias Joacimum. Joacimus Jechoniam, & ejus fratres, in exilio Babylonico.

12 Post exilium Babylonicum Jechonias genuit Salathielem. Salathiel Zorobabelem.

13 Zorobabel Abiudem. Abiud Eliacim. Eliacimus Azorem.

14 Azor Sadocum. Sadocus Achimum. Achimus Eliudem.

15 Eliud Eleazarum. Eleazarus Matthanem. Matthan Jacobum.

16 Jacobus Josephum Mariæ virum, ex qua natus est Jesus nomine Christus.

17 Igitur in universum ab Abrahamo ad Davidem genera sunt quatuordecim. A Davide item ad exilium Babylonicum quatuordecim. Ab exilio Babylonico ad Christum, quatuordecim.

18 Jesu Christi autem natiuitas sic se habet : Cum esset desponsa mater ejus Maria Josepho, priusquam convenissent, compta est uterum ferre ex spiritu sancto.

19 Josephus verò vir ejus, qui justus esset, nec in eam vellet exemplum edere, statuit eam clam repudiare.

20 Hæc cum haberet in animo, ecce Domini angelus in somnis apparuit ei, & ita locutus est : Joseph Davidem progate, ne metue asciscere Mariam uxorem tuam : nam quod in ea genitum est, ex sancto spiritu est.

21 Pariet autem filium, quem Jesum nomine vocabis : is enim suos ab ipsorum peccatis vindicabit.

22 Hoc autem totum factum est ut confieret quod à Domino dictum fuerat per vatem ita dicentem :

A 4

23 Virgo

23 Virgo ventrem latura est, & editura filium, qui nominabitur Emanuel: quod perinde est ac si dicas, Nobiscum Deus.

24 Igitur expectatus à somno Iosephus, fecit ut ei præceperat Domini angelus, ascivitque suam conjugem:

25 Nec eam cognovit, donec ea peperit filium suum primogenitum, quem Iesum nomine vocavit.

CAPUT II.

Christi ortus. Per Magos Herodis furor: eorundem adoratio, & munera. Iosephi fuga. Infantium caedes. Iosephi reditus. Nazaraei cognomen.

Iesu autem Bethleheme in Iudæa nato, tempore regis Herodis, venerunt ab Oriente Magi Hierosolymam,

2 & ubinam esset Iudæorum natus rex quæsierunt. Sese enim ejus vidisse stellam in Oriente, itaque eum adoratum venisse.

3 Quibus auditis turbatus una cum tota Hierosolyma rex,

4 convocatis omnibus pontificibus, & scribis populi, sciscitatus est ab eis, ubinam Christus nasciturus esset.

5 Cui illi responderunt: Bethleheme Iudææ: sic enim à vate scriptum esse:

6 Et tu Bethlehema Iudææ terra, nequaquam minima es præfecturarum Iudææ: ex te enim mihi prodibit dux, qui meum regem Israeliticum populum.

7 Tunc Herodes clam vocatis Magis, perquisivit ab eis tempus quo stella apparuisset.

8 Eosque Bethlehemam dimisit, ita dicens: Ite, & de puero diligenter inquirete: ac cum inveneritis, certiore me facite, ut ego quoque ad eum adorandum proficiam.

9 Igitur illi, audito rege, profecti sunt: ac tum stella, quam in Oriente viderant, eos antecessit, donec venit stetitque supra locum ubi puer erat.

10 Illi visa stella, maximo gaudio lætati sunt:

11 & domum ingressi, puerumque cum ejus matre Maria nacti, prociderunt, eumque adorarunt: & apertis suis capsis, obtulerunt ei munera, aurum, thus, & myrrham.

12 Deinde oraculo moniti in somnis, ne ad Herodem reverterentur, per aliam viam se receperunt in patriam.

13 Digressis illis, Domini angelus Iosepho in somnis apparet: Surge, inquit, & assumpto puero ejusque matre, fuge in Ægyptum, & illic esto, donec ego te moncam. Quæsiturus est enim puerum Herodes, ad necem.

14 Igitur ille surgit, & una cum puero, ejusque matre, noctu concessit in Ægyptum,

15 ibique fuit usque ad Herodis obitum: ut conheret quod fuerat à Domino dictum per vatem ita dicentem: ex Ægypto evocavi filium meum.

16 Tunc Herodes, videns se à Magis illusum esse, aded iratus est, ut miserit interfectum pueros, quotquot Bethleheme, & in toto ejus territorio erant, infra bimatam, pro tempore quod à magis perquisierat.

17 Tunc accidit id, quod à Jeremia vate ita dictum fuerat:

18 Auditur apud Ramam vox, lamentatio, comploratioque, & multus questus. Rachel est, suos natos deplorans insolabiliter, quia perierunt.

19 Defuncto autem Herode, Domini angelus Iosepho in somnis apparet in Ægypto, & sic alloquitur:

20 Surge, & unā cum puero, & matre, proficiscere in Israeliticam terram: mortui sunt enim, qui pueri vitam petebant.

21 Ita ille surgit, & assumpto puero, ejusque matre, contendit in terram Israeliticam.

22 Sed audiens Archelaum in Judæa Herodi patri suo in regnum successisse, timuit illud ire:

Et oraculo secundum quietem admonitus, contulit se in agrum Galilæum:

23 Ivitque commoratum in oppidum quoddam Nazareth dictum: ut id fieret quod à vābus prædictum erat, Nazaræum vocatum iri.

CAPUT III.

edes, victus, doctrina Johannis: cum eo Christi colloquium, & baptismus. Vox cœlestis.

Quodam autem tempore venit Johannes Baptista, qui in Judæa solitudine prædicaret.

2 ac diceret: Corrigite vos: stat enim cœleste regnum.

3 Is est enim qui dictus est à Esaia vate, dicente: Vox clāantis in solitudine: Parate viam Domini, rectas facite semitas ejus.

4 Habebat autem Johannes ex camelinis pilis indumentum, laticoribus pelliceo cingulo circumdatus. Cibus ejus erant locustæ, & mel sylvestre.

5 Tunc ad eum proficiscebatur Hierosolyma, omnisque Judæa, & Jordanis ora,

6 ab eoque baptizabantur in Jordane, confitentes peccata sua.

7 Cum vidisset autem multos pharisæorum & Saducæorum ad eum baptisma venientes, dixit illis: Progenies viperina, quis vos admonuit futuram iram suam?

8 Edite ergo fructus emendationis: ut sitis dignos:

9 neve animum inducite si apud vos dicere, Patrem habemus Abrahamum. Dico enim vobis posse Deum ex his saxis suscitare natos Abrahamo.

10 Jam verò securis arborum radici admota est. Itaque arbor omnis fructum bonum non edens, excidenda est, & in ignem injicienda.

11 Ego quidem baptizo vos aqua, ad vitæ emendationem: sed post me venit, qui quidem aded me præstantior est, ut ego non sim dignus qui ejus calceamenta portem. Is vos sancto spiritu & igne baptizabit.

12 Is in manu suam habens ventilabrum, aream suam expurgabit, frumentumque suum comportabit in horreum: paleam autem igni cremabit inextincto.

13 Tunc adiit ex Galilæa Johannem Jesus ad Jordanem, ut ab eo baptizaretur.

14 Sed eum prohibebat Johannes, dicens: Mihi ut à te baptizer opus est, & tu venis ad me?

15 Cui respondens Jesus: Sine modò, inquit: sic enim decet nos omni justitia perfungi. Tunc ille eum finit,

16 & Jesus simulac baptizatus est, ascendit ab aqua: Et ecce apertis ei cœlis, vidit Johannes Dei spiritum descendantem, quasi columbam, & in eum venientem.

17 Et ecce vox ex cœlis, dicens: Hic est meus charissimus filius, qui mihi acceptus est.

CAPUT IV.

Jejunium, tentatio, victoria Christi de Satana. Angeli ad Christum: ejusdem recessus, concito, delectus Petri, Andrea, Jacobi, Johannis. Miracula.

TUM Jesus à spiritu subductus est in solitudinem, ut tentaretur à Diabolo,

2 Cumque quadraginta dies, & totidem noctes jejunasset, tandem esuriit.

3 Igitur aggreditur eum tentator: Si Dei filius es, inquit, jube ut hi lapides panes fiant.

4 Cui ita respondit ille: Scriptum est, Non solo pane vivit homo, sed omni verbo per os Dei prodeunte.

5 Tunc adducit eum diabolus in sanctam urbem, & in templi pinnis constitutum, sic alloquitur;

6 Si Dei filius es, jace te deorsum. Scriptum est enim: Angelis suis de te mandabit, ut te manibus tollant, ne pedem ad lapides offendas,

7 At Jesus: Rursum scriptum est (inquit illi) ne tentato Dominum Deum tuum.

8 Rursum adducit eum Diabolus in præaltum montem, eique omnia regna mundi, & eorum gloriam ostendit:

9 & hæc omnia tibi dabo, inquit, si procubueris, & me adoraveris.

10 Hic Jesus: abi è conspectu meo, Satana, inquit ei. Scriptum est enim: Dominum Deum tuum adoro, eumque solum colito.

11 Tunc omittit eum Diabolus: Et ecce advenierunt angeli, qui ei ministrarent.

12 Audiens autem Jesus captum esse Johannem, petiit Galilaam:

13 Et relicta Nazareth, Caphernaum profectus, ibi commoratus est (ea est maritima, in finibus Zabulonii & Nephthalensibus.)

14 Ut fieret quod erat ab Esaia vate dictum in hunc modum:

15 Zabuloniam Nephthalensic-

que terra, mare versus, trans Jordanem, Galilæa extraneorum,

16 populus in tenebris degens, vidit lucem magnam, & manentibus in tetra noctis regione lux orta est.

17 Ex eo cœpit Jesus prædicare, & dicere: Corrigite vos: instat enim cœleste regnum.

18 Ambulans autem Jesus apud lacum Galilææ, cum vidisset fratres duos, Simonem cognomine Petrum, & Andream ejus germanum, rete jacentes in lacum (erant enim piscatores,)

19 Dixit eis: Sequimini me, & faciam vos hominum piscatores.

20 Atque illi continuo, relicta retibus, eum secuti sunt.

21 Inde progressus vidit alios duos fratres, Jacobum Zebedæi filium, & Johannem ejus fratrem, in navi cum suo patre Zebedæo sartientes sua rexia, eoque vocavit:

22 Atque illi protinus relicta navi, patreque suo, secuti sunt eum.

23 Obibat autem totam Galilæam Jesus, docens in eorum collegiis, & regium publicanis Evangelium, omnesque morbos & languores vulgo sanans.

24 Itaque tanta ejus fama totam Syriam pervasit, ut afferentur ei quicunque male affecti diversis morbis & cruciatibus tenebantur, furiosi, lunatici, membricapti, quos ille sanabat:

25 Eumque secuta est ingens hominum turba à Galilæa, & Decapoli, & Hierosolymis, & Judæa, & ora transjordanina.

C A P U T V.

Viventis pii beatitates. Apost. dignitas: munus: culpæ: delicta Christi partes: ejusdem salutis flores, ac boni. Antiquorum

Et Christi collatus: de homicidio, rixa, reconciliatione, adulterio, repudio: de juramento, patientia, lite, benignitate, studioque in hostes: perfectio nostra.

Videns autem tantam hominum multitudinem, descendit in montem. Cumque sedisset, adierunt eum ejus discipuli,

2 & ille eos hujusmodi oratione docere aggressus est.

3 Beati pauperes animo: nam eorum est coeleste regnum.

4 Beati qui lugent: nam ii consolandi sunt.

5 Beati mites: nam ii terram possidebunt.

6 Beati qui esuriunt sitiuntque iustitiam: nam ii saturabuntur.

7 Beati misericordes: nam eis tribuetur misericordia.

8 Beati mente puri: nam ii Deum videbunt.

9 Beati pacifici: nam ii Dei filii vocabuntur.

10 Beati qui iustitiae causa infestantur: nam eorum est coeleste regnum.

11 Beati estis, quodcumque vobis conviciabuntur homines, & vos insectabuntur, & in vos omnia maledicta conjicient, mentientes propter me.

12 Gaudete & letamini: nam multa vobis in caelo merces est: sic enim insectati sunt vates maiores vestros.

13 Vos estis sal terrae. Quod si sal infatuatum fuerit, quo salietur? ad nullam rem jam idoneum est, nisi ut foras projiciatur, & ab hominibus conculcetur.

14 Vos estis lux mundi. Non potest urbs latere in monte sita:

15 Nec accenditur lucerna ut sub modio, sed ut in candela-

bro ponatur: atque ita omnibus qui domi sunt illuceat.

16 Sic luceat vestra lux apud homines, ut vestra recte facta videntes, collaudent vestrum patrem, qui est in caelis.

17 Ne putate venisse me, ut legem aut vates abrogem. Non ut abrogem veni, sed ut perficiam.

18 Hoc enim vobis confirmo, citius periturum caelum atque terram, quam ut unum iota aut unus apex pereat ex lege, quin fiant omnia.

19 Igitur qui contra vel minimum horum praeceptorum fecerit, licet ita doceat homines, tamen minimus numerabitur in regno caelesti. Qui vero & praestiterit & docuerit, is magnus numerabitur in regno caelesti.

20 Hoc enim vobis dico, nisi iustitia. Scribis & Phariseis excellueritis, non estis in caeleste regnum ingressuri.

21 Audivistis antiquis esse dictum: ne occidito: quod qui occiderit, eum teneri iudicio.

22 Ego vero dico vobis: Quisquis immerito fratri suo irascitur, tenebitur iudicio: & qui fratrem suum balatronem vocaverit, tenebitur confessu: & qui fatuum vocaverit, tenebitur ignis gehenna.

23 Itaque si oblatarius tuum munus ad aram, ibi recordatus fueris tuum fratrem habere quod de te queratur,

24 relinque illi tuum munus ad aram, & prius i, reconciliare tuo fratri. atque ita deum i oblatum munus tuum.

25 Compose cum adversario tuo mature, dum es in via cum eo, ne te tradat adversarius iudici, & iudex ministro; atque ita in custodiam deris.

26 Profectò (inquam ego tibi) non exibis inde, quin ultimum solveris quadrantem.

27 Audivistis antiquis esse dictum: Ne adulterato.

28 Ego verò vobis dico, quisquis foeminam sic aspicit, ut eam concupiscat, jam eam animo adulteravit.

29 Quod si tibi vel oculus tuus dexter officit, erue eum, & abjice. Præstat enim tibi, unum membrorum tuorum perdi, quam totum corpus tuum in gehennam dejici.

30 Et si tibi vel dextera tua manus officit, amputa eam, & abjice. Præstat enim tibi, unum membrorum tuorum perdi, quam totum corpus tuum in gehennam dejici.

31 Dictum est item: Qui uxorem suam repudiabit, det ei instrumentum divortii.

32 Ego verò vobis dico: qui uxorem suam repudiat (excepta stupri causa) in causa est ut ea adulteret: & qui repudiatam ducit, adulterat.

33 Rursus audivistis dictum veteribus: Ne pejerato, sed Domino quæ juraveris reddito.

34 At ego vobis dico, omnino non esse jurandum: neque per cælum, quoniam dei solium est:

35 neque per terram, quia ejus pedum subsellium est: neque per Hierosolyma, quoniam urbs magni regis est:

36 neque per tuum caput juraveris, quoniam non possis vel unum crinem album nigrumve facere:

37 sed esto sermo vester, etiam, etiam: non, non, Quod præter hæc est, id à Malo est.

38 Audivistis ut dictum sit: Oculum pro oculo, & dentem pro dente:

39 ego verò vobis dico, non esse resistendum injuriæ: quin si quis tibi colaphum in dexteram malam impeerit, obverte ei etiam alteram:

40 Et si quis tecum litigare, & tunicam tuam velit auferre, concede ei etiam togam:

41 Et si quis te cogere velit ad unum milliare, comitare eum vel duo.

42 A te petenti dato: & si quis velit à te mutuari, ne recusato.

43 Audivistis dictum: Proximum tuum amato, & inimicum tuum oderis.

44 At ego vobis dico: Amate inimicos vestros: bene precamini iis qui vobis imprecantur: benefacite vestris malevolis, & orate pro lædentibus & insectantibus vos,

45 ut filii sitis vestri patris qui in cœlis est, qui solem suum oriri faciat in malos juxta ac bonos, & justos injustosque compluat.

46 Nam si eos demum amatis qui vos amant, quam mercedem habituri estis? annon vel publicani idem faciunt?

47 Et si vestros duntaxat fratres salutatis, quid egregium facitis? nonne vel publicani similiter faciunt?

48 Eritis igitur perfecti vos, quemadmodum pater vester qui in cœlis est, perfectus est.

C A P U T VI.

Eleemosyna, oratio, quibus ignoscitur, jejunium, thesaurus ad-versi Domini, cura, qua mala, qua bona.

CAvere ne benignitatem in hominum conspectu exerceatis, per ostentationem: alioquin præmium non estis habituri apud patrem vestrum, qui in cœlis est.

2 Igitur quandocunque benignè facis, noli præ te tuba clangere, ut simulatores faciunt in collegiis atque vicis, ut colaudentur ab hominibus. Hoc vobis confirmo, eos jam habere suam mercedem.

3 At te benignè faciente, ne fiat tua sinistra quid faciat dextera,

4 ut sit tua liberalitas in occulto: & tuus pater, qui occultum videt, tibi palam reddet.

5 Item cum supplicas, ne esis simulatorum similis, qui cum supplicant, amant in collegiis esse, & platearum angiporitis, ut sint hominibus conspicui. Hoc vobis confirmo, eos habere suam mercedem.

6 At tu supplicaturus ingredi conclave tuum, & clausa janua tua, supplica tuo patri in occulto: & pater tuus, qui occulta videt, tibi palam reddet.

7 Supplicantes autem ne garrite, ut extranei, qui se putant ob loquacitatem suam exaudirentos.

8 Ne este igitur eorum similes: scit enim pater vester, quibus egeatis, antequam eum rogetis.

9 Sic igitur supplicate vos. Pater noster qui es in cœlis, sancte colatur Nomen tuum.

10 Veniat regnum tuum. Fiat voluntas tua, ut in cœlo, sic & in terra.

11 Victum nostrum alimentarium da nobis hodie.

12 Et remitte nobis debita nostra, ut & nos remittimus debitoribus nostris.

13 Neve nos in tentationem inducito, sed à malo tuere: quoniam tuum est regnum & potentia, & gloria, in sempiternum. Amen.

14 Si enim remiseritis aliis hominibus sua delicta, remitter vobis pater vester cœlestis.

15 Sin minus remiseritis aliis sua delicta, ne pater quidem vester remitter vestra delicta.

16 Cum autem jejunatis, ne este tetrici, quales simulatores, qui vultus suos deformant, ut aliis appareat eos jejunare. Hoc vobis confirmo, eos suum abstulisse præmium.

17 At tu jejunans, ungito tibi caput, & vultum lavato,

18 ne perspicuum sit aliis hominibus jejunare te, sed patri tuo, qui occultus est, & pater tuus, qui occulta cernit, tibi palam reddet.

19 Ne congerite vobis opes in terris, ubi & corrumpit tineæ ærugoque, & fures perfodiunt ac furantur.

20 Sed vobis opes in cœlo congerite, ubi nec ærugo aut tineæ corrumpit, nec fures perfodiunt aut furantur.

21 Nam ubi vestrae erunt opes, ibidem erit & vester animus.

22 Lucerna corporis est oculus. Quod si erit oculus tuus simplex, totum corpus tuum erit lucidum:

23 sin erit oculus tuus nequam, totum tuum corpus erit tenebrosum. Si igitur quod in te lumen est, tenebræ sunt, quantæ erant ipsæ tenebræ?

24 Nemo potest duobus servire dominis, aut enim hunc oderit, illum amabit: aut hunc tuebitur, illum contemnet. Non potestis Deo servire & opibus.

25 Hanc ob rem (inquam ego vobis) ne este de vita vestra solliciti, quid esuri, bibiturive: neque de corpore, quid vestituri sitis. Quasi verò non & vita
pluris

pluris sit, quàm alimonia, & corpus, quàm vestitus.

26 Aspicite volucres aereas, ut neque serant, neque metant, nec in cellas congerant, tamen vester cœlestis pater eas alit. Quasi verò non vos multò sitis eis præstantiores?

27 Quis autem vestrùm sua sollicitudine potest unum cubitum addere suæ staturæ?

28 Item de vestitu quid sollicitamini? Discite ut terrestria crescant lilia, neque laborando, neque nendo.

29 Atqui hoc vobis dico, ne Solomonem quidem cum omni splendore suo ita vestitum fuisset, ut horum quodlibet.

30 Quòd si terrestrem herbam (quæ hodie est, & cras in clibanum conjicitur) Deus sic vestit, nonne multò magis vos, ò parum fidentes?

31 Ne este igitur solliciti, dicentes: Quid edemus? aut quid bibemus, aut quid induemus?

32 Ista enim omnia requirunt extranei. Scit enim vester cœlestis pater, vos istis omnibus egere.

33 Sed quærite primùm regnum, justitiamque Dei, & ista omnia vobis addentur.

34 Ne este igitur in crastinum solliciti: nam crastinus dies sua curabit: satis est suum cuique diei malum.

C A P U T VII.

Temerarius iudex. Rei sanctæ pretium. Consolatio. Legis caput. Vita lethique junctio. Falsi vatis nota. Arbor diversa. Ficta pietas: hujus pena. Legis cultor ac derisor. Christi auctoritas.

NE judicate, & non judicabimini:

2 Nam quo iudicio judicabi-

tis, eodem judicabimini: & quæ mensura mensi fueritis, eadem vobis remetietur.

3 Quid autem festucam cernis in oculo tui fratris, & trabem in oculo tuo non animadvertis?

4 Aut audebis dicere tuo fratri: Sine eximam ex oculo tuo festucam, cum sit in oculo tuo trabs.

5 Simulator, exime prius ex oculo tuo trabem: & ita demum cernes ad eximendam ex tui fratris oculo festucam.

6 Ne date rem sacram canibus, neve margaritas vestros porcis apponite: ne hi eos pedibus conculcent, illi versi lace- rent vos.

7 Petite & dabitur vobis: quærite, & invenietis: pulsate, & vobis aperietur.

8 Quisquis enim petit, obtinet: & quisquis quærit invenit: & pulsanti aperitur.

9 Jam quis est vestrùm homo, qui petenti filio suo panem, det lapidem?

10 Aut piscem petenti, anguem det?

11 Quòd si vos, qui mali estis, tamen scitis bona dona dare vestris liberis: quantò magis pater vester, qui in cœlis est, dabit bona poscentibus se?

12 Quicquid igitur vultis ut vobis faciant alii, idem vos quoque eis facite: nam ea lex est atque vates.

13 Intrate per angustam portam: nam lata est porta, & ampla via quæ ducit ad interitum, multique sunt qui per eam ingrediuntur:

14 Sed angusta porta, & angusta via est, quæ ducit ad vitam, paucique sunt, qui eam inveniunt.

15 Cavere autem falsos vates, qui quidem venient ad vos in vestimentis ovium, cum intus sint rapaces lupi.

16 Eos ex suis fructibus cognoscetis, Scilicet colligitur ex spinis uva? aut ex tribulis ficus?

17 Ita omnis arbor bona fructus bonos edit: tetra autem arbor fructus malos edit.

18 Non potest arbor bona fructus ferre malos: nec arbor tetra fructus ferre bonos.

19 Omnis arbor bonum fructum non ferens, exciditur, & in ignem conjicitur.

20 Igitur ex suis illos fructibus cognoscetis.

21 Non quisquis mihi dicet, Domine, Domine, intrabit in caeleste regnum: sed qui fecerit quod vult pater meus, qui est in caelis.

22 Multi mihi dicent in illa die: Domine, Domine, nonne tuo nomine vaticinati sumus? Et, tuo nomine daemones expulsumus? Et, tuo nomine multa prodigiose fecimus?

23 Quibus ego tum aperte dicam. Nunquam cognovi vos: Recessite à me malefici.

24 Igitur quisquis hæc mea dicta & audit & exequitur, eum ego cum viro prudenti comparo, qui suam domum in rupem construit:

25 quæ domus delapso imbre, venientibus fluviiis, spirantibus ventis, & in eam irruentibus, non tamen cadit, quippe fundata in rupe.

26 Quisquis verò hæc mea dicta audit, nec exequitur, similiter facit, ac si quis stultus homo suam domum in arena construat:

27 quæ domus, delapsa plu-

tibusque ventis, & in eam impingentibus, corruat, & ingentem ruinam det.

28 Postquam hanc orationem finivit Jesus, stupebat illa hominum turba ad ejus doctrinam,

29 quippe cum doceret eos, ut potestatem præditus, non ut scribæ.

CAPUT VIII.

Leprosi sanitas, & instructio. Centurio pro puero: fideles & infideles ignorati. Petri socrus, miracula Christi tenuitas. Vana sollicitudo. Christus in tempestates. Dæmones in suis. Dimissus Jesus.

DEgressum autem eum de monte, secuta est ingens hominum turba.

2 Tam venit leprosus, qui eum veneratus dixit: Domine, si vis potes me mundare.

3 Et Jesus eum porrecta manu tetigit, dicens: Volo, mundus esto. Ac statim mundata est illius lepra.

4 Et Jesus: vide, inquit, ne cui dicas: sed i ostensum te sacerdoti, & munus offer, quod præcepit Moyses, ut esset eis testimonio.

5 Ingressum autem Jesum Capernaum, convenit Centurio quidam, & hujusmodi verbis oravit.

6 Domine, puer meus jacet domi sideratus, graviterque cruciatur.

7 Cui Jesus: Ego eum sanatum ibo, inquit.

8 At centurio respondens: Domine, non sum dignus, inquit, cujus tu tectum subeas: sed tantum jube verbo, & sanabitur puer meus.

9 Nam ego quoque qui sub alterius sum potestate, si quem eorum quibus præsum militum ire

ire jubeo, it: si alium venire, venit: si servum meum aliquid facere, facit.

10 Hoc audito, miratus Jesus, ita dixit sequentibus: Hoc vobis confirmo, me ne in Israelitis quidem tantam invenisse fidem.

11 Et sane sic habetote, multos ab oriente & occidente venturos, qui cum Abrahamo, Isacco & Jacobo accumbant in regno caelesti:

12 cum interea regii inimas ejicientur tenebras, ubi fletus stridorque dentium futurus est.

13 Tum centurionem alloquens Jesus: Abi, inquit, & ut confidisti, sic tibi accidat. Itaque sanatus est illius puer eadem illa hora: reversusque domum suam centurio eadem illa hora, puerum offendit valentem.

14 Ingressus autem Jesus domum Petri: videns ejus socrum jacentem ac febricitantem,

15 ejus manum tetigit, atque eam reliquit febris: illa vero surgere & eis ministrare.

16 Ubi autem advesperavit, adducti sunt ei furiosi multi: isque verbo spiritus ejecit, & omnes male affectos sanavit:

17 Ut fieret quod fuerat ab Esaia vate dictum his verbis: Is nostras infirmitates, morbosque suscepit atque tulit.

18 Videns autem Jesus ingentem circum sese turbam hominum, jussit L. discipulos G. trajicere.

19 Et aggressus eum quidam Scriba, inquit ei: Magister, sequar te quocunque ibis.

20 Cui Jesus: Vulpes latebras habent, & aereae volucres nidos: sed filius hominis non habet ubi caput reclinet.

21 Alius item ejus discipulorum dixit ei: Domine, per mitte mihi prius ire sepulcrum patrem meum.

22 At Jesus: Sequere me (inquit ei) & mortuos sine suis sepelire mortuos.

23 Ingressum autem eum in navem, secuti sunt ejus discipuli:

24 & ecce tanta tempestas extitit in lacu, ut fluctibus obrueretur navis: Ipse autem dormiebat.

25 Igitur eum aggressi ejus discipuli excitant: Domine, inquit, serva nos, perimus.

26 At ille: Cur timidi estis? (inquit eis) o parum fidentes. Deinde surrexit, & ventos ac lacum increpuit: unde tanta tranquillitas extitit ut admirati homines ita dicerent:

27 Qualis est hic vir, ut ei venti & lacus obediant?

28 Deinde ubi in Gergesenorum agrum trajecit, occurrunt ei duo furiosi ex monimentis prodeuntes, adeo feri, ut illac transire nemo posset.

29 Atque ii sic tum clamabant: Quid tibi nobiscum rei est, Jesu Dei fili? Hucce venisti ante tempus vexatum nos?

30 Cum esset autem procul ab eis numerosus porcorum grex pascentium,

31 daemones eum ita rogant: Si nos ejicis, per mitte nobis inquit porcorum gregem immigrare.

32 Quibus ille: Ite, inquit. Atque illi egressi, in porcorum gregem immigrarunt: Et ecce ruit universus porcorum grex per praeceptum in lacum, suntque in aqua mortui.

33 Pastores autem fugerunt. Et in oppidum profecti, cum alia omnia, tum de furiosis nuntiaverunt.

14 Tum tota civitas exiit obviam Jesu, eoque viso rogarunt a suis finibus discederet.

CAPUT IX.

Palyticus. Christus in noxas. Matthæus electus; publicani Jesu convivæ. Medicus cui: miseratione quanta, ad Johannis discipulos responsio, profluvium mulielre, puella rediuvia. Cæci duo, mutus demone vexatus, messorum inopia.

15 Igitur navem ingressus traiecit & in oppidum suum venit.

2 Tum ei allatus est jacens in lecto fideratus. Et Jesus, videns illorum fidem, dixit fiderato: Confide, nate, remittuntur tibi peccata tua.

3 Hic Scribarum quidam secum cogitare, eum impiè loqui.

4 Quorum cogitationes videns Jesus, ita dixit: Cur vos pravè cogitatis cum vestris animis?

5 Utrum enim facilius est dicere: Remittuntur tibi peccata: an dicere: Surge & ambula?

6 Atque ut sciatis potestatem habere filium hominis in terris peccata condonandi: Surge (invequit tum fiderato) tolle tuum lectum, & abi domum tuam.

7 Atque ille surrexit, domumque suam discessit.

8 Id quod videns hominum turba mirata, Deum collaudavit, is inquit tantam hominibus potestatem dedisset.

9 Illinc digrediens Jesus, conroversus hominem ad publicanæ mensæ sedentem Mattheum nomine, dicit ei: Sequere me. Atque ille surrexit, & cum eo secutus.

10 Eo autem domi accumulare, cum frequentes publicani & improbi venissent, & cum eisque discipulis discum-

perarent,

11 Pharisei id videntes, quaesierunt ex ejus discipulis, cur cum publicanis, & improbis cibum caperet eorum magister.

12 Quo audito Jesus dixit eis: Non egent valentes medico, sed malè affecti.

13 Ite nunc, & discite quid sit: Pietatem malo quàm sacrificium. Non enim veni vocatum infantes, sed fontes ad bonam frugem.

14 Tunc Johannis discipuli eum hujusmodi verbis aggressi sunt: Cur cum nos & Pharisei multum jejunemus, discipuli tui non jejunant?

15 Quibus Jesus: Possuntne mœrere qui celebrant nuptias, quamdiu cum eis sponsus adest? Sed veniet tempus, cum eis sponsus auferetur: tum denum jejunabunt.

16 Neque verò quisquam adhibet rudis panni pittance veteri vestimento: auferret enim id supplementum partem vestis, atque ita deterior ruptura fieret.

17 Neque recondi solet vinum novum in veteres utres; alioquin rumperentur utres, & vinum effunderetur, & utres perirent. Sed vinum novum in recentibus conditur utribus, atque ita ambo conservantur.

18 Hæc eo illis loquente, venit quidam de magistratu, qui ei honore præstito ita dixit: Filia mea modo obiit: sed veni ei impositum manum tuam, & revivifcet.

19 Tum Jesus surrexit, & eum secutus est una cum suis discipulis.

20 Hic quædam mulier, quæ sanguinis profluvio duodecimum annum laborabat, eum aggressa, à tergo, ejus togæ oram tetigit.

21 Sic

21 Sic enim secum ipsa cogitabat : Si vel ejus togam tetigero, salva sum.

22 Jesus autem conversus, ea visa dixit : Confide filia, tua te fiducia servavit. Itaque sanata est mulier eadem illa hora.

23 Ut venit autem Jesus in ædes illius qui magistratum gerebat, viditque tibicines, & turbam tumultuantem,

24 Dixit eis : Discedite, non enim mortua est puella, sed dormit. Illi verò eum deridere.

25 Deinde ejecta turba,prehendit puellæ manum, atque illa surrexit,

26 emanavitque ejus rei fama in totam illam regionem.

27 Inde digredientem Jesum, secuti sunt duo cæci, clamantes in hunc modum : Miserere nostri Davidide.

28 Deinde ingressum in ædes adiëre cæci. Et Jesus : Creditis, inquit eis, posse me id facere ? Etiam Domine, inquirunt.

29 Tunc ille eorum tetigit oculos, dicens : Ut vestra est fiducia, ita vobis accidat.

30 Itaque aperti sunt eorum oculi. Comminatus est autem eis Jesus in hunc modum : Videte ne quis hoc resciscat.

31 At illi digressi, eum per totam illam regionem divulgaverunt.

32 Illis autem digredientibus, allatus est ei mutus homo, furiosus.

33 Unde ejecto dæmonio locutus est mutus : id quod homines vulgò mirati sunt, negantes unquam talia apud Israelitas fuisse visa.

34 At Pharisei dicebant, eum per dæmoniorum principem ejicere dæmonia.

35 Obibat autem Jesus urbes

omnes, atque vicos, docens in eorum conventibus, & regium evangelium publicans, omnemque morbum & languorem sanans vulgò.

36 Visa autem hominum multitudine, misertus est eorum, quòd palantes errarent tanquam pastore carentes oves.

37 Tum suos discipulos sic alloquitur : Messis quidem multa est, sed operarii pauci.

38 Orate igitur messis Dominum, ut operarios emittat in messem suam.

C A P U T X.

Apostolorum potestas, numerus, legatio, nuditas, mandata, delicta, prudentia, probitas, arumna, consolatio, orbis dissidia, beati, piorum fuga, & praesidium. Christus quid praestet : munificentia pondus.

Itaque advocatis duodecim discipulis suis, dedit eis contra spiritus impuros potestatem, ut eos expellerent, & omnes morbos, omnesque languores sanarent.

2 Duodecim autem Apostolorum nomina sunt hæc. Primus Simon cognomine Petrus, & Andreas ejus frater. Jacobus Zebedæi filius, & Johannes ejus frater.

3 Philippus & Bartholomæus. Thomas & Matthæus publicanus. Jacobus Alphæi, & Lebbæus cognominatus Thaddæus.

4 Simon Cananita, & Judas Iscariota, is qui eum prodidit.

5 Hos duodecim dimisit Jesus, eis ita præcipiens : Ad exterarum gentes iter ne habueritis, neve in ullam Samaritanorum urbem intraveritis :

6 Sed ite potius ad perditas Israeliticæ domus oves.

7 Euntes

7 Euntes autem prædicate, dicentes instare cœlestæ regnum.

8 Ægros curate: leprosos purgate: mortuos suscite: dæmonia ejicite: gratis accepistis, gratis date.

9 Ne habete aurum, nec argentum, nec æs in crumenis vestris:

10 Nève peram ad iter, nève binas tunicas, nève calceos, nève baculum. Dignus est enim operarius alimento suo.

11 In quancunque autem urbem aut vicum intraveritis, exquirite ecquis sit in eo dignitate præditus: atque illic manete, donec discedatis.

12 Intrantes autem domum salutate eam, dicentes: Salveat hæc domus,

13 & siquidem erit digna domus, eveniat ei vestra salus. Si non erit digna, revertatur ad vos vestra salus.

14 Quod si quis vos non admiserit, neque vestra dicta audiverit, vos exeuntes ex ea domo, aut urbe, excutite pedum vestrorum pulverem.

15 Hoc à me certò habete, tolerabilius actum iri cum Sodomitanorum Gomorranorumque gente, in die judicii, quàm cum illa urbe.

16 En ego vos dimitto tanquam oves inter lupos: Estote ergo, & astuti, ut serpentes, & sinceri, ut columbæ.

17 Cavete autem homines: sistunt enim vos in concilia, inque suis collegiis verberabunt.

18 Quin ad principes quoque regesque ducemini propter me, ut eis exterisque gentibus sitis testimonio.

19 Cum autem sistunt vos, nolite curare quomodo aut quid

loquamini: suggeretur enim vobis eadem hora, quid loquamini.

20 Non enim vos eritis qui loquemini, sed patris vestri spiritus in vobis loquens.

21 Tradet autem fratrem frater in mortem, & pater filium, consurgentque nati in parentes, & eos occident:

22 eritisque omnibus invisì, propter nomen meum. Qui autem pertulerit ad extremum, is servabitur.

23 Cum autem vos insectabuntur in aliqua urbe, fugite in aliam. Hoc vobis confirmo, non vos antè perlustraveritis urbes Israeliticas, quàm veniat filius hominis.

24 Non est discipulus supra magistrum, neque servus supra dominum suum.

25 Bene agitur cum discipulo, si eadem conditione est, quæ ejus magister: & cum servo, si eadem quæ dominus. Si patrem familias Beelzebulem vocarunt, quantò magis ejus domesticos.

26 Ne igitur eos timueritis. Nihil enim tam tectum est, quod non sit detegendum: aut tam occultum, quod non sit cognoscendum.

27 Quod vobis in tenebris dico, dicite in luce: Et quod in aurem auditis, prædicate in testis:

28 & ne formidate eos, qui corpus interficiunt, sed animam interficere nequeunt. Quin magis eum formidate, qui potest & animam & corpus in gehennam perdere.

29 Cum duo passeruli asse veneant, namen nullus eorum cadit humi sine patre vestro.

30 At vestrum etiam capilli capitis omnes numerati sunt.

31 Ne

31 Ne formidaveritis igitur : longè passeribus antecellitis vos.

32 Quisquis ergo me agnovit apud homines, ego eum quoque agnoscam apud patrem qui in cœlis est.

33 Qui verò me negaverit apud homines, ego eum quoque negabo apud patrem meum, qui in cœlis est.

34 Nolite arbitrari, me venisse conciliatum pacem in terris : non veni conciliatum pacem, sed bellum.

35 Veni enim ad diffociandum filium à patre suo, & filiam à matre, & nurum à socru,

36 ita ut homines inimicos habituri sint suos domesticos.

37 Qui patrem aut matrem amat supra me, non est me dignus : Et qui filium aut filiam amat supra me, me non est dignus :

38 & qui non sumit suam crucem, & me sequitur, non est me dignus.

39 Animam suam qui invenierit, perdet : Et qui animam suam mea causa perdiderit, inveniet;

40 Qui vos accipit, me accipit : Et qui me accipit, eum accipit qui me misit.

41 Qui vatem nomine vatis accipit, vatis mercedem accipiet : Et qui justum justî nomine accipit, justî mercedem accipiet :

42 Et qui horum minimo vel poculum frigidæ bibendum dederit nomine discipuli, scitote eum non frustratum iri mercede sua.

C A P U T XI.

Ad Johannem Christi responsum; Baptista laus, isto quis prior. Increpati Judæi, omnia dira in oppida. Christi ad patrem pro-

ces, afflictorum solamen. Christi jugum.

Postquam desit Jesus suis præcipere duodecim discipulis, digressus est illinc, ut in illorum urbibus doceret ac concionaretur.

2 Johannes autem, cum audivisset in vinculis opera Christi, misit suorum discipulorum duos, qui ita dicerent :

3 Tunc is es qui venturus est ? an alius nobis est expectandus ?

4 Quibus respondit Jesus in hunc modum : Ite renunciatum Johanni quæ auditis & videtis.

5 Cæci vident, & claudi ambulant : Leprosi purgantur, & surdi audiunt : Mortui resurgunt, & pauperes Evangelium docentur :

6 & felix est qui in me non offenderit.

7 Eis autem abeuntibus, cœpit Jesus hominum turbæ sic de Johanne dicere : Ad quid spectandum egressi estis in solitudinem ? Arundinem vento agitatam ?

8 Veruntamen ad quid videndum exiistis ? Hominem mollihus indutum vestibus ? At qui molles gestant sunt in regum domibus.

9 Sed ad quem tandem videndum exiistis ? Vatem ? Etiam (inquam vobis) & plusquam vatem.

10 Hic est enim de quo scriptum est : Ego tibi meum nuncium præmissurus sum, qui tibi viam præparet.

11 Scitote enim nullum in sceminarum natis majorem extitisse Johanne Baptista ; & tamen qui est in regno cœlesti minimus, major est eo.

12 A tempore autem Johannis Baptistæ, hætenus, cœleste regnum expugnatur, idque rapiunt violenti.

13 Omnes enim vates atque ex ad Johannem usque vaticinati sunt :

14 & si eum vultis accipere, is est Elias ille venturus.

15 Qui aures habet ad audiendum, audiat.

16 Cui verò comparabo hanc nationem? Perinde est, ac cum versantes in foro pueri clamant ad æquales suos in hunc modum :

17 Fistulavimus vobis, neque saltastis: Ejulavimus vobis, neque planxistis.

18 Venit enim Johannes, qui neque comedit neque bibit; & eum dicunt esse furiosum.

19 Venit filius hominis, qui & comedit & bibit; & eum dicunt hominem esse voracem, vinosum, publicanorum, & improborum amicum: Estque suis aliena sapientia.

20 Deinde cœpit in civitates invehì, quæ cum in eis tot fuissent ejus edita miracula, tamen non rediissent ad frugem.

21 Væ tibi Chorazim, væ tibi Bethsaidan: Nam si Tyri & Sidone edita forent, quæ in vobis edita sunt miracula, jampridem in centonibus, & pulvere vitam correxissent.

22 Itaque sic habetote, cum Tyro & Sidone mitius actum iri in die judicii quàm vobiscum.

23 Et tu Capharnaum, quæ ad cœlum usque elata es, ad inferos deprimeris. Nam si Sodomiseadem, quæ in te, edita fuissent miracula, mansissent ad hodiernum diem.

24 Itaque scitote tolerabiliorem fore Sodomitanæ nationis conditionem in die judicii, quàm tuam.

25 Aliquando Jesus locutus in hunc modum est: Ago tibi gratias, pater, cœli terræque Domine, qui hæc sapientes, peritòsque celaveris, & infantibus patefeceris:

26 Idque & pater, quoniam sic tibi placitum est.

27 Omnia mihi tradita sunt à patre meo, neque quisquam filium cognoscit, nisi pater: neque patrem quisquam cognoscit, nisi filius, & cui voluerit filius patefacere.

28 Venite ad me omnes laborantes & onusti, & ego recreabo vos:

29 subite jugum meum, & à me discite, qui mitis sum, & animo summissus: Et invenietis animis vestris requiem.

30 Meum enim & jugum commodum, & onus leve est.

CAPUT XII.

Causa de spicis pro discipulis in Judæos, miseratio. Jesu majestas. Judæi confutati, contracta manus. In Christum conjuratio. Vaticinium de Christi ingenio. In Jesum calumnia diluta. Peccatum inexcusabile. Pharisei increpati. Judicii severitas. Qui petant signa. Spiritus oberrans. Jesu confanguinei.

Quodam tempore ibat Jesus Sabbatis per sata: ejus autem discipuli cum esurirent, cœperunt spicas vellere atque vesci.

2 Quo visò, Pharisei dixerunt ei: En faciunt tui discipuli, quod in Sabbato facere non licet.

3 Quibus ille: Non legistis, inquit, quid fecerit David cum aliquando esuriret ipse & ejus comites?

4 Ut ingressus sit Dei domum, & apposuit panes comedere,

rit, quibus nec ei licebat, nec ejus comitibus vesci, sed solis sacerdotibus?

5 An non legistis in lege, Sabbatis in sano sacerdotes Sabbatum profanare? & tamen insontes sunt.

6 Atqui scitote, hic majorem esse sano.

7 Quod si sciretis quid sit, Pietatem malo, quam sacrificium: non damnaretis insontes.

8 Est enim Sabbati quoque dominus filius hominis.

9 Inde profectus venit in eorum collegium,

10 ubi cum homo esset manum habens tabidam, illi ex eo, an sabbatis sanare licet, quaesiverunt, ut eum criminarentur.

11 Quibus ille: Quis homo vestrum est, inquit, qui si vel unam ovem habeat, quæ Sabbatis in foveam deciderit, non eamprehendat & attollat?

12 Quantum autem ovi præstat homo? Ergo licet Sabbatis benefacere.

13 Deinde dicit homini: Porrige manum tuam: atque ille porrexit: eaque tam sana redita est, quam erat altera.

14 Pharisei verò egressi, consilium de eo perimendo ceperunt.

15 Quo cognito, Jesus illinc discessit, sequente eum ingenti hominum multitudine: quos omnes sanavit,

16 eisque interminatus est, ne se palam facerent,

17 ut fieret illud ab Esaia vate dictum his verbis.

18 Ecce meus servus, quem elegi: dilectus meus, animo meo charissimus. Eum spiritu meo donabo, isque jus dicet gentibus.

19 Non rixabitur, nec clama-

bit, nec ejus vocem quisquam per plateas audiet:

20 quassatam arundinem non perfringet, neque fumigans lignum extinguet, eousque ut jus perducatur ad victoriam,

21 atque in ejus nomine spes gentes habebunt.

22 Tunc allatus est ei furiosus cæcus & mutus quem ille sanavit, ita ut cæcus & mutus loqueretur ac videret.

23 Qua re attonitum omne hominum vulgus sic dictare: Num hic est Davidides?

24 Et Pharisei eis auditis, dicere, eum non nisi per Beelzebulem dæmoniorum principem ejicere dæmonia.

25 Quorum cogitationes intelligens Jesus, dixit eis: Omne regnum ab sese dissidens, desolatur, & omnis civitas aut familia secum ipsa dissidens, non stat.

26 Quod si Satanas Satanam expellit, ipse sibi adversatur. Qui fieri potest igitur, ut stet ejus regnum?

27 Quod si ego per Beelzebulem ejicio dæmonia, vestri generis homines per quem ejiciunt? Itaque ii vestri erant iudices.

28 Sin ego per Dei spiritum ejicio dæmonia, sequitur, vobis advenisse divinum regnum.

29 Qui posset enim quis in alicujus potentis ingredi domum, ejusque supellectilem diripere, nisi prius potentem illum vinciat, ut tum demum ejus diripiat domum?

30 Qui à me non est, contra me est: & qui mecum non congruit dissipat.

31 Itaque sic habetote: omne peccatum ac maledictum ignoscetur hominibus, at maledictum

etum adversus spiritum non
nosceretur.

32 Et si quis quid dixerit
contra filium hominis, ignosce-
tur ei: at si quis contra san-
ctum spiritum dixerit, non ig-
nosceretur ei nec in hoc seculo,
nec in futuro.

33 Aut facite arborem bo-
nam, & ejus fructum bonum:
et facite arborem tetram, &
ejus fructum terrum: ex fructu
nimis arbor cognoscitur.

34 Viperina proles, quomodo
possitis bene loqui, cum sitis
serpenti? Nam ex animi redun-
dantia loquitur os.

35 Bonus homo ex bono ani-
mi promptuario bona depromit:
malus homo ex malo prom-
ptuario mala depromit.

36 Scitote autem quodcum-
que malum verbum locuti fue-
rint homines, reddituros esse
ejus rationem in die judicii.

37 Ex tuis enim dictis absol-
veris, & ex tuis dictis damna-
veris.

38 Tum Scribarum & Phari-
seorum quidam sic locuti sunt:
Magister vellemus à te signum
videre.

39 Quibus ille respondens:
Prava & adulterina natio sig-
num quærit, & signum ei non
dabitur nisi signum Jonæ vatis.

40 Ut enim fuit Jonas in
ventre ceti tres dies, & totidem
noctes: sic erit filius hominis
in terræ medietate tres dies &
totidem noctes.

41 Homines Ninivitæ surgent
in judicio cum hac natione, e-
amque condemnabunt, quod ad
Jonæ præconium redierint ad
frugem, cum hic sit plus quid-
dam quam Jonas.

42 Regina Austri surget in
judicio cum hac natione, eam-

que condemnabit, quod ab ul-
timis usque terris venerit ad au-
diendum Solomonis sapientiam,
cum hic sit quiddam Solomone
præstantius.

43 Cum autem spiritus im-
purus ex homine migravit, per-
agrat siticulosa loca, requiemem
quærens: quam ubi non inve-
nit,

44 statuit domum suam, un-
de migraverat, repetere. Post-
quam eo venit, ubi eam vacan-
tem, versam, ornatamque nan-
ciscitur,

45 vadit ascitum sibi septem
alios spiritus pejores se, eoque
ingressi ibi degunt, sitque po-
sterior illius hominis conditio
priori deterior. Sicut erit &
malæ huic nationi.

46 Adhuc eo vulgus alloquen-
te, aderant foris ejus mater &
fratres eum volentes alloqui.

47 Et quidam ei ira dixit:
Vdsunt foris tua mater & fra-
tres, te volentes alloqui.

48 Ad ille ei, qui id sibi di-
xerat, ita respondit: Quæ est
mea mater? & qui sunt mei
fratres?

49 Tum porrecta ad discipu-
los suos manu, Ecce mea mater,
inquit fratresque mei.

50 Quisquis enim voluntatem
exequitur mei patris, qui est in
cælis, is meus frater, & soror,
& mater est.

CAPUT XIII.

*Parabola sati seminis, Zizanio-
rum, sinapis, fermenti, the-
sauri, mercatoris. Christi po-
pulares.*

QUODAM autem die egressus
domo Jesus sedit apud la-
cum:

2 tantaque ad eum convenit
hominum multitudo, ut ipse con-
scensâ navi federet, & astant

ad littus omni multitudine,

3 eos multis per similitudines alloqueretur in hunc modum: Aliquando profectus est quidam fator ad ferendum:

4 atque eo ferente alia ceciderunt ad viam, sed venerunt volucres, quæ ea comederunt.

5 Alia ceciderunt in faxetum: ubi cum non multum terræ haberent, celeriter exorta sunt, quod profunda terra carerent.

6 Deinde orto Sole, æstuantia, defectu radicis aruerunt.

7 Alia ceciderunt in spinas, eaque crescentibus spinis suffocata sunt.

8 Alia in bonam delapsa terram, fructum extulerunt partim cum centesimo, partim cum sexagesimo, partim cum trigésimo.

9 Qui aures habet ad audiendum, audiat.

10 Tum cum his verbis convenerunt ejus discipuli: Cur eos per similitudines alloqueris?

11 Quibus ille respondit ita: Quoniam vobis, regni cœlestis arcana nosse datum est: at illis non datum est.

12 Qui enim habet, huic dabitur, isque abundabit: qui vero non habet, huic etiam quod habet, auferetur.

13 Propterea per similitudines eos alloquor, quoniam videntes non vident, & audientes non audiunt, nec intelligunt.

14 In eisque comprobatur illud Esaïæ oraculum, quod sic habet: Audiētis quidem, sed non intelligētis: & ita videbitis, ut non perspicīatis.

15 Obtorpuit enim animus hujus populi, & auribus obtusæ audiunt, & claudunt oculos, ne & oculis videant, & auribus au-

diant, & animo intelligant, redeantque ad frugem, atque in ego eis medear.

16 Vestri verò beati sunt oculi, qui videant: & aures quæ audiant.

17 Scitote enim, multos vates & justos cupiisse videre quæ cernitis vos, neque tamen vidisse: & audire quæ auditis vos, nec tamen audivisse.

18 Vos igitur audite de fatore similitudinem.

19 Cum quis regium sermonem audit, nec intelligit, supervenit Malus, qui satum in ejus animo rapit. Hic est qui secundum viam satis est.

20 Qui autem in faxetum satatus est, is est qui sermonem audiens, protinus accipit cum lætitia:

21 sed radicem in sese non habet, estque temporarius: ac exorta propter sermonem calamitate ac vexatione statim desiscit.

22 Qui autem in spinas satatus est, is est qui sermonem audit quem sermonem hujus vitæ sollicitudo, & divitiarum fraus ita suffocat, ut sit infructuosus.

23 Qui verò in terram bonam satatus est, is qui sermonem, & audit & intelligit, qui sane fructum fert: redditque alius centuplum, alius sexagecuplum, alius trigecuplum.

24 Aliam similitudinem eis proposuit his verbis: Similiter accidit in cœlesti regno, ut in homine qui bonum semen sevit in fundo suo;

25 Sed dormientibus hominibus, ivit ejus inimicus satum malas herbas inter frumentum ac discessit.

26 Deinde ubi germinavit herba, ediditque fructum, tunc apparuit

apparuerunt etiam malæ her-
bas.

27 Igitur servi patremfami-
lias sic convenerunt: Here, non-
ne bonum semen in fundo tuo
seminasti? Unde igitur habet
malas herbas?

28 Quibus ille: Inimicus
homo id fecit, inquit. Et ser-
vi: Vis igitur ut eas lectum ea-
mus?

29 Non (inquit ille) ne fortè
egentes malas herbas, frumen-
tum unà cum eis eradicetis.

30 Sinite ambo crescere usque
ad messem. Messis tempore man-
dabo messoribus, ut primùm ma-
las herbas legant, & in manipu-
los colligant comburendas: fru-
mentum autem in meum com-
porrent horreum.

31 Aliam similitudinem illis
proposuit his verbis: Simile est
cœleste regnum grano sinapis,
quod capit homo, & in fundo
terre serit:

32 quod, cum vel minimum
est omnium seminum, ubi ado-
ravit, est olerum maximum, ar-
drescitque ita, ut in ejus ramis
edificatum veniant aeræ vo-
lucres.

33 Aliam similitudinem lo-
cutus est eis: Simile est cœle-
ste regnum fermento, quod ca-
pit mulier & in farinæ lata tria
aplum, donec tota fermenten-
tur.

34 Hæc omnia plebi elocutus
Jesús per similitudines, nec
ut in fine similitudine alloqueba-
tur.

35 ut fieret quod ab Esaia
prædictum fuerat his ver-
bis: Aperiam in similitudines
meum, effabor, quæ ab orbe
abditæ sunt.

36 Deinde relicta hominum
similitudine, venit domum Jesús,

quem sui discipuli convenerunt
hujusmodi verbis! Ediffere no-
bis similitudinem de fundi malis
herbis.

37 Quibus ille respondit in
hunc modum: Qui bonum se-
men ferit, filius hominis est.

38 Fundus est mundus, Bo-
num semen, regii sunt. Malæ
herbæ sunt Mali filii.

39 Inimicus, earum sator, est
Diabolus. Messis est finis ævi:
messores angeli sunt.

40 Ut igitur colligantur her-
bæ malæ, & igni cremantur, sic
erit in hujus ævi fine.

41 Mittet filius hominis suos
angelos, qui ex ejus regno om-
nia detrimenta maleficisque col-
ligent,

42 & in ignis fornacem con-
jicient, ubi ploratus erit, den-
tiumque stridor.

43 Tunc iusti Solis ritu relu-
cebunt in regno sui patris. Qui
habet aures ad audiendum, au-
diat.

44 Item simile est cœleste
regnum abdito thesauro in agro,
quem nactus aliquis homo occul-
lit, & præ lætitia it venditum
suas omnes facultates, eumque
fundum emit.

45 Item perinde est cœleste
regnum, ac si quis mercator ho-
mo bonos quærat uniones,

46 & unum nactus preciosum
unionem, eam venditum suas
omnes facultates, eumque com-
paret.

47 Item simile est cœleste
regnum, jacto in mare everri-
culo, & cujusque modi res colli-
genti.

48 Quod repletum subducunt
in littus, & sedentes quæ bona
sunt congerunt in vasa, mala au-
tem foras jaciunt.

49 Sic erit in ævi fine. Pro-
dibunt angeli, qui malos sepa-
rabunt à justis,

50 & in ignis fornacem con-
jicient, ubi ploratus erit stridor-
que dentium.

51 Intelligitis hæc omnia ?
inquit eis Jesus. Etiam Domine,
inquiunt illi.

52 Erille: itaque (inquit eis)
omnis eruditus, regni cœlestis
res edoctus, similis est homini
patrifamilias, qui ex promptu-
ario suo & recentia deprœmit &
vetera.

53 Postquam finem fecit Je-
sus his similitudinibus, discessit
illinc,

54 & in suam patriam profe-
ctus, docebat conterraneos suos
in eorum collegio, ita ut aironi-
ti sic dicerent: Unde huic ea
sapientia atque vires?

55 Nonne hic est fabri filius?
nonne ejus mater ea est quæ
Maria vocatur? ejusque fratres
Jacobus, & Joses, & Simon, &
Judas,

56 & ejus sorores nonne sunt
omnes apud nos? Unde igitur
huic hæc omnia?

57 Itaque in eo offendeban-
tur. At Jesus: Non est (inquit
illis) vates inglorius, nisi in sua
patria atque domo.

58 Itaque non multa illic effi-
cavit miracula, propter eorum
incredulitatem.

C A P U T XIV.

*Baptista obtruncatio, ac sepultura.
Jesu secessus, panes quinque,
duoque pisces. Per undas Jesus.
Petri discrimen. Christus in flu-
tibus, ac morbos.*

IER id tempus audiens Hero-
des, quartæ partis rex, quæ
de Jesu dicebantur,

2 dixit suis, eum esse Johan-
nem Baptistam, qui revivisset,

ideoque eam miraculorum effica-
ciam haberet.

3 Ceperat enim Johannem
Herodes, & vinctum dederat in
custodiam, propter Herodiadem
Philippi sui fratris uxorem,

4 quod Herodi dixisset Jo-
hannes, ei non licere eam ha-
bere.

5 Cumque veller eum occi-
dere, metuebat vulgus, quod il-
lum pro vate habebant.

6 Celebrandis autem Herodis
natalibus, saltavit Herodiadis fi-
lia in medio: adeoque placuit
Herodi,

7 ut ei cum jurejurando pro-
miserit, daturum esse, quicquid
ea postulasset.

8 Illa verò subornata à matre
sua, dixit: Da mihi hic in pa-
rina caput Johannis Baptistæ.

9 Voluit rex: sed propter
jursurandum & convivas, jussit
ei dari:

10 misitque decollatum Jo-
hannem in carcere,

11 allatumque est ejus caput
in patina, & puellæ traditum
quæ id matri suæ tulit.

12 Ejus autem discipuli e-
jus corpus sublatum iverunt, ac se-
peliverunt, & rem Jesu nunci-
tum iverunt.

13 Eo audito Jesus discessit
illinc, in navi, in desertum
eum, seorsum: quo audito, se-
cutum est eum pedibus vulgus
hominum ex urbibus.

14 Et egressus Jesus anima
vertens tantam hominum multi-
tudinem, misertus est eorum,
navitque ægrotos eorum.

15 Sub vespèram autem e-
gressi sunt eum ejus discipuli
jussimodi verbis: Desertus est
locus, & hora jam præterit: dimi-
te hanc hominum turbam, ut
vicos eant emptum sibi cibari.

16 Qui

16 Quibus Jesus: Non est opus, ut abeant, inquit: præbe te vos eis quod comedant.

17 At illi: Non habemus hic nisi quinque panes, & duos pisces.

18 Et ille: Afferte huc, inquit, eos mihi.

19 Deinde iussa hominum multitudine per gramina discumbere, sumptis quinque panibus duobusque piscibus, in cælum intuens, laudes egit: fractosque panes tradidit discipulis, discipuli porro multitudini:

20 Atque illi comederunt omnes ad satietatem, sublataque sunt reliquiarum fragmentorum duodecim canistra plena.

21 Qui comederunt autem, erant virorum circiter quinque millia, præter scæminas & parvulos.

22 Deinde statim coegit Jesus suos discipulos navim conscendere, & ante se trajicere, dum ipse hominum multitudinem dimittit.

23 Multitudine dimissa, montem conscendit seorsum precandi gratia. Vespere autem cum solus illic esset,

24 jam navis erit in medio lacu, & fluctibus vexabatur: quippe contrario vento.

25 Quarta autem noctis vigilia, venit ad eos Jesus, per lacum ambulans.

26 Quem in lacu ambulantem conspicati ejus discipuli, turbati sunt, spectrum esse dicentes, & præ timore exclamarunt.

27 Hic protinus eos alloquens Jesus: Bono este animo, inquit, ego sum, ne metuitis.

28 Et Petrus respondens:

Domine, inquit, si tu es, jubere me ad te venire per aquam.

29 Et ille: Veni. Tum degressus de navi Petrus, ingreditur per aquam, ut Jesum adiret.

30 Sed ventum cernens vehementem timuit: & summergi incipiens, sic exclamavit: Domine serva me.

31 Tum Jesus continuo porrecta manu eumprehendit, & O parum fidens, inquit ei, cur dubitasti?

32 Deinde eis navem ingressis, placatus est ventus.

33 Qui verò erant in navi, ei honorem præbitum venerunt, dicentes: Verè dei filius es.

34 Ita trajecto lacu venerunt in Gennezarethanum agrum.

35 Eo cognito: incolæ significarunt per omnem finitimam regionem, ut ei adducerentur quibuscunque malè erat,

36 eumque orabant ut vel ejus togæ laciniam tangerent: ac quotquot tetigerunt, sanati sunt.

CAPUT XV.

Pro suis Christus, de lotionem manuum objurgantur iniqui. Quæ vitient. Chananæa repulsa: favor. Miracula multa. Septem panes, pisciculi que.

TUM Hierosolymitani Scribæ & Pharisei Jesum his verbis conveniunt:

2 Cur faciunt tui discipuli contra veterum institutum? quippe qui non lavent manus, cum cibum capiunt.

3 Quibus ille respondit in hunc modum: Cur & vos instituto vestro contra Dei præceptum facitis?

4 Deus enim sic præcepit: Honora patrem atque matrem: & qui patri matrive maledixerit, morte plectatur:

5 At vos dicitis, si quis suo patri matrive dixerit, sua donaria illi profutura,

6 nihil opus esse ut patrem matremve honoret. Atque ita vestro instituto Dei præceptum rescidistis.

7 Simulatores: rectè vaticinatus est de vobis Esaïas, dicens:

8 Hic populus me & ore accedit, & labiis honorat, sed eorum animus procul abest à me.

9 Frustra autem me venerantur, humanorum præceptorum doctrinam docentes.

10 Deinde advocata, hominum multitudo: Audite (inquit eis) & intelligite.

11 Non quod in os intrat, coinquinat hominem, sed quod ex ore prodit, id coinquinat hominem.

12 Tunc eum aggressi ejus discipuli, dixerunt ei: Ecquid scis Phariseos, audito isto dicto, esse offensos?

13 At ille respondens: Omnis planta, inquit, quam meus pater celestis non plantavit, extirpabitur.

14 Sinite eos: duces sunt cæci cæcorum. Cæcus autem cæcum si ducat, ambo in foveam cadent.

15 Hic Petrus eum allocutus est in hunc modum: Explica nobis hanc similitudinem.

16 Et Jesus: Adeone etiam vos tardi estis? inquit:

17 An nondum intelligitis, quicquid in os intrat, id in ventrem ferri, & in latrinam ejici?

18 At quæ ex ore egrediuntur,

tur, ex animo prodeunt, atque ea polluant hominem.

19 Ex animo enim prodeunt malæ cogitationes, cædes, adulteria, stupra, furta, falsa testimonia, maledicta:

20 Hæc sunt quæ polluant hominem. Sed illotis manibus cibum capere, non polluit hominem.

21 Inde profectus Jesus, consultit se in Tyrios Sidoniosque tractus.

22 Et ecce mulier Chanaan, ab illis profecta finibus, clamabat ad eum his verbis: Miserere mei Domine Davidide: filia mea malè furiata est.

23 Sed cùm ille nihil ei respondisset, aggressi eum ejus discipuli sic rogare: Absolve eam, clamat enim ponè nos.

24 At ille respondens: Non sum missus, inquit, nisi ad oves perditas Israeliticæ domus.

25 Cumque illa venisset, & ei præbens honorem diceret: Domine, succurre mihi:

26 ille sic respondit: Non convenit sumere liberorum panem, & obicere catellis.

27 Et illa: Ita est, Domine, & tamen catelli quoque comedunt de micis, quæ decidunt de mensa dominorum suorum.

28 Tum Jesus respondens: O mulier, inquit ei, magna est tua fiducia: obtineto quod vis. Ita sanata est ejus filia, eadem illa hora.

29 Illinc digressus Jesus venit ad lacum Galilææ, & confesso monte confedit ibi,

30 ad quemque venit ingens hominum multitudo, qui secum habebant claudos, cæcos, mutos, mutilos, & alios multos quos ad Jesu pedes abjecerunt atque ille eos sanavit,

31 ita ut vulgò, videntes mutos loquentes, mutilos sanos, claudos ambulantes, cæcos videntes, mirarentur, Israelitarumque Deum collaudarent.

32 Jesus autem, advocatis discipulis suis, dixit: Miseret me hujus hominum multitudinis, qui jam triduum apud me hærentes, non habent, quod comedant: & eos dimittere jejunos nolo, ne defethiscantur in via.

33 Cui discipuli: Unde nobis in solitudine tot panes, inquirunt, ut satietur tanta multitudo?

34 Et Jesus: Quot panes habetis? inquit eis. Septem, inquirunt: & paucos pisciculos.

35 Tum ille jussit multitudinem humi discumbere:

36 sumptosque septem panes, & pisces, actis laudibus, fregit, suisque discipulis tradidit, & discipuli multitudini,

37 omnesque comederunt ad satietatem, suntque sublatae frustorum reliquæ plenæ septem sportis.

38 Qui comederunt autem, erant virorum quatuor millia, præter fœminas & pueros.

39 Deinde dimissa hominum multitudo, conscensâ navi, venit in fines Magdalanos.

CAPUT XVI.

Pharisæorum quæstiones, objuratio, fermentum. Apostolorum infirmitas. Quis Christi naturam doceat. Ecclesia fundamentum, robur, claves. Imperatum de Christo silentium. Prædicta mors. Petri temeritas. Crux fidelium. Quanti beatitudo.

TUM eum aggressi Pharisei & Sadducei, tentandi gratia rogant, ut sibi signum de cælo ostendat.

2 Quibus ille respondens: Sub vesperum, inquit, dicitis: Serenum erit, rubet enim cælum.

3 Et manè: Hodie tempestas erit, nam triste rubet cælum. Simulatores, cæli faciem scitis dignoscere: temporum signa non potestis?

4 Prava adulterinaque natio signum quærit, nec ullum ei signum dabitur, nisi signum Jonæ vatis. Deinde relictis illis discessit.

5 Cùm trajecissent autem ejus discipuli, obliti fuerant panes sumere.

6 Et Jesus dixit eis: Videte ut Phariseorum Sadducæorumque fermentum cavearis.

7 Illi verò secum ipsi cogitabant, illud eò pertinere, quod non sumpsissent panes.

8 Id quod intelligens Jesus, dixit eis: Quid apud vos cogitatis, parum fidentes: non sumpsisse panes?

9 An nondum intelligitis, neque meministis quinque panes illorum quinque millium, & quot canistra receperitis?

10 Neque septem panes quatuor millium, & quot receperitis sportas?

11 Qui sit ut non intelligatis, non me vobis de pane dixisse, cavendum esse fermentum Phariseorum, ac Sadducæorum?

12 Tunc illi intellexerunt, non eum hoc dixisse, cavendum esse panis fermentum, sed Phariseorum, Sadducæorumque doctrinam.

13 Cùm venissent autem Jesus in tractum Cæsareæ Philippi, interrogavit suos discipulos his verbis: Quem me dicunt homines esse, me filium hominis?

14 Cui illi : Hi Johannem Baptistam, illi Eliam, alii Jeremiam, aut vatam aliquem.

15 Et ille : Vos verò (inquit eis) quem me esse dicitis ?

16 Cui Simon Petrus ita respondit : Tu es Christus Dei viventis filius.

17 Et Jesus ei respondens : Beatus es, inquit Simon Jonai-de, quoniam non patefecit istud tibi caro & sanguis, sed pater meus qui in cœlis est.

18 Ego quoque tibi dico : Tu es Petrus, & in hac petra construam meam ecclesiam, quam Orci portæ non superabunt :

19 tibi que cœlestis regni claves dabo, ac quicquid in terra ligaveris, erit ligatum in cœlis : & quidquid in terra solveris, erit solutum in cœlis.

20 Tunc præcepit suis discipulis, ut nemini dicerent se esse Jesum Christum.

21 Deinceps cœpit Jesus demonstrare suis discipulis, sibi eundum esse Hierosolymam, & multa à senatoribus & pontificibus scribisque patienda, sequæ occidendum, & tertio die revicturum.

22 Hic Petrus eum prehensum cœpit objurgare, dicens : Parce tibi, Domine, non accidet istud tibi.

23 At ille versus : Abi pone me, Satana, inquit Petro : impedimento mihi es : quippe qui non divina, sed humana sapias.

24 Deinde dixit Jesus discipulis suis : Si quis me vult sequi, renunciet ipse sibi, tollatque crucem suam, & me sequatur.

25 Nam qui animam suam servare voluerit, eam perdet : qui verò animam suam mea causa perdiderit, eam inveniet.

26 Quid enim proderit homini, si vel totum mundum lucretur, & animæ suæ jacturam faciat ? aut quid dabit homo, quò animam suam æquiparet ?

27 Est enim venturus filius hominis in sui patris gloria, cum suis angelis : ac tunc pro suis quemque factis remunerabitur.

28 Hoc vobis certò dico, esse quosdam eorum qui hic adsunt, qui non prius mortem gustabunt, quàm videant filium hominis venientem in regno suo.

C A P U T XVII.

Christi transformatio. Moses, & Elias. Petri futilitas. Vox cœlestis. Joannes, Elias. Lunaticus. Apostolorum dissidentia. Fidei, precum, & jejunii virtus. Supplicium prædictum. Christi tributum, ac Petri.

Post sex autem dies adhibet Jesus Petrum, & Jacobum, ejusque fratrem Johannem, & in arduum montem seducit,

2 ac coram eis transfiguratus est, ejusque & facies solis modo resplenduit, & vestimenta tam candida facta sunt, quàm est lux.

3 Et ecce conspecti sunt eis Moses, & Elias cum eo colloquentes.

4 Tum Petrus Jesum alloquens : Domine, inquit, bonum est hic esse nos, Si vis, faciamus hic tria tabernacula : tibi unum, Moysi unum, & Eliaz unum.

5 Adhuc eo loquente, ecce lucida nubes illos obumbravit, & ex nube vox extitit, ita dicens : Hic est meus charissimus filius, qui mihi acceptus est : hunc audite.

6. Hoc audito, magnopere territi discipuli, cecidere proni.

7 At Jesus eos aggressus, tetigit. Surgite, inquit, neve metuite.

8 Tum illi sublati oculis neminem viderunt, nisi solum Jesum.

9 Descendentibus autem eis de monte, præcepit eis Jesus, ne cui visum illud dicerent, donec filius hominis à mortuis resurrexisset.

10 Tunc discipuli sic eum interrogant: Quid ergo dicunt Scribæ, Eliam oportere venire prius?

11 Quibus respondens Jesus: Venturus est quidem prius Elias, & instauraturus omnia.

12 Sed scitote Elam jam venisse, quem illi non agnoverunt, sed ei quæ voluere fecerunt. Sic & filius hominis ab eis passurus est.

13 Tunc intellexerunt discipuli, eum id sibi de Johanne Baptista dixisse.

14 Ut autem pervenerunt ad hominum multitudinem, aggressus eum quidam homo, conculans:

15 sic dixit: Domine misere mei filii, qui lunaticus est, & malè habet. Nam sæpe in ignem, sæpe cadit in aquam.

16 Et quidem eum tuis discipulis adduxi: sed eum non potuerunt sanare.

17 Et Jesus respondens: O incredula, inquit, pravaque natio: quousque vobiscum ero? quousque vos feram? Adducite huc eum mihi.

18 Deinde illum increpuit Jesus, exiitque ex eo dæmonium, & sanatus est puer eadem illa hora.

19 Tum aggressi Jesum discipuli seorsum, quæsierunt,

cur ipsi non potuissent illud expellere.

20 Propter incredulitatem vestram, inquit eis. Hoc enim vobis confirmo, si tantum fidei habueritis, quantum est granum sinapis, si dixeritis huic monti, Migra istinc illuc, migrabit: nihilque non poteritis.

21 Cæterum hoc genus non exit, nisi per preces & jejuni-um.

22 Versantibus autem eis in Galilæa, dixit eis Jesus: Tradendus est filius hominis in hominum manus,

23 qui eam interficiet, isque tertio die resurget. Id illis valde doluit,

24 Cum venissent autem Capharnaum, hujusmodi verbis adorti sunt Petrum, qui didrachma exigebant. Non pendit magister vester didrachma?

25 Etiam, inquit ille. Deinde ubi domum ingressus est, prævenit eum Jesus his verbis: Quid tibi videtur, Simon? reges orbis à quibus tributa aut centum exigunt? à suisne, an ab alienis?

26 Ab alienis, inquit ei Petrus. Et Jesus: Ergo sui sunt liberi, inquit ei.

27 Sed ne eos offendamus, i ad lacum, & hamum jacito: & qui primus extrahetur piscis, eum tollito; & aperto ejus ore staterem invenies: eum capito, & illis pro me reque dato.

CAPUT XVIII

Mansuetudo quanta, offensi humiles. Scandala. Christi munus. Pastoris comparatio. Ludentium castigatio. Discipulorum auctoritas. Concordia. Christus ubi. Condonata injuria. Rex rationes repescens. Inclementum pæna.

Illa hora discipuli Jesum con-
venerunt, quærentes quis
futurus esset in regno cœlesti
maximus.

2 Et Jesus advocatum pue-
rum collocavit inter eos, & :
Hoc vobis, inquit, confirmo,
nisi mutati fueritis,

3 & pueris similes redditi,
non intrabitis in cœleste reg-
num.

4 Quisquis ergo seipsum sum-
miserit, ut est hic puer, is erit
in regno cœlesti maximus.

5 Et quisquis hujusmodi pue-
rum meo nomine accipit, me
accipit.

6 Quisquis verò vel mini-
mum horum mihi fidem habent-
ium offenderit, præstaret ei
suspensa de ejus collo asinaria
mola, in maris æquor demer-
gi.

7 Sunt quidem calamitosæ
mundo offensiones, tametsi of-
fensiones accidere necesse est :
sed vae homini per quem acci-
dit offensio.

8 Quod si te tua manus aut
pes offendit, abscinde eum, &
abjice. Satius est tibi claudum
aut mancum in vitam ingredi,
quàm duas manus aut pedes ha-
bentem in sempiternum ignem
conjici.

9 Et si te tuus oculus offen-
dit, erue eum, & abjice : satius
est tibi unoculum in vitam in-
gredi, quàm duos oculos haben-
tem, in ignis gehennam con-
jici.

10 Videte ne vel minimum
horum contemnatis. Scitote e-
nim eorum angelos in cœlis sem-
per aspicere faciem patris mei,
qui in cœlis est.

11 Venit enim filius hominis
servatum perditum.

12 Quid vobis videtur ? Si

cui homini centum sint oves, &
earum una deeraverit, mōne
relictis nonaginta novem in
montibus, it quæsitum erran-
tem ?

13 & si eam invenire conti-
gerit, hoc vobis pro certo dico,
eum illa magis gaudere, quàm
nonaginta novem non palatis.

14 Sic voluntas non est ve-
stri patris, qui est in cœlis, ut
pereat vel minimus horum.

15 Quod si in te peccaverit
frater tuus, i reprehensum eum,
ita ut tecum ipse solus adsit. Si
te audiverit, lucratus es fratrem
tuum.

16 Sin minus audiverit, ad-
hibe unà tecum insuper unum
aut alterum, ut ex ore duorum
triumve testium de re omni sta-
tuatur.

17 Quòd si eos non audierit,
dicito ecclesiæ. Quod si ne eccle-
siam quidem audierit, esto tibi
perinde ac extraneus & publi-
canus.

18 Sic certò habetote, quæ-
cunque in terra ligaveritis, li-
gata fore in cœlo : & quæcunque
in terra solveritis, in cœlo solu-
ta fore.

19 Item certò scitote, si duo
vestrū in terra consenserint,
quancunque rem petierint, im-
petratos à patre meo, qui in
cœlis est.

20 Ubi sunt enim duo tresve
meo nomine congregati, illic
ego sum inter eos.

21 Tunc aggressus eum Pe-
trus : Domine, inquit, quoties
peccanti in me fratri meo igno-
scere debeo, ad septiēne ?

22 Cui Jesus : non dicam ti-
bi ad septies, sed ad septuagies
septies.

23 Itaque similiter accidit in
regno cœlesti, ac in homine
rege,

rege, qui voluit rationes conferre cum suis servis.

24 Cum cœpisset autem conferre, adductus est ei quidam decies mille talentorum debitor,

25 qui cum solvendo non esset, iussit eum dominus ejus, uxoremque & liberos & omnes ejus facultates vendi, atque ita solvi.

26 Sed servus procubuit, & ei præbens honorem dixit: Domine, expecta me diutius, & omnia tibi solvam.

27 Ita illius servi misertus dominus, eum dimisit, eique debitum condonavit.

28 At servus ille digressus, quendam inactus conservorum suorum, qui debebat ei centum denarios, comprehendit, & ei collum obtorquet: Solve, mihi, inquit, quod debes.

29 Cumque ejus conservus procubuisset, & eum oraret, ut se diutius expectaret, sese ei omnia soluturum,

30 noluit, sed eum in custodiam datum ivit, donec solvisset debitum.

31 Quam rem videntes ejus conservi, ægerrimè tulerunt, dominoque suo rem omnem declaratum iverunt.

32 Tunc eum dominus ejus accersitum sic alloquitur: Serve nequam, ego tibi totum nomen illud, rogatus à te, condonavi:

33 nōne debebas tu vicissim tui conservi misereri, ut & ego tui misertus eram?

34 Ita iratus ejus dominus, tradidit eum tortoribus donec solvisset, quicquid sibi debebatur.

35 Sic meus quoque cœlestis pater vobis faciet, nisi alii

aliis ex animo delicta condonaveritis.

CAPUT XIX.

Conjugium, repudium, adulterium.

Duplex eunuchus. Quorum sit cœlum. Quis bonus. Opum pericula. Piorum premia. In ecclesia anceps eventus.

POSTquam hanc orationem finivit Jesus, ex Galilæa profectus venit in Judææ fines trans Jordanem,

2 eumque secuta est ingens hominum multitudo, quos illic sanavit.

3 Pharisei verò eum, tentandi gratia, convenerunt quærentes an liceret viro uxorem suam qualibet de causa repudiare?

4 Quibus ille respondit in hunc modum: Non legistis, qui principio fecit L. hominem, G. eos marem & fœminam fecisse,

5 atque ita pronunciatum esse? Propterea relinquet vir patrem atque matrem, & adhærebit uxori suæ, fietque ex duobus una caro.

6 Itaque non jam sunt duo, sed una caro. Proinde quod Deus conjunxit, homo ne disjungat.

7 Et illi: Cur ergo præcepit Moses divortii tabulam dari, uxoremque repudiari?

8 Quibus ille: Moses utique propter vestram pervicaciam vobis uxores vestras repudiare permisit: verum principio non fuerat ita factitatum.

9 Atque hoc scitote, quisquis uxorem suam repudiaverit (nisi ob stuprum) & aliam duxerit, eum adulterare: & qui repudiatam duxerit, eum adulterare.

10 Huic discipuli: Si ea est (inquiunt ei) viri cum uxore

conditio, non expedit connubia conjungere.

11 Quibus ille: Non omnes hanc rem præstare possunt: sed quibus datum est.

12 Sunt enim quidam castrati, qui sic ab utero matris nati sunt. Sunt & castrati, qui ab hominibus castrati sunt: item sunt castrati, qui seipsum, propter regnum cœlestis castrarunt. Qui præstare potest, præstato.

13 Tunc adducti sunt ei pueri, ut manus eis imponeret, & oraret. Ac discipulis illos objurgantibus,

14 Jesus ita dixit: Sinite pueros, nec eos ad me venire prohibete. Nam talium est cœlestis regnum.

15 Deinde cum illis manus imposuisset, digressus est illinc.

16 Tum quidam eum convenit his verbis: Magister bone, quid boni faciam, ut vitam adipiscar æternam?

17 Cui ille: Quid me dicis bonum? Nullus est bonus, nisi unus Deus. Quod si vis in vitam ingredi, exequere præcepta.

18 Quænam? inquit ille. Et Jesus: Ula inquit: Ne occidito: Ne adulterato: Ne furator: Falsum testimonium ne dicito:

19 Honora patrem atque matrem: &, Alterum ut teipsum diligito.

20 Et adolescens: Omnia ista (inquit ei) executus sum à pueritia. Quid mihi restat?

21 Et Jesus: Si vis esse perfectus (inquit ei) i. venditum facultates tuas, inque pauperes erogato, habitus in cœlo thesaurum: deinde adesto, & me sequere.

22 His verbis auditis adole-

scens abiit, dolens: quippe qui multas facultates haberet.

23 At Jesus suos discipulos alloquens: Hoc vobis, inquit, confirmo, divitem difficulter in cœlestis regnum ingredi.

24 Iterumque hoc vobis dico, facilius esse rudentem per foramen acus trajici, quam divitem in Dei regnum intrare.

25 Hoc audito, admodum stupéfacti ejus discipuli, dicere, Quis ergo servari potest?

26 Quos intuitus Jesus, dixit eis: Ab hominibus hoc fieri non potest: at à Deo fieri possunt omnia.

27 Tum Petrus ita loquitur: En nos reliquimus omnia, teque secuti sumus: quid ergo hinc assequemur?

28 Et Jesus: Hoc vobis confirmo (inquit eis) vos qui me secuti estis, in renovata vita, cum sedebit filius hominis in suo glorioso tribunali, sessuros esse vos quoque in duodecim tribunalibus, judicantes duodecim tribus Israelitarum.

29 Et quisquis domos, aut fratres, aut sorores, aut patrem, aut matrem, aut uxorem, aut liberos, aut agros mei nominis causa reliquerit, is centuplum adipiscetur, & vitam obtinebit sempiternam.

30 Sed multi primi erunt ultimi, & ultimi primi.

C A P U T XX.

In vinea operariorum pramiam. Mors Christi prædicta, & reditus in vitam. Quis Christo primus, quis postremus. Quersum Christus. Caci duo.

Perinde enim accidit in cœlesti regno, ac in homine patrefamilias, qui exiit primo mane ad conducendos operarios in vineam suam,

2 pactusque operariis singulos denarios in diem, dimisit eos in vineam suam.

3 Deinde circa tertiam horam egressus, vidit alios in foro stantes ociosos,

4 &, Ite (inquit eis) vos quoque in vineam meam: & quod æquum erit dabo vobis.

5 Atque illi iverunt. Item circa septimam & nonam horam egressus, fecit similiter.

6 Circa undecimam autem horam egressus, offendit alios stantes ociosos: &, Quid hic statis (inquit eis) totum diem ociosi?

7 Cui illi: Quia nemo nos conduxit, inquirunt. Et ille: Ite & vos (inquit) in vineam meam, & quod erit æquum, accipietis.

8 Sub vesperam autem jubet vineæ dominus procuratori suo, ut vocet operarios, eisque ab ultimis exorsus ad primos, mercedem solvat.

9 Ita cum venissent qui circa undecimam horam venerant, acceperunt singulos denarios.

10 Item primi cum venissent, arbitrati se plus accepturos, acceperunt & ipsi singulos denarios:

11 quibus acceptis fremebant contra patremfamilias.

12 dicentes: Hi postremi unam horam operati sunt, & tu eos nobis pares fecisti, qui diei onus ardoremque pertulimus.

13 At ille respondens dixit eorum uni: Amice, non facio tibi injuriam, Nonne mecum denario convenisti?

14 Aufer tuum & abi. Volo autem huic ultimo tantum dare, quantum tibi,

15 An mihi non licet meis uti meo arbitrato? An tuus

oculus malus est, quoniam ego bonus sum?

16 Ita erunt & ultimi primi, & primi ultimi. Multi enim sunt vocati, sed pauci electi.

17 Ascendens autem Jesus Hierosolyma, assumpsit duodecim discipulos seorsum in via, eisque dixit,

18 En ascendimus Hierosolyma, & filius hominis Pontificibus Scribisque tradetur, qui eum capite damnatum,

19 tradent externis illudendum, & verberandum & crucifigendum, isque die tertio resurget.

20 Tunc eum aggressa mater filiorum Zebedæi cum suis filiis, honore præbito, petebat aliquid ab eo.

21 Cui ille: Quid vis? inquit. Et illa: Jube (inquit ei) ut hi duo mei filii tibi alter dexter, alter sinister assideant in regno tuo.

22 At Jesus respondens: Nescitis quid petatis. Potestis ibidem bibere poculum, quod ego bibiturus sum? & eodem baptismo, quo ego baptizandus sum, baptizari? Possumus, inquirunt illi.

23 Et ille: Meum quidem poculum bibetis, inquit, meoque baptismo baptizabimini. Sed ut mihi dextra lævaque assideatur, non est mihi dare, nisi quibus id paratum est à patre meo.

24 Hoc audito, reliqui decem indignati sunt ob duos fratres.

25 At Jesus advocatis eis dixit: Scitis, gentium principes in eas dominari, & magnos viros in eas potestatem obtinere,

26 Inter vos non sic agetur: quia

quin qui volet in vobis maximus fieri, sit vester famulus:

27 & qui volet in vobis esse primus, esto servus vester:

28 sicut filius hominis non venit ut sibi ministretur, sed ut ministret ipse, animamque suam in multorum liberationem impendat.

29 Eis autem Hierichunte discedentibus, cum eum sequeretur frequens hominum multitudo,

30 cæci duo secundum viam sedentes, ubi audiverunt præterire Jesum, sic exclamarunt: Miserere nostri, Domine Davidide.

31 Cumque vulgò objurarentur, ut tacerent, eò clamabant alius, dicentes: Miserere nostri, Domine Davidide.

32 Tum Jesus restitit, & eos vocavit: Quid vultis, inquit, ut vobis faciam?

33 Cui illi: Domine, inquit, ut nostri aperiantur oculi.

34 Jesus verò misericordia motus, eorum tetigit oculos, statimque illi oculis viderunt, & cum secuti sunt.

C A P U T XXI.

Christus ovans asina. Profanum templum. Ficus arida. Fidei vis, ac precum. Seniorum confutatio. Gemini fratres ad vineam. Vineæ parabola secundanda. Refudiatus lapis. Gentium gratia: in Christum infusa.

Postquam autem Hierosolymis propinquarunt, & Bethphage ad olivarum montem venerunt, misit Jesus duos discipulos,

2 dicens eis: Ite in vicum qui contra vos est, & protinus invenietis asinam ligatam, & pullum cum ea: solvitote, & mihi adducitote.

3 Quòd si quis vobis aliquid dixerit, dicetis, Dominum eis egere, & statim dimittet eos.

4 Hoc autem totum factum est, ut id accideret quod à vate dictum fuerat his verbis.

5 Dicite puellæ Sioni: Ecce rex tuus tibi venit mansuetus, insidens asinæ, & a sella jumentii pullo.

6 Igitur profecti discipuli, fecerunt sicut mandaverat eis Jesus,

7 asinamque & pullum adduxerunt, & eis vestimenta sua imposuerunt, & eum super ea collocarunt.

8 Maxima autem hominum multitudo suis vestimentis viam consternere: alii abscissos ex arboribus ramos per viam sternerere.

9 Vulgus autem partim præcedens, partim subsequens, sic acclamare: Hosanna Davididæ, bene sit ei qui venit in nomine Domini. Hosanna in supremis.

10 Eo autem ingressio Hierosolyma, commota est tota civitas, dicens: Quis est hic?

11 Vulgus autem dicebat: Hic est Jesus vates, à Nazareth Galilææ.

12 Et Jesus in Dei templum ingressus, ejecit omnes in templo vendentes, & ementes, & numulariorum mensas sellasque vendentium columbas evertit.

13 Scriptum est, inquit eis: Domus mea domus supplicationis vocabitur: at vos ex ea fecistis speluncam latronum.

14 Cumq; eum cæci & claudi in templo adiissent, sanavit eos.

15 Pontifices & Scribæ videntes quàm mira fecisset, & pueros in fano Hosanna Davididæ acclamantes, indignati dixerunt ei:

16 Audis quid hi dicant? Etiam, inquit eis Jesus. Nunquamne legistis? Per os infantium ac lactentium laudem condidis.

17 Deinde relictis illis, profectus ab urbe est Bethaniam ibique diversatus.

18 Manè autem urbem repertens esuriit:

19 & animadversa quadam apud viam ficu, venit ad eam: cumque nihil in ea, nisi folia duntaxat, invenisset, dixit ei: Ne posthac ex te fructus oriatur unquam: statimque ficus aruit.

20 Quo viso, admirati discipuli dicere: Ut subito aruit ficus?

21 Quibus respondit Jesus: Hoc vobis confirmo, si fiduciam habebitis, neque dubitabitis, non solum hoc de ficu facietis, verum etiam si huic monti iusseritis ut amoveatur, & in mare projiciatur, fiet:

22 ac quicquid precibus fidenter petieritis, obtinebitis.

23 Cum venissent autem in sanum, pontifices & populi senatore eum docentem conveniunt his verbis: Qua potestate ista facis: & quis tibi potestatem istam dedit?

24 Quibus respondens Jesus. Rogabo vos ego vicissim quiddam, quod si mihi dixeritis, ego quoque vobis dicam qua potestate hæc faciam.

25 Baptisma Johannis unde erat; à cœlone, an ab hominibus? At illi sic apud sese ratiocinari: Si dixerimus à cœlo, licet nobis, Cur ergo ei non reddidistis?

26 Sin dixerimus ab hominibus, vulgus metuimus: om-

nes enim Johannem pro vate habent.

27 Itaque Jesu sic responderunt: Nescimus. Et ille: Nec ego vobis dico, inquit, qua hæc potestate faciam.

28 Quid vobis autem videtur? Habebat homo quidam duos natos, quorum priorem aggressus est his verbis: Nate abi ad faciendum opus hodie in vinea mea.

29 Cui ille respondens: Nolo, inquit: post tamen mutata sententia ivit.

30 Alterum item iisdem verbis aggressus est. Atque ille, Faciam, Domine, inquit respondens: neque tamen ivit.

31 Uter paruit voluntati patris? Prior, inquit ei. Et Jesus: Credite mihi, publicani & meretrices antecedunt vos in regnum Dei.

32 Venit enim ad vos Johannes iustitiæ via, cui vos tamen non credidistis, cum publicani & meretrices crediderint: quod vos cum videretis, non mutastis tandem sententiam, ut ei crederetis.

33 Aliud exemplum audite: Fuit quidem paterfamilias, qui vineam consēvit, & septo circumdedit, in eaque torcular defixit & turrim extruxit, eamque agricolis elocavit, deinde peregrè profectus est.

34 Postea instante tempore fructuum, misit servos suos ad agricolas ad ejus fructus percipiendos.

35 At agricolæ comprehensos ejus servos partim pulsarunt, partim interfecerunt, partim lapidaverunt.

36 Ille rursus alios plures prioribus misit, sed illi eis idem fecerunt.

37 Postremò misit ad eos filium suum, ita cogitans: reverbuntur filium meum.

38 Agricolæ verò, viso filio, sic inter sese dicere: Hic est hæres: agite, interficiamus eum, & ejus hæreditatem occupemus.

39 Itaque eum ceperunt; & ejectum extra vineam peremerunt.

40 Cum ergo venerit vineæ dominus, quid faciet illis agricolis?

41 Cui illi: Malos malè perdet, inquit, & vineam aliis elocabit agricolis, qui ei fructus pendunt suis temporibus.

42 Et Jesus: Nunquàmne legistis (inquit eis) in literis? Quem lapidem improbaverant structores, is adhibitus est ad caput anguli: id quod à Domino profectum est, & nobis mirum videtur.

43 Quamobrem scitote, auferendum à vobis Dei regnum, & genti dandum fructus edituræ.

44 Ac qui in eum lapidem ceciderit, confringetur: & in quem lapis inciderit, eum conteret.

45 Igitur Pontifices & Pharisei, auditis ejus exemplis, intellexerunt eum de ipsis dicere:

46 sed eum volentes comprehendere, timuere vulgus, quòd eum pro vate habebat.

C A P U T XXII.

Regia nuptia. Sordidus convivæ. Electi. Judæorum insidia, captiones. Tributa. Sadducæorum rejectio. Præceptorum summa. Phariseorum ignorantia.

AT Jesus eos iterum his verbis per similitudines allocutus est.

2 In regno cælesti similiter

accidit, atque in rege quodam qui filii sui nuptias facturus,

3 dimisit servos suos, qui invitatos ad nuptias vocarent. Sed illi noluerunt venire.

4 Itaque alios item servos misit, dicens: Dicite invitatis, me meum parasse prandium: meos juvencos & altilia esse mactata, & omnia parata, veniant ad nuptias.

5 At illi neglexerunt, & discesserunt, alius in suum prædium, alius ad mercaturam suam.

6 Cæteri comprehensos ejus servos, cum ignominia peremerunt.

7 Quo audito iratus rex, missis eò suis copiis, homicidas illos perdidit, eorumque urbem cremavit.

8 Deinde suis servis ita dixit: Nuptiæ quidem paratæ sunt: sed invitati non erant digni.

9 Quamobrem abite in trivia, & quoscunque inveneritis, vocate ad nuptias.

10 Ita profecti in vias illi servi, congregarunt quotquot invenerunt, tum malos, tum bonos, ita ut complerentur nuptiæ convivis.

11 Ingressus autem rex ad convivæ spectandos, animadvertit ibi quendam non nuptiali vestitu indutum,

12 &, Amice, inquit ei, quid sit ut huc intraveris sine vestimento nuptiali? Cumque ille obmutuisset,

13 jussit rex famulis, ut eum pedibus manibusque constrictum, in penitissimas tenebras compingerent, ubi futurus esset ploratus stridorque dentium.

14 Multi enim sunt vocati, sed pauci electi.

15 Tunc Pharisei consilium

captum

aptum iverunt, de eo in ver-
bis illaqueando.

16 eique discipulos suos cum
Herodianis miserunt, qui dice-
rent: Magister, scimus te vera-
m esse, divinamque vitæ vi-
am verè docere, neque quen-
quam curare, quippe qui non
spectes hominum personam.

17 Dic ergo nobis quid cen-
seas, liceatne pendere tributum
Cæsari, necne?

18 At Jesus cognita eorum
malitia, dixit: Quid me tenta-
tis? simulators:

19 ostendite mihi nummum
tributarium. Illi ei denarium
trulerunt.

20 Et ille: Cujus est imago
hec, inquit eis, & inscriptio?

21 Cui illi, Cæsaris, inquirunt.
Tunc ille, Solvite igitur (inquit
eis) quæ sunt Cæsaris Cæsari,
& quæ Dei Deo.

22 Hoc audito admirati illi,
eo relicto discesserunt.

23 Illo die convenerunt eum
Sadducæi, qui negant esse re-
surrectionem, eumque in hunc
modum interrogarunt:

24 Magister, jussit Moses, ut
si quis mortuus fuerit sine libe-
ris, ducat ejus frater uxorem,
ut patrique suo prolem suscitet.

25 Fuerunt autem apud nos
fratres septem, quorum primus
uxore ducta obiit, & prole ca-
rens reliquit uxorem suam fra-
tri suo.

26 Itidem & alter, & tertius,
usque ad septem.

27 Postremò omnium mor-
tua est etiam mulier.

28 Igitur in resurrectione
cujus ex septem erit uxor, cum
omnes eam habuerint?

29 At Jesus respondens illis:
Erratis, inquit, non intelligentes
Scripturas, neque Dei potestatem.

30 Siquidem in resurrectione
nec viri ducunt uxores, nec
femine nubunt: sed divino-
rum angelorum similes sunt in
cælo.

31 De resurrectione autem
mortuorum non legistis quod
vobis à Deo his verbis dictum
est?

32 Ego sum Deus Abrahami,
Deus Isaac, & Deus Jacobi.
Non est Deus, mortuorum Deus,
sed viventium.

33 Hoc audito, stupebant
vulgò ejus doctrinam.

34 Pharisei verò, audientes
ab eo confutatos Sadducæos,
coiverunt eodem:

35 eumque quidam eorum,
legisperitus, tentandi gratia sic
interrogavit:

36 Magister quòdnam præ-
ceptum est in lege maximum?
Cui Jesus:

37 Dominum Deum tuum to-
to corde, toto animo, tota men-
te amato:

38 hoc est primum & maxi-
mum præceptum. Alterum au-
tem est huic simile:

39 Alterum ut teipsum a-
mato.

40 Ab his duobus præceptis
tota lex vatesque pendent.

41 Congregatis autem Pha-
riseis, interrogavit eos Jesus in
hunc modum:

42 Quid censetis de Christo?
cujus prognatum fore? Davi-
dis, inquirunt ei.

43 Et ille: Quis fit ergo (in-
quit eis) ut eum David afflatu
divino Dominum vocet, ita di-
cens?

44 Ait Dominus Domino
meo, sede ad meam dextram,
donec tuos hostes effecero sca-
bellum pedum tuorum.

45 Quòd si eum David Do-
minum

minum vocat, qui sit ut sit ejus prognatus ?

46 Itaque nemo ei quicquam respondere potuit, nec eum ab illo die quisquam deinceps interrogare ausus est.

C A P U T XXIII.

Verus doctor, sceleratus. Pharisei in praeceptis, simbrisis, mensis, consilio, foro, titulis. Magister qui. Studium mutuum. Pater quis, ac doctor. Elatio: Humilitas. Hypocrita increpanti. Hierosol. Pertinax.

Tunc Jesus plebem discipulorumque suos sic allocutus est:

2 In Moſis ſede ſedent Scribæ & Phariſæi.

3 Quicquid igitur vobis dixerint exequendum, exequimini & facite; ſed eorum facta nolite imitari. Dicunt enim, nec faciunt:

4 quippe qui colligent onera gravia & portatu difficilia, aliorumque humeris imponant, cum ea ipſi ne digito quidem movere velint.

5 Omnia autem opera ſua faciunt, ut ſpectentur ab hominibus: utuntur autem latis cuſtoditoriis magnisque veſtimentoꝝ limbis atque laciniis,

6 amantque primas in cœnis accubationes, & primas in collegiis ſeſſiones,

7 & in foris ſalutationes, & ab hominibus vocitari Rabbi.

8 At vos nolite vocari Rabbi: unus eſt enim rector veſter Chriſtus, vos verò omnes eſtis fratres.

9 Nève patrem vobis in terris vocate: unus eſt enim veſter pater qui eſt in cœlis.

10 Nève rectores vocemini: unus eſt enim veſter rector Chriſtus.

11 quin veſtrū maximum veſter ſit ſamulus.

12 Quiſquis verò ſeipſum extulerit, deprimetur: & quiſquis ſeipſum depreſſerit, extolletur.

13 Væ vobis autem Scribæ & Phariſæi ſimulatores, qui cœleſte regnum aliis præcluditis, utpote qui nec intretis ipſi, nec intrare conantes ſinatis intrare.

14 Væ vobis Scribæ & Phariſæi ſimulatores, qui viduarum domos comeditis, idque longarum precum prætextu: itaque eo graviores dabitis pœnas.

15 Væ vobis Scribæ & Phariſæi ſimulatores, qui & mare & terram peragratitis, ut unum aſciſcatis adventitium: quod ubi factum eſt, efficitis eum duplo gehenna digniorem quàm eſtis vos.

16 Væ vobis duces cæci, qui dicitis, ſi quis per templum jurer, nihil eſſe; ſi quis per templi aurum juret, eum teneri.

17 O ſtulti & cæci: utrum enim majus eſt, aurum an templum quod aurum conſecrat?

18 Item ſi quis per aram juraverit, id nihil eſſe: at ſi quis per donarium quod in ea eſt juraverit, eum teneri.

19 O ſtulti & cæci, utrum enim majus eſt? donarium an ara quæ donarium conſecrat?

20 Itaque qui per aram jurat, iſ & per eam jurat, & per quicquid eſt ſupra ea.

21 Et qui per templum jurat, iſ & per id jurat & per ejus incolam.

22 Et qui per cœlum jurat, iſ & per Dei ſolum jurat, & per eum qui ſedet in eo.

23 Væ vobis Scribæ & Phariſæi

22 cæci simulatores, qui mentam, & cinerem, & cuminum decumatis, omittis quæ sunt in lege graviora, scilicet jure, & pietate, atque fide. Oportebat & hæc facere, & illa non omittere.

24 O duces cæci, qui culicem percolatis, & camelum deglutitis.

25 Væ vobis Scribæ & Pharisæi simulatores, qui poculi scutellæque partem exteriorem purgatis, cum ea intus rapina intemperantiaque referta sint.

26 O Phariseæ cæce, purgatis prius interiora poculi & scutellæ, & eorum exteriora quoque pura sint.

27 Væ vobis Scribæ & Pharisæi simulatores, qui similes estis in crustatis sepulchris, quæ foris quidem pulchra videntur, sed intus ossibus mortuorum, & omni fœditate plena sunt.

28 Sic & vos foris quidem aliis justis esse videmini, sed intus simulationis estis scelerisque pleni.

29 Væ vobis Scribæ & Pharisæi simulatores, qui vatum sepulchra extruitis, & justorum monumenta ornatis,

30 dicitisque: Si majorum nostrorum temporibus fuissetis, non fuissetis eorum in vatum sanguine socii.

31 Itaque ipsi de vobis testamini, vos eorum esse posteros, qui vates interfecerunt.

32 Et vos majorum vestrorum mensuram complete.

33 Serpentes, viperina progenies, poteritisne gehennæ supplicium effugere?

34 Itaque ego ad vos missus sum vates, & sapientes, & literatos, quos partim interficitis, ac in crucem tolletis, partim verberabitis in vestris col-

legiis, ac ex alia in aliam urbem persequemini,

35 ut in vos expetat omnis innocens sanguis in terris effusus, ab Abelis justis sanguine, usque ad Zechariam sanguinem, Barachiam filium, quem vos inter ædem & aram necastis.

36 Itaque certò scitote horum omnium poenas daturam esse nationem hanc.

37 Hierosolyma, Hierosolyma, quæ vates occidis, & ad te missos lapidas, quoties volui congregare tuos natos, quomodo gallina suos pullos sub alas congregat, & noluitis.

38 Scitote vestram domum vobis desertam relictum iri.

39 Sic enim habetote, vos non esse me visuros deinceps, donec dicatis, Bene sit venienti in nomine Domini.

CAPUT XXIV.

Templi solo aquatio. Cedes. Fidelium angustia. Pseudo-vates. Consilium afflictis. Orbis judicium. Christi reditus. Veritatis firmitas. Cui notæ judicii monumenta. Servus diligens ac nequam.

CUM autem egressus Jesus discederet ex fano, venerunt ejus discipuli ostensum ei templi structuram.

2 At Jesus: Videtisne hæc omnia; inquit eis: hoc vobis confirmo, fore ut hic nullus lapis super lapidem relinquantur, quin diruatur.

3 Sedentem autem eum in monte olivarum, aggressi sunt discipuli seorsim his vrbis: Dic nobis quando hæc futura sint, & quod signum sit adventus tui, interitusque mundi.

4 Quibus Jesus ita respondit: Videte ne quis vos fallat.

5 Multi enim venient in meo nomine.

nomine, qui se Christos esse dicent, multosque decipient.

6 Futurum est autem ut bella bellorumque rumores audiat: videte ne perturbemini: oportet enim omnia fieri, sed nondum finis erit.

7 Consurget enim gens contra gentem, & regnum contra regnum, eruntque fames & pestes, & terræ motus certis locis:

8 quæ omnia principium erunt dolorum.

9 Tunc in calamitatem trademini, & occidemini, eritisque cunctis gentibus invisi propter nomen meum.

10 Ac tum quidem deficient multi, & alius alium prodent, atque oderint:

11 existentque multi falsi vates, qui multos decipient.

12 Et quia tot erunt scelera, refrigescet multorum charitas.

13 Qui autem ad finem perseveraverit, is servabitur.

14 Prædicabitur autem hoc regium evangelium per totum orbem, quod sit cunctis gentibus testimonio, ac tum veniet finis.

15 Cum autem calamitosum nefas (quod à Daniele vate prædictum est) stare videritis in loco sacro, qui legit intelligat:

16 tunc qui erunt in Judæa, fugiant in montes:

17 qui erit in tecto, ne descendat ad auferendum aliquid ex domo sua:

18 & qui erit ruri, ne retrò revertatur ad tollenda sua vestimenta.

19 Hei ventrem ferentibus, & lactantibus in illo tempore.

20 Oprate verò, ut non accidat vestra fuga in hyeme, nec in Sabbato.

21 Erit enim tunc tanta calamitas, quanta nec hactenus

ab orbe condito fuit, nec futura est:

22 quod nisi decurtaretur illud tempus, nemo prorsus evaderet: sed propter electos decurtabitur illud tempus.

23 Tunc si quis vobis dixerit: Ecce hic Christus, aut hic ne creditore,

24 existent enim falsi Christi, falsique vates, qui tanta portenta ac prodigia edent, ut decipiantur (si fieri posset) etiam electi.

25 En prædixi vobis.

26 Si igitur vobis dicetur in sylvis adeffe, ne exitote: si in penetralibus, ne creditore.

27 Ut enim fulgur ab Oriente profectum apparet ad Occidentem, sic erit adventus filii hominis.

28 Nam ubicunque erit cadaver, eo congregabuntur aquilæ.

29 Protinus autem post illius temporis calamitatem, sol obscurabitur, neque luna suum splendorem emittet, & stellæ de cælo cadent, cœlique potestates concutientur,

30 ac tum apparebit in cælo signum filii hominis. Tum vero plangent omnes terrarum nationes, videbuntque filium hominis venientem in cœlestibus nubibus, cum multa potentia atque gloria,

31 qui suos nuncios mittet cum vocalissima tuba, qui ejus electos à quatuor ventis, ab extremis cœli ad alterum extremum congregabunt.

32 A ficu autem discite similitudinem. Cum jam ejus ramus tenerescunt, & enascuntur folia, cognoscitis instare æstatem.

33 Sic vos quoque cum hæc omnia videbitis, scitote instare pro foribus.

34 Hoc vobis confirmo, non prius hanc ætatem præteritum esse, quàm fiant hæc omnia,

35 Etiam si cælum & terra intereant, mea dicta non interbunt.

36 Cæterùm illam diem atque horam nullus scit, ne cælestes quidem angeli, sed meus pater solus.

37 Ut autem accidit tempore Noe, sic etiam erit adventus filii hominis.

38 Ut enim tempore, quod fuit ante diluvium, comedebant, potabatur, contrahebantur invicem matrimonia, usque ad diem quo Noe in arcam ingressus est,

39 nec antè cognitum est quàm venit diluvium, quod omnes sustulit: sic erit etiam adventus filii hominis.

40 Tunc ex duobus, qui ruverunt, alter assumetur, altera relinquetur:

41 ex duabus in pistrino montibus, altera assumetur, altera relinquetur.

42 Vigilate igitur, quandoquidem nescitis qua hora vester herus venturus sit.

43 Illud autem scitis, si scit paterfamiliàs qua vigilia fur venturus esset, vigilaturum esse, eque domum suam perfodissurum:

44 Quapropter vos quoque toto parati: nam qua hora non arbitramini, venturus est filius hominis.

45 Quòd si quis est fidelis servus, atque prudens, quem dominus præfecerit suæ familiæ, ei alimoniam suo tempore præbeat:

46 beatus est ille servus quem dominus venerit ejus herus, ostenderit suum officium facientem:

47 profectò (inquam vobis) eum suis omnibus præponet facultatibus:

48 Quòd si malus ille servus cum suo animo cogitans, herum suum diu adventum differre,

49 cœperit pulsare conservos, epularique & potare cum vinolentis:

50 veniet illius servi dominus inexpectato ei die, ignotaque hora,

51 & eum dissecabit, ac ad simulaculorum conditionem rediget, ubi ploratus erit stridorque dentium.

CAPUT XXV.

Virgines obviæ sponso. Vigilantia, attributa talenta. Urbis iudicium. Beati, miserieque.

Tunc similiter accidet in regno cælesti atque in decem virginibus, quæ sumptis suis lucernis profectæ sunt obviam sponso.

2 Erant autem earum quinque stultæ, & totidem prudentes:

3 quæ quidem stultæ, sumptis suis lucernis, non sumptere secum oleum:

4 at prudentes, oleum cum lucernis sumptum in suis vasis.

5 Tardante autem sponso, dormitarunt omnes, dormieruntque.

6 Deinde media nocte clamor extitit: Adventat sponsus, prodite ei obviam.

7 Tunc surrexerunt omnes illæ virgines, suasque lucernas adornarunt.

8 At fatuæ prudentibus dixerunt: Impertite nobis de oleo vestro, nam lucernæ nostræ extinguuntur.

9 Sed prudentes eis ita responderunt: Quid si non satis sit nobis & vobis? quin ite potius

tius ad venditores & vobis emite.

10 Euntibus autem illis ad emendum, venit sponsus cum quo quæ paratæ erant, ingressæ sunt ad nuptias clausæque sunt fores.

11 Postea veniunt & reliquæ virgines : & Domine Domine, inquirunt, aperi nobis.

12 At ille, Profectò non novi vos, inquit respondens.

13 Quamobrem vigilate, quandoquidem diem aut horam nescitis, qua sit venturus filius hominis.

14 Quemadmodum homo quidam peregrè profecturus, vocavit servos suos, eisque facultates suas tradidit :

15 & uni quinque talenta dedit, alteri duo, alteri unum, pro sua cuique facultate : deinde continuo peregrè profectus est.

16 Igitur qui quinque talenta acceperat, ivit ea negotiatum, & alia quinque talenta peperit.

17 Similiter & qui duo, lucratus est ipse quoque altera duo.

18 Qui verò unum acceperat, ivit cavatum terram, dominique sui pecuniam abdidit.

19 Multo post tempore venit servorum illorum dominus, & cum eis rationes confert.

20 Igitur qui quinque talenta acceperat, accessit, & altera quinque obtulit, dicens : Domine, tu mihi quinque talenta tradidisti : en ego altera quinque per ea lucratus sum.

21 Et Dominus : Rectè (inquit ei) serve bone & fidelis : ego te, qui in paucis fidelis fueris, multis præficiam : ingredere in Domini tui voluptatem.

22 Item qui duo talenta acce-

perat, accessit : & Domine, inquit, tu mihi duo talenta tradidisti : per quæ ego altera duo lucratus sum.

23 Et Dominus : Rectè (inquit ei) serve bone & fidelis quoniam tu in paucis fidus fuisti, ego te multis præficiam : ingredere in Domini tui voluptatem.

24 Qui verò unum talentum acceperat, accessit & ipse : & Domine, inquit, sciebam te hominem esse severum, qui & metas ubi non seminasti, & inde colligas ubi non impendisti.

25 Id veritus, ivi obrutum humi tuum talentum : en habet tuum.

26 At Dominus ei respondens : Nequam, inquit, & ignave serve, cum scires me & metere ubi non seminavi, & inde colligere ubi non impendi,

27 Debuiisti meam pecuniam committere mensariis : ita ego cum venissem, meum cum fœnore recepissem.

28 Quamobrem auferre ei talentum, & ei date qui habet talenta decem.

29 Nam omni habenti dabitur, ita ut abundet : ab eo verò qui non habet, etiam quod habet auferetur.

30 Inutilem verò servum conijcite in imas tenebras, ubi sit ploratus stridorque dentium.

31 Cum autem venerit filius hominis cum sua gloria, necnon omnes sancti angeli cum eo, tum sedebit in suo glorioso tribunali,

32 coramque eo congregabuntur gentes omnes, isque eos alios ab aliis separabit, quemadmodum separat pastor oves ab hædis,

33 statuerque oves ad dexte-

am suam, hœdos autem ad læ-

34 Deinde dicet rex eis qui
runt ad ejus dexteram : Ad-
te beati patris mei, possidete
aratum vobis regnum ab orbe
ondito.

35 Nam cùm esurirem, dedi-
is mihi comedere : cùm siti-
em, bibere : me, cùm hospes
flem, accepistis :

36 cùm nudus, vestivistis :
um æger, visitastis : cùm in
custodia, visistis.

37 Tum justi sic ei respon-
debunt : Domine, quando te vi-
dimus esurientem, ut paveri-
mus ? aut sitientem, ut potum
ederimus ?

38 quando autem te vidimus
ospitem, ut acceperimus ? aut
nudum, ut vestierimus ?

39 quando autem te vidi-
mus ægrum aut vinctum, ut in-
viserimus ?

40 Quibus respondebit rex :
peritò scitote, quatenus vel mi-
nimo horum meorum fratrum
fecistis, vos mihi fecisse.

41 Deinde dicet sinisteris : Fa-
essite à me, execrabiles, in
gnem sempiternum, Diabolo e-
isque angelis paratum :

42 qui mihi nec esurienti ci-
um, nec sitienti potionem de-
eritis,

43 nec hospitem acceperitis,
ec nudum vestieritis, nec æ-
rum & vinctum visitaveritis.

44 Tum illi quoque sic ei re-
spondebunt : Domine, quando
vidimus esurientem, aut si-
entem, aut hospitem, aut nu-
um, aut ægrum, aut vinctum,
equē subvenimus ?

45 Quibus ille sic responde-
it : Profectò (inquam vobis)
quatenus vel minimo horum
fecistis, mihi non fecistis.

46 Ita abibunt hi in pœnam
sempiternam : justi verò in vi-
tam sempiternam.

CAPUT XXVI.

*In Jesum concilium. Apud Si-
menem unguentum, Judas pro-
ditor. Pascha, Cœna Christi.
Petrus audax. Jesus orans.
Discipulorum sopor. Petrus
vulnerat. Vulnerantis pœna.
Discipulorum fuga. Jesus tra-
ctus ad Caiapham. Petri ab-
negatio, perjurium, pœnitentia.*

Postquam hanc omnem ora-
tionem absolvit Jesus, sic
allocutus est suos discipulos.

2 Scitis post bidduum actura
iri Pascha, cùm quidem filius
hominis tradetur ad crucifigen-
dum.

3 Tunc coiverunt Pontifices,
& Scribæ, & senatores populi,
in atrium Pontificis, qui dice-
batur Caiaphas,

4 & consularunt de Jesu
fraudulenter capiendo, ac in-
terficiendo.

5 Sed id festo die facien-
dum esse negabant, ne tumultus
fieret in populo.

6 Cùm esset autem Jesus Be-
thanix in ædibus Simonis Le-
prosi,

7 accessit ad eum mulier, a-
labastrum habens unguenti pre-
ciosi, quo ejus accumbentis ca-
put perfudit.

8 Quo viso, ejus discipuli
indignati dicere : Quorsum ista
profusio ?

9 cùm posset unguentum hoc
vænire multo, & in pauperes
erogari :

10 id quod animadvertens
Jesus dixit eis : Quid argomini
facestis mulieri ? cùm o-
mnino functa sit erga me.

11 Semper enim pauperes habebitis vobiscum, at me non semper habebitis.

12 Nam quod hæc unguentum hoc in corpus meum contulit, id ad me sepeliendum fecit.

13 Pro certo habetote, fore ut ubicunque publicabitur evangelium hoc per totum orbem, dicatur id quoque, quod ea fecit, ad ejus memoriam.

14 Deinde unus ex duodecim, nomine Judas Iscariota, Pontifices aggressus, quæsit ex eis,

15 æquid sibi dare vellent, ut eum illis proderet. Cui illi triginta pacti sunt nummos argenteos.

16 Itaque deinceps quærebat opportunitatem eum prodendi.

17 Primo autem Azymalium die, discipuli Jesum conveniunt, quærentes ubinam vellet ut ei Pascha epulandum pararent.

18 Quibus ille præcepit, ut in urbem irent ad quendam, eique sic dicerent: Magister dicit suum instare tempus, quo sit apud te acturus Pascha cum suis discipulis.

19 Igitur fecerunt discipuli ut eis mandaverat Jesus, & Pascha præpararunt.

20 Vespere autem cum accumberet cum duodecim,

21 epulantibus eis dixit: Certo scisote, fore ut unus vestrum me prodatur.

22 Hic illi vehementer dolentes, cœperunt ei singuli dicere: Egone is sum, Domine?

23 Et ille respondens: Qui mecum manum, inquit, in catino intinxerit, is me prodat.

24 Abit quidem filius hominis, quomodo de eo scriptum est. Sed vix homini illi, per

quem filius hominis prodendus est. Satiuss fuisset homini illi non nasci.

25 Et Judas, ejus proditor sic est locutus! Isne ego sum Rabbi? Cui ille: Tu dixisti.

26 Epulantibus autem eis Jesus panem cepit, actisque laudibus, fregit, deditque discipulis: &, Accipite, inquit, comedite: hoc est corpus meum.

27 Deinde capto poculo, actisque laudibus, dedit eis, dicens: Bibite ex eo omnes:

28 Sis est enim sanguis meus, us, novi fœderis, pro multis effundendus ad veniam peccatorum.

29 Sic autem habetote, ne me dehinc bibiturum esse de hoc fructu viteo, usque ad illam diem, qua eum bibam vobiscum novum in regno patris mei.

30 Deinde dictis laudibus profecti sunt ad montem olivarum.

31 Tum Jesus: Vos omnes inquit eis, me deseretis hac nocte. Scriptum est enim: Percutiam pastorem & dispergentur oves gregis.

32 Sed postquam resurrexero, præcedam vos in Galilæam.

33 At Petrus ei respondens: Etiam si te deseruerint omnes, ego tamen nunquam deferam.

34 Et Jesus: Hoc tibi confiteor, inquit ei, fore ut hac ipsa nocte, priusquam gallus cantet, tu me ter neges.

35 At Petrus: Etiam si mille tecum moriendum sit, non negabo. Similiterque etiam omnes discipuli dixerunt.

36 Tunc venit cum eis Jesus in locum nomine Gethsemani & discipulos sic alloquitur: Sedete hic, dum ego illuc ad precandum eo.

37 Tum assumpto Petro, & nobis Zebedæi filiis, dolere cepit atque angere.

38 Deinde dicit ei Jesus: In tanto sum animi dolore, ut e-moriar. Manete hic, & vigilate mecum.

39 Deinde paululum progressus, pronus procidit, & hunc in modum supplicat: Mi pater, si fieri potest, fac ut effugiam hoc oculum: quanquam non ut e-go volo, sed ut tu.

40 Deinde venit ad discipulos, quos nactus dormientes, dicit Petro: Adeone non potuistis nam horam vigilare mecum?

41 vigilate & orate, ne in-eritis in tentationem. Spiritus quidem promptus est, sed caro infirma.

42 Rursus iteratò supplicatum vit his verbis: Mi pater, si non potest hoc à me declinari oculum, quo minus id bibam, fiat quod tu vis.

43 Deinde ubi venit, offendit eos rursus dormientes: erant enim eorum oculi gravati.

44 Igitur relictis eis, rursus vit oratum tertio iisdem verbis.

45 Deinde venit ad suos discipulos, &, Dormite dehinc, inquit eis, ac requiescite. En ad-est hora, qua filius hominis tra-datur in manus improborum.

46 Surgite, eamus: en adest meus proditor.

47 Adhuc eo loquente, ecce aderat Judas, unus ex duode-cim, & unà cum eo ingens mul-titudo, cum gladiis, & fustibus, à pontificibus senatoribusque populi.

48 Qui eum autem prodidit, dederat eis signum, dicens. Quem osculatus fuero, is est, eum com-prehendite,

49 Igitur Jesum protinus ag-gressus, dixit: Ave Rabbi, eumque deosculatus est.

50 Et Jesus: Amice (inquit ei) quorsum ades?

51 Tum illi Jesum aggressi, manus in eum injecerunt, eum-que comprehenderunt. Ecce au-tem unus comitum Jesu gladium suum admota manu strinxit, & Pontificis servum percussit eique auriculam amputavit.

52 Tum Jesus: Refer, inquit ei, gladium tuum in locum su-um. Omnes enim qui gladio u-tuntur, gladio peribunt.

53 An existimas non posse me jam exorare patrem meum, ut mihi plusquam duodecim ange-lorum legiones præbeat?

54 Sed quo pacto conferent, quæ fieri oportere proditum est literis?

55 Ea hora dixit Jesus illi multitudini: Vos quasi ad la-tronem profecti estis cum gla-diis & fustibus ad me capien-dum. Quotidie apud vos dege-bam, docens in sano, neque com-prehendistis.

56 Hoc verò totum factum est, ut vatum scripta comproba-rentur. Tunc discipuli omnes, eo relictò, fugerunt.

57 Illi autem comprehensum Jesum abduxerunt ad Caiapham Pontificem, quò Scribæ Sena-toresque convenerant.

58 Petrus verò eum procul secutus est usque ad Pontificis a-trium, & introgressus resedit cum ministris, ut exitum videret.

59 Pontifices autem & sena-tores totusque confessus quære-bant falsum testimonium contra Jesum, ut eum occiderent,

60 nec inveniebant: cumque multi accessissent falsi testes, tamen

tamen non inveniabant. Tandem accesserunt duo falsi testes,

61 qui dixerunt eum dixisse, posse se Dei templum diruere, & triduo instaurare.

62 Tum Pontifex surrexit, & ei dixit: Nihilne respondes? quid testantur hi contra te?

63 Cumque fileret Jesus, Pontifex eum his verbis affatus est: Obtestor te per Deum viventem, ut nobis dicas an tu sis Christus Dei filius.

64 Cui Jesus: Est ut dixisti, inquit: ac scitote futurum esse, ut filium hominis videatis sedentem ad dexteram potestatis & in nubibus venientem caelestibus.

65 Tum Pontifex vestimenta sua lacerare, eum impiè locutum esse dicens: Quid jam nobis opus est testibus? en nunc audivistis ejus impiam vocem.

66 Quid censetis? Illi verò morte dignum esse, respondere. Tum ei faciem conspuere, & colaphos impingere. Alii alapis ferire,

67 dicentes: Divina nobis, Christe, quis sit qui te percutit.

68 Interea Petrum foris in atrio sedentem, aggressa est his verbis ancilla quædam:

69 Tu quoque eras cum Jesu Galilæo.

70 At ille coram omnibus negavit scire se quid illa diceret.

71 Deinde egressum eum in vestibulum conspicata alia, dixit eis qui illic erant: Hic quoque erat cum Jesu Nazareno.

72 Ille verò rursus jurejurando negavit, se novisse hominem.

73 Paulo post qui aderant aggrediuntur Petrum: Profectò, inquit, tu quoque ex eis es, nam tua te locutio manifestum reddit.

74 Tum ille se diris agere, & jurare cœpit, se non novisse hominem: statimque gallus cantavit,

75 & Petrus Jesu dictum recordatus, qui sibi dixisset, fore ut priusquam gallus cantaret, ter eum negaret: foras egressus est, & acerbè flevit.

C A P U T XXVII.

Juda mors. Ager emptus. Christi silentium. Barabbas. Mulieris insomnium. Pilati lotio. Judæorum in semet dira. Jesu cruciatus. Cruci suffixus, potatus. Vestes Christi, titulus, Latrones, Probra, Tenebra. Jesus ad Patrem, ejus mors. Portenta, Milites. Humatio Jesu, sepulchrum obsignatum, custoditum.

MANÈ autem consilium ini-
erunt omnes Pontifices
& senatores populi contra Jesum,
de eo interficiendo,

2 eumque vinctum abduxerunt, & Pontio Pilato prætori tradiderunt.

3 Tum Judas ejus proditor, videns eum esse damnatum, poenitens reddidit triginta nummos argenteos Pontificibus & senatoribus,

4 sese peccavisse dicens: qui sanguinem prodidisset innocentem. At illi: Quid ad nos? inquit: tu vide sis.

5 Ille verò, abjectis in templo nummis, discessit, & se laqueo præfocatum ivit.

6 Pontifices autem, sumptis nummis, dixerunt eos non licere in templi fiscum referre, quippe cum precium esset sanguinis.

7 Itaque

7 Itaque capto consilio, emerunt eis agrum figuli, ad peregrinorum sepulturam.

8 Ideoque vocatus est ager ille, ager sanguinis, ad hunc diem.

9 Tunc accidit quod à Jeremia vate dictum fuerat his verbis: Itaque sumpserunt triginta argenteos, precium æstimati, quem licitati emerunt ab Israelitis,

10 eosque impenderunt in agrum figuli, quemadmodum mihi præcepit Dominus.

11 Jesus autem stetit ante prætorem, eumque sic prætor interrogavit: Eine tu rex Judæorum? Cui Jesus: Est ut dicis, inquit.

12 Cumque à Pontificibus & senatoribus accusaretur, nihil respondit.

13 Tum Pilatus dixit ei: Non audis quæ contra te testentur?

14 At ille ei ad nullum proflus verbum respondit, adeò ut valdè miraretur prætor.

15 Per festum autem solebat prætor unum vinctum plebi remittere quem vellent.

16 Habebant tum quendam vinctum illustrem, nomine Barrabam.

17 Igitur cum convenissent, dixit eis Pilatus: Utrum vultis vobis remittam? Barrabam, an Jesum, cognomine Christum?

18 Sciebat enim eum per invidiam ab eis esse traditum.

19 Sedente autem eo pro tribunali, sic ei significandum curavit ejus uxor: nihil tibi rei sit cum innocente isto: multa enim hodie secundum quietem passa sum propter eum.

20 Pontifices verò & senato-

res plebi persuaserunt, ut Barrabam peterent, Jesumque perderent.

21 Itaque cum prætor ex eis quæsisset, utrum duorum vellet ut eis remitteret, dixerunt Barrabam.

22 Et Pilatus: Quid ergo, inquit eis, faciam de Jesu nomine Christo? Cui omnes, crucifigatur, inquirunt.

23 Et Prætor: Quid enim mali fecit? At illi vehementius clamare: Crucifigatur.

24 Igitur videns Pilatus se non solum nihil proficere, sed etiam majorem tumultum fieri, sumpta aqua manus coram plebe lavit, dicens: Ego insons hujus innocentis sanguinis sum, vos videritis.

25 Et universus populus sic respondit: ejus sanguinem luamus nos nostrique nati.

26 Tunc ille Barrabam remisit eis. Jesum autem verberavit, & crucifigendum tradidit.

27 Tum prætoriani milites Jesum in prætorium ducunt, & ad eum totam cohortem congregant,

28 eumque spoliatum induunt chlamyde coccinea,

29 & contextam ex spinis coronam imponunt ejus capiti, & arundinem in ejus dexteram, atque ita ante eum congenulantes, illudunt ei dicentes: Salve rex Judæorum:

30 eumque conspuunt, & sumpta arundine ei caput contundunt.

31 Deinde, postquam ei iluserunt, spoliant eum chlamyde, ipsiusque vestibus induunt, & in crucem tollendum abducunt.

32 Exeuntes autem nacti sunt hominem Cyrenæum, nomine Simonem, quem coegerunt Jesu ferre crucem.

33 Deinde ubi venerunt in locum nomine Golgotha, qui Calvariae locus appellatur,

34 dederunt ei bibere acetum cum felle mixtum: quod ille cum gustasset, noluit bibere.

35 Eo autem crucifixo, ejus vestimenta forte jacta dispartiverunt, ut comprobaretur dictum illud varis: Mea inter sese vestimenta partiti, super veste mea sortem jecerunt.

36 Igitur sedentes eum illic observabant.

37 Posuerant autem supra caput ejus, scriptam ejus causam: Hic est Jesus rex Judæorum.

38 Tum crucifiguntur cum eo latrones duo, alter ad dexteram, alter ad sinistram.

39 Qui præteribant autem, ei maledicebant, motantes sua capita,

40 & dicentes: Qui templum destruis, & triduo instauras, serva teipsum. Si Dei filius es, descende de cruce.

41 Similiter & Pontifices cum Scribis & Senatoribus illudentes dicebant,

42 Alios servavit, seipsum servare non potest. Si Israelitarum rex es, descendat nunc de cruce & ei credemus.

43 Deo confidit, liberet nunc eum, si ei favet: quandoquidem dixit esse se Dei filium.

44 Atque idem ei etiam latrones cum eo crucifixi exprobrabant.

45 A sexta autem hora extiterunt per universam terram tenebræ, usque ad horam nonam.

46 Circa nonam horam exclamavit Jesus magna voce, di-

cens: Eli eli lamaſabachthani: hoc est, Mi Deus, mi Deus, cur me dereliquisti?

47 Quo audito quidam eorum, qui illic aderant, dicebant eum vocare Eliam.

48 Ac statim eucurrit eorum unus, sumptaque spongia, & aceto repleta, affixique arundini, dabat ei bibere.

49 At reliqui dicere: Sine, videamus an veniat Elias servatum eum.

50 Jesus autem, cum rursus ingenti voce clamasset, emisit spiritum.

51 Et ecce templi velum in duas partes à summo ad imum fissum est, & terra commota est, & saxa fissa.

52 & monimenta aperta, multaque corpora sanctorum, qui obdormiverant surrexerunt,

53 qui ex monumentis egressi, post ejus resurrectionem, ingressi sunt in sanctam urbem, & multis apparuerunt.

54 Centurio verò, & ejus comites, Jesum custodientes, viso terræ motu, & iis quæ acciderant, vehementer territi, confessi sunt eum verè Dei filium fuisse.

55 Erant autem illic multæ mulieres, procul spectantes, quæ Jesum ex Galilæa secutæ fuerant ei ministrantes,

56 in quibus erat Maria Magdalena, & Maria Jacobi & Johis mater, & mater filiorum Zebedæi.

57 Sub vesperum autem venit dives homo ab Arimathæa, nomine Josephus, qui & ipse fuerat à Jesu disciplina.

58 Is Pilatum aggressus, petiit Jesu corpus. Tum Pilatus jussit tradi corpus.

59 Et Josephus sumptum corpus involvit mundo linteo,

60 & in suo novo monimento posuit, quod in saxo exciderat, advolutoque ingenti lapide ad ostium monimenti discessit,

61 cum quidem illic esset Maria Magdalena, & altera Maria, e regione sepulchri sedentes.

62 Postero die, qui est post preparationem, coiverunt Pontifices & Pharisei ad Pilatum,

63 & eum sic allocuti sunt: Domine, meminimus deceptorem illum dicere, cum adhuc viveret, sese intra tres dies esse resurrecturum.

64 Quare jube muniri sepulchrum usque ad diem tertium, ne forte ejus discipuli eum surreptum eant, dicantque populo, eum ex mortuis surrexisse, atque ita novus oriatur error priore deterior.

65 Quibus Pilatus: Habetis custodiam, inquit: ite id munus vestro modo.

66 Ita illi sepulchrum munitum iverunt: & lapidem præter adhibitam custodiam, figillarunt.

CAPUT XXVIII.

Angelus ad sepulchrum. Custodum pavor. Angelus ad mulieres, iisdem Jesus obviens. Obvoluti custodes. Jesus in Galilæa: doctrina ad suos & Baptismus.

EA autem nocte septidui, quæ in primam à Sabbato diem illucescit, venit Maria Magdalena, & altera Maria, spectatum sepulchrum.

2 Ecce autem magnus terræ motus. Angelus enim Domini de caelo degressus, venerat avolutum lapidem ab ostio, &

super eo sedebat.

3 Erat autem ejus species fulguris similis, & indumentum tam album quàm est nix.

4 Atque ejus metu perculsi custodes, penè exanimati sunt,

5 Is angelus sic est mulieres allocutus: ne metuite, vos: Scio vos Jesum quærere crucifixum.

6 Non est hic: surrexit enim, quemadmodum prædixerat. Adeste, videte locum ubi jacebat Dominus:

7 ac protinus ite nuntiatum discipulis, eum à mortuis surrexisse, & vos in Galilæam antecedere: illic eum visuros esse. Hoc ego vobis dico.

8 Igitur illæ confestim ex monumento cum metu & ingenti lætitiâ egressæ, id ejus discipulis renunciatum cucurrerunt.

9 Ut autem id discipulis renunciatum ibant, ecce Jesus occurrit eis. Salvete, inquit. Atque illæ acceperunt, ejusque pedes prehenderunt, & eum veneratæ sunt.

10 Tum Jesus: Ne metuite, inquit eis: ite nuntiatum meis fratribus, ut abeant in Galilæam, & ibi me videbunt.

11 Euntibus autem illis, quidam custodum venerunt in urbem, & Pontificibus rem omnem nunciarunt.

12 Atque illi cum senatoribus coiverunt: & capto consilio satis grandem pecuniam militibus dederunt,

13 atque ita dixerunt: Dicite, ejus discipulos venisse noctu, & eum vobis dormientibus surripuisse.

14 Quòd si hoc apud præto-
rem fuerit auditum, nos id ei
persuadebimus, securosque red-
demus vos.

15 Igitur illi, accepta pecu-
nia, fecerunt ut erant edocti :
estque res illa divulgata apud
Judæos ad hunc diem.

16 Undecim autem discipuli in
Galilæam profecti sunt, in mon-
tem, quò eis Jesus præceperat,

17 eumque visum adorarunt :
nonnulli dubitarunt.

18 Et Jesus aggressus eos, sic
est locutus : Mihi data est om-
nis potestas in cælo & in
terra.

19 Vadite igitur doctum om-
nes gentes, eosque baptizate in
nomen patris, & filii, & spiritûs
sancti,

20 docentes eos exequi quæ-
cunque vobis præcepi. Ego vo-
bis adfuturus sum perpetuò, us-
que ad finem sæculi.

EVAN.

EVANGELIUM

AUTHORE MARCO.

CAPUT I.

De Johanne vaticinium: ejusdem locus, actio, concito, vestis, citius. Christi baptismus, & Johannis. Baptizatus Jesus. Vox cum columba. Christi tentatio: ad hunc angeli: ejus doctrina. Simonis, Andrea, Jacobi, Johannis vocatio. Spiritus impurus. Petri socius. Ad sacerdotem leprosus.

Initium Evangelii Jesu Christi Dei filii,

2 ut scriptum est in vaticiniis: Ego tibi meum præmittam nuncium, qui tibi viam præparet.

3 Vox clamantis in solitudine: Parate viam Domini: dirigite semitas ejus.

4 Baptizabat Johannes in solitudine & emendationis vitæ baptismum publicabat ad peccatorum veniam:

5 ad eumque proficiscebatur tota Judæa regio, ac Hierosolymitani, & ab eo baptizabantur omnes in Jordane fluvio, consistentes peccata sua.

6 Erat autem Johannes indutus camelinis pilis, lateribus pelliceo cingulo cinctis, vescébaturque locustis & melle sylvestri,

7 atque hujusmodi verbis publice docebat: Venit quidam post me, aded me præstantior, ut ego non sim dignus qui ejus calceorum corrigiam pronus solvam.

8 Ego quidem vos aqua baptizavi: at is vos sancto spiritu baptizabit.

9 Accidit autem ut per eos dies veniret Jesus à Nazareth.

Galilææ, isque à Johanne baptizatus est in Jordane:

10 qui Johannes simulacrum ex aqua egressus est, vidit cælum findi, & spiritum quasi columbam descendere in eum,

11 exiitque vox ex cælo: Tu es meus charissimus filius, qui mihi acceptus es.

12 Statimque spiritus eum egit in solitudinem,

13 ibique fuit in solitudine dies quadraginta, tentatusque est à Satana, eratque cum feris, & ei ministrabant angeli.

14 Postquam autem captus est Johannes, venit Jesus in Galilæam, divinique regni evangelium publicavit,

15 dicens, completum esse tempus, & instare Dei regnum, corrigerent se, & evangelio crederent.

16 Ambulans autem apud Galilææ lacum, vidit Simonem & Andream ejus fratrem, jacentes in lacum retia: erant enim piscatores.

17 Et Jesus dixit eis: Venite post me & efficiam ut sitis hominum piscatores.

18 Atque illi confestim, relictis suis retibus eum secuti sunt.

19 Inde paululum progressus vidit Jacobum Zebedæi filium, & Johannem ejus fratrem, qui & ipsi in navi reficiebant fundas.

20 eosque protinus vocavit, atque illi patre suo Zebedæo in navi cum mercenariis relicto, eum subsecuti sunt.

21 Profecti sunt autem Caperna-

pharnaum, atque ille continuo ingressus Sabbatis in collegium docet,

22 illis ad ejus doctrinam attonitis: quippe qui eos doceret ut potestate præditus, non ut Scribæ.

23 Erat autem in eorum collegio homo impurum habens spiritum, qui sic exclamavit:

24 Heu, quid tibi nobiscum rei est, Jesu Nazarene? venisti perditum nos? Scio te quis sis, Sanctus Dei.

25 At Jesus eum increpuit, dicens: Obmutescere, & ex isto migra.

26 Tum illum spiritus impurus laceravit, & ingenti cum clamore exiit ex eo.

27 Id quod admirati sunt omnes, ita ut inter sese disceptarent, quidnam id esset? quænam ea foret nova doctrina? quòd per potestatem etiam impuris spiritibus imperaret, iique ei parerent.

28 Itaque dimanavit celeriter ejus fama in omnia Galilææ finitima.

29 Simulac autem ex collegio egressi sunt, venerunt in ædes Simonis & Andreæ, cum Jacobo & Johanne.

30 Socrus autem Simonis jacebat febricitans, id quod illi ei statim dixerunt:

31 atque ipse eam aggressus, ejus manu prehensa allevavit, eaque protinus liberata febre, cœpit eis ministrare.

32 Sub vesperum autem, occidente sole, adferebantur ad eum omnes malè affecti, ac furiosi,

33 totaque civitas convenerat ad fores,

34 atque ille multos, qui variis morbis vexabantur, sanavit, & multa dæmonia ejecit, neque

finebat dicere dæmonia, se scire eum esse Christum.

35 Manè autem, multa adhuc nocte, surrexit exiitque Jesus, & abiit in desertum locum, atque illic orabat.

36 Quem consecuti Simon & ejus comites,

37 eumque nacti, dicunt ei eum ab omnibus conqueri.

38 Quibus ille: Eamus, inquit, in finitima oppidula, ut illic quoque prædicem. Hac enim de causa profectus sum.

39 Itaque publicè docebat in eorum collegiis per totam Galilæam, & dæmonia ejiciebat.

40 Aggressus autem eum leprosus, congenulans hujusmodi verbis rogavit: Si vis, potes me purgare.

41 Et Jesus misertus, illum porrecta manu tetigit: Volo, inquit ei, purgator.

42 Et simul eo locuto, discessit ab illo lepra, isque purgatus est,

43 Ei autem interminatus, eum protinus ejecit,

44 &, Vide, inquit, ne cui quid dicas: sed i ostensum te sacerdoti, & offer ob tui purgationem quæ præcepit Moyses, ut eis essent testimonio.

45 At ille egressus cœpit multa prædicare, & rem ita divulgare, ut Jesus non jam posset palam in urbes ingredi, sed foris desertis in locis esset, cum quidem ad eum veniretur undique.

C A P U T II.

Paralyticus. In peccata Jesus. Levi. Cum Christo peccatores. Cui Christus. Pro discipulis de jejuniis, ac spicis.

CUM autem rursus post aliquot dies ingressus esset Capharnaum,

2 ubi auditum est eum esse domi, protinus tam multi convenerunt,

venerunt, ut eos ne vestibulum quidem caperet.

3 Ad quos cum verba faceret, veniunt ad eum quidam membris captum ferentes, qui à quatuor portabatur.

4 Qui cum ad eum accedere propter hominum turbam non possent, detexerunt tectum ubi erat ille, factoque foramine, demisere grabatum in quo jacebat fideratus.

5 Eorum visa fiducia Jesus, dicit fiderato: Nate, ignoscunt tibi peccata tua.

6 Erant autem Scribarum quidam illic sedentes, qui cum suis animis sic cogitabant:

7 Qui sit, ut hic ita loquatur impiè? Quis potest ignoscere peccata, nisi unus Deus?

8 Tum Jesus, cum protinus animo suo eos sic secum cogitare cognovisset, dixit eis: Quid ista cogitatis cum vestris animis?

9 Utrum facilius est dicere fiderato: Ignoscuntur tibi peccata? an dicere: Surge, & tolle grabatum tuum & ambula?

10 Atque ut sciatis potestatem habere filium hominis ignoscendi in terris peccata,

11 tibi dico (inquit fiderato) surge, & sublato grabato tuo, abi domum tuam.

12 Atq; ille protinus surrexit, sublatoque grabato exiit coram omnibus, adeo ut omnes attoniti Deum collaudarent, sese nihil unquam tale vidisse confitentes.

13 Profectus est autem rursus ad lacum, & ad eum omnes vulgò veniebant, isque eos docebat.

14 Præteriens autem Jesus, conspicatus Levim Alphæi filium, ad publicanorum mensam sedentem, dicit ei: Sequere me. Atque ille surrexit, eumque secutus est.

15 Accidit autem ut Jesu in illius ædibus convivante, cum multi publicani & improbi cum eo, ejusque discipulis accumberent (erant enim multi qui eum secuti fuerant)

16 Scribæ & Pharisei, eo viso cum publicanis & improbis cibum capiente, quærent ex ejus discipulis, qui fieret ut eam publicanis & improbis cibum portionemque sumeret?

17 Quo audito, Jesus dixit eis: Non egent valentes medico, sed male affecti. Non veni vocatum insones, sed fontes ad frugem.

18 Cum solerent autem Johannis & Phariseorum discipuli jejunare, eum hujusmodi verbis convenerunt: Qui sit ut Johannis & Phariseorum discipuli jejunent? tui discipuli non jejunent?

19 Quibus Jesus: possuntne qui nuptias celebrant, inquit, dum eis sponsus adest, jejunare? Quandiu habent secum sponsum, non possunt jejunare.

20 Sed veniet tempus, cum eis sponsus auferetur: quo quidem tempore jejunabunt.

21 Neque verò quisquam panni rudis pittacium assuit veteri vestimento. Alioquin novum illud ejus supplementum auferret veteris partem, atque ita fieret fissura.

22 Neque quisquam vinum novum in veteres utres recondit: alioquin rumperet utres vinum novum, & vinum effunderetur, & utres perderentur: sed est vinum novum in novos utres condendum.

23 Accidit autem ut eo per fata transeunte, cum Sabbati dies esset, ejus discipuli iter facientes spicas vellent.

24 Itaque Pharisei dixerunt ei: En, cur faciunt Sabbatis, quod non licet?

25 Quibus ille: Nunquamne legistis, inquit, quid fecerit David, cum aliquando egeret, & esuriret, ipse ejusque comites?

26 ut Dei domum ingressus, Abiathare Pontifice, appositios panes (quibus non nisi sacerdotibus vesci fas est) comederit, & suis etiam comitibus impertiverit?

27 Sabbatum (inquit eis) propter hominem factum est, non homo propter Sabbatum.

28 Itaque Dominus filius est hominis, etiam Sabbati.

C A P U T III.

Arida manus. Concilium in Jesum. Discipulorum numerus, legatio, virtutes. Calumnia in Christum de Beelzebub. Peccatum inexpiabile. Quis Christo cognatus.

Ingressus est autem rursus in collegium, ubi cum homo esset aridam habens manum,

2 illi eum observabant, an Sabbato eum sanaret, ut eum incusarent,

3 Igitur ille homini siccam habenti manum dixit: Surge in medium.

4 Tum illos alloquens: Licetne Sabbatis benefacere, an malefacere? vitam servare, an interficere?

5 Cumque illi tacerent, ille eos irate circum intuitus, eorum animi callum dolens, dicit homini: Extende manum tuam. Atque ille extendit, eaque tam sana reddita est, quam erat altera.

6 Pharisei vero egressi, protinus cum Herodianis consilium de eo perimendo ceperunt.

7 At Jesus sese cum suis discipulis recepit ad lacum, eumque ingens hominum multitudo à Galilæa secuta est, & à Judæa,

8 & à Hierosolymis, & ab Idumæa, & ab agro Transjordanino, Tyroque & Sidoni finitimi, cum audivissent quæ faceret, ad eum ingenti multitudine venerunt,

9 Itaque ille suis discipulis mandavit, ut sibi præstò esset navicula, propter turbam, ne ab illis premeretur:

10 multos enim sanaverat: itaque ruebant in eum, ut eum tangerent, quotquot erant in aliquo cruciatu.

11 Item spiritus impuri, cum eum aspexerant, accidebant ei, & ita clamabant: Tu es Dei filius.

12 Quos ille multum objurabat, ne se manifestum facerent.

13 Ascendit autem in montem, & advocavit quos voluit, atque ubi illi ad eum venerunt,

14 constitit duodecim, qui se comitarentur, & quos ad publicè docendum dimitteret,

15 quique potestatem haberent curandi morbos, & dæmonia ejiciendi.

16 Imposuit autem Simoni nomen Petrum:

17 itemque Jacobum Zebedæi filium, & Johannem Jacobi fratrem, quibus nomina imposuit Boanerges, hoc est tonitruum filii:

18 & Andream, & Philippum, & Bartholomæum, & Mattheum, & Thomam, & Jacobum Alphæi filium, & Thaddæum, & Simonem Cananitam,

19 & Judam Iscariotam, eum à quo proditus est.

20 Deinde ubi domum venerunt, convenit rursus multitudo, adeò, ut ne cibum quidem capere possent.

21 Quo audito, sui ad eum capiendum profecti sunt: dicebant enim, eum esse insanum.

22 Scribæ autem, qui à Hierosolymis descenderant, dicebant eum habere Beelzebulem, & per dæmoniorum principem ejicere dæmonia.

23 At ille eos advocatos sic est per similitudines allocutus: Potestne Satanas Satanam ejicere?

24 Quòd siquod regnum ab sese diffidet, id regnum stare non potest.

25 Aut siqua domus secum ipsa diffidet, ea domus stare non potest:

26 Quòd si Satanas secum ipse pugnat, ac diffidet, stare nequit, sed finem habebit.

27 Non potest quisquam alicujus potentis suppellectilem, in ejus ædes ingressus, diripere, nisi prius potentem illum vinciat, atque ita demum ejus ædes diripiat.

28 Certò scitote, omnium hominum generi peccata, & quæcunque maledicta dixerint, ea esse ignoscenda.

29 Sed qui sancto spiritui maledixerit, nunquam affecutus est veniam, sed obnoxius est supplicio sempiterno:

30 Quoniam dicebant, eum immundum habere spiritum.

31 Venerunt autem ejus mater & fratres, forisque manentes curarunt eum accersendum,

32 cùm quidem eum circumfideret hominum multitudo. Cùm igitur illi ei dixissent, adesse foris ejus matrem, & fratres qui eum quærerent,

33 ille sic eis respondit: Quæ est mea mater: mei que fratres?

34 Tum circumspectis discipulis, qui se circumfidebant: Ecce mea mater, inquit, mei que fratres.

35 Quisquis enim Dei voluntati paret, is meus frater, & soror, & mater est.

CAPUT IV.

Semen iacentis parabola. Cur quibusdam per parabolas Christus. Obscuri declaratio. Lucerna locus, usus. An quid verè latens. Relatio par. Seminatore ac messor. Sinapis semen. Jesus in tempestates.

Rursus autem cœpit ad lacum docere, tantaque ad eum convenit hominum multitudo, ut navem ingressus sederet in lacu, & omnem multitudinem, quæ apud lacum in terra erat,

2 multa per similitudines doceret, & inter docendum sic eis diceret:

3 Audite. Profectus est aliquando quidam sator ad serendum:

4 atque inter serendum accidit ut aliud caderet apud viam, id quod comederunt aeræ volucres, quæ supervenerunt.

5 Aliud cecidit in saxetum, ubi non multam habebat humum, idque statim exortum est quod profundam terram non haberet:

6 deinde orto Sole, aestuavit, & quoniam radicem non habebat, aruit.

7 Aliud cecidit in spinas, quæ spinæ creverunt, idque suffocarunt, ita ut fructum non ediderit.

8 Aliud cecidit in bonam terram, ediditque fructum, qui tanto incremento auctus est,

ut extulerit, partim cum trigesimo, partim cum sexagesimo, partim cum centesimo.

9 Qui aures habet ad audiendum (inquit eis) audiat.

10 Cum autem seorsum effer, interrogarunt eum sui, cum duodecim, de ea similitudine.

11 Quibus ille : Vobis datum est, inquit, regni Dei arcanum nosse : at cum illis exteris omnia per similitudines aguntur,

12 ut aspiciant, neque videant : & audiant, nec intelligant, ne ad frugem redeant, atque ita eis ignoscantur peccata.

13 An nescitis hanc similitudinem ? inquit eis : quo pacto verò similitudines omnes cognoscetis ?

14 Sator sermonem serit.

15 Secundum viam autem ubi seritur sermo, ii sunt qui simulac audiverunt, venit Satanas, tollitque satum in eorum animis sermonem.

16 Similiter qui in saxetum feruntur, ii sunt, qui cum sermonem audiunt, eum protinus accipiunt cum læritia :

17 verum non habent in sese radicem, sed temporarii sunt : deinde orta propter sermonem calamitate, aut insectatione, citò dimoventur.

18 Qui autem in spinas feruntur, ii sunt qui sermonem audiunt,

19 sed superveniunt hujus vitæ curæ, & divitiarum fallacia, reliquarumque rerum cupiditates, quæ sermonem ita suffocant, ut sit infructuosus.

20 At in bonam terram sati, ii sunt qui sermonem & audiunt & admittunt, & fructum ferunt partim trigecuplum, partim sexagesuplum, partim centuplum.

21 Item hoc dixit eis : Nunquid accenditur lucerna, ut sub modio ponatur, aut sub lecto ? Nonne ut in candelabro ponatur ?

22 Nihil enim est tam occultum quod non sit patefaciendum : neque quicquam tam arcanè sit, quod non palàm futurum sit.

23 Si quis aures ad audiendum habet, audiat.

24 Videte quid audiat, inquit eis, qua mensura metiemini, metiendum vobis est, & vobis addetur audientibus.

25 Nam qui habet, ei dabitur, qui verò non habet, etiam quod habet eripietur ei.

26 Deinde dicebat : perinde est cœleste regnum, ac si quis jaciat humi semen,

27 deinde dormiat, atque furgat noctes & dies, seménque germinet, & grandescat, eo nesciente.

28 Nam terra, sponte sua parit, primum herbam, deinde spicam, deinde plenum in spica frumentum.

29 Simulac autem fructus adolevit, ille falcem immittit, quoniam messis adest.

30 Item dicebat : Cui assimilabimus regnum Dei ? aut qua id comparatione comparabimus ?

31 Perinde est ac granum sinapi, quod cum in terra satum est, est quidem omnium terrestrium seminum vel minimum :

32 sed cum est satum, crescit, fitque omnium maximum olorum : tantosque ramos procreat, ut possint sub ejus umbra aeræ volucres nidulari.

33 Hujusmodi similitudinibus multis ad illos verba faciebat, prout audire poterant ;

34 nec eos absq; similitudine allo-

alloquebatur, sed seorsum discipulis suis explicabat omnia.

35 Dixit autem eis illo die sub vesperam: Trajiciamus.

36 Itaque illi, omiſſa hominum multitudine, eum admiserunt, ut erat in navi, cum quidem aliæ quoque naviculæ essent unâ cum eo.

37 Exiit autem tanta venti procella, ut fluctus aded navem invaderent, ut ea jam repleretur,

38 cum esset ipse in puppi, super cervicali dormiens. Igitur illi eum excitant, &: Magister, inquit, nihilne hoc curas, quod perimus?

39 At ille expergefactus, ventum objurgavit, & lacui dixit: Tace, obmutesce. Itaque sedato vento, magna tranquillitas exiit.

40 Et ille: Adeone timidi estis, inquit eis: qui sit ut fiduciam non habeatis?

41 Illi verò ingenti metu percussi, dicere inter sese: Et quis est hic, ut ei ventus & lacus obediant?

CAPUT V.

Damoniacus à legione. Demersus. Jesus dimissus. Persanati officium grati. Filia rediviva. Profluvium vetus.

Venerunt autem trans lacum in agrum Gadarenorum,

2 eique simulac ex navi egressus est, occurrit ex monimentis homo impurum habens spiritum,

3 in monimentis degere solitus, quem ne catenis quidem poterat vincire quisquam:

4 quippe à quo sæpe compedibus catenisque victo, discerpere fuerant catenæ, & compedes comminutæ: nec eum quamquam domare potuerat.

5 Semper autem noctes dieſque in montibus & sepulchretis agens, clamabat, & seipsum lapidibus contundebat.

6 Is viso procul Jesu accurrit, eique honorem præbuit,

7 & ingenti voce clamans, inquit: Quid tibi mecum rei est, Jesu supremi Dei filii? Obtestor te per Deum, ne me torqueas.

8 Ille enim ei dicebat: Exi impure spiritus ex homine,

9 eumque interrogabat quod ei nomen esset. Cui ille respondit: Legio mihi nomen est, quoniam multi sumus:

10 eumque multum orabat ne eos extra eam regionem mitteret,

11 Erat autem illic apud montes porcorum grex ingens qui pascebat.

12 Igitur eum rogarunt demones omnes, ut se in porcos mitteret, ut in eos ingrederentur.

13 Id quod simulac eis permisit Jesus, egressi spiritus impuri, ingressi sunt in porcos: atque grex per præceptum in lacum decurrit (erant autem circiter duo millia) inque lacu suffocati sunt.

14 Subulci autem fugerunt, idque & in urbe, & per rura nunciarunt. Itaque profecti homines ad videndum quid accidisset,

15 veniunt ad Jesum, spectantque furiosum illum sedentem, vestitumque, & sanæ mentis, qui legionem habuerat, timuerantque.

16 Cumque eis narrassent, qui viderant, quid accidisset furioso itemque de porcis,

17 coeperunt eum orare, ut ex tunc locis discederet.

18 Eum autem in navem ingressum,

gressum, rogabat qui furiosus fuerat, ut esset ei comes.

19 Verum Jesus non permisit ei, sed dixit: Abi domum tuam, ad tuos: eisque nunciato quæ tibi Dominus, tui misertus fecerit.

20 Ita ille discessit, coepitque per Decapolim prædicare, quæ sibi fecisset Jesus: id quod mirabantur omnes.

21 Jesu autem rursus in navi trajecto, convenit ad eum frequens hominum multitudo:

22 cumque esset apud lacum, venit quidam magistrorum collegii, nomine Jairus, qui eo viso, ei ad pedes accidit:

23 eumque multum oravit, dicens, filiolum suam in extremo esse periculo: veniret, ei que manus inponeret ut servaretur, ac revalesceret.

24 Ita ille cum eo abiit, tanta eum sequente hominum multitudine, ut eum premerent.

25 Quædam autem mulier, quæ sanguinis profluvio duodecim jam annos laborabat,

26 & multa à multis passa medicis, omni sua re consumpta, non solum nihil profecerat, sed in deterius venerat,

27 cum de Jesu audivisset, venit à tergo inter turbam, ejusque vestimentum tetigit:

28 Cogitabat enim, si vel ejus vestes attingeret, se salvam fore:

29 & protinus aruit ejus fons sanguinis, sensitque se corpore esse ab ea miseria sanatam.

30 Et Jesus statim apud sese vim à se profectam cognoscens, conversus in turba dixit: Quis mea vestimenta tetigit?

31 Cui ejus discipuli: Vides te à turba premi, & quænam quis te tetigerit?

32 Sed cum ille circumspiceret, ut eam videret, quæ id fecerat,

33 territa mulier, & tremebunda, sciens quid sibi accidisset, venit, & ei accidit, remque omnem, ut sese habebat, dixit.

34 Et ille: Filia, inquit ei, tua te fiducia servavit: abi salva, & esto à tuo malo sana.

35 Adhuc eo loquente, veniunt à magistro collegii, qui ei dicunt: Tua filia mortua est, quid jam molestus es magistro?

36 At Jesus, simulac quid diceretur audivit, dixit magistro collegii: Ne metue, tantum crede.

37 Non fivit autem quenquam se subsequi, præter Petrum, & Jacobum, & Johannem Jacobi fratrem.

38 Deinde ubi venit in ædes magistri collegii, videt tumultum, & plorantes, multumque ejulantes,

39 ingressusque dicit eis: Quid tumultuamini; & ploratis? Puella non est mortua, sed dormit.

40 At illi eum deridere. Ipse, ejectis omnibus, assumpto puellæ patre atque matre, & suis comitibus, ingreditur eò ubi jacebat puella:

41 ejusque manu prehensa, dicit ei: Talitha cumi: quæ verba sic sonant: Puella (inquam tibi) surge:

42 statimque surrexit puella, & ambulare coepit (erat autem annorum duodecim) unde illi vehementer attoniti sunt.

43 Præcepit autem eis Jesus magnopere, ne quis id resciret, eique cibum dari iussit.

CAPUT VI.

In patria propheta. Apostolorum missio, virtutes, habitus, egestas, mandata, opera. De Jesu sententia. Joannis vincula, mors, humatio. Panes quinque, ac duo pisces, malicia, alia.

Illinc deinde profectus; venit in suam patriam, sequentibus eum ejus discipulis.

2 Atque ubi advenit Sabbatum, cepit in collegio docere, ita ut multi audientes, attoniti dicerent: Unde ei hæc? & quæ est quæ ei data est sapientia, & quæ sunt ejus manibus miracula?

3 Annon is est faber, Mariæ filius, Jacobi, & Josi, & Judæ, & Simonis frater? & nonne sunt hic apud nos ejus sorores? Itaque in eo offendebantur.

4 Et Jesus dicebant eis, non esse vatem inhonoratum, nisi in sua patria, & apud consanguineos domique suæ.

5 Itaque non potuit illic ullum facere miraculum, nisi quod paucos ægrotos, impositis manibus sanavit.

6 admiratus eorum infidentiam. Obibat autem vicos undique finitimos, docens:

7 vocatosque duodecim, cepit binos dimittere, eisque in spiritus impuros potestatem dedit:

8 præcepitque ne quid ad iter circumferrent, nisi baculum tantum, non peram, non panem, non æs in crumena,

9 sed sandaliis calcearentur, æque binas induerent tunicas.

10 Item eis dixit: Ubiunque domum ingressi fueritis, il-

lic manetote, donec inde migretis.

11 Et quicumque vos non admiserint, nec audiverint, vos illinc proficiscentes, excutite pulverem, qui suberit vestris pedibus, quod sit eis testimonio. Hoc vobis confirmo, mitius actum iri cum Sodomis & Gomorris in die judicii, quam cum illa civitate.

12 Igitur illi profecti, mores corrigere publice docebant.

13 multaque dæmonia ejiciebant, & multos ægrotos oleo ungebant ac sanabant.

14 Id cum audivisset rex Herodes (nam celebre factum erat ejus nomen) dicebat, Johannem, qui baptizare solitus fuerat, ex mortuis surrexisse, ideoque eum tam esse factis potentem.

15 Alii dicebant Eliam esse, alii vatem esse, aut ut aliquem vatium.

16 Quo audito Herodes dicebat, quem ipse decollasset Johannem, eum esse: ex mortuis surrexisse.

17 Nam ipse Herodes Johannem capiendum curaverat, & in custodia vinciendum, propter Herodiadem Philippi sui fratris uxorem, quam ipse duxerat in matrimonium.

18 Dicebat enim Johannes Herodi, non licere ei uxorem habere sui fratris.

19 Herodias autem imminabat Johanni, eumque interficere volebat: sed non poterat,

20 propterea quod Herodes Johannem verebatur, sciens virum esse justum, atque sanctum, eumque observabat, eique multis in rebus auscultabat, & eum libenter audiebat.

21 Accidit

21 Accidit autem opportuna dies, qua Herodes optimatibus tribunisque & primatibus Galilææ natalitia dabat :

22 & ingressa ipsius Herodiadis filia saltavit, Herodique & convivis ita placuit, ut dixerit rex puellæ : Posce me quicquid voles, tibi dabo :

23 eique sic juravit : Quicquid à me petieris, id tibi dabo, etiam si sit regni mei dimidium.

24 At illa egressa, consuluit suam matrem, ecquid peteret ? Et mater jussit ut Johannis Baptistæ caput.

25 Itaque illa statim festinanter ad regem ingressa, petiit his verbis : Volo ut mihi des protinus in catino, caput Johannis Baptistæ.

26 Id quod dolens rex, tamen propter jusjurandum & convivas noluit ei denegare :

27 misitque confestim rex spiculatorem, & ei, ut illius caput afferret, imperavit : ille eum in carcere decollatum ivit,

28 & ejus caput in catino attulit, ac puellæ tradidit : quod puella porro suæ matri dedit.

29 Hoc audito, Johannis discipuli venerunt sublatum ejus corpus, idque in monumento posuerunt.

30 Convenerunt autem ad Jesum apostoli, eique omnia quæque fecerant, quæque docuerant, renunciaverunt.

31 Et Jesus jussit eis, ut adessent ipsi seorsim in desertum locum, paululumque requiescerent. Erant enim qui veniebant, & qui abibant, tam multi, ut eis ne cibi quidem capiendi otium suppeteret.

32 Itaque discessit in desertum locum, in navi, seorsum :

33 quos cum vulgus abire videret, agnoverunt eum multi, & illuc pedestres ex omnibus urbibus concurrunt, eosque aggressi, ad eum convenerunt.

34 Itaque egressus Jesus tantam conspicatus multitudinem, misertus est eorum, quod erant perinde ac pastorem non habentes oves, eosque multa docere aggressus est.

35 Postquam autem jam sera venit hora, ejus discipuli eum hujusmodi verbis sunt aggressi, Desertus est hic locus, & jam sera hora :

36 dimitte eos, ut in finitimos pagos vicosque profecti panes sibi comparent : nam quod comedant, non habent.

37 Et Jesus eis respondens, Præbere vos eis cibum, inquit. Cui illi : Eamus emptum ducentis denariis panes, quibus eos pascamus.

38 Et ille : Quot panes habetis ? inquit eis : Ite visum. Quo cognito, cum quinque, & duos pisces dixissent.

39 Jussit illos omnes discumbere catervatim in viridi gramine.

40 Ac postquam in classes distributi centeni & quinquageni discubuerunt,

41 ille sumptis quinque panibus, & duobus piscibus, cælum suspiciens, laudes egit, fregitque panes, & suis discipulis tradidit, ut illis apponerent, duosque pisces distribuit omnibus,

42 comederuntque cuncti ad satietatem,

43 & sublata sunt fragmentorum duodecim canistra plena, necnon ex piscibus :

44 & erant qui comederant, virorum circiter quinque millia.

45 Deinde confestim coegit discipulos suos navim conscendere, & antè trajicere ad Bethsaïdam, dum ipse turbam illam admitteret.

46 Postquam illis valedixit, discessit in montem orandi gratia.

47 Sub vesperam cùm esset navis in medio lacu, & ipse solus in terra,

48 vidit eos in remigando vexari : quippe cùm ventus esset eis contrarius. Deinde circa quartam noctis vigiliam venit ad eos, per lacum ingrediens, eosque volebat præterire.

49 At illi eum lacu ambulantem conspicati, & spectrum esse rati, exclamare :

50 omnes enim eum vident, turbatique sunt. Tum ille continuò eos allocutus : Bone este animo, inquit : ego sum, ne timeate :

51 ad eosque ascendit in navem, & ventus posuit : id quod illi supra modum attoniti, apud sese mirari.

52 Non enim considerabant illos panes, utpote qui torpentibus essent animis.

53 Postquam trajecerunt, venerunt in agrum Genezarethanum :

54 ac simulac appulsi, ex navibus egressi sunt, incolæ eo cognito,

55 totam illam finitimam regionem percurrerunt, coeperuntque in grabatis malè affectos eo afferre ubi eum esse audiebant.

56 Ac quocunque intrabat in vicus, in urbes aut pagos, proponebant per fora ærogantes, eumque rogabant, ut vel ejus

togæ limbum tangerent : ac quicunque eum tangebant, sanabantur.

CAPUT VII.

Pro discipulis illotis. Pharisearum increpatio. Nos sœdantia. Syrophœnissæ nata, fides, gratia.

CONvenerunt autem ad eum Pharisei, & quidam Scribarum, qui Hierosolymis venerant :

2 qui cùm vidissent quosdam ejus discipulorum profanis, hoc est, illotis manibus cibum capere, reprehenderunt.

3 Nam Pharisei, Judæique omnes non nisi sæpe lotis manibus epulantur, tenentes veterum institutum.

4 Item à foro non nisi loti epulantur, aliaque multa sunt, quæ tenenda acceperunt, poculorum lotiones, & urceorum, & æramentorum, & lectorum.

5 Deinde sic eum interrogant Pharisei & Scribæ : Cur non agunt tui discipuli, ut veterum postulat institutio, sed illotis manibus cibum capiunt ?

6 Quibus ille sic respondit : Rectè de vobis simulatoribus vaticinatus est Esaias, ut scriptum est : Hic populus me labiis honorat, cùm eorum cor absit à me procul.

7 Verum frustrà me venerantur, docentes doctrinas, quæ sunt hominum præcepta.

8 Nam relicto Dei præcepto, tenetis hominum institutum, urceorum, poculorumque lotiones : & alia his consimilia multa facitis.

9 Probè, inquit eis : Dei præceptum antiquatis, ut vestram conservetis institutionem.

10 Moses enim dixit : Honora tuum patrem atque matrem :

trem: &, Qui patri, matri-
vè maledixerit, morte pleſta-
tur.

11 At vos dicitis: Si quis
patri matrivè dixerit: Corban,
hoc eſt, donarium, quod à
me proficiſcetur, id tibi pro-
derit.

12 Ita non finitis eum jam
quicquam ſuo patri matrivè
præſtare,

13 Dei dictum iſta, quam
tradidiſtis, institutione reſcin-
dentes. Atque huiusmodi
multa facitis.

14 Tum advocata omni mul-
titudine, dixit eis: Audite me
omnes, & intelligite.

15 Nihil eſt extra hominem,
quod in eum intret, quod eum
poſſit inquinare: ſed quæ ex
eo prodeunt, ea ſunt quæ ho-
minem polluant.

16 Si quis aures habet ad
audiendum, audiat.

17 Ubi autem à turba do-
mum ingreſſus eſt, interroga-
runt eum ejus diſcipuli de iſta
ſimilitudine.

18 Quibus ille: Adeone vos
quoque tardi eſtis? An non-
dum intelligitis, nihil quod ex-
trinſecus in hominem intrat,
poſſe eum coinquinare?

19 utpote cùm non in ejus
cor, ſed in ventrem & in latri-
nam ſeratur, expurgans omnes
cibos.

20 Sed quod ex homine exit,
inquit, polluit hominem.

21 Internè enim ex homi-
num corde prodeunt pravæ co-
gitationes, adulteria, ſtupra,
cædes,

22 furta, avaritiæ, malitiæ,
fraus, libido, malus oculus,
maledicta, ſuperbia, demen-
tia.

23 Hæc omnia mala intrinſe-

cus prodeunt, & hominem pol-
luunt.

24 Illinc profectus, diſceſſit
in Tyri Sidoniſque conſinia, in-
greſſuſque domum, nolebat id
ſcire quenquam: ſed non potuit
latère.

25 Nam cùm de eo audiviſ-
ſet quædam mulier, cujus filia
ſpiritum habebat impurum, ve-
nit, & ei ad pedes accidit.

26 Erat autem mulier Græca,
genere Syrophœniſſa. Ea roga-
bat eum, ut dæmonium expel-
leret ex ſua filia.

27 At Jeſus dixit ei: Sine
prius ſatiari natos. Non enim
convenit ſumere natorum pa-
nem, & catellis objicere.

28 Et illa: Eſt ita eſt, Do-
mine (inquit ei reſpondens) ta-
men catelli ſub menſa comedunt
de puerorum micis.

29 Tum ille: propter iſtud
dictum, inquit ei, abi: migra-
vit dæmonium ex tua filia.

30 Itaque illa domum ſuam
profecta, invenit egreſſum dæ-
monium, & jacentem in lecto
filiam.

31 Rurſum profectus ex Ty-
riis, Sidoniſque finibus venit
ad Galilææ lacum, per medios
fines Decapolis,

32 eique adductus eſt ſurdus
tardiloquus, cui ut manum im-
poneret, rogatus eſt.

33 Atque ille eo ſeorſum ex-
tra turbam ſeducto, immiſit ſu-
os digitos in ejus aures, ſpuit-
que, & ejus linguam tetigit,

34 & in cælum intuens, in-
gemuit, eique dixit, Ephata:
hoc eſt, aperitor:

35 ac protinus illius, & au-
res apertæ, & ſolutum eſt lin-
guæ vinculum, ita ut rectè lo-
queretur.

36 Præcepit autem eis, ut id nemini dicerent. Sed quò magis eis præcipiebat, eò magis prædicabant.

37 & majorem in modum obstupescabant, dicentes eum omnia rectè fecisse, & ut surdi audirent, & ut muti loquerentur, efficere.

CAPUT VIII.

Septem panes. Ostentorum cupidi. Fermentum Pharisæorum. Cæcus. Petrus de Christo. Jesus mors prædicta. Petrus Sathanas, pitorum crux.

PER eos dies erat permagna hominum multitudo, nec habebant quod comessent, & Jesus advocatis suis discipulis, inquit:

2 Miseret me hujus multitudinis: siquidem jam tres dies me comitantur, nec habent quod comedant.

3 Quòd si nos domum jejunos dimisero, defethiscuntur in via: nam eorum nonnulli procul venerunt.

4 Et discipuli ejus sic ei responderunt: Unde possit eos quisquam panibus hic in solitudine satiare?

5 At ille eos interrogavit: Quot habetis panes? Septem, inquirunt.

6 Tum ille jussit multitudinem humi discumbere: sumptisque septem panes, actis gratiis, fregit, suisque tradidit discipulis, ut apponerent: quos illi apposuerunt multitudini.

7 Cumque paucos haberent pisciculos, ille actis laudibus, jussit eos quoque apponi.

8 Illi verò epulati sunt ad satietatem, suntque sublata reliquorum fragmentorum sportæ septem.

9 Erant autem qui comederunt, circiter quatuor millia:

10 quibus ille dimissis, confestim conscensa navi cum suis discipulis, venit in tractus Dalmanuthanos.

11 Eò profecti Pharisei, ceperunt cum eo contendere, postulantes ab eo signum de cælo, ejus tentandi gratia.

12 At ille animo ingemuit, & dixit: Quid signum, querit hæc natio? pro certo habetote, nullum huic nationi signum datum iri.

13 Deinde relictis eis, rursus conscensa navi trajecit.

14 Obliti autem erant panes sumere, nec nisi unum panem secum habebant in navi.

15 Itaque cum ille eis præciperet, viderent ut Phariseorum Herodisque fermentum caverent,

16 illi inter sese cogitabant ac dicebant, id eò pertinere, quòd non haberent panes.

17 Quo cognito Jesus, eis inquit: Quid cogitatis? vos non habere panes? At nondum animadvertitis, nec intelligitis? adhuc potentia habetis corda?

18 oculos habentes non videtis? & aures habentes non auditis? neque meministis,

19 cum illos quinque panes ad hominum quinque millia fregi, quot canistra plena fragmentorum sustuleritis? Duodecim inquirunt ei.

20 Quid cum septem ad quatuor millia? quot plenas fragmentorum sportas sustulistis? Septem inquirunt.

21 Et ille: Qui sit, inquit eis, ut non animadvertatis?

22 Deinde ubi Bethsaidam venit, allatus est ei cæcus, quem ut tangeret, rogatus est.

23 Et

23 Et ille prehensa cæci manu, eum eduxit ex vico, & ejus oculos conspuit, eique manus imposuit, & eum interrogavit, ecquid videret.

24 Et ille intuitus, dixit: Video homines: nam arborum ritu video ambulantes.

25 Deinde rursus ille ejus oculis manus imposuit, effecitque ut videret, ita ut restitutus, omnes perspicue discerneret,

26 Atque ille eum domum dimisit, vetans ne vel in vicum ingrederetur, vel id cuiquam in vico diceret.

27 Profectus est autem Jesus, easque discipuli, in vicos Cæsareæ & Philippi, atque in via suos discipulos hujusmodi verbis interrogavit: Quem me dicunt homines esse?

28 Cui illi responderunt, Johannem Baptistam, alii Eliam, alii vatem aliquem.

29 Et ille: Vos verò, inquit eis, quem dicitis me esse? Cui Petrus ita respondit: Tu es Christus.

30 At ille eis interdixit, ne cui se indicarent:

31 eosque docere cœpit, oportere filium hominis pati multa, & à Senatoribus & Pontificibus, & Scribis improbari, ac interfici, & triduo post resurgere.

32 Dum ita apertè verba facit, prehendit eum Petrus, & objurgare cœpit.

33 At ille conversus, discipulosque suos intuitus, Petrum his verbis objurgavit: Abi post me Satana: quandoquidem non divina, sed humana sapis.

34 Tum advocato vulgo cum suis discipulis, dixit eis: Qui me ponere vult sequi, renunciet

sibi metipsum suamque crucem tollet, & me sequatur.

35 Nam qui volè animam suam servare, eam perdet: qui verò animam suam meam & Evangelii causam perdiderit, eam servabit.

36 Quid verò proderit homini, si vel totum mundum lucratus fuerit, & animæ suæ jacturam faciat?

37 aut quam dabit homo animæ suæ compensationem?

38 Nam quem mei meorumque dictorum in hac adulterina improbataque natione puduerit, ejus vicissim pudebit filium hominis, cum in patris sui gloria venerit unam cum sanctis angelis.

39 Tum eis dicit: Hoc certò scitote, esse quosdam eorum qui hic adsunt, qui non ante mortem sensuri sint, quàm Dei regnum videant venisse cum potentia.

C A P U T IX.

Christus transfiguratur, cœlitus celebratur. Precum, ac jejunii contra spiritus virtus. Prædicta mors, & exsuscitatio. Priorum dominatus. Puerorum beatitudo. Quis cum Jesu. Offensarum pœna. Salis, ac pacis momentum.

Deinde sexto post die assumit Jesus Petrum, & Jacobum & Johannem, eisque in arduum montem solis seorsum ductis, transfiguratus est coram eis.

2 easque vestimenta facta sunt fulgentia, tam alba, quàm est nix, quomodo nullus in orbe fullo dealbare possit:

3 eisque conspectus est Elias cum Moysè, qui cum Jesu colloquebantur.

4 Tum Petrus sic Jesum allocutus est: Rabbi, bonum est nos hic esse: itaque faciamus tria tabernacula, tibi unum, Mofi unum, & Eliæ unum.

5 Nesciebar autem quid diceret, quippe cùm essent territi.

6 Exiit autem nubes, quæ illos inumbravit, venitque vox ex nube, dicens: Hic est meus charissimus filius, hunc audite.

7 Et subito circumspicientes, nullum jam viderunt nisi Jesum solum cum ipsis.

8 Descendentibus autem eis de monte, præcepit eis, ne cui, quæ viderant, narrarent, nisi postquam filius hominis ex mortuis resurrexisset.

9 Illi verò apud sese id dictum retinuerunt, quærentes quid esset, ex mortuis resurgere.

10 Itaque eum interrogarunt de eo quod dicerent Scribæ, Eliam oportere venire prius.

11 Et ille respondens eis: Elias quidem prius venturus, & omnia instauraturus est, idque quemadmodum de filio hominis scriptum est, multa passurum, & contemnendum esse.

12 Sed scitote Eliam venisse, & illos ei, quæ voluerint, fecisse, quemadmodum de eo scriptum est.

13 Deinde ubi venit ad discipulos, vidit circa eos ingentem hominum multitudinem, & cum eis contententes Scribas:

14 ac vulgo simulac eum viderunt admirati, eum salutatum accurrunt.

15 Ipse scribas interrogavit, quid cum illis contenderent.

16 Cui unus ex turba respondit in hunc modum: Magister, adduxi tibi meum filium, qui mutum habet spiritum:

17 qui ubi eum corripuit, ita lacerat, ut spumer, & dentibus strideat ac tabescat. Eum ut ejicerent, petii à tuis discipulis, sed nequiverunt.

18 Tum ille ei respondens: O diffidens natio, inquit, quousque tandem apud vos ero? quousque tandem vos feram? Adducite eum ad me.

19 Atque ille ad eum adducitur, & simulac ille eum vidit, convulsit eum spiritus, ita ut collapsus humi, volutaretur spumans.

20 Ille ex ejus patre sciscitatus est, quamdiu esset cum id ei accidisset? Et pater respondit: Jam à pueris:

21 ac sæpe eum & in ignem jecit, & in aquam, ut eum perderet. Sed si quid potes succurre nobis, nostri misertus.

22 Et Jesus: Siquidem potes (inquit ei) fidere, omnia fieri possunt fidenti.

23 Hic protinus exclamans pueri pater, cum lachrymis: Fido, inquit, Domine, succurre meæ diffidentiae.

24 Videns autem Jesus vultus accurrere, increpuit impurum spiritum, dicens ei: Spiritus mite & fude, ego tibi impero, ut ex eo enigres, nec amplius in eum intres.

25 Tum ille exclamando, eumque vehementer laniando exiit. Atque is perinde fuit ac mortuus, ita ut multi mortuum esse dicerent.

26 At Jesus eum manu prehensum allevavit, atque ille surrexit.

27 Eum autem domum ingressum, discipuli seorsum interrogarunt, cur ipsi eum expellere nequiverint?

28 Quibus ille: Hoc genus, in-

inquit, nulla re ejici potest, nisi precibus & jeuniis.

29 Illinc profecti iter faciebant per Galileam, nec ille volebat, ut id sciret quisquam.

30 Docebat enim discipulos suos, eisque dicebat, filium hominis tradendum esse in hominum manus, qui eum interficerent, isque interfectus, tertio die resurgeret.

31 At illi eam rem ignorabant, & eum interrogare verébantur.

32 Venit autem Capharnaum: atque ubi domum venit, quæsit ex eis quid in via inter sese disceptassent?

33 Cumque illi filerent (nam inter sese disputaverant in via, quis esset maximus)

34 ille confedit & vocatis duodecim dixit: Si quis primus esse vult, erit omnium ultimus, omniumque famulus.

35 Tum puerum sumpsit, & in eorum medio statuit, eumque complexus ulnis, inquit eis:

36 Qui aliquem talium puerorum accipit meo nomine, me accipit: & qui me accipit, non me accipit, sed eum qui me misit.

37 Tum Johannes sic eum est allocutus: Magister, vidimus quendam in tuo nomine ejicientem dæmonia, qui non sequitur nos: itaque eum prohibuimus, quoniam non sequitur nos.

38 At Jesus: Ne prohibete eum, inquit. Nemo enim est qui meo nomine miraculum faciat, qui citò possit mihi maledicere.

39 Nam qui contra nos non est, à nobis est.

40 Etenim qui vobis vel quæ poculum meo nomine bibendum dederit, quod Christi

fitis, certò scitote, eum non perditurum operam.

41 Et qui vel minimum eorum, qui mihi fidem habent, læserit, satius esset ei, ejus collo molarem lapidem circumponi, eumque in mare dejici.

42 Quod si tibi tua manus officit, abscinde eam. Satius enim est tibi mancum in vitam ingredi, quàm duas habentem manus abire in gehennam, ignem inextinctum,

43 ubi nec eorum vermis interit, nec ignis extinguitur.

44 Et si tibi pes tuus officit, abscinde eum: satius est te in vitam claudum ingredi, quàm duos habentem pedes in gehennam conjici, in ignem inextinctum,

45 ubi nec eorum vermis interit, nec ignis extinguitur.

46 Et si tibi unus oculus officit, erue eum: satius est tibi unoculum in Dei regnum ingredi: quàm duos habentem oculos in ignis gehennam conjici,

47 ubi nec eorum vermis interit, nec ignis extinguitur.

48 Nam & omnes igne saliendo, & omne sacrificium sale saliendo est.

49 Bonum est sal: sed si sal insalsum fiat, quo condietur ipsum? Habete in vobis salem, & pacem inter vos gerite.

C A P U T X.

Mosis repudium. Christi conjugium, repudium. Puerorum salus ac faustitas. Bonus quis. Fortunarum discrimin. Dei omnipotentia. Piorum remuneratio. Instans lethum Christi. A quo piis dignitas. Christus ad quid. Cæcus Bartimæus.

Illinc profectus venit in fines Judææ, per transjordanum agrum: eumque rursus conve-

convenit vulgus hominum, quos. ille rursus, ut solitus erat, docet

2 Aggressi autem eum Pharisæi interrogarunt, liceretne viro uxorem repudiare? tentantes eum.

3 Quibus ille sic respondit: Quid vobis præcipit Moyses?

4 Et illi: Moyses permisit scripto divortii instrumento repudiare.

5 At Jesus respondens: Propter vestram (inquit eis) perniciam scripsit ille vobis illud præceptum.

6 Sed à creationis primordio marem, & foeminam fecit eos Deus.

7 Hujus causa homo, relicto suo patre atque matre, hærebit uxori suæ,

8 fietque ex duobus una caro: itaque non jam sunt duo sed una caro.

9 Quod ergo Deus conjunxit, homo ne disjungat.

10 Itemque domi rursus eum eadem de re interrogarunt ejus discipuli.

11 Quibus ille: Quisquis uxorem suam repudiat, aliamque ducit, adulterat in eam.

12 Et si uxor, repudiato viro suo, nupserit alteri, adulterat.

13 Adducebantur autem ei pueri, ut eos tangeret: discipuli verò eos à quibus adducebantur, objurgabant:

14 quo viso, indignatus Jesus, dixit eis: Sinite pueros ad me venire, néve eos prohibete: talium enim est Dei regnum.

15 Hoc pro certo habetote, qui Dei regnum non acceperit ut puer, non esse in id ingressurum.

16 Deinde eos complexus ulnis, & manibus eis impositis, eis bene precatus est.

17 Eo autem iter faciente, accurrit quidam qui eum flexis ad eum genibus, sic interrogavit: Magister bone, quid faciam, ut vitam adipiscar æternam?

18 Cui Jesus: Quid medicis bonum? inquit. Nullus est bonus, nisi unus Deus.

19 Præcepta nostri: Ne adulterato: ne occidito: ne furator: ne falsum testimonium dicito: ne fraudato: honorato tuum patrem atque matrem.

20 Et ille respondens: Magister, inquit, hæc omnia à pueris servavi.

21 Hic Jesus eum intuitus, amavit, eique dixit: Unum tibi deest. I venditum quicquid habes, & in pauperes erogato, habiturus in cælo thesaurum: deinde me, crucem ferens, secutum venito.

22 At ille eo dicto mortuus abiit, dolens: quippe qui multis præditus esset opibus.

23 Et Jesus circum intuitus, dicit discipulis suis: O quam difficile est, qui pecunias habent, in Dei regnum ingredientur?

24 Hic cum discipuli ejus dicta demirarentur, Jesus rursus sic eos alloquitur: O nati, quam difficile est, fretos pecuniis in Dei regnum ingredi?

25 facilius est rudentem per foramen acus trajici, quam divitem in Dei regnum intrare.

26 Cumque illi vehementius stuperent, sic secum ipsi cogitantes: Quis ergo servari potest?

27 Intuitus eos Jesus, dixit: Ab hominibus fieri non potest, at à Deo potest: omnia enim à Deo possunt fieri.

28 Tum Petrus sic dicit ei: Nos quidem, relictis omnibus, te secuti sumus.

29 Et Jesus: Hoc vobis confirmo, inquit respondens, nullum esse, qui domum, aut fratres, aut sorores, aut patrem, aut matrem, aut uxorem, aut liberos, aut agros, mea & Evangelii causa reliquerit,

30 quin sit & nunc, hoc tempore centuplum, domos, & fratres, & sorores, & matres, & liberos, & agros inter adversa, & in futuro ævo sempiternam vitam consecuturus.

31 Sed multi & primi erunt ultimi, & ultimi primi.

32 Cum autem Hierosolyma ascenderent, & eos antecederet Jesus, pavebant, & inter sequendum formidabant. Et Jesus assumptis rursus duodecim, cepit eis eventura sibi prædicere.

33 Nos quidem ascendimus Hierosolyma, inquit, & filius hominis tradetur Pontificibus atque Scribis, qui eum morte damnabunt, exterisque tradent,

34 Illudendum, verberandum, conspuendum, & interficiendum, & tertia die resurrecturum. Convenerunt autem eum Jacobus & Johannes,

35 Zebedæi filii, in hæc verba: Magister, velimus, ut quod à te postulabimus, id nobis præstes.

36 Quibus ille: Quid vultis ut vobis præstem?

37 Et illi. Da nobis (inquit ei) ut tibi alter ad dexteram, alter ad sinistram affideamus in tua gloria.

38 At Jesus dixit eis, Nescitis quid postuletis. Potestis poculum potare, quod ego potaturus sum? & eodem mecum baptisinate baptizari?

39 Possumus, inquiunt. Et Jesus: Poculum quidem quod

ego potaturus sum, potabitis, eodemque mecum baptisinate baptizabimini.

40 Sed ut mihi dextra, levæque affideatur, non est meum dare, nisi quibus id paratum est.

41 Hoc audito, decem ceperunt de Jacobo & Johanne indignari.

42 At Jesus advocatis eis dixit: Scitis eos, quos videmus imperare extraneis, in eos dominari, & eorum maximos quosque, in eos maximè potestatem obtinere.

43 At in vobis non sic fiet: sed qui vestrum volet fieri inter vos maximus, erit vester famulus:

44 & qui volet fieri vestrum primus, erit omnium servus.

45 Nam filius hominis non venit, ut ipsi ministraretur, sed ut ministraret ipse, animamque suam in multorum redemptionem impendat.

46 Venerunt autem Hierichuntem: eoque & ejus discipulis ab Hierichunte cum frequenti multitudine discedentibus, Timæi filius Bartimæus, cæcus, qui apud viam sedens mendicabat,

47 ut audivit Jesum esse Nazarenum, cepit ita clamare: Davidide Jesu, miserere mei.

48 Ac multis eum ut taceret objurgantibus, multò magis clamabat: Davidide, miserere mei.

49 Tum Jesus restitit, eumque jussit accersi. Cumque illi eum accerferent, & Bono es animo, dicerent, surge, accersit te:

50 ille abjecta veste sua surrexit, & ad Jesum venit.

51 Et Jesus sic eum alloquitur:

Quid

Quid tibi vis faciam? Cui cæcus: Magister, inquit ei, ut discipiam.

32 Et Jesus dixit ei: Abi, tua te fiducia servavit. Atque ille protinus dispexit, & Jesum in via secutus est.

CAPUT XI.

Christus evans in urbem. In ficum diræ. Purgatum templum. Conjuratio in Jesum. Fidei virtus ac precatationis. In invidios clementia. Sacerdotum consuetudo.

CUM autem Hierosolymæ propinquarent ad Bethphage, & Bethaniam, ad montem olivarum, mittit suorum discipulorum duos:

2 Ite, inquit, in vicum qui est e regione vestri, & protinus in eum intrantes, invenietis vinctum asellum, quem nullus hominum insedit: eum solvitote, & mihi adducitote.

3 Quod si quis ex vobis quaesierit, cur id faciatis? dicitote, Dominum eo egere: & statim eum huc dimittet.

4 Ita illi profecti, & asellum foris ad portam vinctum in bivio nacti solvunt.

5 Et eorum quidam qui illic aderant, ex eis quaesiverunt, quid facerent, qui asellum solverent?

6 Quibus illi dixerunt quemadmodum mandaverat Jesus:

7 atque ita permittentibus illis, adduxerunt asellum ad Jesum, eique sua vestimenta superinjecerunt, atque ille superinsedit.

8 Frequentes autem suis vestimentis viam insternebant: abscissas ex arboribus frondes per viam sternere:

9 quique antecedeabant, qui- que subsequerebantur, sic clamare:

Hosanna, bene sit venienti in nomine Domini:

10 felix veniens regnum in nomine Domini patris nostri Davidis: Hosanna in supremis.

11 Ingressus est autem Hierosolyma Dominus, & in templum: omnibusque circumspectis, cum jam sera esset hora, profectus est Bethaniam cum duodecim.

12 Postridie eis Bethania egressis esuriit,

13 ficumque procul foliosam conspicatus accessit, si quid in ea fortè inveniret. Sed ut ad eam venit, nihil invenit nisi folia: nec enim tempus erat ficuum.

14 Itaque sic eam allocutus est Jesus: Nunquam deinceps quisquam ex te fructum comedat. Audiebant autem ejus discipuli.

15 Deinde veniunt Hierosolymam, & ingressus in sanum Jesus, coepit ejicere vendentes & ementes in sano, & numulariorum mensas, & sellas vendentium columbas evertit,

16 neque finebat quenquam per sanum ferre vasa,

17 atque his verbis eos alloquens docebat: Nonne est scriptum, Domus mea domus supplicationis vocabitur cunctis gentibus: & vos ex ea latronum speluncam fecistis.

18 Hoc audito, Scribæ & Pontifices eum perdere studebant. Metuebant enim eum: quippe cujus doctrinam stupe- ret omne vulgus.

19 Sub vesperam autem egressus est ex urbe.

20 Manè prætereuntes, vident siccata à radicibus ficum:

21 id quod recordatus Petrus, dicit ei: Rabbi, ecce ficus,

cus, quam tu execratus es, a-
ruit.

22 Et Jesus respondens, in-
quit eis: *Habete fidem Deo:*

23 hoc vobis confirmo, si quis
jusserit huic monti, ut amovea-
tur, & in mare jaciatur, nec a-
nimo dubitaverit, sed quæ dicet
crediderit eventura, continget
ei, quicquid dixerit:

24 Itaque sic vobis dico:
quicquid orantes postulatis, cre-
dite vos assecuturos, & vobis
continget.

25 Oraturi autem ignoscite,
si quid habetis, quod de quo-
piam exostuletis: ut vester
quoque pater, qui in cœlis est,
vestra delicta vobis ignoscat.

26 Quod nisi ignoscetis, ne
pater quidem vester, qui in cœ-
lis est, vobis delicta vestra ig-
noscet.

27 Deinde rursus veniunt
Hierosolymam, eumque in sano
ambulante Pontifices, Scribæ-
que & Senatores conveniunt his
verbis:

28 Qua potestate ista facis?
& quis istam tibi, ista, faciendi
potestatem dedit?

29 Quibus respondens Jesus:
Interrogabo ego quoque vos,
quiddam, inquit: quod si mihi
responderitis, dicam vobis qua
potestate hæc faciam.

30 Johannis baptisma à cœlo
ne erat, an ab hominibus? re-
spondete mihi.

31 At illi sic secum cogitare:
Si à cœlo dixerimus, dicet:
Cur ergo ei non credidistis?

32 si ab hominibus dixissent,
metuebant populum: omnes e-
nim Johannem verè vatem esse
ducebant.

33 Itaque Jesu responde-
runt, nescire se. Et Jesus eis
sic respondit: Nec ego vobis

dico, qua hæc potestate faci-
am.

C A P U T XII.

*Vinea bene instructa, servi, Hæres,
Cultorum punitio, & vinea
locatio. Lapis offendiculi. Deo
Cæsarique danda. Sadduceo-
rum confutatio. Deus quorum
sit. Præcepta duo. Quæstio
Christi de Davide. Scribarum
ambitio, avaritia, vidua mu-
nuscolum.*

TUM per similitudines eos
alloqui orsus est. Vineam
consecvit quidam, & sepe cir-
cundedit, & torcular defixit,
turrinque construxit, & eam
locavit agricolis, deinde pere-
grè profectus est.

2 Post suo tempore misit ad
agricolas servum, ut ab eis de
vineæ fructu perciperet.

3 At illi eum ceperunt, ver-
beraruntque, & inanem dimi-
serunt.

4 Cumque rursus ad eos mi-
sisset alium servum, illi ei quo-
que caput lapidibus contude-
runt, eumque contumeliosè di-
miserunt.

5 Rursus alium misit, quem
etiam interfecerunt, aliosque
multos partim verberarunt, par-
tim necarunt.

6 Igitur cum adhuc unus
haberet filium sibi charissimum,
misit eum quoque ad illos ulti-
mum, cogitans fore, ut suum fi-
lium revererentur.

7 At illi agricolæ sic inter
se se dicere? Hic est hæres, agi-
te, interficiamus eum, & nostræ
erit hæreditas.

8 Itaque ceperunt eum, neca-
runtque, & ex vinea ejecerunt.

9 Quid ergo faciet vineæ do-
minus? Veniet, agricolæque
perdet, & aliis vineam dabit.

10 Anne illud quidem scri-
ptum

10 Anne illud quidem scriptum legistis? Quem lapidem improbaverant structores, is adhibitus est ad caput anguli:

11 id quod à Domino profectum est, & nobis mirum videtur.

12 At illi eum capere conari, quippe qui eum similitudinem illam contra ipsos dixisse intelligerent, sed metuerunt plebem. Igitur eo relicto digressi,

13 mittunt ad eum Phariseorum & Herodianorum quosdam, qui eum verbis irretirent.

14 Hi eum hujusmodi oratione aggressi sunt: Magister, scimus veracem esse te, neque quenam curare, quippe qui ad hominum personam non spectes, sed verè divinam vitæ viam doceas. Licetne censum Cæsari pendere, an non? pendamus, an non pendamus?

15 At ille eorum simulationem intelligens: Quid me tentatis? inquit eis: afferte mihi denarium, ut videam.

16 Cumque illi attulissent: Cujus est, inquit eis, imago hæc & inscriptio? Cæsaris, inquirunt.

17 Et Jesus respondens eis: Solvite igitur, inquit, Cæsaria Cæsari, & divina Deo. Illi verò eum admirari.

18 Tum eum convenerunt adducæi, qui quidem resurrectionem esse negant, & sic interrogarunt:

19 Magister, scripsit nobis Moses, si cujus frater moriatur uxore superstitite, nec liberos relinquat, ut ducat ejus frater uxorem, fratrique suo prolem suscitret.

20 Septem fratres fuerunt, eorum primus ducta uxore mortuus est, nulla prole superstitite.

21 Itemque secundus eadem ducta mortuus est, nec ipse prolem reliquit. Similiterque tertius:

22 denique septem illi eam duxerunt, neque progeniem reliquerunt. Postrema omnium mortua est etiam femina.

23 Igitur in resurrectione, cum resurrectum fuerit, cujus eorum erit uxor? cum septem eam habuerint in matrimonio?

24 Et Jesus respondens: Nimirum ideo erratis, inquit eis, quòd scripta non intelligitis, neque Dei potentiam.

25 Cum enim à morte resurrectum fuerit, nulla conjungentur connubia, sed erunt angelorum similes, qui sunt in cælis.

26 De mortuis autem, quòd resurgant, non legistis in Moysis libro, in rubo, ut eum sic allocutus sit Deus? Ego Deus Abrahami, & Isaaci, & Jacobi.

27 Non est mortuorum Deus, sed viventium Deus. Itaque vos multum erratis.

28 Tum Scribarum quidam, auditis eis disceptantibus, videns eum illis rectè respondisse, accessit, & ex eo quæsit, quodnam esset omnium præceptorum primum;

29 Cui Jesus sic respondit: Primum omnium præceptorum est: Audi Israelita: Dominus Deus vester, Dominus unus est;

30 itaque Dominum Deum tuum toto corde, toto animo, tota mente, totisque viribus amato. Hoc primum est præceptum.

31 Huic simile est alterum: Alterum ut teipsum amato. His majus aliud præceptum nullum est.

D

32 Et

32 Et Scriba: Rectè magister, profectò, dixisti. Nam unus est Deus, præterea nullus:

33 quem toto corde, omni studio, toto animo, summaque ope amare, necnon alios ut seipsum amare, plus est quàm omnes victimæ & sacrificia.

34 Hic Jesus eum cordatè respondisse videns, dixit ei: Non procul abes à regno Dei. Ac deinceps eum interrogare audebat nemo.

35 Et Jesus in fano docens, sic verba fecit: Qui sit ut dicant Scribæ, fore ut Christus genus ducat à Davide?

36 cùm ipse David sancti spiritus instinctu dixerit: Ait Dominus Domino meo, sede ad meam dexteram donec efficiam ex hostibus tuis tuorum pedum subsellium?

37 Cùm igitur eum dicat ipse David Dominum, unde fit ut sit ejus prognatus. Cumque frequens hominum multitudo eum libenter audiret,

38 sic eis inter docendum dicebat: Cavete à Scribis qui stolari incedere amant, & in foris salutationes,

39 & in collegiis primas sessiones, & in cœnis prima accubandi loca:

40 qui viduarum domos devorant, & per ostentationem prolixè orant. Hi graviores penas dabunt.

41 Sedens autem Jesus è regione fisci, spectabat, ut multitudo conferret æs in fiscum. Ac multis divitibus multa conferentibus,

42 venit quædam vidua pauper, quæ duos teruncios contulit. Est autem teruncius idem quod quadrans.

43 Tum ille advocatis suis

discipulis: Certò scitote, inquit, eis, hanc pauperem viduam plurimum omnium contulisse, qui contulerunt in fiscum.

44 Omnes enim ex eo quod ipsis supererat, contulerunt: at hæc sua penuria, quicquid habebat, totum victum suum contulit.

C A P U T XIII.

Templum ruina. Pseudochristi. Orbis calamitates. Piorum arumna, consolatio. Familia dissidia, beati. Cæli prodigia, coacti pii. Christi veritas perpetua. Judicii hora cui nota. Vigilantia.

EXeunti autem ex fano, quidam ejus discipulorum sic dixit: Magister, vide quanti lapides, & structuræ.

2 Cui respondens Jesus: Videtes, inquit, has ingentes structuras? ita dissolventur, ut nullus lapidi lapis impositus relinquantur.

3 Deinde sedentem eum in monte olivarum, è regione famuli interrogarunt seorsim Petrus & Iacobus & Johannes, & Andreas his verbis:

4 Dic nobis quando hæc structura sint, & quod signum significabit hæc, perficienda omnia?

5 Et Jesus eis respondens, loquitur: Videte ne quis vos fallat.

6 Venient enim multi in me nomine: dicentes se eum esse, multosque fallent.

7 Cùm autem bella, bellique rumores audietis, nolite turbari: oportet enim ea fieri, sed nondum erit finis.

8 Consurget enim gens gentem, & regnum in regnum eruntque terræ motus certis temporibus, & fames & turbæ. Ea erunt dolorum principia.

9 Sed prospicitote vos vobis-
ipsis : sistemini enim in confes-
sus, & collegia : vapulabitis, &
ad magistratus, regesque duce-
mini mea causa, quod sit eis te-
stimonio,

10 ac per omnes gentes oportet
prius Evangelium publicari :

11 Cum autem ducemini, ac
sistemini, nolite prius cogitare
aut præmeditari dicenda, sed
quod vobis eadem hora sugge-
reretur, id dicitote. Non enim
vos eritis qui loquemini, sed
spiritus sanctus.

12 Tradet autem fratrem fra-
ter ad mortem, & pater filium,
confurgentque in parentes nati,
& eos necabunt,

13 eritisque omnibus invisi
propter nomen meum : sed qui
ad finem pertulerit, is servabi-
tur.

14 Cum autem calamitosum
nefas à Daniele vate prædictum,
stare videbitis ubi non debet,
qui legit animadvertat : tum
qui erunt in Judæa, fugiant in
montes ;

15 & qui erit in tecto, ne
descendat in ædes, nec ingre-
diatur ad auferendum aliquid
ex suis ædibus :

16 & qui ruri erit, ne gra-
dum referat, suæ vestis auferen-
dæ gratia.

17 Hei uterum ferentibus, &
lactantibus illo tempore.

18 Optate verò, ne accidat
hyeme vestra fuga.

19 Erit enim temporis illius
calamitas, quanta nec à rerum,
quas Deus creavit, creatione
fuit adhuc, nec postea futura est.

20 Quòd nisi Dominus tem-
pus illud decurtaret, nullus mor-
taliū evaderet : sed propter e-
lectos, quos delegit, decurta-
bit id tempus.

21 Tum si quis vobis dixerit,
hic aut illic adesse Christum, ne
creditor.

22 Existent enim falsi Chri-
sti, falsique vates, qui prodi-
giosa & portentosa designabunt,
ad decipiendos, si fieri posset,
etiam electos.

23 Vos verò prospicite : en
prædixi vobis omnia.

24 Sed illo tempore, post ca-
lamitatem illam, sol obscurabi-
tur, & luna suum splendorem
non emittet,

25 & cœli stellæ decident,
cœlestesque potestates commo-
vebuntur.

26 Deinde cernetur filius ho-
minis veniens in nubibus cum
magna potentia atque gloria,

27 ac tum suis dimissis nun-
ciis congregabit electos suos à
quatuor ventis, ab ultimis ter-
ris ad extremum cœli.

28 A ficu autem discite ex-
emplum : Cum jam ejus ramī
teneri sunt, eaque folia procreat,
intelligitis instare æstatem.

29 Sic & vos cum hæc fieri
videbitis, scitote propè adesse
pro foribus.

30 Hoc vobis confirmo, non
ante præteriturum esse hoc se-
culum, quàm fiant hæc omnia.

31 Cælum licet & terra inter-
cant, mea dicta non interibunt.

32 Cæterum diem illam, &
horam, nullus scit, ne angeli
quidem cœlestes, neque filius,
sed tantum pater.

33 Videte ut vigiletis, & o-
retis : nescitis enim quando
tempus futurum sit :

34 quemadmodum peregrin-
ans homo, qui suam domum
reliquit, suisque servis potesta-
tem, & suum cuique munus as-
signavit, & janitori ut vigila-
ret, mandavit.

35 Vigilate igitur: nescitis enim quando domus dominus venturus sit, serò, an media nocte, an gallicinio, an manè:

36 ne si de improvviso venerit, offendat vos dormientes.

37 Quæ autem vobis dico, omnibus dico, vigilate.

C A P U T XIV.

In Christum infidia. Unguentum apud Simonem: defensa mulier.

Judas proditor. Pascha. Cæna dominica. Petri temeritas.

Jesu angor, Precatio terna, discipulorum sopor. Captus Jesus, suorum fuga. Falsi testes.

Jesus de seipso, spretus, ictus. Petrus deficiens, perjurus, lugens.

CUM autem futurum esset Pascha & Azymalia post biduum, studebant Pontifices & Scribæ eum fraudulenter captum interficere:

2 sed id die festo faciendum negabant, ne quis fieret populi tumultus.

3 Et dum erat Bethaniæ in domo Simonis leprosi, eo accubante, venit mulier habens alabastrum unguenti spicatæ nardi, preciosius, quæ confracto alabastro perfudit ejus caput.

4 Erant autem quidam qui apud se indignabantur, atque ita dicebant: Quorsum hæc unguenti jactura facta est?

5 poterat hoc plusquam trecentis denariis vendi, & in pauperes erogari. Dum illi sic adversus eam fremunt.

6 Jesus dixit: Sinite eam: quid negotium ei facestis? bono opere functa est erga me.

7 Semper enim pauperes habebitis vobiscum, quibus quandoque, voletis, benefacere positis: at me non semper habebitis.

8 Quòd potuit hæc, fecit: anticipavit meum corpus ad sepulturam ungere.

9 Hoc vobis confirmo, ubicunque toto orbe publicabitur hoc evangelium, etiam quid ea fecerit, dicetur, ad ejus memoriam.

10 Judas autem Iscariota, unus ex duodecim, Pontifices adiit, ut eum illis traderet.

11 Quo illi audito lætati, promiserunt ei pecuniam se duros. Itaque quærebat, quo pacto eum posset opportunè prodere.

12 Primo autem azymalium die, cum pascha immolandum foret, sic ei dicunt ejus discipuli: Ubi vis ut tibi epulandum Pascha præparatum eamus?

13 Tum ille discipulorum suorum duos dimittit, eisque dicit: Ite in urbem: occurret vobis quidam aquæ fictile portans: eum sequimini,

14 & quò intraverit, sic dicite patrifamiliâs: Quærit magister ubi sit mansio, ubi Pascha cum discipulis suis polluceat?

15 Ipse verò vobis ingens cœnaculum ostendit, instratum ac paratum, illic nobis præparatote.

16 Ita profecti ejus discipuli, venerunt in urbem: & nacti quæ ille eis dixerat, Pascha præpararunt.

17 Deinde sub vesperum venit Jesus cum duodecim,

18 ac discumbentibus & epulantibus, eis dixit: Certò scitote fore, ut unus ex vobis me prodatur, qui mecum epuletur.

19 Illi verò dolere cœperunt, eique singuli dicere: Inne ego sum? Et alius: Inne ego sum?

20 Quibus ille respondens: Unus est ex duodecim, inquit, qui mecum intingit in catinum.

21 Filius quidem hominis abit quemadmodum de eo scriptum est. Sed vae homini illi, per quem filius hominis prodendus est. Præstaret homini illi nunquam esse natum.

22 Epulantibus autem eis, Jesus sumptum panem, actis laudibus, fregit, eisque dedit, & dixit: Accipite, comedite, hoc est corpus meum.

23 Deinde sumptum poculum, gratiis actis, dedit eis: biberuntque ex eo omnes:

24 atque ille eis dixit: Hic est sanguis meus novi-fœderis, pro multis effundendus.

25 Hoc vobis certo dico, non me amplius bibiturum ex fœtu viteo, usque ad illam diem, cum cum bibam novum in regno Dei.

26 Deinde laudibus dictis, profecti sunt in montem olivarum,

27 eisque sic dicit Jesus: Vos me omnes hac nocte deseretis: siquidem scriptum est: Percutiam pastorem, & dispergentur oves.

28 Sed postquam resurrexero, præcedam vos in Galilæam.

29 At Petrus dixit ei: Etiam si omnes deserant, at ego non item.

30 Cui Jesus: Hoc tibi confirmo, inquit, fore ut hodie in hac nocte, priusquam bis gallus canter, tu me ter abneges.

31 At ille multò magis dicit: Imò etiam si me unà tecum mori oporteat, non abnegabo te: itidemque etiam omnes alii dicebant.

32 Deinde ubi venerunt in locum, cui nomen est Gethsema-

ni, dixit suis discipulis: Sedete hic, dum ego oratum eo:

33 assumptisque unà secum Petro, & Jacobo, & Johanne, cœpit turbari atque angi,

34 eisque dixit: Præ animi dolore emorior. Manete hic, & vigilate.

35 Tum paululum progressus, procidit humi, oravitque, ut si fieri posset, horam illam declinaret:

36 &: Abba pater, inquit, omnia tu potes: averte hoc à me poculum. Verum non quod ego volo, sed quod tu.

37 Deinde venit, & eos dormientes nactus, dicit Petro: Simon dormis? non potuisti unam horam vigilare?

38 vigilate, & orate, ne veniatis in tentationem. Spiritus quidem promptus est, sed caro infirma.

39 Deinde rursus oratum ivit, eademque verba dixit:

40 ac reversus, eos rursus dormientes offendit: eorum oculis ita gravatis, ut nescirent quid ei responderent.

41 Deinde tertio venit, &: Dormite jam, inquit, & requiescite. Satis est, venit hora, ecce traditur filius hominis in manus improborum.

42 Surgite, eamus. En, qui me prodit, adventat.

43 Et protinus adhuc eo loquente, advenit Judas, qui unus erat ex duodecim, comitante frequenti multitudine cum gladiis & fustibus, à Pontificibus & Scribis, ac Senatoribus.

44 Dederat autem illis ejus proditor-signum, dicens: Quem osculatus fuero, is est: eum capite, & tutò abducite.

45 Igitur simulac venit, eum adit, & ei dicit: Magister, magister: eumque deosculatus est.

46 Illi verò in eum manus injecerunt, eumque ceperunt.

47 Quidam autem eorum qui aderant, stricto ense percussit Pontificis servum, eique abstulit auriculam.

48 Et Jesus illos sic est allocutus: Tanquam ad latronem existis cum gladiis & fustibus, ad me comprehendendum:

49 quotidie eram apud vos in fano docens, neque me cepistis: sed ea fieri oportet, quæ scripta sunt.

50 Tum omnes eo relicto fugerunt.

51 Cùmque adolescens quidam eum sequeretur, linteo nudum corpus indutus, adolescentes eum ceperunt.

52 Ille vero relicto linteo, nudus eos effugit.

53 Abduxerunt autem Jesum ad Pontificem, ad eumque convenerunt omnes Pontifices, & senatores atque Scribæ.

54 Eum procul secutus Petrus usque in Pontificis atrium, una eum famulis residet, seque ad ignem calefacit.

55 Pontifices verò, totusque confessus, quærebant contra Jesum testimonium, ut eum necarent, nec inveniebant.

56 Nam multi quidem adversus eum falsa testificabantur, sed consentanea non erant testimonia.

57 Et quidem extiterunt, qui contra eum falsa testabantur, ita dicentes,

58 Nos eum audivimus dicentem, se templum hoc manufactum esse dissoluturum, & tri-duo aliud non manufactum exstructurum.

59 Sed ne sic quidem consentanea erant eorum testimonia.

60 Tum Pontifex in medium surrexit, & Jesum sic interrogavit: Nihilne respondes? quid est, quod hi contra te testantur?

61 At Jesus flebat, nihilque respondebat. Rursum Pontifex eum hujusmodi verbis interrogavit: Tune es Christus celebrandi Dei filius?

62 Et Jesus: Sum, inquit: & videbitis hominis filium sedentem ad dexteram potentiae, & cum cœlestibus venientem nubibus.

63 Tum Pontifex lacerare suas vestes: Quid adhuc nobis opus est testibus? inquit:

64 audivistis impiam vocem: quid vobis videtur? Illi verò eum omnes ut morte dignum damnarunt:

65 cœperuntque eum quidam conspuere, eique faciem obvelare, & colaphos impingere, ac dicere, Divina: eique alapas impingebant ministri.

66 Cùm esset autem Petrus infra in atrio, venit quædam ancillarum Pontificis,

67 & viso Petro sese calefaciente, intuita eum, dicit: Tu quoque cum Nazareno Jesu eras.

68 At ille negavit, ita dicens: nescio, nec intelligo quid dicas. Deinde foràs in vestibulum egressus est, & gallus cecinit.

69 Et ancilla eo viso rursum cœpit dicere eis qui aderant, eum ex illis esse.

70 At ille rursum negavit. Paulo pòst rursum qui aderant dicunt Petro: Profectò tu ex illis es: nam Galilæus es, & locutio tua congruit.

71 At ille cœpit detestari, & jurare, sese non novisse hominem illum, quem illi dicerent.

72 & iterum gallus cecinit. Tum Petrus recordatus ejus, quod ei dixerat Jesus, fore ut priusquam bis caneret gallus, ter eum negaret, cœpit flere.

CAPUT XV.

Christus ad Pilatum. Judæorum rex. Barrabas absolutus. Jesu supplicium, titulus, dicteria, tenebræ. Christi gemitus, potatio, mors. Veli scissura, militum professio. Christi monimentum.

MANÈ protinus inito consilio, Pontifices unà cum Senatoribus & Scribis, totusque confessus, Jesum colligant, abductumque Pilato tradunt.

2 Eum Pilatus interrogavit, essetne Judæorum rex? Cui ille respondens: Ut tu dicis, inquit.

3 Cumque eum vehementer accusarent Pontifices,

4 Pilatus eum rursus his verbis interrogavit: Nihilne respondes? vide quanta contra te testificentur.

5 At Jesus nihil amplius respondit, ad eò ut miraretur Pilatus.

6 Solebat autem in illis festis eis laxare unum vinctum, quemcunque postulassent.

7 Erat quidam nomine Barrabas cum seditiosis vinctus, qui in seditione cædem fecerant.

8 Itaque cœperunt vulgò clamantes id exigere, quod ille semper eis erat facere solitus.

9 Et Pilatus sic eis respondit: Vultis ut vobis Judæorum regem solvam?

10 sciebat enim, eum per invidiam à Pontificibus esse traditum.

11 Pontifices verò plebem instigarunt, ut sibi Barrabam potius ab illo laxari postularer.

12 Et Pilatus rursus eos alloquens: Quid ergo vultis, inquit, ut de eo faciam, quem Judæorum regem dicitis?

13 At illi denuò clamabant: Crucifige eum.

14 Et Pilatus: Quid enim mali fecit? inquit eis. At illi eò acrius clamare: Crucifige eum.

15 Igitur Pilatus volens plebì satisfacere, laxavit eis Barrabam, Jesumque verberavit, & eis crucifigendum tradidit.

16 Et milites eo extra atrium, hoc est prætorium, educto, totam cohortem convocant,

17 eumque purpura induunt, & ei implexam spineam coronam imponunt,

18 eumque sic salutare incipiunt: Salve rex Judæorum:

19 ejusque caput arundine tundunt, & eum conspuunt, ac positis genibus venerantur.

20 Deinde postquam ei illuserunt, spoliant eum purpura, ipsiusque vestimentis induunt: tum crucifigendum educunt:

21 & prætereuntem quendam Simonem Cyrenæum rare venientem, Alexandri Rufique patrem, cogunt ejus ferre crucem:

22 eumque ad locum Golgotha ducunt, quod Calvariæ locum significat:

23 & ei myrrhinum vinum bibere dant, id quod ille non accepit.

24 Eo autem crucifixo, partiti sunt ejus vestimenta, jacta super eis sorte, quid quisque auferret.

25 Erat hora tertia cùm eum crucifixerunt,

26 inscripto hoc ejus criminis titulo: REX JUDÆORUM.

27 & cum eo latrones duos, alterum ad dexteram, alterum ad sinistram, crucifixerunt.

28 Ita comprobatum est scriptum illud, quod sic habet: Et inter sceleratos habitus est.

29 Prætereuntes autem ei maledicebant, capita quassantes, & dicentes: Vah qui templum dissolvis, & triduo instauras,

30 serva teipsum, & de cruce descende.

31 Similiter & Pontifices inter sese illudentes, cum Scribis dicebant: Alios servavit, seipsum servare non potest.

32 Christus ille Israelitarum rex, descendat nunc de cruce, ut eo viso credamus. Item qui cum eo erant crucifixi, convicium ei faciebant.

33 Hora sexta autem extiterunt per totam terram tenebræ, usque ad horam nonam.

34 Ac hora nona exclamavit Jesus magna voce dicens: Eloi, eloi, lama sabachthani: quorum verborum hæc notio est: Mi Deus, mi Deus, cur me dereliquisti?

35 Quo audito, quidam eorum qui aderant, dicebant eum Eliam vocare.

36 Quidam autem accurrit, impleta aceto spongia, arundinique affixa, ei bibere dat, dicens: Sinite videamus an eum ereptum veniat Elias.

37 Et Jesus, emissa magna voce, expiravit,

38 & templi velum à summo ad imum in duas partes fissum est.

39 Ac videns Centurio, qui ei ex adverso astabat, eum ita clamantem expirasse, dixit: Profectò hic homo filius erat Dei.

40 Erant etiam mulieres procul spectantes, in quibus erat Maria Magdalena, & Maria Jacobi minoris, Josiæque mater, & Salome,

41 quæ etiam dum ille erat in Galilæa, eum sequi, eique ministrare consueverant: itemque aliæ multæ, quæ cum eo Hierosolymam ascenderant.

42 Postquam jam advesperavit, cum esset Præparatio, hoc est Antefabbatum,

43 Venit Josephus ab Arimathæa, honestus senator, qui & ipse Dei regnum expectabat: & ad Pilatum ausus ingredi, petiit Jesu corpus.

44 Pilatus miratus si jam mortuus esset, accersito Centurione, sciscitatus est ex eo, quàm dudum esset mortuus?

45 quod à Centurione cognito, donavit Josepho corpus.

46 Et ille empto linteo eum demisit, & involutum linteo posuit in monumento, quod ex petra excisum erat: & ad monimenti ostium ingens saxum volvit,

47 spectantibus Maria Magdalena, & Maria Josiæ matre, ubinam poneretur.

C A P U T XVI.

Mulierum unguenta. Redivivus Jesus in Galilaam. Idem revisus. Discipulorum incredulitas. Missio Evangelii, & Baptismi mandata. Nota creditium. In cælum Jesus. Apostolorum officium.

EXacto Sabbato, Maria Magdalena, & Maria Jacobi mater, & Salome, emptis aromatis, ut eum unctum irent,

2 valde manè prima post Sabbatum die veniunt ad monumentum, orto jam Sole.

3 Ac dum inter sese quærent, qui sibi saxum avolveret ab ostio monimenti,

4 intuitæ vident avolutum esse saxum, quod erat permagnum:

5 ac monumentum ingressæ, viderunt adolescentem ad dexteram sedentem, alba stola vestitum, & expaverunt.

6 Et ille: ne expavescite, inquit eis. Jesum quæritis Nazarenum crucifixum: surrexit, non est hic: en locus ubi positus fuit.

7 Sed ite nunciatum ejus discipulis, & Petro, eum præire eis in Galilæam: illic eum esse visuros, ut eis prædixit.

8 Igitur illæ egressæ celeriter ex monumento, fugerunt, idque tremore correptæ, atque attonitæ: neque cuiquam quicquam dixerunt, utpote quæ metuissent.

9 Resurrexit autem manè primo post Sabbatum die, & apparuit primum Mariæ Magdalænæ, ex qua septem ejecerat dæmonia,

10 id quod illa nunciatum i-
vit eis, qui cū eo fuerant, lu-
gentibus atque plorantibus.

11 At illi audientes eum vi-
vere, & ab ea visum esse, non
crediderunt.

12 Postea duobus eorum am-
bulantibus apparuit alia forma,
rus euntibus,

13 id quod illi cæteris nun-
ciatum iverunt: sed ne illis qui-
dem crediderunt.

14 Tandem discumbentibus
illis undecim apparuit, & eis in-
credulitatem ac perviciam ex-
probravit, quod eis qui se resur-
rexisse viderant, non credidif-
sent:

15 eisque dixit: Ite in to-
tum orbem, prædicate Evange-
lium omni creaturæ:

16 Qui crediderit & bapti-
zatus fuerit, servabitur: qui
verò non crediderit condemna-
bitur.

17 Signa autem eos qui cre-
diderint, hæc sequentur: in no-
mine meo dæmonia ejicient:
linguis loquentur novis:

18 Serpentes tollent: & si
quid mortiferum biberint, non
eis nocēbit: cum ægrotis manus
imponent, illi benè habebunt.

19 Igitur Dominus postquam
eos allocutus est, sublatus est in
cælum, & ad Dei dexteram
sedit.

20 Illi verò digressi ubique
prædicarunt, Domino adjuvan-
te, & orationem sequentibus
signis confirmante.

EVANGELIUM

AUTHORE LUCA.

IN PRIMUM CAPUT ARGUMENTUM.

Evangelista multi. Luca sectator Theophilus. Zacharias & conjux senes, justii, soli. Gabriel de puero cum gaudio, gratia, dignitate, victu, spiritu Eliano, fructu. Senex diffidens fit minus. Anus gravis. Angeli ad Mariam aditio. Inter hos colloquium: illius discessio. Virgo ad cognatum. Fœtus in utero exultatio. Elisabeta gratulatio. Virginis hymnus, mora, reditio. Pueri ortus, circumcisio, nomen. Seni eloquium restitutum. Popularem pavor. Nati favor. Patris hymnus. Pueri profectus & habitatio.

P R Æ F A T I O.

QUandoquidem aggressi sunt multi narrationem contexere compertarum apud nos rerum,

2 Quemadmodum nobis tradiderunt, qui ab initio & spectatores & administratores rei fuerunt :

3 Visum est etiam mihi, quæ omnia à capite diligenter confectatus sim, tibi ordine scribere, optime Theophile,

4 Ut quas auditione accepisti res, eas certò cognoscas.

C A P U T I.

5 **F**UIT temporibus Herodis Judææ regis sacerdos quidam nomine Zacharias, Abianæ

classis : cujus uxor erat Aharonæ prognata, nomine Elisabeta.

6 Erant autem ambo apud Deum justii, sese in omnibus Domini præceptis ac institutis gerentes inculpatos.

7 Sed non erant eis liberi: quandoquidem & Elisabeta sterilis erat, & ambo ætate provectora.

8 Accidit, dum is in suæ classis ordine sacerdotio coram Deo fungitur,

9 ex more sacerdotii ut ei suffiendi fors obtingeret. Itaque in Domini ædem ingressus est,

10 omni populi multitudine foris hora suffitionis orante.

11 Apparuit autem ei Domini angelus ad aræ suffitoriarum dexteram astans.

12 Quo viso, turbatus Zacharias, & timore perculsus est.

13 Sed eum sic allocutus est angelus : Ne metue, Zacharia, nam exaudita sunt tuæ preces : & tua conjux Elisabeta tibi filium pariet, quem Johannem nomine vocabis,

14 qui tibi gaudio erit & lætitiæ, multique ex ejus natiuitate gaudebunt :

15 erit enim in domini conspectu magnus: nec vinum, nec temetum bibit, ac sacro spiritu plenus erit jam ab utero matris

16 & Israelitarum multos ad Dominum ipsorum Deum reconciliabit,

17 eumque

17 eumque antecedit ipse, Eliano spiritu potentiaque præditus, ut patrum animos ad natos converterat, & contumaces ad iustorum prudentiam perducatur, Dominoque compositum populum præparet.

18 At Zacharias: Unde istud cognoscam? inquit angelo, quum & ego sim senex, & uxor mea jam grandis natu?

19 Cui angelus respondens inquit: Ego sum Gabriel, qui Deo appareo, & missus sum ut te alloquerer, tibi que hæc læta nunciarem.

20 Atque hoc sic habeto, te fore mutum, & loquendi impotem donec hæc evenierint: quoniam meis dictis non credidisti, quæ suo tempore comprobabuntur.

21 Expectabat autem populus Zachariam, eumque tandiu in æde morari mirabatur.

22 Is verò egressus, eos alloqui non poterat: itaque intellexerunt, eum visum aliquod in æde vidisse. Ipse verò eis inuebat, remansitque mutus:

23 ac peracto sui muneris spacio, domum petiit.

24 Post id tempus concepit ejus uxor Elisabeta, & se quinque menses abdidit,

25 propterea quòd hæc ei præstitisset Dominus, dum ejus inter homines dedecus abolere curat.

26 Mense autem sexto missus est à Deo angelus Gabriel, in oppidum Galilææ, nomine Nazaretham,

27 ad virginem desponsam viro, qui nomen habebat Josephus, ex domo Davidis: Virginis autem Maria nomen erat.

28 Ad eam ingressus angelus,

dixit: Salve accepta, cui Dominus adest, quæque es mulierum fortunatissima.

29 At illa, eo viso, ejus sermone turbata, cogitabat qualis esset ea salutatio.

30 Et angelus: Ne metue: Maria: nam propitium habes Deum:

31 ac scito, te utero concepturam, parituramque filium quem Jesum nomine vocabis.

32 Is erit magnus, & Supremi filius vocabitur: eique dabit Dominus Deus solium Davidis, ejus parentis,

33 isque in Jacobæorum domum regnabit in perpetuum, nec ullus ejus regni finis erit.

34 At Maria: Quo pacto fiet istud? inquit angelo: cum ego virum nesciam?

35 Et ille respondens: Te spiritus sanctus, inquit, invadet, & Supremi vis inumbrabit: itaque sanctus iste partus dicetur Dei filius.

36 Et quidem Elisabeta, cognata tua, concepit & ipsa filium in senectute sua: eique jam sextus hic mensis agitur, quæ tamen sterilis dicebatur,

37 adeò nulla res est, quam Deus facere non possit.

38 Tum Maria: Ecce me Domini servam, eveniat mihi ita ut tu dixisti. Ita angelus ab ea discessit.

39 Per eos dies profecta est Maria festinanter in montana, in urbem Judææ:

40 & ingressa domum Zachariæ, salutavit Elisabetam.

41 Atque ubi audivit Elisabeta Mariæ salutationem, exultavit infans in ejus utero: repletaque sancto spiritu Elisabeta,

42 exclamavit magna voce, & inquit: tu es mulierum felicissima: felix & istius ventris foetus.

43 Unde autem hoc mihi, ut me mei Domini mater inviasat?

44 Nam simulac tuæ salutationis vox pervenit ad meas aures, exultavit lætitia infans in ventre meo.

45 Beatam te, quæ credideris perfectum iri quæ tibi à Domino significati sunt.

46 Tum Maria sic fatur: Magnificat animus meus Dominum,

47 exultatque mea mens de Deo servatore meo:

48 qui spectaverit humilitatem ancillæ suæ, unde me in posterum beatam prædicatura sunt omnia secula.

49 Quoniam mihi magna fecit præpotens ille, cujus & nomen sanctum est,

50 & clementia perennis erga reverentes eum.

51 Qui fortia patrat suo brachio, profligat eos qui animi fastu insolefcunt.

52 Deturbat potentes de soliiis & humiles extollit.

53 Esurientes bonis explet, & divites inanes dimittit.

54 Subvenit Israelitis suis clementiæ memor,

55 quemadmodum majoribus promiserat nostris, Abrahamo, & ejus futuræ posteritati.

56 Mansit autem Maria cum ea circiter menses tres: deinde domum revertit.

57 Elisabetha autem, exacto ad pariendum tempore, filium genuit.

58 Et ejus vicini atque cognati, audientes quanta Dominus erga eam usus esset clementia, congratulabantur ei.

59 Octavo autem die puerum circumcisum iverunt: & eum patris ejus nomine Zachariam appellabant:

60 sed contradixit ejus mater: Non ita, inquit, sed vocabitur Johannes.

61 Cui illi: Nullus est, inquit, in cognatione tua, qui isto nomine nuncupetur:

62 Deinde innuunt ejus patri, quid eum vellet appellari.

63 Et ille, petita tabella, scripsit, ejus nomen esse Johannem: id quod mirati sunt omnes.

64 Atque ille, aperto protinus ejus ore, soluta lingua, loqui cœpit, Deo gratias agens,

65 metuque correpti sunt omnes eorum finitimi, ac per omnia Judææ montana dictabantur hæc omnia:

66 quæ quicumque audierant, in animo reponebant, cogitantes, quidnam futurus esset ille puer? Atque ei Domini manus aderat.

67 Zacharias autem pater ejus, sancto spiritu plenus, vaticinatus est his verbis:

68 Grates Domino Israelitarum Deo, qui populi sui liberationem procuret,

69 erigatque nobis cornu salutis in domo sui Davidis:

70 quemadmodum promiserat præscorum ore sanctorum suorum vatum,

71 quo vindicemur ab hostibus nostris, & ex omnium manu qui nos odere:

72 ut utatur clementia erga majores nostros, & sui sancti fœderis recordetur:

73 qui jurejurando promiserit Abrahamo patri nostro,

74. daturum se nobis, ut intrepidè, ex hostium nostrorum manu liberati,

75 ipsum coram piè justèque colamus, toto vitæ nostræ tempore.

76 Et tu puer Supremi vates vocabere : præbis enim Domino, paratum vias ejus,

77 ad dandam salutis cognitionem ejus populo, quòd eis venia datur peccatorum,

78 per intimam Dei nostri misericordiam, qua nos ex alto visit ortus,

79 qui appareat iis qui in tenebris & atra nocte degunt, ad dirigendos pedes nostros in viam pacis.

80 Puer autem crescebat, & spiritu confirmabatur, ac in desertis agebat usque ad diem, qua Israelitis ostenderetur.

CAPUT II.

Orbis census. Maria partus in stabulo : ad pastores angelus de Christo : vox celestis : pastores ad infantem. Maria cura : in circumcissione Jesus : puer Deo sistitur : fertur ex lege. Simeonis canticum, ad Mariam vaticinium. Vates Anna. Josephi reditus Nazaretham. Pueri ingenium, virtus, ejusdem in sano dissertatio. Maria natiq̃ue dicta. Parentum ignorantia : pueri obsequium, & profectus in horas.

PER id tempus decreto promulgatum est ab Augusto Cæsare, ut censeretur totus orbis,

2 qui primus census habitus est Quirino prætore Syriæ.

3. Igitur cum omnes ad proficendum in suam quisque civitatem proficiscerentur,

4. ascendit etiam Josephus ex Galilæa, ex oppido Nazarethæ, in Judæam, in Davidis oppidum,

quæ Bethlehema vocatur, quòd esset ipse Davidicæ domus atque familiæ :

5 ut profiteretur unà cum Maria desponsa sibi uxore prægnante.

6 Accidit autem, ut dum illic sunt, illa exacto ad pariendum tempore,

7 filium suum pareret primogenitum : quem fasciis involvit, & in præsepi reclinavit, quòd eis in diversorio locus non esset.

8 Erant pastores in eadem regione excubantes, & nocturnis vigiliis ovile suum custodientes :

9 quibus ecce Domini angelus affuit, eosque Domini splendor circumfulsit, & magno timore perterritos,

10 sic est angelus alloquutus : Ne timete : en ego vobis enim ingentem nuncio lætitiā, totī populo futuram,

11 videlicet vobis hodie natum esse servatorem, qui est Christus Dominus, in oppido Davidis.

12 Atque hoc vobis signum erit : invenietis infantem fasciis involutum, jacentem in præsepi.

13 Et repente extitit cum angelo cœlestium copiarum multitudo, Deum laudantium, & ita dicentium :

14 Gloria in supremis Deo, & in terra pax : erga homines benevolentia.

15 Deinde ubi ab eis discesserunt in cælum angeli, pastores illi cohortati sunt invicem, ut Bethlehema pererent, & viserent quid rei accidisset, quod Dominus sibi declarasset.

16 Itaque celeriter profecti, invenerunt Mariam & Josephum, & jacentem in præsepi infantem :

17 quo viso, prædicarunt quid sibi de puero illo dictum fuisset.

18 Ac quotquot audierunt, ea mirati sunt, quæ eis à pastoribus dicta sunt.

19 Maria verò eas res omnes observabat, cum animo suo perpendens.

20 Redierunt autem pastores Deum celebrantes atque collaudantes, propter ea omnia quæ & audiverant, & quemadmodum eis prædictum fuerat, viderant.

21 Postquam dies octo ad circumcidendum puerum completi sunt, nuncupatum ejus est nomen JESUS: quod nuncupatum fuerat ab angelo, priusquam in utero conciperetur.

22 Completis autem eorum purificationis diebus, ex lege Moïsis tulerunt eum Hierosolymam, ut Domino sisterent,

23 (quemadmodum in Domini lege scriptum est, scilicet omnem marem, qui vulvam aperuisset, Domino sacrum esse dicendum,)

24 utque munus conferrent, quemadmodum in Domini lege dictum est, par turturum, aut duos pipiones.

25 Erat tum Hierosolymæ homo nomine Simeon, qui homo justus erat, & religiosus, expectans Israelitarum consolationem, & sancto spiritu præditus.

26 Huic fuerat sancti spiritus oraculo dictum, non prius esse mortem sensurum, quam Domini Christum vidisset.

27 Is instinctu spiritus venit in sanum, atque ubi intulerunt parentes puerum Jesum, ut de eo ex legis ritu facerent,

28 ipse eum suis ulnis excepit, Deoque gratias egit his verbis :

29 Nunc dimittis tuum me, Domine, secundum promissionem tuam placidè ;

30 quandoquidem vidi meis oculis salutem tuam,

31 quam omnibus expositam populis parasti.

32 lumen gentibus patefaciendum, & tuorum Israelitarum gloriam.

33 Mirabantur autem ejus pater atque mater, ea quæ de eo dicebantur,

34 eisque fausta precatus Simeon, ejus matrem Mariam sic affatus est: Scito hunc multorum vel casui vel resurrectioni in Israelitis destinatum esse, & signum fore cui contradicatur.

35 Quin tuum quoque animum penetrabit gladius, ut patefiant multarum mentium cogitationes.

36 Erat autem Anna vates, Phanuelis filia, ex Aseriana tribu: quæ multum ætate provecta, vixerat annos cum viro septem à virginitate sua :

37 Eratque eadem vidua annorum circiter quatuor & octoginta, quæ ex sano non discedebat, jejuniis precibusque noctes & dies Deum colens.

38 Hæc eadem hora supervenit, & Domino gratias agere, deque eo loqui cœpit omnibus, qui Hierosolymis liberationem expectabant.

39 Et illi omnibus ex lege Domini peractis redierunt in Galilæam, in oppidum suum Nazaretham.

40 Puer verò crescebat, & spiritu confirmabatur, sapientiaque replebatur, eique aderat Dei gratia.

41 Proficiscebantur autem ejus parentes quotannis Hierosolymam festis Paschæ.

42 Igitur dum jam erat annorum duodecim, cum illi Hierosolymam ex more festorum ascendissent,

43 diesque peregrissent, eis revertentibus remansit puer Jesus Hierosolymæ.

44 Id quod ignorantes ejus parentes, eum in comitatu esse rati, postquam iter unius dici fecerunt, cœperunt eum inter cognatos & familiares conquerere:

45 eoque non invento, reverterunt Hierosolymam, eum quæsitum,

46 Accidit autem ut post triduum eum in fano invenerint, inter magistros sedentem, eosque audientem ac interrogantem.

47 Stupebant autem omnes eum audientes, ejus acumen, ac responsiones.

48 Atque eo viso attoniti sunt illi, eumque sic est allocuta mater: Nate, cur nobis ita fecisti? en pater tuus & ego te dolentes quærebamus.

49 At ille: Quorsum me quærebatis? inquit eis. An nesciebatis, mihi agenda esse mei patris negocia?

50 At illi, quid ille sibi dixisset, non intellexerunt.

51 Et ille cum eis descendit, venitque Nazaretham, & eis erat morigerus. Ejus autem mater eas res omnes animo observabat,

52 & Jesus sapientia, & ætate, & gratia, tum apud Deum proficiebat, tum apud homines.

CAPUT III.

Johannis habitatio, concio, objurgatio acerba, præcepta: hujus & Christi collatio, item baptismatum. Christi potestas. Herodis scelus. Baptista carcer. Christi baptismus. Vox celestis,

cum spiritu Sancto imagine columba. Jesu ætas, genealogia adusque Adamum & Deum.

Anno autem imperii Tiberii Cæsaris decimo-quinto, Pontio Pilato Judææ prætore, Herode Galilææ tetrarcha: Philippo ejus fratre Iturææ & Trachonitidis regionis tetrarcha, & Lysania Abylenæ tetrarcha, Pontificibus Anna & Caiapha, habitus est à Deo sermo ad Johannem Zachariæ filium in solitudine:

3 isque venit per omnem Jordanis oram, emendationis vitæ baptismata publicatum, ad peccatorum veniam:

4 quemadmodum in vatis Esaiæ effatorum libro scriptum est, dum dicit: Vox clamantis in solitudine: Præparate Domini viam, rectas facite semitas ejus.

5 Omnis & vallis complebitur, & mons collisque deprimetur, & prava in recta, & asperæ viæ redigentur in planas,

6 aspicientque mortales omnes divinam salutem.

7 Dicebat igitur hominum vulgo, qui proficiscebantur ut ab eo baptizarentur: Viperina progenies, quis vos summonuit futuram iram fugere:

8 edite ergo dignos correctæ vita fructus: neu velitis apud vos sic cogitare, Patrem habemus Abrahamum. Dico enim vobis, posse Deum ex his lapidibus Abrahamo suscitare natos.

9 Jam verò securis arborum radici admota est. Itaque omnis arbor bonum fructum non edens, excidenda, & in ignem est conjicienda.

10 Et à vulgo sic interrogatus: Quid ergo agemus?

11 respondit eis in hunc modum : qui duas habet tunicas, impertiat non habenti : & qui habet cibaria, itidem faciat.

12 Venerunt item publicani ut lavarentur : eique dixerunt, Magister, quid agemus ?

13 Quibus ille: Nihil amplius, inquit, exigite, quàm quantum vobis præscriptum est.

14 Interrogarunt eum etiam milites his verbis : Et nos quid agemus ? Quibus ille : Neminem, inquit, concutite, néve calumpniamini, & vestris este stipendiis contenti.

15 Dubitante autem populo, omnibusque de Johanne animo cogitantibus, num is esset Christus,

16 Johannes sic est omnes allocutus : Ego quidem aqua vos baptizo : sed adventat quidam ita me præstantior, ut ego dignus non sim qui ejus calceorum solvam corrigiam. Is vos sancto spiritu & igne baptizabit.

17 Habet autem in manu vannum suam, areamque suam perpurgabit, & frumentum in horreum suum comportabit, paleam autem igni cremabit extincta.

18 Ita multa etiam alia monens, populum instituebat.

19 At Herodes tetrarcha, cum ab eo de Herodiade, sui fratris uxore, deque tot quæ committebat, sceleribus argueretur,

20 hoc insuper ad omnia alia adjecit, quod Johannem in carcerem conclusit.

21 Accidit autem, ut baptizato omni populo, necnon Jesu baptizato, ac orante, aperiretur cælum,

22 descenderetque spiritus sanctus corporea specie, quasi

columba, in eum, & existeret de cælo vox dicens : Tu es meus charissimus filius, tu mihi acceptus es.

23 Incipiebat autem Jesus annorum esse fere triginta, Josephi (ut putabatur) filius, Elis filii,

24 Mathathi filii, Levis filii, Melchis filii, Jannæ filii, Josephi filii,

25 Mattathæi filii, Amosi filii, Naumi filii, Elis filii, Naggæ filii,

26 Maathi filii, Mathathie filii, Semeis filii, Josephi filii, Judæ filii,

27 Johannæ filii, Resiæ filii, Zorobabelis filii, Salathielis filii, Niris filii,

28 Melchis filii, Addis filii, Cosami filii, Elmadami filii, Heris filii,

29 Hiesonis filii, Eliezeris filii, Joremi filii, Matthæ filii, Levis filii,

30 Simeonis filii, Judæ filii, Josephi filii, Jonami filii, Eliacimi filii,

31 Meleæ filii, Menami filii, Mathathami filii, Nathani filii, Davidis filii,

32 Isæi filii, Obedis filii, Boozis filii, Salmonis filii, Naassonis filii,

33 Aminadabi filii, Arami filii, Efromi filii, Phariz filii, Judæ filii,

34 Jacobi filii, Isaci filii, Abrahami filii, Tharæ filii, Nacheris filii,

35 Saruchi filii, Ragavi filii, Phaleci filii, Hebris filii, Salæ filii,

36 Cainanis filii, Arphaxati filii, Semi filii, Noæ filii, Lamechi filii,

37 Mathusalæ filii, Enochi filii, Jarethi filii, Malaleelis filii, Cainanis filii,

38 Enosi filii, Sethi filii, Adami filii, Dei filii.

CAPUT IV.

In solitudine Christus: tentatus, jejunus, esuriens, contra diabolum. Christi in Galilæa doctrina, Nazarethæ lectio, de Jesu varicinium. Concio, responsum Jesu de vate in patria, de Elia, & Syro. Jesu à suis evasio. Capernaiconcilio. Dæmoniacus. Simonis socrus. Dæmones de Jesu, objurgati.

Jesus verò sancto spiritu plenus, reversus est à Jordane, & spiritus instinctu actus in solitudinem,

2 ac quadraginta dies tentatus est à Diabolo, per quos dies cum nihil comedisset, & eis finitis tandem esurirer,

3 dixit ei diabolus: Si Dei filius es, jube huic lapidi ut fiat panis.

4 Cui Jesus respondens: Scriptum est, inquit, non solo pane vivere hominem, sed etiam eo omni quod ex ore Dei proficitur.

5 Tum diabolus eum in excelsum montem subduxit, & ei omnia mundi regna momento temporis ostendit,

6 eumque sic allocutus est diabolus: Hanc ego omnem potestatem, eorumque gloriam omnem tibi dabo. Nam ea mihi tradita est, ita ut cuicumque velim, eam donem.

7 Quòd si tu me coràm adoraveris, erunt omnia tua.

8 At Jesus ei respondens: Abi ex conspectu meo, Satana, inquit. Scriptum est enim: Dominum Deum tuum adorato, eumque solum colito.

9 Duxit item eum Hierosolymam, & in templi pinnis collocavit, atque ita allocutus est:

Si Dei filius es, jace teipsum hinc deorsum:

10 nam ita scriptum est: Angelis suis de te mandabit ut te custodiant,

11 manibusque sustineant, ne pedibus in lapides impingas.

12 At Jesus sic ei respondit: Dictum est, Dominum Deum tuum ne tentato.

13 Et diabolus, peracta omni tentatione, ab eo discessit ad tempus.

14 Jesus verò vi spiritus rediit in Galilæam, dimanavitque ejus fama per totam regionem finitimam:

15 & ipse docebat in eorum collegiis, ab omnibusque celebrabatur.

16 Venit autem Nazaretham, ubi fuerat educatus: & ingressus (ut erat ei mos) die Sabbati in collegium surrexit ad legendum.

17 Traditus est autem ei vatis Esaiæ liber: quo libro explicato, reperit locum, ubi sic scriptum erat.

18 Spiritu Domini præditus sum, quandoquidem me unxit, me ad læta pauperibus nuncianda misit, ad medicandum mente fractis,

19 ad edicendam captivis libertatem, & cæcis visum, ad calamitosos in libertatem emittendos, ad edicendum favorabilem Domini annum.

20 Deinde plicato libro, & ministro tradito, resedit: & omnium in collegio oculis in eum intentis,

21 cœpit eis dicere: Id scriptum hodie esse audientibus eis comprobatum.

22 Atq; omnes de eo testabantur, & orationis gratiam mirabantur, quæ ex ejus ore manabat

ac

ac ita dicebant: Nónne hic est Iosephi filius?

23 Et ille: Omnino (inquit eis) mihi dicetis hoc proverbium, Medice cura teipsum. Quæ Capharnai facta audivimus, fac etiam hic in tua patria.

24 Hoc vobis confirmo, inquit, nullum vatem acceptum esse in sua patria.

25 Atque hoc à me certò sic habetote: Multæ viduæ erant Eliæ temporibus apud Israelitas, cùm cælo per tres annos & sex menses clauso, extitit gravis famines per totam terram:

26 & tamen ad earum nullam missus est Elias, sed tantùm ad Sarephtham Sidonium oppidum, ad mulierem viduam:

27 & multi erant sub Elisæo vate leprosi apud Israelitas, & tamen nullus eorum purgatus est, sed tantùm Naaman Syrus.

28 Hæc audientes omnes in collegio, ira pleni surrexerunt,

29 eumque ex oppido eiecerunt, & usque ad montis cacumen (in quo constructum erat eorum oppidum) duxerunt, ut eum præcipitarent.

30 At ille per medios digressus abiit,

31 & Capharnaum Galilææ oppidum degressus, docebat eos Sabbatis:

32 atque illi ejus doctrinam stupebant, quippe cujus in oratione inesset autoritas.

33 Erat autem in collegio homo habens impuri dæmonii spiritum, qui magna voce sic exclamavit:

34 Heu, quid tibi nobiscum rei est, Jeshu Nazarene? venisti perditum nos? Novi te quis sis, Sanctus dei.

35 At Jesus eum objurgavit: Obmutescè, inquit, & ex isto

exi. Tum dæmonium, illo in medium prostrato, exivit ex eo nihilque læsit eum.

36 Quare attoniti omnes, inter sese hunc in modum colloqui: Quæ est hæc oratio, quod cum autoritate potentiaque spiritibus immundis ita imperat, ut exeant?

37 Atque ejus fama in omnia finitimæ regionis loca dimanabat.

38 Digressus autem ex collegio, intravit in Simonis domum. Laborabat autem Simonis socrus gravi febre. Itaque illi eum pro ea rogarunt.

39 Et ille supra eam astans, febrem objurgavit, & febris eam reliquit: atque illa continuo surrexit, eisque ministrare cœpit.

40 Occidente autem sole, omnes quicumque variis morbis ægrotos habebant, eos ad eum adducebant: & eos ille, impositis unicuique manibus, sanavit.

41 Exhibant etiam ex multis dæmonia, ita clamantia: Tu es Christus Dei filius. Sed objurgans ille, non sinebat ea dicere, se scire eum esse Christum.

42 Deinde orta die, digressus, concessit in desertum locum: eumque vulgò quærentes homines, ad eum venerunt, eumque ne ab ipsis discederet retinebant.

43 At ille eis dixit, oportere se aliis quoque civitatibus nunciare Dei regnum: ad id enim se esse missum.

44 Ita per Galilææ collegia prædicabat.

C A P U T V.

Christus è navi docens. Piscium prada. Piscatores Jesu sectatores. Leprosus ad sanum. Jesus orans. Per regulas paralyticus.

Galyleus. Iesus in noxas, & morbum. Levi vocatio. Prævi Jesu convivæ. Pharisei confutati. Christi munus. Colationes agrorum, nuptiarum, vestis, vini.

CUM autem hominum turba divini sermonis audiendi gratia ei incumberet, ad Genesarethicum lacum astanti,

2 conspicatus duo navigia ad lacum stantia (de quibus degressi piscatores retia lavabant) descendit navigiorum alterum, quod Simonis erat :

3 eumque monuit ut paulum à terra summovertet, reseditque, & hominum turbam ex navigio docere coepit.

4 Deinde facto loquendi fine, Simoni iussit ut in altum subduceret, utque sua retia laxarent ad prædam.

5 Cui Simon respondit: Præceptor, tamen si totam noctem laborantes nihil cepimus, tamen ad tuum dictum laxabo rete.

6 Atque eo facto, tantam piscium multitudinem conclusērunt, ut disrumperetur eorum rete.

7 Itaque sociis innuerunt, qui in altero erant navigio, ut se adjutum venirent. Qui ubi venerunt, utramque navem ad eum repleverunt, ut eam summergerentur.

8 Eo viso, Simon Petrus ad ejus genua se abjecit, & Discede à me, inquit, nam ego nocens homo sum, Domine.

9 Erat enim stupore correptus tum ipse tum omnes ejus comites, ob piscium quam ceperant prædam. Similiter & Jacobus ac Johannes, Zebedæi filii, qui erant Simoni socii.

10 At Iesus Simoni dixit: Ne metue, deinceps homines capies.

11 Deinde illi deductis ad terram navibus, eum, relictis omnibus, secuti sunt.

12 Cum esset autem in quodam oppido, ecce vir quidam lepra scatus, qui viso Jesu pronus accidit, eumque sic oravit: Domine, si vis, potes me purgare.

13 & ille porrecta manu eum tetigit, & Volo, inquit, purgator: & protinus ab eo lepra discessit.

14 Ille autem ei præcepit ne cui diceret: sed i ostensum te sacerdoti, & ob tui purgationem libato quod præcepit Moses, ut sit eis testimonio.

15 Increbrescente autem sermone de eo, ingens ad eum conveniebat hominum multitudo, ut audirent, & ab eo à suis morbis sanarentur.

16 Ipse verò in deserta loca secedebat, ac supplicabat.

17 Quodam autem die cum doceret, assidentibus Phariseis: ac legisperitis, qui passim ex Galilææ & Judææ vicis, & à Hierosolyma convenerant, cumque Domini vis in illis sanandis adesset,

18 viri quidam ferebant in lecto hominem, qui erat sideratus, eumque conabantur introferre, & ei proponere.

19 Cumque non invenirent quàm eum introferrent propter turbam, consensu tecto, per regulas eum, unà cum lectulo, in medium demiserunt ante Jesum.

20 Et ille videns eorum fiduciam, dixit ei: Homo, ignoscuntur tibi tua peccata.

21 At Scribæ & Pharisei ceperunt hunc in modum cogitare: Quis est hic, qui tam impia loquatur? Quis ignoscere peccata potest, nisi solus Deus?

22 Et

22 Et Jesus, cognitis eorum cogitationibus, sic eos affatus est. Quid cogitatis cum vestris animis?

23 Utrum facilius est dicere, Ignoscuntur tibi peccata tua? an dicere, Surge & ambula?

24 Atqui ut intelligatis potestatem habere filium hominis in terra ignoscendi peccata: Tibi dico (inquit fiderato) surge, & sublato lectulo tuo, i domum tuam.

25 Atque ille continuo in eorum conspectu surrexit: & eo, in quo jacebat, lectulo sublato, abiit domum suam, Deum laudans.

26 Ea re attoniti omnes Deum collaudare, metuque repleti, dicentes sese hodie incredibilia vidisse.

27 Postea egressus, & publicanum Levim nomine conspicatus ad publicanorum mensam sedentem, dixit ei: Sequere me.

28 Et ille, relictis omnibus, surrexit eumque secutus est.

29 Fecit autem ei celebre convivium Levis domi suæ: ubi cum ingens publicanorum aliorumque cum eis epulantium turba foret,

30 fremebant Scribæ & Pharisei contra ejus discipulos, hujusmodi verbis: Cur cum publicanis & improbis cibum & potionem sumitis?

31 Quibus respondit Jesus in hunc modum: Non egent valentes medico, sed quibus malè est.

32 Non veni vocatum insonites, sed fontes ad frugem.

33 Illi verò sic ei dixerunt: Qui sit ut Johannis discipuli crebro jejurent, ac precibus utantur, itidem & Phariseorum? tui verò epulentur atque potent?

34 quibus ille: Potestis ne efficere, inquit, ut qui nuptias celebrant, donec eis sponfus adest, jejurent?

35 Sed veniet tempus, cum sponso privabuntur, atque eo quidem tempore jejunabunt.

36 Dicebat autem eis hanc collationem: Nemo novæ vestis pittacium adhibet veteri vesti, alioquin & novam scinderet, nec veteri quadraret ex nova pittacium.

37 Neque quisquam condit vinum novum in utres veteres: alioquin rumperet vinum novum utres, & ipsum efflueret, & utres perirent.

38 Sed vinum novum in novos utres condendum est: ita fit ut ambo conserventur.

39 Neque verò quisquam potato vetere, protinus vult novum: dicit enim vetus esse melius.

C A P U T VI.

De spiciis refutati Pharisei. Tabida manus. In Christum insidia, is pernoxorans: xii. Apost. Beati qui. Qui miseri. Amanus hostis, plaga, vis, furta, lex natura, mutuum. Clementia. Temerarium judicium: largitas. Caci cadentes, festuca, trabs. Arbor varia. Varius adificatur.

Accidit autem, ut cum Sabbato secundo primo iter per lata faceret, vellerent ejus discipuli spicas, manibusq; confricatas comederent.

2 Quibus Phariseorum quidam sic dixerunt: Cur facitis quod Sabbatis facere non licet?

3 At Jesus eis respondens: Illud ne non legistis, inquit, quod fecerit David, cum etureret ipse & ejus comites?

4 ut in Dei ædem ingressus,

appo-

appositios panes sumpserit, comederitque & suis dederit comitibus: quibus tamen vesci non licet, nisi solis sacerdotibus.

5 Dominus est filius hominis (inquit eis) etiam Sabbati.

6 Accidit autem etiam alio Sabbato, ut in collegium ingressus doceret: ubi cum homo esset dextera manu tabida,

7 observabant eum Scribæ & Pharisei, an in Sabbato curaret, ut crimen adversus eum invenirent.

8 At ille eorum cogitationes intelligens, dixit homini siccam habenti manum: Surge, & sta in medio. Cumque ille surrexisset & staret,

9 dixit Jesus illis: Interrogabo vos, utrum Sabbatis benefacere liceat, an malefacere: vitam servare, an perdere?

10 Deinde omnes illos circum intuitus, dixit homini: Porrigere manum tuam. Quod postquam ille fecit, reddita est ejus manus tam sana, quam erat altera.

11 At illi furoris pleni, colloqui inter sese, quid Jesu facerent.

12 Per eos autem dies profectus est in montem ad orandum, & pernox oravit.

13 Deinde orto die discipulos suos convocavit, ex eisque duodecim elegit, quos etiam Apostolos nominavit:

14 Simonem, quem etiam Petrum nominavit, & Andream ejus fratrem: Jacobum & Johannem: Philippum & Bartholomæum:

15 Matthæum & Thomam: Jacobum Alphæi filium, & Simonem nomine Zelotam:

16 Judam Jacobi fratrem, &

Judam Iscariotam, eum qui fuit proditor.

17 Cum his degressus, stetit in campestri loco, necnon ejus discipulorum grex, & ingens hominum multitudo, ex omni Judæa, & Hierosolyma, & Tyria Sidoniaque ora, qui venerant ut eum audirent, & à suis morbis curarentur:

18 item qui ab impuris spiritibus vexabantur. Atque illi sanabantur,

19 eumque vulgus omne tangere conabatur: siquidem vis ab eo proficiscebatur, quæ sanabat omnes.

20 Atque ille coniectis in discipulos suos oculis, sic dicere: Beati pauperes: nam vestrum est Dei regnum.

21 Beati qui nunc esuritis: nam saturabimini. Beati qui nunc ploratis: nam ridebitis.

22 Beati eritis, cum vos oderint homines, & separabunt, & conviciabuntur, vestrumque nomen tanquam malum propter filium hominis abjicient.

23 Gaudete tum, & exultate: scitote enim, grandem vobis esse mercedem in cælis. Eodem enim modo faciebant vaticibus majores eorum.

24 Verum væ vobis divitibus: siquidem jam habetis vestrum solatium.

25 Væ vobis qui pleni estis: nam esurietis. Væ vobis qui nunc ridetis: nam lugebitis, atque plorabitis.

26 Væ vobis cum vobis benedicunt omnes homines: idem enim faciebant falsis vaticibus majores eorum.

27 Sed vobis hoc dico, auditores: amate inimicos vestros, benefacite eis qui vos odere,

28 Bene precamini iis qui vobis

vobis imprecantur, & pro eis orate qui vos afficiunt injuria.

29 Ferienti tibi malam, præbe etiam alteram: & auferentem tuum pallium, ne à tunica quidem prohibe.

30 Quin omnibus à te petentibus dato, & ab auferente tua ne repete:

31 ac quemadmodum vultis ut vobis alii faciant, ita & vos eis facitote.

32 Quòd si vestros amatores amatis, quæ vobis debetur gratia? cum etiam improbi suos amatores ament.

33 Item, si iis benefacitis qui vobis benefaciunt, quæ vobis gratia debetur, cum vel improbi idem faciant?

34 Et si iis commodatis, à quibus vos mutuum beneficium speratis, quæ vobis debetur gratia? cum etiam improbi commodent improbis, ut paria recipiant.

35 Enimvero amate vestros inimicos, & benefacite & commodate, nihil inde sperantes: & vobis merces erit grandis, eritisque Supremi filii, qui sit erga ingratos ac malos benignus.

36 Este igitur misericordes, ut vester etiam pater est misericors.

37 Ne judicare, & non iudicabimini: ne damnare, & non damnabimini. Remittite & vobis remittetur:

38 donate, & vobis donabitur: vobis mensura bona, conferta, concussa, ut superfluous in sinum donabitur: eadem enim mensura qua metiemini, remetietur vobis,

39 Dicebat autem eis similitudinem: Potestne cæcus cæcum ducere? non ne ambo in foveam cadent?

40 Non est discipulus supra magistrum suum: quin præclare cum quoque agitur, si eadem conditione est qua ejus magister.

41 Quid autem cernis festucam in tui fratris oculo, & trabem in tuo ipsius oculo non animadvertis?

42 Aut qui potes dicere fratri tuo: Frater, sine ut extraham festucam quæ est in oculo tuo: ipse trabem, quæ in oculo tuo est, non cernens? Histrio, extrahe prius trabem ex oculo tuo, tum densum cerne ut festucam extrahas, quæ est in tui fratris oculo.

43 Nulla enim nec bona arbor est, quæ tetrum ferat fructum: nec arbor mala, quæ bonum ferat fructum.

44 Nam ex suo quæque fructu arbor cognoscitur. Non enim ex spinis colliguntur ficus, nec ex rubo vindemiatur uva.

45 Vir bonus ex bona sui cordis cella bonum profert: itemque vir malus ex mala sui cordis cella malum profert: utpote cum ex ejus cordis redundantia loquatur ejus os.

46 Quid verò me vocatis, Domine, Domine, cum quæ ego dico non faciatis?

47 Quisquis ad me venit, meaque dicta & audit & exequitur, demonstrabo vobis cui sit similis.

48 Est similis homini domum construenti, qui altè fodit, & fundamentum in petra jacit. Deinde si accidit inundatio, quamvis torrens in domum illam impingat, eam tamen convellere nequit, quippe in petra fundatam.

49 Qui verò audit, nec exequitur, similis est homini qui domum in terra sine fundamento

construxit, in quam domum si torrens irruit, ea protinus corruit, & ingentem trahit ruinam.

CAPUT VII.

Centurionis modestia, fides, laus.

Servi sanitas. Filius vidua rediivus. Legatis à Johanne responsum: hujus laudes. Judai puerorum similes. Mulieris unguentum ad mensam Pharisei: hujus confutatio. Creditores duo. Collatio Simonis ac scemina: istius fides.

Postquam omnem orationem suam audiente populo absolvit, ingressus est Capharnaum.

2 Cujusdam autem centurionis servus adeò graviter laborabat, ut jamjam obiturus esset, quem servum ille in precio habebat.

3 Itaque audiens de Jesu, misit ad eum Judæorum senatores oratum, ut suum servum sanatum veniret.

4 Et illi Jesum aggressi sedulo rogant, ita dicentes: Dignus est cui tu id præstes:

5 amat enim gentem nostram, idemque nobis collegium construxit.

6 Jesus verò cum eis profectus est. Cumque jam domo non procul abesset, centurio, missis ad eum amicis, sic monuit: Domine, ne labora: non enim sum dignus cujus tu tectum subeas,

7 ideoque mihi ipsi ad te veniendum non putavi. Sed jube verbo, & sanabitur puer meus.

8 Nam ego quoque, qui homo sum alterius potestati subjectus, & militibus præsum, sicui dico vade, vadit: alii, si veni, venit: si servo meo, fac hoc, facit.

9 His auditis Jesus miratus

est eum: & conversus, sequenti hominum multitudini dixit: Scitote me ne in Israelitis quidem tantam invenisse fidem.

10 Igitur domum reversi qui fuerant missi, ægrotum servum invenere sanum.

11 Accidit postridie ut proficisceretur in oppidum nomine Naim, comitantibus eum frequentibus ejus discipulis, & ingenti hominum turba.

12 Atque ut oppidi portæ appropinquavit, ecce efferebatur mortuus, unicus matri filius, eique viduæ comitante eam frequente oppidanorum turba.

13 Ea visa, miseratus eam Dominus, dixit ei: Ne plora.

14 Deinde in feretrum accessit, & id tetigit, cumque restitissent qui portabant, dixit: Adolescens, inquam tibi, surge.

15 Tum mortuus sedit, loquique cœpit, atque ille eum matri suæ tradidit.

16 Inde omnes metu correpti, Deum collaudare, dicentes, magnum apud ipsos ortum esse vatem, Deumque suorum curam habere.

17 Atque is sermo de eo totam Judæam finitimamque regionem pervasit.

18 Hæc omnia Johanni sui discipuli nunciarunt:

19 & Johannes advocatos duos quosdam suorum discipulorum, misit ad Jesum, qui ita dicerent: Tunc is es qui venturus est? an alium expectemus?

20 Igitur homines Jesum aggressi, dixerunt: Johannes Baptista nos ad te misit, ut ita diceremus, Tunc is es qui venturus est? an alium expectemus?

21 At Jesus eadem hora multos à morbis miserisque, & malis

malis spiritibus curavit, multoque cæcos visu donavit.

22 Deinde illis in hæc verba respondit : Ite renunciatum Johanni quæ videritis ac audiveritis : cæci cernunt, claudi gradiuntur, leprosi purgantur, surdi audiunt, mortui resurgunt, pauperes evangelium docentur,

23 & beatus est qui in me non offenderit.

24 Deinde digressis Jahanis nunciis, cœpit ad vulgus hominum ita dicere de Johanne : ad quod spectandum profecti estis in solitudinem ? arundinem vento agitatam ?

25 Sed quid spectatum profecti estis ? hominem mollibus indutum vestibus ? At qui splendido vestitu & deliciis utuntur, degunt in regiis.

26 Sed ad quid videndum profecti estis ? Vatem ? Imò verò, inquam vobis, etiam plus quam vatem.

27 Is est de quo scriptum est : Ego tibi meum præmissurus sum nuncium, qui viam præparet.

28 Hoc enim vobis dico : Major in mulierum progenie, vates Johanne Baptista nullus est : & tamen qui in Dei regno minimus est, major est eo.

29 Hoc audito, populus omnis & publicani Deum collaudarunt, Johannis baptisinate baptizati.

30 At Pharisei & legisperiti, Dei consilium (quantum in se fuit) resciderunt, ab illo non baptizati.

31 Et Dominus : cui igitur rei, inquit, hujus nationis homines comparabo, & cui sunt similes ?

32 Similes sunt, ut cum pueri in foro manentes, alii ad alios clamant in hunc modum : Nos

vobis fistula cecinimus, & non saltastis : vobis luximus, & non plorastis.

33 Venit enim Johannes Baptista, qui nec panem comedit, nec vinum bibit : & dicitis eum habere dæmonium.

34 Venit filius hominis, qui & comedit & bibit : & dicitis hominem esse edacem, vinosumque, & publicanorum & improborum amicum :

35 ita suis omnibus aliena est sapientia.

36 Rogavit autem eum Phariseorum quidam, ut secum epularetur ; itaque ille in Pharisei domum ingressus accubuit.

37 Tum mulier quædam in urbe, eaque impudica, quod eum in Pharisei ædibus epulari intellexerat, unguenti alabastrum ferens,

38 ei à tergo flens astitit ad pedes, cœpitque ejus pedes lacrymis rigare, & capitis sui capillis abstergere, ac deosculari, & unguento ungere.

39 Quo viso Phariseus, qui eum invitaverat, sic apud sese cogitavit : Hic si vates esset, cognosceret quæ qualisque femina sit, quæ eum attrectat : est enim impudica.

40 At Jesus sic eum contra allocutus est : Simon, habeo quod tibi dicam, Cui ille, Dic, magister, inquit.

41 Duo debitores erant cui-dam creditori, quorum alter quingentos debebat denarios, alter quinquaginta.

42 Ille quoniam solvendo non erat, ille utrique condonavit. Dic igitur, uter eorum plus eum amabit ?

43 Cui Simon respondens : Is opinor, inquit, cui plus condonavit. Et ille : Rectè judicas.

44 Deinde ad foeminam conversus: Vides hanc foeminam? inquit Simoni. Tu mihi domum tuam ingressus, ne aquam quidem ad lavandos pedes meos dedisti: at ea pedes meos & lacrimis rigavit, & sui capitis capillis extersit.

45 Tu mihi osculum non dedisti: ea verò, ex quo sum ingressus, mihi pedes deosculari non destitit.

46 Tu nec oleo mihi caput unxisti: at ea unguento mihi pedes etiam unxit.

47 Quamobrem sic habeto, ei ejus peccata, quæ multa sunt, ignosci, quoniam multum amavit. Cui verò paulum ignoscitur, paulum amat.

48 Ignoscuntur tibi peccata, inquit ei.

49 At convivæ apud sese cogitare cœperunt, quisnam is esset, qui etiam peccata ignosceret?

50 & ille ad mulierem: Tua te fides servavit, inquit: abi salva.

CAPUT VIII.

Seminis varia sors, explicatio. Candela in domo. Christi proximi. Procella. Christi quies. Pavor suorum. Tranquillitas. Legio in porcos. Gadareni contra Jesum. Profluvium diuturnum. Jairi filia rediitua.

Deinceps vadebat oppidatim & pagatim prædicans, Deique regnum nuncians, comitantibus eum duodecim,

2 & quibusdam foeminis, quæ morantur à malis spiritibus moribusque curatæ, Maria nomine Magdalena, ex qua septem exierant dæmonia,

3 & Johanna Chuzæ uxore, procuratoris Herodis, & Susanna, & quæque multis, quæ ei de suis facultatibus ministrabant.

4 Confluente autem ingenti multitudine, & hominibus passim ex oppidis eum adeuntibus, sic per similitudinem locutus est:

5 Tunc sator quidam satum suum semen: quo ferente, aliud cecidit apud viam, idque concultatum est, & ab æeris volucris comesum.

6 Aliud in petram cecidit, idque exortum aruit, quod humorem non haberet.

7 Item aliud cecidit inter spinas, idque enatæ simul spinæ suffocarunt.

8 Aliud cecidit in bonam terram, & enatum edidit fructum cum centesimo. Hæc dicens clamabat: Qui aures habet, quibus audire possit, audiat.

9 Interrogarunt autem eum sui discipuli, quænam esset ea similitudo?

10 Quibus ille: Vobis datum est, inquit, divini regni arcana cognoscere: cum cæteris verò per similitudines agitur, ut videntes non videant, & audientes non intelligant.

11 Est autem hæc similitudo. Semen est divinus sermo.

12 Qui apud viam, ii sunt qui audiunt, deinde venit Diabolus, qui sermonem ex eorum animis aufert, ne credant, atque ita salvi fiant.

13 Qui verò in petra, ii sunt, qui dum audiunt, cum lætitiâ accipiunt illi quidem sermonem, sed radicem non habent: itaque credunt ad tempus, & periculorum tempore desciscunt.

14 Quod verò in spinas cecidit, ii sunt, qui ubi audierunt: eò veniunt ut curis & divitiis vitæque voluptatibus suffocentur, neque fructum perferant.

15 Quod verò in bona terra, ii sunt, qui probo & bono animo

E

audientia

auditum verbum retinent, & fructum cum patientia ferunt.

16 Nemo verò accensam à se candelam operit aliquo vase, sub lectove ponit, sed candelabro imponit, ut ingredienti lumen aspiciant.

17 Nihil enim tam rectum est, quod non sit perspicuum futurum: neque tam occultum, quod non sit cognoscendum, & in opertum venturum.

18 Videte igitur quomodo audiatis: nam qui habet, ei dabitur, qui verò non habet, ei id etiam quod videtur habere, eripietur.

19 Venerant autem ad eum ejus mater & fratres, qui càm præ turba cum eo congregari non possent,

20 & ei à quibusdam nunciatum esset, ejus matrem & fratres foris adesse, eum videre volentes,

21 ille sic eis respondit: Mea mater meique fratres ii sunt, qui Dei sermonem audiunt & obeunt.

22 Quodam autem die descendit ipse cum suis discipulis navem, eisque jussit ut lacum trajicerent.

23 Postquam autem solverunt, navigantibus eis ipse obdormit: & tanta venti procella in lacum delapsa est, ut illi complerentur, ac periclitarentur.

24 Itaque eum adorti excitaverunt dicentes: Præceptor, præceptor, perimus. At ille surrexit, ventumque & aquæ fluctus objurgavit: atque illa pacata sunt, & facta tranquillitas.

25 Deinde eos sic alloquitur: Ubi est vestra fiducia? At illi territi, mirati sunt, sic inter sese dicentes: Quisnam hic est qui

& ventis & aquæ sic imperet, ut ei obediant?

26 Navigarunt autem in agrum Gadarenorum, qui contra Galilæam est:

27 atque ei in terram egresso occurrit vir quidam ex urbe, qui dæmonia longo jam tempore habebat, nec vestem induebat, nec domi manebat, sed in monumentis.

28 Is viso Jesu, exclamavit, eumque accidit, & magna voce dixit: Quid tibi mecum est, Jesu supremi Dei fili? oro te, ne me torqueas.

29 Jusserat enim impuro spiritui, ut ex homine exiret. Nam longo tempore eum ita correptum habebat, ut licet catenis compedibusque vinctus custodiretur, ruptis vinculis ageretur à dæmone in desertum.

30 Interrogavit autem eum Jesus, quodnam ei nomen esset? Cui ille respondit, Legio: siquidem multa dæmonia in eum intraverant,

31 eaque illum rogabant, ne sibi imperaret ut in tartara abirent.

32 Erat illic numerosus porcorum grex, in monte pascentium: itaque dæmonia eum orabant ut sibi in illos intrare permitteret.

33 Ac illo permittente, egressa ex homine dæmonia, ingressa sunt in porcos: atque grex præceps delatus in lacum, suffocatus est.

34 Hac re visa, subulci fugerunt, idque in oppido & per rura nuntiaverunt.

35 Et homines videndæ rei causa egressi, venerunt ad Jesum & sedentem ad Jesu pedes hominem, ex quo exierant dæmonia, vestitum & sanæ mentis nacti, timuerunt.

36 Cumque

36 Cumque eis exposuissent qui viderant quo pacto sanatus fuisset furiosus,

37 rogavit eum omnis finitimæ Gadarenorum regionis multitudo, ut ab ipsis decederet, quoniam magno metu tenebantur. Itaque ille, concessa navī, reversus est.

38 Et eum quidem orabat ille vir, ex quo exierant dæmonia, ut esset cum eo: sed dimisit eum Jesus, ita dicens,

39 Revertere domum tuam, & quæ tibi fecerit Deus narra-to. Itaque ille discessit, & toto oppido quid sibi Jesus fecisset divulgavit.

40 Jesum autem reversum vulgo homines exceperunt: nam eum homines expectabant.

41 Interea venit vir quidam nomine Jairus, qui collegii magister erat. Is Jesu ad pedes accedit, eumque rogavit ut domum suam ingrederetur.

42 Erat enim ei unica filia, annorum circiter duodecim, quæ moriebatur.

43 Ac Jesu vadente, & turba eum suffocante, mulier quædam sanguinis profluvio jam à duodecim annis laborans (quæ quidem consumptis in medicos suis omnibus facultatibus, à nullo curari poterat)

44 accessit à tergo, ejusque togæ limbum tetigit, & statim cohibitum est ejus sanguinis profluvium.

45 Tum Jesus: Quis me tetigit? inquit. Cum omnes negarent, dixit Petrus, & qui cum eo erant: Præceptor, te turba angit atque premit, & quæris quis te tetigerit?

46 At Jesus: Tetigit aliquis me, inquit: sensi enim exire ex me vim.

47 Tum mulier, sese non latuisse videns, tremebunda venit, eumque accedit, & quam ob causam eum tetigisset, ei in totius populi præsentia exposuit, utque confestim fuisset sanata.

48 Et ille sic ei dixit: Bona es animo, filia, tua te fiducia servavit, abi salva.

49 Adhuc eo loquente, venit à collegii magistro quidam, qui ei filiam mortuam esse dixit, nec esse quod magistro negotium faceretur.

50 Quo audito, Jesus sic eum allocutus est: Ne metue: tantum crede, & sanabitur.

51 Deinde ubi domum venit, non fuit quenkum ingredi, nisi Petrum, & Jacobum, & Johannem, & puellæ patrem atque matrem.

52 Cumque omnes eam plangentes deplorarent, ille eos plorare veruit: non enim mortuam esse, sed dormire.

53 At illi eum deridebant, scientes esse mortuam,

54 Ipse verò, ejectis foras omnibus, ejusque prehensa manu, sic clamavit: Puella, surge.

55 Atque illa, reverso ejus spiritu, protinus surrexit, & ille ei cibum dari jussit.

56 Attoniti sunt autem ejus parentes, & ille eis ne cui rem dicerent, præcepit.

CAPUT IX.

Apost. potestas, egestas, institutio, facta. Herodis trepidi de Jesu cupido. Quinque Panes, pisces duo, canistra xii. rumor de Jesu, suorum sententia. Prædictum supplicium, & resurrectio. Crux piorum, & lucrum. Aliqui superstites. Jesu transformatio, cum Elia & Moise. Discipulorum sopor, Imprudentia. Vox e nube.

Demon per discip. non pulsus. Qui maximus piorum. Qui à Jesu sint discip. In Samaritanos diritas. Christi inopia. Mortuos qui cæret. Qui ad calum ineptus.

Convocatis autem duodecim, dedit eis vim atque potestatem in omnia dæmonia, sanandique morbos :

2 eosque ad Dei regnum publicandum, & ægrotos sanandos dimisit,

3 eisque dixit : Nihil in viam tollite, neque baculum, neque peram, neque panem, neque argentum, neque binas tunicas habetote.

4 Ac in quamcunque domum intraveritis, ibi manetote, & indidem exitote.

5 Quod si qui vos non admitterint, exite ex illa urbe & pulverem etiam ex vestris pedibus excutite, quod sit adversus eos testimonio.

6 Igitur illi digressi vicos obibant, ubique Evangelium docentes, & morbos curantes.

7 Cum audivisset autem Herodes tetrarcha, quàm multa ab eo fierent, dubitabat quod dicebatur à quibusdam, Johannem ex mortuis surrexisse,

8 à nonnullis item Eliam extitisse : ab aliis autem, aliquem veterum vatùm revixisse.

9 Dicebat autem Herodes : Johanni ego caput præcidi : sed quis est hic, de quo ego talia audio ? eumque videre cupiebat.

10 Reversi autem Apostoli, narrarunt ei quæ fecerant. Et ille assumptis eis, secessit seorsum in desertum locum, urbis vocatæ Bethsaida.

11 Quo cognito, vulgus hominum eum secutum est : quos ille excepit, eisque de Dei reg-

no loquebatur, & curationis e-
gentes sanabat.

12 Ut autem inclinare dies cæpit duodecim eum hujusmodi verbis aggressi sunt : Dimitte hunc hominum multitudinem, ut in finitimos vicos & rura profecti diverferent, & cibaria inveniant : nam hic in deserto locofumus.

13 At ille : Præbete vos eis cibum, inquit illis. Cui illi : Non sunt nobis, inquirunt, plures quàm quinque panes, & duo pisces : nisi fortè camus emprum ad omnem hunc populum cibaria.

14 Erant enim viri circiter quinquies mille. Tum ille suis discipulis jussit ut curarent, ut illi per quinquagenarios ordines discumberent.

15 Quod postquam illi fecerunt, & ut omnes discumberent curarunt,

16 ille sumptis quinque panibus, & duobus piscibus, in celum intuitus, eos (super eis facta precatione usus) fregit, & discipulis multitudini apponendos dedit :

17 comederuntque omnes ad satietatem, & sublatum est quod eis fragmentorum superfuit, canistra duodecim.

18 Cum autem seorsum orandi gratia esset, & unà cum eo adessent discipuli, interrogavit eos his verbis : Quem me vulgo esse dicunt ?

19 Cui illi respondent, Johannem Baptistam, alii Eliam, alii vatem aliquem veterum revixisse.

20 Et ille : Vos verò, inquit eis, quem me esse dicitis ? Et Petrus sic ei respondit : Christum Dei.

21 Ille verò eis interminatus est, præcepitque ne cui id dicerent,

22 dixit

22 dixitque oportere filium hominis multa pati, & à senatoribus pontificibusque & scribis improbari, ac interfici, & tertia die resurgere.

23 Dicebat autem ad omnes: Si quis post me venire vult, abneget ipse se, tollatque suam crucem quotidie, & me sequatur.

24 Nam qui vult animam suam servare, perdet eam: qui verò animam suam mea causa perdet, is eam servabit.

25 Quid enim prodest homini, vel totum lucrari mundum, si seipsum perdat, aut sui iacturam faciat?

26 Quem enim mei meorumque dictorum puduerit, huius pudebit filium hominis, cum in sua & patris sanctorumque angelorum gloria venerit.

27 Hoc autem vobis certò dico, esse quosdam eorum qui hic adsunt, qui non ante sentient mortem, quàm dei regnum videant.

28 Deinde octo ferè diebus post hæc dicta, assumpto Petro, & Johanne, & Jacobo, montem ascendit, precandi gratia.

29 Atque eo precante, facta est ejus vultus species alia, ejusque vestitus candore fulgurans.

30 Et ecce viri duo cum eo colloquebantur, qui quidem erant Moyses & Elias:

31 qui cum splendore conspecti, dicebant ejus exitum, quo persuncturus erat Hierosolymæ.

32 Petrus verò & ejus comites somno gravati, postquam experrecti sunt, viderunt ejus splendorem, duosque qui apud eum aderant viros.

33 Atque illis ab eo digredientibus, dixit Petrus Jesu: Præceptor, bonum est hic esse nos: faciamus tria tabernacula, tibi

unum, Moysi unum, & Eliæ unum.

34 Hæc eo loquente, & quid diceret nesciente, extitit nubes quæ illos obumbravit. Quibus in nubem ingressis, cum hi terribiti essent,

35 extitit ex nube vox, dicens: Hic est filius meus charissimus: hunc audite.

36 Interea dum extitit vox, repertus est Jesus solus. Atque illi tacuerunt, neque cuiquam per eos dies quicquam eorum quæ viderant, indicarunt.

37 Postridie eis de monte digressis, occurrit ei ingens hominum multitudo,

38 & ecce vir quidam ex turba sic exclamavit; Magister, quæso te respice meum filium, qui mihi unicus est:

39 quem simulacri corripuit spiritus, clamat, eumque ille spasmas agentem lacerat, & vix ab eo discedit, eum dilanians.

40 Discipulos quidem tuos oravi ut eum ejicerent: sed non potuerunt.

41 At Jesus respondens: O dissidens, inquit, perversaque natio! quandiu apud vos ero? vosque feram? adduc tuum huc filium.

42 Jam illo accedente, convulsit & laceravit eum dæmonium. Sed Jesus impurum spiritum objurgavit, puerumque sanavit, & ejus patri reddidit, omnibus tanta Dei majestate attonitis.

43 Cunctis autem tam multa, quæ fecerant, mirantibus sic est discipulos suos allocutus:

44 Conjicite vos in aures vestras hæc verba: Tradendus est filius hominis in hominum manus.

45 At illi dictum illud ignorabant, idque eis ita rectum erat.

erat, ut id non sentirent: sed eum de eo dicto interrogare formidabant.

46 Venerunt autem in cogitationem, quis esset eorum maximus:

47 & Jesus intelligens eorum animi cogitationem, prehenso puero, & apud se statuto, sic ad eos verba fecit:

48 Qui puerum hunc meo nomine accipit, me accipit: & qui me accipit, eum accipit qui me misit. Nam vestrum minimus quisque, maximus erit.

49 Tum Johannes sic eum allocutus est: Præceptor, vidimus quendam nomine tuo eicientem dæmonia, & eum prohibuimus, quoniam non comitatur nos.

50 Cui Jesus: Ne prohibete, inquit: qui enim contra nos non est, à nobis est.

51 Cum autem compleretur ejus assumptionis dies, ipse ita composito vultu, ut Hierosolymam ire videretur,

52 præmisit ante se nuncios, qui profecti intrarunt in Samaritanorum vicum, ut ei diversorium pararent.

53 Sed illi eum non admiserunt, quoniam ire se Hierosolymam præ se ferebat.

54 Quo viso, ejus discipuli Jacobus & Johannes dixerunt: Domine, vis jubeamus ignem de cælo descendere, qui eos conficiat, ut & fecit Elias?

55 At Jesus conversus, eos objurgavit: Nescitis, inquit, cujusmodi spiritus filii sitis vos.

56 Nam filius hominis hominum vitas non perditum venit, sed servatum. Ita in alium vicum profecti sunt.

57 Vadentibus autem eis in via, dixit ei quidam: Sequar te: quocunque iveris, Domine.

58 Cui Jesus: Vulpes habent antra, inquit, & aëreæ volucres nidos: at filius hominis non habet ubi caput reclinet.

59 Item alteri dixit: Sequere me. Et ille: Domine, inquit, permitte mihi ut eam prius sepultum meum patrem.

60 At Jesus: Sine (inquit ei) mortuos sepelire mortuos suos: tu verò i annunciatum Dei regnum.

61 Item cum alius dixisset: Sequar te, Domine: sed prius permitte mihi valedicere meis domesticis,

62 dixit ei Jesus: Nemo qui aratro adnota manu respicit in tergum, aptus est ad Dei regnum.

C A P U T X.

Discipuli lxxii. tini missi. Multa messis. Apostolorum calamitas, inopia. Eduliorum potestas. Mina in Chorazin, & Bethsaidam, & Capharnaum. Reversi discipuli. Damon ut fulgur. Pietum gaudia vera. Responsa ad Jurisp. Historia de vulnerato à latronibus, qui proximus. Martha, & Maria ad pedes Jesu.

Postea constituit Dominus etiam alios septuaginta L. duos, G. eosque binos ante se præmisit in omnes urbes & loca quo ipse venturus erat.

2 Atque eos sic affatus est: Messis quidem multa est, sed operarii pauci: quocirca rogate messis dominum, ut operarios emittat in messem suam.

3 Vadite, en ego mitto vos tanquam agnos inter lupos.

4 Ne ferte crumenam, ne peram, neque calceos, neve quenquam in via saluaveritis.

5 In quamcunque autem domum intrabitis, primum dicite: Salveat hæc domus.

6 Et si quidem erit ibi aliquis salute dignus, requiescet in eo vestra salus: sin minus, ad vos revertetur.

7 Atque in eadem domo manetote, comedentes & bibentes quæ eis suppetent: nam dignus est operarius mercède sua. Ne migratote ex domo in domum:

8 & in quamcunque urbem intraveritis, admissique fueritis, vescimini iis quæ vobis apponentur:

9 & qui erunt in ea ægroti, eos curatote, eisque ad eos Dei regnum venisse dicitote.

10 In quam vero urbem ingressi, nec admissi fueritis, exirote in ejus fora, & ita dicitote,

11 Etiam pulverem, qui nobis ex urbe vestra adhæsit, vobis abstergimus. Cæterum scirote, ad vos divinum venisse regnum.

12 Sic habetote, cum Sodomis in illa die lenius actum iri, quam cum illa urbe.

13 Hei tibi Chorazin, hei tibi Bethsaida: nam si Tyri & Sidone facta forent miracula, quæ facta sunt in vobis, jampridem in centone & pulvere degentes rediissent ad frugem.

14 Itaque cum Tyro & Sidone mitius agetur in judicio, quam vobiscum.

15 Et tu Capharnaum, quæ ad cælum usque evecta es, ad inferos usque depriméris.

16 Qui vos audit, me audit: & qui vos repudiat, me repudiat: qui verò me repudiat, eum repudiat qui me misit.

17 Reversi autem septuaginta L. duo G. cum lætitia dixerunt: Domine, etiam dæmonia nobis per tuum nomen subji-cuntur.

18 Quibus ille: Spectabam,

inquit, Satanam fulguris ritu lapsum de cælo.

19 Equidem vobis potestatem do serpentes scorpioque calcandi, & contra omnes hostis vires, ita ut nihil vos læsurum sit.

20 Verùm eo ne gaudere, quòd vobis subji-ciuntur spiritus: sed eo potius gaudere, quòd nomina vestra scripta sunt in cælis.

21 Ea ipsa hora exultavit spiritu Jesus, dixitque: Ago tibi gratias pater, cæli terræque Domine, quod hæc sapientes prudentesque celaveris, & infantibus patefeceris: idque & pater, quoniam sic tibi placitum est.

22 Omnia mihi tradita sunt à patre meo: neque quisquam novit quis sit filius, nisi pater: aut quis sit pater, nisi filius, & cui voluerit filius patefacere.

23 Tum seorsum ad discipulos conversus: Felices, inquit, oculi qui aspiciunt quæ vos aspici-tis.

24 Scitote enim multos vates atque reges voluisse videre quæ vos aspici-tis, neque vidisse: & audire quæ auditis, nec audi-visse.

25 Hic surrexit quidam legisperitus, qui eum hujusmodi verbis tentavit: Magister, quid faciendo sempiternam vitam consequar?

26 Cui ille: In lege quid scriptum est? inquit: quomodo legis?

27 Et ille respondens: Dominum Deum tuum, inquit, toto corde, toto animo, totis viribus, totaque mente amato: itemque proximum tuum perinde ac teipsum.

28 Rectè respondisti, inquit ei: id-facito, & vives.

29 At ille seipsum commendare volens, dixit Jesu : Equis est meus proximus ?

30 Tum Jesus ita subjecit : Homo quidam Hierosolyma ad Hierichuntem descendens, in latrones incidit qui eum dispoliarunt, inflictisque vulneribus discesserunt, eo seminece relicto.

31 Forte fortunâ sacerdos quidam descendebat per eam viam, illum ut vidit, præteriit.

32 Similiter & Levita ad eum locum delatus, ubi venit, viditque præteriit.

33 Samaritanus verò quidam iter faciens, venit ad eum : eoque viso, misertus accessit,

34 & ejus vulnera oleo vinoque perfusa obligavit, & eum jumento suo impositum duxit in diversorium, ejusque curam egit,

35 & postridie digressurus, deprompsit duos denarios, & cauponi dedit, eique mandavit ut ejus curam haberet : sese quicquid ille insuper insumpsisset, ei in suo reditu esse soluturum.

36 Quis igitur horum trium tibi videtur proximus illius fuisse, qui in latrones inciderat ?

37 Et ille : Qui ei misericordiam tribuit, inquit. Tum Jesus, i, inquit, & tu facito similiter.

38 Accidit autem, ut eis iter facientibus, ingrederetur in quoddam vicum : & mulier quædam nomine Martha eum domi suæ accepit.

39 Huic soror erat nomine Maria, quæ ad Jesu pedes afflens, audiebat ejus orationem.

40 Martha verò, quæ tanto ministerio distraheretur, sic dicere institit : Domine, hæcine non curas, quod mea soror solam me ministrare sinit ? Dic igitur ei ut me adjuvet.

41 Cui Jesus respondens ; Martha, Martha, inquit, tu de multis sollicita turbaris, & uno est opus.

42 Maria bonam conditionem elegit, quæ quidem ab ea non auferetur.

C A P U T X I.

Oratio Christi. Petendum, querendum. Collationes de Amico, de Patre. Calumniæ repulsa in Jesum, de Beelzebule. Spiritus impurus, vagus. Qui verè beati. Lucerna. Manus illota. Hypocritarum ingenia.

CUM autem quodam in loco oraret, postquam desit, dixit ei quidam ejus discipulorum : Domine, doce nos orare, ut & Johannes docuit suos discipulos.

2 Et ille : Cum orabitis, inquit eis, dicite : Pater noster qui es in cælis : Sanctè colatur nomen tuum. Veniat regnum tuum. Fiat voluntas tua ut in cælo, sic & in terra,

3 Victum nostrum alimentarium da nobis quotidie :

4 & remitte nobis peccata nostra, quandoquidem ipsi remittimus omnibus qui nobis debent : neve nos in tentationem adducito, sed à malo tuere.

5 Tum illud eis dixit : Si quis vestrum habeat amicum, quem media nocte adeat, eique dicat : Amice, da mihi mutuo tres panes :

6 etenim venit ad me amicus meus ex via, cui quid apponam non habeo,

7 atque ille intus ita respondeat : Noli mihi molestiam exhibere : jam clausa janua est, & pueri me mecum in lecto sunt : non possum surgere, & tibi dare
L. si ille pulsare perseveraverit
G.

8 mihi

8 mihi credite, etsi non surget ad ei dandum, quia sit ejus amicus: at certè propter ejus importunitatem surget, eique tot dabit, quot ille egebit.

9 Ego quoque vobis dico: Petite, & dabitur vobis: quærite, & invenietis: pulsate, & vobis aperiètur:

10 Quisquis enim petit, adipiscitur: & qui quærit, invenit: & pulsanti aperiètur.

11 Quis autem vestrum est, qui pater poscenti filio panem, det lapidem? aut poscenti piscem, det pro pisce anguem?

12 aut si ovum petat, det ei scorpionum?

13 Quòd si vos, qui mali estis, scitis bona dona dare vestris liberis, quantò magis pater cœlestis dabit sanctum spiritum petentibus à se?

14 Ejiciebat autem aliquando dæmonium, quod erat mutum: quo dæmonio egresso, locutus est mutus, id quod vulgò mirati sunt.

15 At eorum quidam dicebant, eum per Beelzebulem dæmoniorum principem ejicere dæmonia.

16 Alii tentandi gratia signum ab eo petebant de cœlo.

17 Quorum ipse cogitationes intelligens: dixit eis: Omne regnum à seipso dissidens vastatur, & domus super domum cadit.

18 Quòd si Satanas à seipso dissideret, quo pacto staret ejus regnum? ut vos me dicatis per Beelzebulem ejicere dæmonia?

19 Quòd si ego per Beelzebulem ejicio dæmonia, vestri generis homines per quem ejiciunt? Itaque erunt ipsi vestri iudices.

20 Sin ego divino digito ejicio dæmonia, ergo venit ad vos divinum regnum.

21 Cùm quis fortis armatus suum atrium custodit, salvæ sunt ejus facultates.

22 Sed si quis eo fortior eum adortus vicerit, ejus & arma quibus confidebat, aufert, & spolia distribuit.

23 Qui mecum non est, contra me est: & qui mecum non congerit dissipat:

24 Dum impurus spiritus exiit ex aliquo homine, siticulosa loca peragrat, requietem quærens. Eam postquam non invenit, statuit domum suam redire, unde exierat.

25 Deinde ubi venit, & eam versam ornatamque offendit,

26 accersit septem alios spiritus deteriores se: qui illuc ingressi, ibi manent: atque ira fit hominis illius conditio posterior, priore deterior.

27 Eo hæc dicente, mulier quædam, ex turba, sublata voce dixit ei: Beatus venter qui te portavit, & ubera quæ suxisti.

28 At ille: Imo inquit, beati qui divinum sermonem & audiunt & conservant.

29 Vulgo autem coeunte, sic infir: Hæc natio mala est: signum quærit, & nullum ei signum dabitur, nisi signum Jonæ vatis.

30 Ut enim fuit Jonas signum Ninivitis, sic erit etiam filius hominis huic nationi.

31 Austri regina surget in judicio cum hujus nationis hominibus, eosque damnabit, quòd ex ultimis terris venerit auditum Solomonis sapientiam, cum hic sit Solomone præstantior.

32 Homines Ninivite surgent in judicio cum hac natione, eamque damnabunt, quòd ad Jonæ præconium mores suos correxerint, cum hic sit Jona præstantior.

33 Nemo accensam lucernam in occulto ponit, aut sub modio, sed in candelabro, ut intrantes lumen aspiciant.

34 Lucerna corporis est oculus. Quod si tuus oculus synce-
rus est, etiam totum corpus tu-
um lucidum est: sin improbus
est, tuum quoque corpus tene-
bricosum est.

35 Vide ergo, ne quod in te
lumen est, tenebræ sint.

36 Quod si tuum corpus to-
tum erit lucidum, & ita luci-
dum, ut nullam tenebricosi par-
tem habeat, perinde erit ac si te
fulgore lucerna collustret.

37 Hæc locutum rogavit Pha-
risæus quidam, ut apud se pran-
deret. Et ille ingressus accu-
duit.

38 Et Pharisæus miratus est,
videns eum non prius ante pran-
dium lavisse,

39 Et dominus dixit ei :
Nunc vos Pharisei exteriorem
poculi catinique partem purga-
tis, cum interiora vestra rapinæ
sint & malitiæ plena.

40 Dementes, quasi verò non
idem qui exteriora fecit, etiam
interiora fecerit.

41 Facite modò benignè ex
iis quæ suppetunt, ita net ut
vobis omnia munda sint.

42 Sed væ vobis Phariseis,
qui mentam, rutam, denique
omne olus decimatis: & æqui-
tatem, Deique amorem præter-
mittitis. Debebant & hæc fieri,
& illa non omitti.

43 Væ vobis Phariseis, qui
primum sedendi locum in colle-
giis, & salutationes in foris a-
matis.

44 Væ vobis Scribæ & Pharisei
personati, qui perinde estis at-
que abdita sepulchra, super quæ
inscientes gradiuntur homines;

45 Tum sic eum allocutus est
quidam legisperitus. Magister,
ista dicens, nobis quoque facis
injuriam.

46 At ille: Et vobis legis-
peritis, inquit, væ, qui alios
gravissimis oneratis oneribus,
quæ onera vos ne uno quidem
digito attingitis.

47 Væ vobis, quod vatum
monimenta extruitis, cum ve-
stri majores eos interfecerint.

48 Ergo vobis majorum ve-
strorum facta placere testamini,
dum, quos illi peremerunt, eo-
rum vos monimenta extruitis.

49 Itaque divina sapientia
sic fata est: Mittam ad eos va-
tes & legatos, quos partim in-
terficient, partim persequentur,

50 ut de hac natione suppli-
cium sumatur sanguinis omnium
vatum, ab orbe condito effusi,

51 ab Abelis sanguine, usque
ad Zachariæ sanguinem, qui in-
ter aram & ædem peremptus est.
Ita est, inquam vobis, sumentur
de hac natione pœnæ.

52 Væ vobis legisperitis, qui
scientiæ clavem abstulistis, nec
ipsi intrastis, & intrantes impe-
divistis.

53 Hæc eo ad illos dicente,
cœperunt legisperiti & Pharisei
acriter instare, & ejus oratio-
nem multis rationibus insidiosè
captare,

54 conantes aliquid ex ejus
ore aucupari, quo eum crimina-
rentur.

C A P U T XII.

*Pharisaorum fermentum. Quis
nobis timendus. Dei de suis
cura. Quos Jesus tandem
agnosceret. Cui non ignoscitur
unquam. Doctor spiritus san-
ctus. Avari consilium va-
num. Dei de nobis providen-
tia. Thesaurus ubi se a ven-
dit.*

*us. Servus malus percussor.
Sciens, imprudens. Ignis à
Christo. Orbis dissidia.*

Interea tot vulgi millia con-
venissent, ut inter se oppri-
merent, cœpit ille sic ad suos di-
scipulos verba facere: In primis
cavete vobis à Phariseorum fer-
mento: hoc est, simulatione.

2 Nihil enim tam rectum est,
quod non sit detegendum: neq;
tam occultum, quod non sit cog-
noscendum.

3 Itaque quicquid in tenebris
dixeritis, id in luce audietur: &
quod in aurem in penetralibus
locuti fueritis, id in tectis præ-
dicabitur.

4 Hoc autem vobis amicis
meis dico: ne eos timeate, qui
corpus quidem interficiunt, sed
deinde quod amplius faciant
non habent.

5 Sed vobis demonstrabo
quem timeatis. Timeate eum,
qui postquam interfecit; pote-
statem habet in gehennam con-
jiciendi: hunc, inquam, timeate.

6 Cùm veniant quinque pas-
serculi duobus assariis, tamen
eorum nullus in oblivione est
apud Deum.

7 At vestrũ etiam capitis
capilli sunt omnes numerati.
Quare ne timeate, longè passeres
antecellitis.

8 Illud quidem sic habetote:
quisquis me apud homines ag-
novit, hunc vicissim agnoscet
filius hominis apud divinos an-
gelos.

9 Qui verò me apud homines
abnegaverit, abnegabitur apud
divinos angelos.

10 Et quisquis aliquid ad-
versus filium hominis dixerit,
ignoscetur ei: sed ei qui sancto
spiritui maledixerit non igno-
scetur.

11 Cùm autem in collegia, &
ad magistratus potestatesque si-
stemini, ne solliciti estote, quo-
modo, aut quid respondeatis,
aut dicatis.

12 Sanctus enim spiritus do-
cebit vos eadem hora, quæ di-
cenda sint.

13 Dixit autem ei quidam
ex turba: Magister, jube meo
fratri, ut mecum hæreditatem
partiatur.

14 Cui ille: Homo, inquit,
quis me vobis judicem, aut di-
visorem constituit?

15 Deinde illos alloquens:
Videte, ut avaritiam caveatis.
Non enim in eo cujusque vita
sita est, si facultatibus abundet.

16 Tum eis hujusmodi simi-
litudinem dixit: Quidam dives
homo, cùm ejus fundus abundè
extulisset,

17 sic secum ipse cogitabat:
Quid agam cùm non habeam quo
meas fruges congeram,

18 Hoc agam, inquit: hor-
rea mea diruam, & majora con-
struam, eoque omnes meos pro-
ventus, & bona congeram,

19 Atque ita animæ meæ di-
cam: Anima, habes multa bona
in multos annos condita, requi-
esce, comede, bibe, indulge
voluptati.

20 At Deus sic eum interpel-
lavit: O demens, hac nocte re-
posceris à te anima tua, quæ
verò parasti, cujus erant?

21 Sic accidit ei, qui sibi ipsi
congerit, interit Deo dives eit.

22 Hanc ob rem vobis ita
dico (inquit suis discipulis) ne
solliciti este de vita vestra, quid
comesturi: neque de corpore,
quid induturi sitis.

23 Vita plus est quàm ali-
mentum, & corpus quàm indu-
mentum.

24 Contemplamini corvos, qui neque serunt, neque metunt, neque cellam aut horreum habent, tamen eos nutrit Deus : quantò vos volucris præstatis ?

25 Quis autem vestrum sua cura possit suam staturam augere uno cubito ?

26 Quòd si ne minima quidem potestis, quid de cæteris sollicitamini ?

27 Contemplamini lilia ut crescant, cum neque laborent, neque neant. Atqui scitote ne Solomonem quidem in suo tanto splendore, vestiri solitum, ut eorum quodlibet.

28 Quòd si herbam, quæ hodie est in agro, & cras in clibannum conjicitur, tamen Deus ita vestit, quantò magis vos ? o parum fidentes.

29 Vos igitur ne requirite quid esuri, bibituræ, sitis, neve pendere.

30 Hæc enim omnia mundi gentes requirunt, quæ vobis opus esse scit pater vester.

31 Sed querite Dei regnum, & hæc omnia vobis addentur.

32 Ne formidate, o parvum ovile: nam visum est patri vestro vobis dare regnum.

33 Vendite facultates vestras, & egentibus largimini. Facite vobis crumenas, quæ non veterascant, thesaurum inexhaustum in caelis, quò neque fur accedit, neque tinea corrumpit.

34 Nam ubi est thesaurus vester, ibi etiam erit vester animus.

35 Sint vobis latera succineta, & ardentes lucernæ :

36 similesque hominibus este dominum suum expectantibus, quando discedet a nuptiis, ut simulac venerit ac pulsaverit, ei aperiant.

37 Felices illi servi, quos cum venerit dominus, invenerit vigilantes. Mihi credite, accingeret se, eosque accumbere jubebit, & eis ministratum veniet.

38 Quod si, seu secunda, seu tertia venerit vigilia, idem invenerit, felices sunt illi servi.

39 Illud autem scitote, si sciret paterfamilias qua hora fur venturus esset, vigilaturum esse, neque domum suam perfodi passurum.

40 Vos igitur este parati : nam qua hora non putatis, filius hominis venturus est.

41 Tum Petrus : Domine, inquit ei, ad nosne similitudinem istam dicis, an etiam ad omnes ?

42 Et Dominus : Si quis est fidelis dispensator, & prudens, inquit, quem præfecerit herus suæ familiæ, ut ei suo tempore demensum præbeat :

43 beatus est ille servus, quem cum venerit ejus herus, invenerit officium suum facientem.

44 Mihi certò credite, eum suis omnibus facultatibus præficiet.

45 Sin cogitaverit servus ille cum animo suo, herum suum diu non venire, coeperitque famulos & famulas pulsare, epularique, & potare, & inebriari :

46 veniet herus illius servi inexpectato ei die, ignotaque hora, eumque discet, & in infidelium numero habebit.

47 Is verò servus, qui cum heri sui voluntatem sciret, non mandata fecerit, nec ejus voluntati paruerit, gravius vapulabit.

48 Qui verò nesciverit, & plagis digna fecerit, levius vapulabit. Ac cuicumque multum traditum fuerit, ab eo multum exigetur : & quantò cuique plus commissum fuerit, tantò plus ab eo reposcetur.

49 Ignem

49 Ignem veni injectum in terram, qui si jam incensus est, quid volo?

50 Baptismate baptizandus sum, quod dum absolvatur, vehementer angor.

51 An me ad pacem in terris conciliandam venisse arbitramini? Nequaquam (inquam vobis) sed potius discordiam,

52 Erunt enim deinceps quinque in una domo dissidentes, tres à duobus, & duo à tribus.

53 Dissidebit pater à filio, & à patre filius: mater à filia, & à matre filia: socrus à nuru sua, & à socru nurus.

54 Deinde ad vulgus: Dum videtis, inquit, exorientem ab occasu nubem, continuo dicitis adventare pluviam, atque ita fit:

55 & dum spirantem austrum, dicitis æstum futurum, id quod fit.

56 Ficti homines, terræ coelique faciem discernere scitis: tempus hoc qui fit ut non discernatis:

57 aut cur ex vobis ipsis non judicatis ex æquo?

58 Cum enim unà cum adversario tuo magistratum adis, da operam in via ut ab eo libereris, ne te & ille ad iudicem pertrahat, & iudex lictori tradat, lictori det in custodiam.

59 Mihi crede, non exhibis inde, quin ultimum etiam terrenum solveris.

CAPUT XIII.

Galilæi per Pilatum cæsi, defensi à Christo. Exemplum ficus in vinea, abscindenda. Curata mulier. Personati de sabbato reiecti. Regnum Dei quibus simile sit rebus, nempe sinapi, fermento, angustia salutis, alieni servandi. Vulpes Herodes. Mina in Hierosolymam.

Adfuerunt autem quidam eodem tempore, qui cæ de Galilæis nunciarunt, quorum sanguinem Pilatus cum eorum sacrificiis miscuerat.

2 Quibus Jesus in hæc verba respondit: An putatis Galilæos illos omnium fuisse Galilæorum improbissimos, quod talia passi sint?

3 Nequaquam, inquam vobis. Sed vos nisi ad frugem redieritis, omnes similiter peribitis.

4 Item illos duodeviginti, quos delapsa turris in Siloa, interfecit, an fuisse putatis omnium Hierosolymitanorum nocentissimos?

5 Nequaquam, inquam vobis: sed vos nisi ad frugem redieritis, omnes similiter peribitis.

6 Dixit item hoc exemplum: Ficum habebat quidam in vinea sua satam, ex qua ficu fructum petiti veni, nec invenit.

7 Itaque dixit vinitori: Ego jam per tres annos fructum ex hac ficu petiti venio, nec tamen invenio, absconde eam, quorsum terram inutiliter occupat?

8 Cui ille: Domine, inquit respondens: sine eam etiam hunc annum, dum ego eam ablaqueam, atque stercorem,

9 si fortè fructum edat. Sin minus, tu eam postea abscondes.

10 Docebat autem aliquando in quodam collegio Sabbatis,

11 & aderat quædam mulier spiritum habens debilitatis jam annos duodeviginti, eaque sic incurva, ut se erigere prorsus non posset.

12 Eam visam vocavit Jesus, eique dixit: Mulier, soluta es ab infirmitate tua:

13 eique manus imposuit: atque

atque illa protinus correctâ, Deo gratias agebat.

14 Hic collegii magister, Jesum Sabbato curasse indignans, his verbis plebem alloquitur: Sex dies sunt, in quibus agi debet: in iis igitur venite, ut curemini, non die Sabbati.

15 At Dominus sic ad eum contra locutus est: O personate, nonne vestrum quisque Sabbato bovem asinumve suum solvit à præsepi, & potum ducit?

16 Hanc verò, quæ sit Abrahamo prognata, quam vinctam habuit Satanas annos jam duodeviginti, non oportebat ab hoc vinculo solvi die Sabbati?

17 Hæc eo dicente, pudebat omnes ejus adversarios: ut vulgus omne tot præclaris, quæ ab eo fiebant, rebus lætabatur.

18 Dicebat item: Cui simile est divinum regnum, aut cui id assimilẽm?

19 Simile est grano sinapis, quod sumit homo, & in hortum suum jacit, idque sic crescit, ut fiat arbor tanta ut aeræ volucres in ejus ramis nidificent.

20 Itemque dixit: Cui divinum regnum assimilẽm?

21 Simile est fermento, quod mulier sumit, & in farinæ sata tria recondit, dum tota fermentetur.

22 Igitur cum oppidatim, vicatimque vadens doceret, & ad Hierosolimam iter faceret,

23 quidam sic ex eo quasiivit: Domine, an pauci servandi sunt?

24 & ille: Contendite, inquit eis, intrare per angustam portam. Nam multi (ut hoc sciaris) qui intrare conabuntur, non poterant.

25 Postquam intraverit paterfamilias, ostiumque clauferit, &

vos foris stare, & ostium pulsare cœperitis, dicentes: Domine, Domine, aperi nobis: ille vobis ita respondebit, Nescio vos unde sitis.

26 Tum vos ita dicere insistetis: Epulati sumus coram te, & bibimus, & tu in nostris plateis docuisti.

27 At ille: Profectò nescio vos, inquit, unde sitis. Facessite à me omnes malefici.

28 Illic erit ploratus stridorque dentium, dum Abrahamum, Isaacum, & Jacobum, omnesque vates in Dei regno conspicietis, vos verò foras ejici,

29 venientque ab Oriente, & Occidente, & Borea, & Austro, qui in divino regno accumbant.

30 Et quidem ultimi sunt, qui primi erunt: & primi sunt, qui erunt ultimi.

31 Eodem die Pharisei quidam eum his verbis conveniunt: Abi, & hinc discede, nam Herodes vult interficere te.

32 Quibus ille: Ite, inquit, dicite isti vulpi, me dæmonia ejecturum, sanationesque peracturum esse hodie & cras: tertio autem die perfectum iri.

33 Veruntamen mihi hodie & cras, & tertio die ambulandum esse: quoniam non licet ullum vatem extra Hierosolimam perire.

34 Hierosolyma, Hierosolyma, quæ vates interficis, & ad te missos lapidas, quoties volui tuos natos congregare, quomodo gallina suum nidum sub alas? neque voluistis.

35 Scitote futurum esse, ut vobis vestra domus deserta relinquantur. Atque illud sic habetote, vos non prius esse visuros me, quam tempus veniat, quò dicetis: Bene sit venienti in nomine Domini.

CAPUT XIV.

Jesus Pharisei convivæ. De Sabbato disceptatio. Modestia piorum. Qui vocandi ad epulas. Ad convivium vocati miserie- res. Quis Christi discipulus. Sal insinuatum.

CUM autem in domum venisset cujusdam Phariseo- rum primarii Sabbato ad cibum capiendum,

2 & illi eum observarent, adessetque tum homo quidam hydropicus ante eum,

3 Jesus legisperitos, & Phariseos alloquens quæsit an Sabbato curare fas esset?

4 Atque illis tacentibus, Jesus illumprehendit, sanavitque & dimisit,

5 illosque sic affatus est: Quis vestrum est, qui si ejus asinus aut bos in puteum cadat, non eum protinus extrahat die Sabbati?

6 Ad hæc illi ei contrà respondere non potuerunt.

7 Dixit item invitatis exemplum (animadvertens ut prima accubandi loca diligerent) eos sic alloquens.

8 Si fueris ab aliquo vocatus ad nuptias, noli accubare primo loco, ne si quis honoratior te sit ab eo invitatus,

9 veniat is qui & te & illum vocavit, tibi ut illi locum des, jubeat, atque ita sit tibi ultimus locus cum pudore occupandus.

10 Sed cum fueris invitatus, i accubitum ultimo loco, ut cum venerit qui te invitaverit, dicat tibi: Amice, ascende superius, id quod tibi erit apud eos qui tecum accumbent, gloriosum.

11 Nam quisquis seipsum ex- vexit, deprimetur, & qui se deprefferit, eveheretur.

12 Dixit item ei, qui se invitaverat: Cum prandium coenamve facis, ne vocato tuos amicos, nec fratres, nec cognatos, nec vicinos, L. nec G. divites, ne illi te vicissim invitent, tibi que referatur gratia.

13 Sed cum convivium celebras, voca pauperes, mutilos, claudos, cæcos:

14 & felix eris, quoniam te remunerari nequeunt. Reddetur enim tibi in resurrectione justorum.

15 His auditis, quidam convivarum dixit ei: Felix, qui cibum capit in divino regno.

16 Et ille: Homo quidam (inquit ei) fecit magnam coenam, multosque invitavit:

17 & hora cœnæ servum suum misit, qui invitatos venire juberet: jam enim parata esse omnia.

18 At illi omnes ad unum se excusare. Primus sic ei dixit: Fundum emi, & eum visitare necesse habeo, rogo te habe me excusatum.

19 Alter item dixit: Jugaboum emi quinque, & ea expertum eo: rogo te habe me excusatum.

20 Item alius: Uxorem duxi, inquit, ideoque ire non possum.

21 Hæc servus domino suo renunciatum ivit. Tum iratus paterfamilias, dixit servo suo, Egredere eveſtigio in urbis areas atque vicos: & pauperes, mutilosque, & claudos, & cæcos huc introducito.

22 Deinde servus, Domine, inquit, factum est ut imperasti: sed superest locus.

23 Tum dominus: Proficiscere in vias, inquit, & in septa, & intrare coge, ut domus mea compleatur.

24 Nam

24 Nam illud scitote, neminem hominum illorum invitatorum esse meam cœnam gustaturum.

25 Cùm autem eum ingens hominum turba comitaretur, conversus dixit eis :

26 Si quis ad me venit, nec suum patrem, & matrem, & uxorem, & liberos & fratres, & sorores, atque adeò suam ipsius animam odit, non potest meus esse discipulus.

27 Qui non portat suam crucem, & me sequitur, non potest meus esse discipulus.

28 Quis enim vestrum volens turrim construere, non prius sedens sumptum computat, an habeat quæ ad perfectionem requirantur?

29 ne si jactis fundamentis, absolvere non valeat, omnes qui id spectabunt, eum illudere incipiant,

30 dicentes, eum hominem, quæ ædificare cœperit, exædificare nequivisse.

31 Aut quis rex ad prælium cum alio rege committendum profecturus, non antè sedens deliberat, an possit cum decem millibus obviam ire illi qui se cum viginti millibus adoriatur?

32 Alioquin adhuc illo procul absente, legatos de pace mittit.

33 Sic igitur quicumque vestrum non suis omnibus valedicit, non potest meus esse discipulus.

34 Bonum est sal: verùm si sal infatuatum fuerit, quo condietur?

35 Nec terræ est, nec stercorei accommodatum: foràs projicitur. Qui aures habet ad audiendum, aut,

C A P U T XVI.

Malos cur Jesus non abigat. Ovis perdita, drachma reperta, filius dissolutus, ad frugem rediens. Frater invidus.

FRequentabant autem eum omnes publicani, & improbi, ejus audiendi gratia,

2 & fremebant Pharisei atque Scribæ, dicentes, eum improbos admittere, cumque eis cibum capere:

3 atque ille eis hujusmodi similitudinem in hæc verba dixit:

4 Quis homo vestrum est, qui si centum habeat oves, & earum unam perdiderit, non relinquit in saltu nonaginta novem, & ad perditam vadit, donec eam inveniat?

5 quam inventam suis imponit humeris, gaudens:

6 domumq; profectus, convocatos suos amicos & vicinos admonet, ut sibi congratulentur, qui suam ovem perditam invenerit.

7 Scitote eodem modo majorem fore in cœlo lætitiâ ob unum fontem, qui redeat ad frugem, quàm ob nonaginta novem infontes, qui vitæ correctione non egeant.

8 Aut quæ mulier est, quæ si drachmas habeat decem, & unam drachmam amittat, non lucernam accendat, domumque verrat, & diligenter conquirat donec inveniat?

9 Ac ea inventa, convocat amicas, & vicinas, easque ut sibi congratulentur monet: sese enim quam perdiderat invenisse drachmam.

10 Eodem modo scitote apud divinos angelos lætitiâ fieri ob unum fontem, qui ad frugem redeat.

11 Item illud dixit: Habebat homo quidam filios duos,

12 quorum junior patri dixit: Pater, da mihi competentem bonorum partem. Itaque ille divisit ei facultates,

13 ac non multis post diebus, junior filius, congestis omnibus, in longinquam regionem peregrè profectus est, atque illic facultates suas luxuriosè vivendo prodegit.

14 Postquam omnia absumpsit, orta in illa regione gravi fame, cepit indigere.

15 Itaque adiit ejus regionis civium quendam, & apud eum hæsit, atque ille eum in prædium suum misit ad pascendos porcos:

16 isque eò devenit, ut cuperet ventrem suum replere filiquis, quas porci comedebant, nec ei quisquam dabat.

17 Igitur ad sese reversus ita cogitare: Quàm multi mei patris mercenarii panibus circumfluunt? & ego fame pereò.

18 Recipiam me ad meum patrem, eique dicam: Pater, & in cælum, & adversum te peccavi:

19 ita, ut jam non sim dignus qui dicar tuus filius: utere me perinde ac uno tuorum mercenariorum.

20 Ita profectus venit ad patrem suum. Quem adhuc procul absentem conspiciatus pater, misertus accurrit, eique in collum insiliit, & eum deosculatus est.

21 Et filius sic illum allocutus est: Pater, & in cælum, & adversum te peccavi, ita, ut jam non sim dignus qui dicar tuus filius.

22 Ac pater: Proferte (inquit suis servis) priorem stolam, eumque induite, & ejus manui annulum adhibete, & calceos pedibus,

23 eductumque vitulum al-

tilem mactare, lætiquè epulemur:

24 nam hic filius meus, qui mortuus erat, revixit: & qui perditus erat, inventus est. Itaque lætari ceperunt.

25 Erat autem ejus filius natus grandior ruri. Is cum veniens domui propinquasset, audito concentuatque choris,

26 vocato uno famulorum suorum, sciscitatus ex eo est, quid ea sibi vellent?

27 Cui ille: Venit tuus frater, inquit: itaque mactavit tuus pater altilem vitulum, quòd eum receperit incolumem.

28 Ille verò iratus noluit ingredi. Cumque pater ejus egressus, eum hortaretur, ille patrì respondit in hunc modum:

29 Ego tot annos tibi servio, nec unquam contra tuum præceptum feci, & tu mihi nunquam vel hòdum dedisti, ut cum meis amicis lætarer.

30 At iste tuus filius, qui facultates tuas cum scortis abliguriit, ubi venit, turei altilem vitulum mactasti.

31 At ille: Nate, inquit ei, tu mecum semper es, & omnia mea tua sunt.

32 Enimvero de tuo hoc fratre lætari & gaudere oportuit, quòd cum mortuus esset, revixit: cum perditus esset, inventus est.

CAPUT XVI.

Callidus dispensator. Opum utilitas. Dominium repugnans. Pietas vim passa. Repudium. Lazarus felix. Divitis miseria.

Dixit item suis discipulis: Homo quidam dives dispensatorem habebat, qui apud eum tanquam qui ejus bona dilapidaret, delatus est:

2 & ille vocatum eum, sic allocutus est: Quid est, quod audio de te? redde tuæ dispensationis rationem: nec enim tibi licebit amplius dispensatorem esse.

3 Tum dispensator sic secum cogitare: Quid agam? cum meus herus à me dispensationem auferat: Fodere non valeo, mendicare erubescio:

4 scio quid agam, ut cum abdicatus dispensatione fuero, sint qui me in suas domos accipiant.

5 Igitur advocatis singulis heri sui debitoribus, dixit primo: Quantum debes hero meo?

6 Centum batos olei, inquit. Et ille: Accipe tuum scriptum, inquit ei, & sede continuo, ac scribe quinquaginta.

7 Deinde alteri dixit: Tu verò quantum debes? Centum frumenti coros. Accipe tuum scriptum, inquit, & scribe octoginta.

8 Itaque laudavit herus dispensatorem iniquum, quòd prudenter fecisset. Nam hujus seculi homines sunt in suo genere prudentiores, quàm homines lucis.

9 Et ego hoc vobis dico: facite vobis amicos ex falsis opibus, ut cum defuncti fueritis, admittant vos in æterna domicilia,

10 Qui in minima re fidus est, idem in magna fidus est: & qui est in re minima injustus, idem in magna injustus est.

11 Quòd si in falsis opibus fidi non fueritis, veras quis vobis credat?

12 & si in alieno fidi non fueritis, vestrum quis vobis committat?

13 Nullus famulus potest ser-

vire duobus dominis: aut enim alterum oderit, alterum amabit: aut alterum tuebitur, alterum contemnet. Non potestis & Deo servire, & opibus.

14 Audiebant autem hæc omnia etiam Pharisei, qui erant avari, eum deridebant.

15 Itaque ille sic eis dixit: Vos ii estis, qui vos hominibus probetis: sed Deus vestros animos novit, nam quod est apud homines sublime, id apud Deum est abominandum.

16 Lex & vates usque ad Johannem: postea divinum regnum nunciatur, atque in id omnes irrumpunt.

17 Est autem facilius cælum terramque interire, quam legis vel unum apicem interciderere.

18 Quisquis uxorem suam dimittit, & aliam ducit, adulterat: & quisquis à viro dimissam ducit, adulterat.

19 Erat autem homo quidam dives, qui purpura & bysso vestiebatur, quotidie lautè volutatibus indulgens.

20 Erat & quidam pauper nomine Lazarus, qui ad ejus vestibulum jacebat ulcerosus,

21 cupiensque saturari micis, quæ de divitis mensa decidebant. Quin & canes veniebant, & ejus ulcera lingeabant.

22 Accidit autem ut moreretur pauper, & ab Angelis in Abrahami gremium auferretur. Mortuus est & dives, & sepultus.

23 Atque is in orco, sublati oculis, cum esset in cruciatibus, aspicit Abrahamum procul, & in ejus gremio Lazarum,

24 & Pater Abrahamæ (inquit clamans) miserere mei, & mitte Lazarum, qui summo digito suo in aqua intincto, mihi linguam

linguam refrigeret : crucior enim in hac flamma.

25 At Abrahamus : Nate, inquit, memineris & te tuis bonis in vita tua, & Lazarum malis esse defunctum. Nunc & hic in solatio, & tu in dolore es.

26 Prætesca constat omnino inter nos & vos vasta vorago, ut qui velint hinc ad vos transire, non possint, neque qui istie sunt, ad nos trajiciant.

27 Tum ille, rogo igitur te, pater, ut eum in mei patris donum mittas,

28 ut meos fratres (habeo enim quinque) commonefaciat, ne ipsi quoque in hunc cruciatus locum veniant.

29 At Abrahamus : Habent Mosem & vates, inquit ei : eos audiant.

30 Et ille : At verò, pater Abrahamæ, si quis à mortuis ad eos fuerit profectus, corrigent se.

31 Si Mosem (inquit ille) & vates non audiunt, ne si quidem quispiam ex mortuis resurgat, obtemperabunt.

CAPUT XVII.

Offensionum necessitas. Offendentes miseria : benignitas in hostes. Leprosi x. gratius minus. Christi reditus. Judicium repentinum.

Dixit autem discipulis : Non possunt non evenire offensiones : sed vix ei per quem eveniunt :

2 satius esset ei, circumjecta ejus collo asinaria mola, in mare dejici, quam vel minimum horum offendere.

3 Cavete vobis. Quod si in te peccaverit tuus frater, reprehende eum : & si eum poenitear, ignosce ei.

4 Quod si vel septies uno die in te peccaverit, & septies eo-

dem die ad te redierit, & se poenitere dixerit, ignosce ei.

5 Dixerunt autem Apostoli Domino : Adauge nobis fidem.

6 Et Dominus : si tantum fidei haberetis, inquit, quantum est granum sinapis, & huic caprifico juberetis ut extirparetur, & in mari plantaretur, obediret vobis.

7 Quis autem vestrum est, qui si arantem aut pascentem servum habeat, cum rure reversum protinus accubitus ire jubeat ?

8 ac non potius sic ei dicat : Para quod ego coenam, accinctusque mihi ministra, donec comedero, ac bibero : postea comedes ac bibes tu.

9 Num gratiam habet ei servo, quod sibi mandata fecerit ? Non puto.

10 Sic & vos, cum omnia vobis mandata feceritis, dicite vos inutiles esse servos, qui quod debueritis facere, feceritis.

11 Cum autem Hierosolymam contenderet, & per Samariam Galilæamque vaderet,

12 ei in quendam vicum ingredienti occurrerunt decem homines leprosi, qui procul steterunt,

13 & sublata voce dixerunt : Jesu præceptor miserere nostri.

14 Quibus ille visis : Ite, inquit, ostensum vos sacerdotibus. Atque illi inter abeundum purgati sunt.*

15 Unus autem eorum, se sanatum esse videns, rediit, Deum magna voce collaudans :

16 & ad illius pedes pronus accidit, ei gratias agens. Erat autem is Samaritanus.

17 At Jesus sic locutus est : Nonne decem purgati sunt ? ubi verò sunt novem ?

18 Nul-

18 Nullumne repertum esse qui sit ad gloriam Deo tribuendam reversus, nisi hunc alienigenam?

19 Surge (inquit) abi: tua te fides servavit.

20 Interrogatus autem à Pharisæis, quando venturum esset divinum regnum, sic eis respondit: Non ita venturum est divinum regnum, ut observetur,

21 aut hic illicve esse demonstretur. Scitote enim, divinum regnum intra vos esse.

22 Tum discipulos alloquens: Veniet tempus, inquit, cum vel unum filii hominis dierum cernere cupietis, nec videbitis.

23 Vobisque hic aut illic adesse dicetur: nolite audire, nec insequi.

24 Ut enim fulgur ab altero cœli extremo ad alterum extremum refulgens lucet, sic erit etiam filius hominis in suo die.

25 Sed prius oportet eum multa pati, & improbari ab hac natione.

26 Ac quemadmodum Noë temporibus accidit, sic accidet temporibus filii hominis.

27 Comedebant, bibebant, ducebant uxores, nubebant, usque ad diem quo ingressus in arcam Noë, venit diluvium, quod omnes perdidit.

28 Similiter, ut & Loti temporibus accidit: comedebant, bibebant, emebant, vendebant, plantabant, ædificabant:

29 quo verò die exiit Sodomis Lotus, pluit ignis & sulphur de cœlo, quod omnes perdidit.

30 Itidem accidet, qua die filius hominis patefiet.

31 In illa die, qui in tecto erit, si erit ejus supellex domi, ne descendat ad eam auferen-

dam. Itidem qui ruri, ne retrò revertatur.

32 Memineritis autem uxoris Loti.

33 Qui animam suam servare conabitur, eam perdet: & qui eam perdiderit, conservabit.

34 Hoc vobis dico: in ea nocte erunt in uno cubili duo, quorum alter assumetur, alter relinquetur.

35 Duorum, quæ simul molement, altera assumetur, alter relinquetur.

36 Duorum qui ruri erunt, alter assumetur, alter relinquetur.

37 Et illi eum alloquentes: Ubi Domine? inquit, Quibus ille: Ubi corpus, inquit, erit, eò etiam aquilæ coibunt.

C A P U T. XVIII.

Vidua judicem obtundens. Publicanus Pharisæo melior. Quis bonus. Semet in lege laudans. Opulentia damna. Prædicta mors, ac resurrectio. Discipulorum ineptia. Cæcus videns fide.

Dixit etiam eis exemplum, quo semper orandum esse, nec defatigari oportere ostenderet.

2 Judex erat quidam in quadam urbe, inquit, qui nec Deum metuebat, nec homines reverebatur.

3 Erat in eadem urbe vidua quædam, quæ ad eum itabat, & ut se de adversario suo vindicaret, petebat.

4 Ille verò aliquandiu noluit. Sed postea sic secum dixit: Etsi nec Deum metuo, nec homines revereor:

5 tamen quia mihi negotium facessit hæc vidua, eam vindicabo, ne me assidue ventitans, obtundat.

6 Audite, inquit Dominus, quid judex injustus dicat.

7 Ergo

7 Ergo Deus electos suos, ad se dies noctesque quiritantes, non ulciscetur? & tam erit in eos difficilis?

8 Scitote eum citò ulturum esse eos. Cæterum filius hominis cum veniet, scilicet fidem in terris inveniet?

9 Dixit item ad quosdam (qui sibi se justos esse persuaserant, aliosque contemnebant) hoc exemplum.

10 Homines duo in templum ascenderunt, orandi gratia, alter Phariseus, alter Publicanus.

11 Ibi Phariseus hæc apud se precabatur: Deus, ago tibi gratias, quòd non sum quales reliqui hominum, rapaces, iniusti, adulteri: aut etiam qualis hic Publicanus.

12 Jejuno bis intra singula Sabbata: decumas dō omnium quæ possideo.

13 At Publicanus procul ab-sistens, ne oculos quidem in cælum attollere audebat, sed sibi pectus tundeat, dicens: Deus propitius esto mihi fonti.

14 Scitote, hunc approbatum descendisse domum suam: illum non item. Nam quisquis seipsum extulerit, deprimetur: & qui se depresserit, extolletur.

15 Afferebant autem ei etiam parvulos, ut eos tangeret. Quo viso, discipuli illos objurgabant.

16 At Jesus accersitis parvulis: Sinite, inquit, pueros ad me venire, & eos ne prohibete: tallum enim est divinum regnum.

17 Hoc vobis confirmo, qui divinum regnum non acceperit ut puer, is in id non intrabit.

18 Item interrogavit eum quidam qui magistratum gerebat, his verbis: Magister bone, quid faciendo vitam consequar æternam?

19 Cui Jesus: Quid me dicis bonum? inquit. Nullus est bonus, nisi unus Deus.

20 Præcepta nosti: Ne adulterato: nec occidito: ne furator: ne falsum testimonium dicito: tuum patrem & matrem honorato.

21 Et ille: Hæc omnia, inquit, executus sum ab ineunte ætate.

22 His auditis, Jesus inquit ei: Adhuc unum tibi deest: quicquid habes vende, & dispartire pauperibus, habiturus in cælo thesaurum: deinde ades, & me sequere.

23 At ille, his auditis, tristis est factus: quippe qui prædixes esset.

24 Eum tristem factum videns Jesus: dixit: O quàm difficile, qui pecunias habent, in divinum regnum intrabunt?

25 Facilius est enim rudentem per acus foramen trajici, quàm divitem in divinum intrare regnum.

26 Tum auditores: Quis igitur servari possit? inquirunt.

27 Et ille: Quæ ab hominibus fieri nequeunt, ea à Deo fieri possunt.

28 Tum Petrus: Nos quidem inquit, omnibus relictis, te secuti sumus.

29 Et ille: Hoc certò scitote, inquit eis, neminem esse qui domum, qui parentes, qui fratres, qui uxorem, qui liberos divini regni causa reliquerit,

30 quin sit & in hoc tempore sæpe conduplicata, & in futuro seculo viam æternam consecuturus.

31 Assumptis autem duodecim, dixit eis: En ascendimus Hierosolyma, & filio hominis accident planè omnia quæ sunt à vaticibus scripta.

32 Tra-

32 Tradetur enim extraneis, & illuderetur, & contumeliis afficietur, & conspuetur,

33 & verberatus interficietur, & tertio die resurget.

34 At illi nihil horum intellexerunt, adeoque testis eis erat ea oratio, ut quæ dicerentur, ignorarent.

35 Eo autem Hierichunti propinquante, sedebat apud viam quidam cæcus mendicans.

36 Is prætereuntem hominum turbam audiens, sciscitatus est quid illud esset?

37 Cumque ei indicatum esset, Jesum Nazarenum præterire,

38 clamavit his verbis: Jesu Davidide, miserere mei.

39 Et quamvis præcedentes increparunt eum, ut taceret, ille multò magis clamabat: Davidide, miserere mei.

40 Tum Jesus restitit, & eum ad se duci imperavit: ac ubi ille accessit, sic eum interrogavit:

41 Quid tibi vis faciam? Et ille: Domine, inquit, ut videam.

42 Et Jesus: Cerne, inquit ei: tua te fides servavit.

43 Atque ille continuo vidit, eumque secutus est, Deum colaudans. Quo viso, populus omnis Deo tribuit laudem.

C A P U T XIX.

Christi Zachæus hospes. Varii minarum negotiatores. Ultimus vecors. Jesus asello vestus. Urbis ruina instans. Videntes pulsi sano.

EO autem ingresso, & per Hierichuntem eunte,

2 erat quidam vir, qui nomine Zachæus vocabatur, publicanorum magister, isque dives.

3 Is cum conaretur Jesum videre quis esset, neque præ hominum turba posset, utpote qui esset statura parvus,

4 præcurrit & in caprificum ascendit, ut eum videret: nam illac transiturus erat.

5 Ad eum locum ubi venit Jesus, suspexit, & eo viso sic ei dixit: Zachæe, descende properè: hodie enim mihi domus tuæ manendum est.

6 Atque ille celeriter descendit, eumque lætus accepit.

7 Quo viso fremebant omnes, quòd ad hominem improbum versatum ivisset.

8 Zachæus verò Dominum sic alloqui institit: Scito me, Domine, dimidium facultatem mearum largiri pauperibus: quòd si quem ulla re fraudavi, reddo quadruplum.

9 Tum Jesus ei dicit, salutem eo die partam esse ei domui, quatenus ipse quoque Abrahamides esset:

10 venisse enim filium hominis ad perditam quærendam, atque servandam.

11 Illis autem hæc audientibus, subjecit exemplum, quod ipse prope Hierosolymam esset, & illi adfuturum mox divinum regnum arbitrarentur.

12 Ait ergo: Homo quidam nobilis profecturus in longinquam regionem, ut in regni possessionem invaderet, deinde rediturus,

13 vocatis suis decem servis, dedit decem minas, eisque mandavit ut negotiarentur, donec ipse reveniret.

14 Ejus autem cives eum oderant: itaque missis post eum legatis, negarunt se velle ut is in se regnaret.

15 Postquam ille regnum adeptus rediit, iussit ad se servos illos accersi, quibus argentum dederat, ut sciret quid quisque negociando lucratus esset.

16 Ergo

16 Ergo primus advenit, & Domine, inquit, tua mina decem minas peperit.

17 Cui ille: Rectè, bone ferve: quoniam in tantilla re fidelis fuisti, habeto in decem oppida potestatem.

18 Deinde venit alter: Domine, inquit, tua mina quinque minas confecit.

19 Et ille: Tu quoque (inquit etiam huic) præsto quinque oppidis.

20 Item venit alius: Domine, inquit, ecce mina tua, quam ego in linteo compositam habui:

21 metuebam enim te, utpote hominem severum, qui & quod non deposuisti tollas, & quod non seminasti metas.

22 At ille: Ex tuo ipsius ore te damnabo, inquit ei, ferve nequam. Sciebas me hominem severum esse, qui & quod non deposui tollam, & quod non seminavi metam:

23 Cur ergo non dedisti meum argentum ad mensam, & ego reversus idcum fœnore recepissem?

24 Auferte ei minam, inquit eis qui aderant, & ei date qui decem minas habet.

25 At illi: Domine habet decem minas.

26 Ergo scitote omni habenti dandum esse, inquit: non habenti autem, etiam quod hauserendum

27 Cæterum inimicos illos meos, qui me in se regnare noluerunt, adducite huc, & coram bet, me jugulate.

28 Hæc fatus progredi perrexit, Hierosolymam ascendens.

29 Ut autem prope Bethphagen & Bethaniam venit ad montem qui vocatur Olivarum, misit discipulorum suorum duos cum his mandatis.

30 Ite in vicam qui est è regione, in quem ingredientes, invenietis asellum vinctum, quem nemo unquam hominum infedit: eum solvitote & adducitote.

31 Quod si quis vos cur solvatis interroget, sic ei dicitis: Domino eum opus esse.

32 Igitur profecti qui erant missi, invenerunt quod eis ille dixerat.

33 Cumque ex eis asellum solventibus quævisissent ejus domini, cur asellum solverent,

34 dixerunt eum Domino opus esse,

35 eumque ad Jesum adduxerunt: & injectis in asellum suis vestimentis, eo Jesum imposuerunt.

36 Atque eo vadente, insternebant suis vestimentis viam.

37 Ac ubi jam prope montis olivarum descensum venit, cœpit universa discipulorum multitudo Deum læta laudare magna voce, de tot quæ viderant miraculis, his verbis:

38 Bene sit venienti regi in nomine Domini: pax in cælo, & gloria in supremis.

39 At quidam Phariseorum ex turba dixerunt ei: Magister objurga tuos discipulos.

40 Quibus ille respondens: Scitote, inquit, si taceant hi, clamaturos esse lapides.

41 Deinde ut propius accessit, visa urbe deploravit eam, dicens:

42 O si scires tu, & quidem hac ipsa tua die, quæ tibi salutis forent: sed nunc tuos latent oculos.

43 Venient enim tibi dies, cum te tui hostes vallo circumdabunt, & circumfidebunt, & prement undique,

44 teque & tuos in te natos com-

complanabunt, nec in te lapidem lapidi impositum relinquent : quoniam tempus, quo tui habitacula fuerit, non noveris :

45 Deinde in fanum ingressus, cepit vendentes in eo & ementes ejicere, dicens eis :

46 Scriptum est : Mea domus, supplicationis domus est : at vos ex ea latronum speluncam fecistis.

47 Docebat autem quotidie in fano. Pharisei verò & Scribæ eum perimere conabantur, nec non populi primarii :

48 sed quid agerent, non inveniebant, quòd cunctus populus ab ejus ore pendeat.

C A P U T XX.

Vinea cultores pendendi. Lapis offensionis. Officium in Deum, in principem. Sadducaei rejecti, de resurrectione, ac vidua 7. conjugii. Davidis Dominus geminus. Pharisaorum cum factus, tum avaritia.

QUODAM autem illorum dierum, eo populum in fano docente ac instituente, adfuerunt pontifices & scribæ cum senatoribus, eumque sic allocuti sunt :

2 Dic nobis, qua potestate ista facias, aut quis tibi potestatem istam dederit ?

3 Quibus ille respondens : Interrogabo vos ego vicissim quiddam, inquit, quod mihi dicite.

4 Johannis baptisma à cœlone erat, an ab hominibus ?

5 Illi verò sic apud se ratiocinari : Si dixerimus à cœlo, dicet : Cur ergo ei non credidistis ?

6 sin ab hominibus dixerimus, universus populus nos lapidabit : persuasum est enim ei, Johannem esse vatem,

7 Itaque responderunt, se nescire unde.

8 Et Jesus : Nec ego vobis dico, inquit eis, qua potestate hæc faciam.

9 Cœpit autem ad populum hoc exemplum dicere : Homo quidam vineam conseruit, & ea colonis elocata, domo absuit satis diu.

10 Deinde suo tempore misit ad colonos servum, ut illi ei de vineæ fructu darent. At coloni eum verberatum dimiserunt inanem.

11 Ille alterum item servum misit, & illi eum quoque verberatum, & contumelia affectum, dimiserunt inanem.

12 Cumque tertium item misisset, illi eum etiam vulneratum expulerunt.

13 Tum vineæ dominus : Quid agam ? inquit, mittam filium meum charissimum : fortassis hunc visum reverebuntur.

14 At coloni eo viso, sic inter sese dicere : Hic est hæres : agite perimamus eum, ut nostra fiat hæreditas.

15 Itaque ejectum ex vinea occiderunt. Quid ergo faciet eis vineæ dominus ?

16 Veniet & colonos illos perdet, aliisque vineam elocabit. Hoc audito illi dixerunt : Absit.

17 Et ille eos intuitus : Quid ergo est scriptum illud ? Quem lapidem improbaverant ædificatores, is adhibitus est ad caput anguli.

18 In eum lapidem quisquis inciderit, collidetur, & in quem inciderit ipse, eum comminuet.

19 Igitur pontifices & scribæ ei manus injicere eadem hora conati sunt, intellexerunt enim, eum adversum se illud exemplum dixisse : sed populum timuerunt.

20 Itaque illud observant,

ut mitterent emissarios, qui se viros bonos simularent, ut eum verbis caperent, atque ita magistratui & prætoris potestati traderent.

21 Atque hi sic eum interrogarunt: Magister, scimus te rectè dicere, ac docere, neq; personæ rationem habere, sed verè divinam viam vitæ docere.

22 Licetne nobis Cæsari tributum pendere, an non?

23 At ille eorum versutiam intelligens: Quid me tentatis? inquit:

24 ostendite mihi denarium. Cujus habet imaginem & titulum? Cæsaris, inquit illi respondentes.

25 Et ille: solvite igitur, inquit eis, Cæsariana Cæsari, & divina Deo.

26 Ita illi, cum nullum ejus verbum apud populum carperè potuissent, ejus responsionem admirati, tacuerunt.

27 Tum eum aggressi Sadducæorum quidam, qui resurrectionem esse negant, sic interrogarunt:

28 Magister, scripsit nobis Moses, si cujus frater mortuus fuerit, uxorem habens, isque sine liberis mortuus fuerit, ut ducat ejus frater uxorem, fratrique suo prolem suscitet.

29 Jam verò septem fuere fratres, quorum primus uxore ducta mortuus est sine liberis,

30 duxitq; secundus uxorem, & is item sine liberis mortuus est.

31 atque illam duxit tertius, itidemque septem, neque liberos reliquerunt.

32 Atque illis mortuis postrema omnium mortua est etiam femina.

33 Igitur in resurrectione cu-

jus eorum futura est uxor? cum septem eam in matrimonio habuerint.

34 Et Jesus eis ita respondit: Hujus vitæ homines & ducunt uxores & nubunt:

35 at quibus vitam illam assequi, & ex mortuis surrexisse contigit, ii nec ducunt uxores, nec nubunt.

36 quippe cum jam mori nequeant, sunt enim angelorum similes, & Dei filii sunt, qui sint resurrectionis filii.

37 Mortuos autem resurgere, etiam Moses indicavit in rubo, ubi Dominum dicit Abrahami Deum, & Isaaci Deum, & Jacobi Deum.

38 Deus quidem non mortuorum est, sed viventium, utpote cum ei vivant omnes.

39 Tum quidam scribarum sic eum alloquuntur: Magister, probè dixisti.

40 Neque deinceps audebant eum quicquam interrogare.

41 Et ille: Qui sit ut dicant, Christum Davide prognatum fore?

42 Cum ipse David dicat in Psalmorum libro: Ait Dominus domino meo, Sede ad meam dexteram,

43 donec efficiam ex tuis hostibus tuorum pedum subsellium.

44 Quod si eum David dominum vocat, qui sit ut sit eo prognatus?

45 Tum audiente cuncto populo, dixit suis discipulis:

46 Cavete scribas, qui stolati libenter ambulant, & in foris salutationes, & in collegiis primas sessiones, & primas in cœnis accubationes amant:

47 qui viduarum domos per-

speciem prolixarum precum devorant, eoque graviore poenas luent.

C A P U T XXI.

Vidua teruncii in fiscum. Fari ruina impendens. Orbis calamitates. Piorum plaga. Urbis excidium.

CUM autem aspiciens vidisset conferentes sua munera in fiscum divites,

2 cumque vidisset etiam quandam pauperculam viduam eò duos conferentem teruncios, dixit:

3 Hoc certò vobis dico, hanc viduam plurimum omnium contulisse.

4 Nam omnes hi ex eo quod sibi superat, contulerunt in divina donaria: at hæc ex inopia sua, quicquid facultatum habebat, contulit.

5 Item quibusdam de fano dicentibus, pulchris esse lapidibus & donariis ornatum, dixit:

6 Videtis hæc? veniet dies cum nullus lapidi lapis positus relinquetur, qui non dissolvatur.

7 Et illi eum interrogantes: Magister, inquit, quando igitur ista fient? & quo signo ista futura significabuntur?

8 Et ille: Videte, inquit, ne decipiamini; multi enim venient meo nomine, qui se eum esse dicant: & quidem tempus instat, nolite igitur eos affectari.

9 Cum verò bella & seditiones audietis, nolite expavescere: oportet enim hæc omnia prius fieri: sed non continuò finis erit.

10 Consurget & gens in gentem (inquebat tum eis) & regnum in regnum,

11 magnique terræ motus nonnullis in locis, & fames &

pestes erunt, terriculaque & signa de cælo magna.

12 Sed ante hæc omnia injicientur vobis manus, & vexabimini, inque collegia & custodias trademini, atque ad reges & prætores mei nominis causa perducemini:

13 id quod vobis erit testimonio.

14 Igitur animum inducite, causæ dictionem non præmeditari.

15 Ego enim vobis ejusmodi os & sapientiam dabo, ut ei contradicere aut resistere nequeant omnes adversarii vestri.

16 Prodemini autem etiam à parentibus, & fratribus, & cognatis, & amicis, qui vestrum nonnullos necabunt,

17 eritisque cunctis invisii propter nomen meum.

18 Verum ne pilus quidem vestri capitis peribit.

19 Vestra patientia, vestrae salutis consulite.

20 Cum autem circumdatam exercitibus Hierosolymam videbitis, tum scitote, ejus instare vastitatem.

21 Tum qui erunt in Judæa, fugiant in montes: & qui erunt in ejus medio discedant: & qui in agris erunt, ne intrent in eam,

22 nam supplicii tempora erunt illa, ut eveniant omnia quæ scripta sunt.

23 Hei uterum ferentibus & lactantibus per ea tempora. Nam hæc regio graviter premetur, & in hunc populum atrociter servietur,

24 ut gladium acie cadant, & per omnes gentes exulem, calceturque à gentibus Hierosolyma, donec exterarum gentium tempora compleantur.

25 Et erunt signa in sole & luna, & sideribus & in terris tantus gentium angor trepidantium, mari undisque resonantibus,

26 ut homines eorum metu & expectatione, quæ orbi immineant, exanimentur: nam cœlestes potestates concutientur.

27 Ac tum aspicietur filius hominis veniens in nube, cum ingenti potestate atque gloria.

28 His autem fieri incipientibus suspicite, & capita attollite, quoniam vestra instabit liberatio.

29 Tum eis similitudinem dixit: Cernite ficum & omnes arbores:

30 cum jam frondescunt, id vos per vosipfos cernentes, cognoscitis jam propè esse ætatem.

31 Similiter & vos, cum hæc fieri videbitis, scitote propè esse divinum regnum.

32 Hoc vobis confirmo, non prius esse præterituram ætatem hanc, quam fiant omnia.

33 Etiam si cœlum & terra pereant, mea dicta non peribunt.

34 Verùm cavete ne fortè obruantur animi vestri crapula & ebrietate, & hujus vitæ curis: atque ita vos nec opinantes illa dies opprimat.

35 Adveniet enim tanquam decipula omnibus in totius terræ solo degentibus.

36 Vigilate igitur, omni tempore orantes, ut vobis hæc omnia eventura effugere liceat, & coram filio hominis consistere.

37 Ita interdum docebat in fano, in noctes autem exhibat, & in monte, qui vocatur Olivarum versabatur.

38 Atque omnis populus ad

eum manè ventitabat in templum, ejus audiendi gratia.

CAPUT XXII.

Ad Antistites proditor. Cæna. Qui piorum princeps. Preces pro Petro, hujus temeritas. In oliveto Jesu preces. Angelus ad eum. Captus Jesus. Pugnans Petrus, ter mox mendax. Jesu calamitates.

Instabat autem azymorum festum, quod Pascha dicitur,

2 & quærebant pontifices & scribæ ejus interficiendi modum: timebant enim plebem.

3 Intravit autem Satan in Judam cognomine Iscariotam, qui erat ex duodecim numero.

4 Itaque is pontifices & antistites aggressus, verba cum eis fecit, quo pacto eum traderet eis.

5 Quo lætati illi, pacti sunt, ei se duros argentum.

6 Itaque pollicitus quærebat opportunitatem eum illis sine turba tradendi.

7 Postquam autem venit azymorum dies, in quo immolandum erat Pascha,

8 misit Jesus Petrum & Johannem: Ite (inquit) paratum nobis pascha, ut polluceamus.

9 Et illi: Ubi vis paremus? inquirunt ei.

10 Quibus ille: Simulac in urbem intraveritis, inquit, incidetis in hominem aquæ fictile ferentem: eum sequimini in domum quod ingreditur,

11 & sic ejus domus patri-familias dicitote: Querit ex te magister, ubinam sit mansio, ubi Pascha cum suis discipulis pol-
luceat?

12 Atque ille vobis coenaculum ingens instratum ostendet: illic paratote.

13 Igitur digressi, & quæ ille eis prædixerat nacti, pararunt Pascha.

14 Ac postquam venit hora, accubuit, & duodecim apostoli cum eo,

15 eosque sic allocutus est: Hujus vobiscum pollucendi Paschæ cupiditate ductus sum, antequam supplicio afficiar.

16 Hoc enim sic habetote, me eo non pollucturum esse, donec in Dei regno compleatur.

17 Tum sumpto poculo, actisque gratis, dixit: Accipite hoc, & inter vos dividite.

18 Scitote enim, non ante me bibiturum esse de fructu vitis, quam Dei regnum veniat.

19 Item sumptum panem actis gratis fregit, eisque dedit, dicens: Hoc est corpus meum pro vobis dandum: hoc facite in in mei recordationem.

20 Similiter & poculum, postquam cœnatum est, dicens: Hoc poculum est novum fœdus, quod fit per meum sanguinem, qui est pro vobis effundendus.

21 Cæterum scitote, mei proditoris manum esse mecum in mensa.

22 Et filius hominis quidem abit, ut est definitum: verum væ homini illi, per quem prodendus est.

23 Illi verò cœperunt inter sese quærere, quisnam eorum foret, qui id facturus esset.

24 Exitit etiam inter eos contentio, quis eorum maximus esse videretur.

25 At ille: Gentium reges (inquit eis) in eas dominantur: quique eis imperant, gubernatores appellantur.

26 At vos non ita: quin vestrum maximus perinde sit ac minimus: & qui præest, per-

inde ac qui ministrat.

27 Uter enim major est? qui accumbit, an qui ministrat? nonne qui accumbit? Atqui ego sum inter vos perinde ac qui ministrat.

28 Vos verò ii estis qui mecum permanseritis in meis adversis:

29 & ego regnum, quemadmodum mihi pater meus legavit, sic vobis lego,

30 ut comedatis & bibatis in mea mensa in regno meo, & in tribunalibus sedeat, jus dicentes duodecim tribubus Israelitarum.

31 Dixit item Dominus: Simon, Simon, conatus est quidem Satanas cribrare vos ut frumentum:

32 verum ego pro te oravi, ne te fides deficeret. Tu vicissim aliquando recreatus, confirmato fratres tuos.

33 At ille: Domine, inquit ei, tecum paratus sum & carcerem & mortem adire.

34 Et ille: Sic habeto Petre, inquit: non prius gallum hodie cantaturum, quam tu me tibi notum esse, ter negaveris.

35 Cæterum dum vos sine crumena, inquit eis, & pera, & calceis dimisi, num qua re caruistis? nulla, inquirunt.

36 At nunc, inquit eis, & crumenam qui habet, ferat, itemque peram: & qui gladium non habet, vendat suum pallium & emat.

37 Scitote enim, in me comprobandum adhuc esse scriptum illud: Et inter nefarios habitus est: habent enim mea res fruem.

38 Et illi: Domine, ecce hic duo gladii. Satis est, inquit eis.

39 Tum egressus contendit de more in olivarum montem, eumque secuti sunt discipuli.

40 Atque ubi ad locum venit, dixit eis: Orate, ne in tentationem veniatis.

41 Tum ab eis ferme ad lapidis jactum digressus, positis genibus precatus est hujusmodi verbis:

42 Pater, averte, si vis, hoc à me poculum. Quanquam non mea, sed tua voluntas fiat.

43 Apparuit autem ei angelus de cœlo, qui eum confirmaret.

44 Atque ille cum esset in æstu, contentius orabat, & sudore manabat simili sanguineis guttis, ad terram delabentibus.

45 Deinde precatus surrexit, & ad suos discipulos venit, quos præ ægritudine dormientes nactus, dixit eis,

46 Quid dormitis? surgite, orate, ne in tentationem veniatis.

47 Atque adhuc eo loquente, supervenit hominum turba, quibus is qui Judas dicebatur, unus ex duodecim, præibat. Is ad Jesum osculandum accessit,

48 & Jesus sic eum allocutus est: Juda, tunc osculo filium hominis prodis?

49 Videntes autem sui quid futurum esset, dixerunt ei: Domine, feriemusne gladio?

50 percussitque quidam eorum pontificis servum, eique dexteram abscidit auriculam.

51 Et Jesus respondens: Sinite hæcenus, inquit: & tacta illius auricula, eum sanavit.

52 Dixit autem Jesus eis qui se invaserant, pontificibus, & sani antistitibus, ac senatoribus:

Tanquam ad latronem existis cum gladiis & fustibus.

53 Cum quotidie essem apud vos in fano, non injecistis mihi manus, sed hæc vestra est hora, & tenebrarum potestas.

54 At illi eum comprehensum duxerunt, & in pontificis domum introduxerunt. Petrus autem procul sequebatur.

55 Cumque illi ignem in medio atrio incendiissent, & confedisissent, sedebat etiam Petrus inter eos.

56 Eum sedentem ad ignem conspicata & intuita quædam ancilla, dixit: Hic quoque cum eo erat.

57 At ille eum negavit, dicens: Mulier, non novi eum.

58 Item paulo post alius eo viso dixit: Et tu ex eis es. At Petrus: Homo, inquit, non sum.

59 Deinde interposita una ferè hora, alius quidam sic affirmabat: Profectò hic quoque cum eo erat, etenim Galilæus est.

60 At Petrus: Homo, inquit, nescio quid dicas. Tum statim, eo adhuc loquente, cecinit gal-
lus:

61 & conversus Dominus Petrum aspexit, & Petrus Domini dictum recordatus, qui ei fore dixerat, ut priusquam gal-
lus caneret, eum ter negaret,

62 foras egressus, acerbè fle-
vit.

63 Jesum autem qui tenebant homines, illudebant, verberantes:

64 eoque velato, tundebant ei faciem, & ita interrogabant: Divina quis sit qui te percussit?

65 atque alia multa contumeliosè dicebant in eum.

66 Deinde orto die coivit populi senatus, Pontifices & Scribæ, & ei in suum confessum adducto sic dixerunt :

67 Dic nobis, an tu Christus sis : Quibus iste : Si vobis dixerò, non credetis :

68 quod si vos etiam interrogavero, non mihi respondetis, aut me absolvetis.

69 Futurum est, ut sedeat filius hominis ad dexteram potentis Dei.

70 Tu igitur Dei filius es ? inquirunt omnes. Et ille : Sum quem vos esse me dicitis, inquit eis.

71 Tum illi : Quid jam nobis testimonio opus est, inquirunt, cum ipsi ex ejus ore audiveritis ?

C A P U T XXIII.

Ad Pilatum Jesus. Falsa criminata. Ad Herodem Jesus tacitus. Reditus in gratiam Regis, ac Prætoris. Pro Christo Prætor. Populi furor. Cyrenæus. Duo lairones. Pro carnificibus Jesus : illusiones, disserta, titulus. Felix larro, mundi tenebra. Veli scissio. Christi mors. Verus Centurio. Josephi pietas. Munimentum novum.

Igitur surrexit omnis eorum multitudo, & eum duxit ad Pilatum,

2 eumque accusare instituerunt, dicentes, se ab eo gentem everti deprehendisse, & eum Cæsari tributa solvi vetare, dicentem se Christum esse regem.

3 Et Pilatus eum interrogavit : Tunc Judæorum rex es ? Cui ille respondens : Ut tu dicis, inquit.

4 Pilatus verò Pontificibus, & hominum multitudini negavit, ullum se in eo homine crimen deprehendere :

5 At illi urgere : Excitant populum, inquirunt, docens per totam Judæam, exorsus à Galilæa hucusque.

6 Hic Pilatus audita Galilæa, quæsit an homo Galilæus esset.

7 Ac postquam eum ditionis Herodis esse cognovit, misit eum ad Herodem, qui & ipse Hierosolymis per eos dies erat.

8 Herodes viso Jesu, magnopere lætatus est, quippe qui eum jamdiu videre cuperet (quod multa de eo audiebat) & se aliquid ab eo prodigiosè fieri visurum speraret.

9 Verùm licet eum multis de rebus interrogavit, ille nihil ei respondit :

10 quamvis etiam Pontifices & Scribæ qui aderant, eum acriter accusarent.

11 Itaque despiciatus eum Herodes, cum suis militibus, ac ludificatus, indutum veste splendida Pilato remisit,

12 factique sunt inter sese amici Pilatus & Herodes eo ipso die : nam antea inter eos intercedebat simulas.

13 Pilatus autem convocatos Pontifices & magistratus ac populum sic allocutus est :

14 Adduxistis hunc hominem mihi, tanquam qui populum avertat : atqui ego in vestra præsentia examinans, nullum eorum crimen in hoc homine deprehendi, quibus vos eum accusatis.

15 Sed nec Herodes, ad eum enim misi vos, & videtis nihil morte dignum ab hoc factum esse.

16 Itaque eum castigabo, & relaxabo.

17 Habebat autem necesse
eis unum relaxare per festum.

18 Igitur illi universa multi-
tudo exclamarunt ut eum tol-
leret, sibi que Barrabam remitte-
ret,

19 qui fuerat propter sediti-
onem quandam in urbe factam,
& cædem, coniectus in carce-
rem.

20 Cumque rursus Pilatus
Jesum absolvere volens, clama-
set,

21 illi sic reclamare: Cruci-
fige, crucifige eum.

22 Quid enim is mali fecit ?
inquit, eos tertium alloquens.
Nullum in eo capitale crimen
deprehendi. Itaque eum casti-
gabo & absolvam.

23 At illi magnis clamoribus
instare, flagitantes ut is cruci-
figeretur, gliscentibus eorum
Pontificumque vocibus.

24 Itaque Pilatus eorum po-
stulatâ facere decrevit :

25 eisque eum qui propter
seditionem & cædem fuerat in
custodiam datus, & quem fla-
gitabant, absolvit. Jesum autem
eorum arbitrio tradidit;

26 Hoc illi abducto, Simo-
nem quandam Cyrenæum, rure
venientem, comprehenderunt,
eique crucem post Jesu tergum
ferendam imposuerunt.

27 Sequebatur autem eum
ingens hominum multitudo, &
mulierum, quæ plangebant, e-
umque lamentabantur.

28 Ad quas Jesus conversus
dixit: Hierosolymitanæ scemi-
næ, ne me deplorare, sed vos
vestrosque natos deplorare.

29 Nam scitote fore tempus,
quo beatæ dicentur steriles, &
uteri qui non genuerint, & u-
bera quæ non lactaverint;

30 cum quidem eò venietur,

ut dicant homines montibus:
Corruite in nos: & collibus,
Obruite nos.

31 Nam si viridi arbori fiunt
hæc, aridæ quid fiet ?

32 Ducebantur autem etiam
alii duo facinorosi, cum eo in-
terficiendi.

33 Atque ubi ad locum ven-
tum est, qui Calvaria vocatur,
illi eum ibi, & facinorosos, al-
terum ad dexteram, alterum ad
sinistram, crucifixerunt.

34 Et Jesus: Pater, inquit,
ignosce eis: nesciunt enim
quid faciant. Illi verò ejus
vestimenta sorte jacta partiti
sunt:

35 astabatque spectans popu-
lus, & magistratus quoque eum
cum eis deridebant. Alios ser-
vavit, inqueiebant, servet seip-
sum, si is Christus est Dei ele-
ctus.

36 Accedebant etiam milites,
qui ei illuderent, & acetum ei
offerebant,

37 &: Si tu Judæorum rex
es, inqueiebant, serva teipsum.

38 Erat & titulus supra eum,
Græcis, Romanis, & Hebraicis
litteris scriptus, Hic est Judæo-
rum rex.

39 Atque unus pendentium
facinororum ei maledicebat,
ita dicens: Si tu Christus es,
serva & teipsum & nos.

40 At alter contra sic eum
objurgare: An tu Deum non
metuis, qui sis in eodem suppli-
cio ?

41 Et nos quidem meritò.
nam nostris digna factis accipi-
mus: at hic nullum facinus
commisit.

42 Tum ad Jesum: Memento
mei, Domine, inquit, cum ve-
neris in regnum tuum.

43 Cui Jesus: Hoc tibi con-
firmo,

firmiter, inquit, te hodie fore mecum in Paradiso.

44 Erat autem hora ferè sexta, & tenebræ per totam terram exiterunt usque ad horam novam:

45 & sol infuscatus est, & templi velum medium scissum est.

46 & Jesus clamans ingenti voce, dixit: Pater, tibi in manus commendo spiritum meum. Atque hæc locutus, expiravit.

47 Ea re visa, centurio Deo gloriam tribuit, dicens: Profectò hic homo justus erat.

48 Et omnis hominum multitudo, qui ad hoc spectaculum venerant, videntes quæ facta forent, tundentes sua pectora reversi sunt.

49 Astabant autem omnes ejus noti procul, necnon scæminæ, quæ cum fuerant à Galilæa secutæ, ea aspicientes.

50 Tum vir quidam nomine Josephus, senator, isque vir bonus & justus,

51 qui illorum consilio & facto non assensus erat, ab Arimathæa Judæorum oppido, qui & ipse Dei regnum expectabat,

52 is inquam Pilatum aggressus, Jesu corpus postulavit.

53 idque detractum, linteo involvit, & in exciso monumento posuit, ubi nemo adhuc situs fuerat.

54 Erat autem ea dies Præparatio, qua Sabbatum illucescebat.

55 Et mulieres subsecutæ quæ ex Galilæa cum eo venerant, monumentum aspexerunt, & ut ejus corpus positum sit:

56 reversæque præpararunt aromata & unguenta, & Sabbato quidem ex præcepto quieverunt.

C A P U T XXIV.

Ad monumentum aromata. Jesus non inventus. Angeli duo. Mulieres ad Apostolos. Ad sepulcrum Petrus. Christus cum duobus in itinere: plaga Christi attestata. In Bethania Jesus in cælum. Discipulorum charitas.

Primo autem post Sabbatum die, summo mane, venerunt ad monumentum, ferentes quæ paraverant aromata, quibusdam eas comitantibus:

2 saxumque invenerunt, à monumento avolutum:

3 & ingressæ, Domini Jesu corpus non invenerunt.

4 Atque hic cum ea de re consternatæ essent, ecce duo viri eis in vestibus asistere coruscantibus,

5 qui perterritas & vultum ad terram inclinantes, sic allocuti sunt: Quid quæritis? viventem inter mortuos:

6 non est hic, sed surrexit. Mementote ut vobis locutus sit, cum esset adhuc in Galilæa,

7 dicens oportere filium hominis in hominum improborum manus tradi & crucifigi, & tertio die resurgere.

8 Tum illæ ejus verborum recordatæ sunt,

9 & à monumento reversæ, hæc omnia undecim omnibusq; cæteris renunciarunt.

10 Erat autem Magdalena Maria, & Johanna, & Maria Jacobi mater, & reliquæ unâ cum eis, quæ hæc Apostolis dixerunt.

11 Sed illis earum verba prodigiis habitæ sunt, nec eis crediderunt.

12 Petrus autem surgit, & ad monumentum currit: & intropesciens aspicit linteæ sola posita, & abiit, secum ipse eam rem admirans.

13 Proficiscebantur autem eorum duo eo ipso die in vicum, distantem à Hierosolyma stadia sexaginta, cujus nomen erat Emaus,

14 & inter sese de omnibus iis rebus quæ acciderant colloquebantur.

15 Atque eis colloquentibus ac disputantibus, ipse Jesus accedit, & cum eis iter facit.

16 Ita autem tenebantur eorum oculi, ut eum non agnoscerent.

17 Atque ille: Qui sunt isti sermones, inquit eis, quos inter vos confertis, ambulantes, idque tristes?

18 Cui unus, nomine Cleophas, ita respondit: Tune solus adeò Hierosolymæ hospes es, ut ea nescias quæ in ea per hosce dies acciderunt?

19 Quænam? inquit eis. De Jesu Nazareno, inquiunt, qui vir vates fuit, re verbisque potens, & in Dei & in totius populi conspectu:

20 utque eum tradiderint pontifices magistratusque nostri ad capitale iudicium, & in crucem sustulerint?

21 & tamen nos eum esse sperabamus, qui Israelitas liberaturus esset. Accedit ad hæc omnia, quòd tertius hic dies agitur, ex quo facta sunt.

22 Quanquam mulieres quædam ex nostris stupefecerunt nos: quæ mane ad monumentum profectæ,

23 neque corpus nactæ, redierunt, & se angelorum visum vidisse dixerunt, qui eum vivere dicerent.

24 Et sociorum nostrorum quidam ad monumentum profecti, sic esse compererunt, quemadmodum dixerant feminæ,

ipsum quidem non viderunt.

25 Et ille: O socordes, inquit eis, & animo tardi, ad credenda quæ tam multa dixeret vates.

26 Quasi verò non ea parè Christum, & ita suam inire gloriam oportuerit.

27 Tum exorsus à Mose, omnes obiens vates, eis per omnia scripta, quæ de seipso dicta forent, interpretabatur.

28 Deinde ubi prope vicum, quòd proficiscebantur, ventum est, ipse se longius ire simulabat.

29 Sed illi eum coegerunt: dicentes: Mane nobiscum: appetit enim vespera, & dies inclinavit. Itaque ingressus est ad manendum cum eis.

30 Atque inter accumbendum cum eis, panem sumpsit, eumque, fausta super eo precatione usus, fregit, & eis præbuit.

31 Et illi apertis eorum oculis, eum agnoverunt: atque ille ex eorum conspectu evanuit.

32 Tum illi inter sese sic dicere: Nimirum nobis ardebat animus, cum nos in via alloqueretur, cumque nobis scripta aperiret.

33 Ergo ea ipsa hora sunt, & Hierosolymam redeunt, & congregatos inveniunt undecim, eorumque socios,

34 qui dicebant reipsa surrexisse dominum, seque Simoni ostendisse.

35 Atque ipsi quæ in via contigissent, narrare cœperunt, utque eis frangendo pane cognitus fuisset.

36 Hæc eis loquentibus, ipse Jesus in eorum medio stetit, & Salvete, inquit.

37 Cumque pavefacti ac perterriti,

territi, se spiritum cernere putarent, dixit eis:

38 Quid turbati estis? aut cur istæ subeunt animos vestros cogitationes?

39 Aspicite meas manus atque pedes, quod ipse ego sum. Attrectare me, & aspicite: nam spiritus quidem carnem & ossa non habet, ut habere me videris.

40 Hæc locutus, ostendit eis manus atque pedes.

41 Cumque adhuc præ gaudio diffiderent ac mirarentur, dixit eis: Habetis hic aliquid edulii?

42 Tum illi tostis piscis partem, & favi mellis, præbuerunt,

43 & ille coram eis sumpsit, ac confedit,

44 & ad eos sic verba fecit: Hæc sunt quæ vobis, dum adhuc vobiscum eram, dixi, Scilicet oportere omnia in Mosis lege, Vatribusque, & Psalmis, de me scripta perfici.

45 Tum eis mentem ad in-

telligenda scripta aperuit,

46 & ita dixit: Sic scriptum fuit, & sic Christum supplicio affici oportuit, & tertia die ex mortuis resurgere,

47 ejusque nomine vitæ correctionem, & peccatorum veniam per omnes gentes, factò à Hierosolymis initio prædicari.

48 Atque horum vos testes estis, & ego sum vobis patris mei promissum missurus.

49 Vos verò manete in urbe Hierosolyma, donec potestatem desuper induatis.

50 Eduxit autem eos foras Bethaniam usque, sublatisque manibus eis bene ominatus est:

51 & inter ominandum eis, discessit ab eis, & in cælum sublatus est.

52 Atque illi eum venerati, Hierosolymam cum ingenti lætitia redierunt:

53 & erant continenter in templo, Deum collaudantes, eique gratias agentes. Amen.

EVANGELIUM

AUTHORE JOHANNE.

CAPUT I.

Sermo ille ante secula ex Deo genitus. Et qui semper apud Patrem residebat. Homo factus est. Johannes quorsum à Deo missus. Concio ipsius de officio Christi. Testimonium ejusdem Sacerdotibus redditum. Andrea vocatio: Petri: Philippi: Nathanaelis.

IN principio erat sermo, & sermo erat apud Deum, & Deus erat is sermo.

2 is erat in principio apud Deum.

3 Omnia per eum facta sunt, & absque eo factum est nihil, quod factum sit.

4 In eo vita erat, & vita erat lux hominum,

5 & lux in tenebris lucet, nec eam comprehenderunt tenebrae.

6 Fuit homo missus à Deo, nomine Johannes.

7 Is venit ob testimonium, ut de luce testaretur, ut omnes per eum crederent.

8 Non erat ille ipsa lux, sed qui de luce testaretur.

9 Erat ipsa vera lux, quæ collustrat omnem hominem veniens in mundum.

10 In mundo erat, & mundus per eum factus fuit, & mundus eum non cognovit,

11 In sua venit, & sui eum non acceperunt.

12 Quicumque autem eum acceperunt, iis eam potestatem

dedit, ut Dei filii fierent, fidem habentibus ejus nomini:

13 qui non ex sanguine, nec ex voluntate carnis, nec ex voluntate viri, sed ex Deo geniti sunt.

14 Et sermo caro factus est, & apud nos gratiæ veritatisque plenus habitavit: ejusque splendorem, ut unigenæ à patre splendorem aspeximus.

15 De eo testificatus est Johannes, clamans his verbis: Hic est quem dixi, qui post me veniens, ante me fuit, quippe qui prior me sit,

16 atque ex ejus plenitudine nos omnes sumpsimus & gratiam pro gratia:

17 siquidem lex per Moysen tradita est, gratia & veritas per Jesum contigit.

18 Deum nemo vidit unquam: unigena filius, qui est in sinu patris, is exposuit.

19 Atque hoc est Johannis testimonium, tum cum miserunt Judæi Hierosolyma sacerdotes & Levitas, qui ex eo quaererent, quis esset.

20 Atque ille confessus est, neque negavit: confessus est se non esse Christum.

21 Quid ergo, inquiunt illi interrogantes: Elias es tu? Non sum, inquit: Vates es tu? Non, inquit ille respondens.

22 Et illi: Quis es? inquit ei, ut responsum demus iis qui nos miserant. Quid de te respondis?

23 Ego sum, inquit, vox in solitudine clamantis; Corrigit Domini viam, quemadmodum dixit Esaias vates.

24 Tum qui erant missi (erant autem ex Phariseis) sic eum interrogarunt:

25 Quid ergo baptizas, si tu neque Christuses, nec Elias, nec vates?

26 Ego aqua baptizo, inquit eis respondens Johannes: sed inter vos adest, quem vos non nostis:

27 is est & qui post me venit, & ante me fuit, cujus ego non sum dignus qui calcei corrigiam solvam.

28 Hæc Bethabara facta sunt, trans Jordanem, ubi baptizabat Johannes.

29 Postridie aspicit Johannes venientem ad se Jesum, & dicit: Ecce agnus Dei, qui mundi peccatum tollit.

30 Hic est de quo dixi: Post me venit vir, qui ante me fuit, quippe prior me.

31 Equidem eum non noveram: sed ut patefiat Israelitis, propterea veni ego aqua baptizatum.

32 Atque his verbis testificatus est Johannes: Vidi spiritum descendantem, veluti columbam de coelo, & super eo manentem.

33 Atque equidem non noveram eum: sed qui me ad aqua baptizandum misit, is mihi sic dixit: super quem descendere & manere spiritum videris, is est qui sancto spiritu baptizat.

34 Ego verò & vidi, & hunc esse Dei filium testatus sum.

35 Postridie rursus aderat Johannes necnon ejus discipulorum duo,

36 & conspicatus ambulantiem Jesum, dicit: Ecce agnus Dei.

37 Ejus verbis auditis, duo illi ejus discipuli Jesum secuti sunt.

38 Et Jesus conversus, & eos sequentes intuitus, dixit eis: Quid quæritis? Cui illi: Rabbi (quod perinde est ac si dicas, Magister) ubi manes?

39 Venite visum, inquit eis. Et illi iverunt, & apud eum manserunt eum diem. Erat autem hora circiter decima.

40 Erat Andreas Simonis Petri frater unus ex duobus, qui cum audito Johanne secuti fuerant.

41 Is prior fratrem suum Simonem nactus, dicit ei: Invenimus Messiam (quod verbum Unctum declarat)

42 eumque duxit ad Jesum. Eum intuitus Jesus ait: tu es Simon Jonæ filius: tu vocabere Cephas: id verbum Petrum sonat.

43 Postero die voluit Jesus in Galilæam proficisci, & Philippum nactus, dixit ei: Sequere me.

44 Erat autem Philippus à Bethsaida, Andree & Petri urbe.

45 Philippus Nathanaelem nactus, sic alloquitur: Quem scripsit Moses in lege, & vates, invenimus Jesum Josephi filium à Nazareth.

46 Cui Nathanael: A Nazareth, inquit, potest aliquid bonum esse? Et Philippus. Veni visum, inquit ei.

47 Vidit Jesus venientem ad se Nathanaelem, & de eo dixit: Ecce verè Israelita, in quo dolus non est.

48 Et Nathanael: unde me nosti? inquit ei. Cui Jesus respondens: Antequam te Philippus vocaret, inquit, cum esses sub ficu, ego te videbam.

49 Tum Nathanael: Rabbi (inquit eum alloquens) tu es Dei filius, tu rex es Israelitarum.

50 Et

50 Et Jesus: Quoniam tibi dixi (inquit ei) te à me sub ficu esse visum, credis. Majora his videbis.

51 Hoc vobis (inquit ei) etiam atque etiam confirmo, futurum esse ut apertum cœlum videatis, & Dei angelos ascendentibus & descendentibus ad filium hominis.

CAPUT II.

Christus aquam in vinum mutavit, facit signorum suorum principium. Capharnaum descendit: Hinc Hierosolymam ascendit, & mercatum è templo ejecit. Templum, nempe corpus suum solvendum à Judæis prädicit. Multi credunt in eum ob signa quæ edebat.

Tertio autem die nuptiæ factæ sunt Canæ in Galilæa, ubi & Jesu mater erat:

2 & Jesus, ejusque discipuli ad nuptias vocati sunt.

3 Cumque defecisset vinum, Jesum mater sic alloquitur: Vinum non habent.

4 Cui Jesus: Quid tum postea? mulier, nondum venit hora mea.

5 Mater ministros monuit, ut quod ille eis jussisset, facerent.

6 Erant illic posita sex lapidea folia, ut ferebat Judæorum purificatio, binarum ternarumve metretarum capacia.

7 Ea folia ut aqua replerent, jussit eis Jesus. Cumque ad summum usque replevisset,

8 jussit ut nunc haurirent, & convivii magistro ferrent: Atque illi tulerunt.

9 Ut verò gustavit convivii magister factam ex aqua vinum, signarus unde esset (nam ministri quidem sciebant, qui aquam haurerant) sponsam accersit,

10 & sic alloquitur: Cum omnes homines primum bonum vinum apponant, deinde potis convivis deterius, tu bonum vinum hucusque servasti.

11 Hoc præbuit miraculorum initium Jesus Canæ in Galilæa, suamque gloriam ostendit, & ei fidem habuerunt ejus discipuli.

12 Postea descendit Capharnaum unà cum sua matre, & fratribus, & discipulis, atque illic mansere non multos dies.

13 Cumque instaret Judæorum Pascha, ascendit Hierosolymam Jesus,

14 & nactus in templo vendentes boves, & oves, & columbas, & nummularios sedentes,

15 facta ex loris scutica omnes ejecit ex sano, ovesque & boves & mensariorum æs effudit, evertitque mensas,

16 & columbarum venditoribus dixit: Hæc auferte hinc, & ex mei patris domo ne facite mercatoriam domum.

17 Recordati sunt autem ejus discipuli, ita scriptum esse: Tuæ domus studio conficior.

18 At Judæi sic eum contra allocuti sunt: Ede nobis aliquod prodigium, quo intelligamus ista tibi licere.

19 Quibus respondens Jesus: Dissolvite hoc templum, inquit, & ego tribus diebus id excitabo.

20 Et Judæi: Quadraginta sex annis constructum est hoc templum, inquiunt, & tu id tribus diebus excitabis?

21 At ille de sui corporis templo dicebat.

22 Itaque postquam ex mortuis surrexit, recordati sunt ejus discipuli id eum illis dixisse: scriptoque, & Jesu dicto crediderunt.

23 Cum autem Hierosolymis esset in festo Paschæ, frequentes in ejus nomen crediderunt, videntes quàm mira faceret.

24 At ipse Jesus non se eis credebatur, propterea quod cognoscebat omnes :

25 nec ei opus erat ut de homine à quoquam moneretur, quippe qui nosset quid inesset in homine.

CAPUT III.

Christus Nicodemum ab ipsis fundamentis Christiana regenerationis instituit. Serpens in deserto. Johannes baptizat, & suos docet, se non esse Christum.

ERat autem homo quidam ex Phariseis, nomine Nicodemus, Judæorum primarius.

2 Is Jesum noctu adiit, & eum sic est allocutus : Magister, scimus te venisse doctorem à Deo. Nam ista tam miranda facere, quæ tu facis, nemo posset, nisi adsit ei Deus.

3 Cui Jesus respondens : Hoc tibi etiam atque etiam confirmo, inquit, qui denuo natus non fuerit, eum non posse divinam regnum videre.

4 Et Nicodemus : Quo pacto possit homo nasci, qui sit senex ? Nunquid potest iterum in ventrem suæ matris ingredi, atque nasci ?

5 At Jesus ei respondens : Hoc tibi magnopere confirmo, qui ex aqua & spiritu natus non fuerit, non posse in divinum regnum intrare.

6 Quod ex carne natum est, caro est, & quod ex spiritu natum est, spiritus est.

7 Noli mirari quòd tibi dixerim, vobis esse renascendum.

8 Ventus quòvis fiat, ejusque sonitum tu audis : sed unde veniat, aut quo abeat, nescis. Sic

est, quisquis ex spiritu natus est.

9 At Nicodemus contrà : Quo pacto possunt ista fieri ? inquit.

10 Cui respondens Jesus : Tu Israelitarum doctor es, & hæc nescis ?

11 Hoc iterum atque iterum tibi confirmo : nos quòd dicimus, & testificamur, id scimus ac vidimus, & tamen testimonium nostrum non accipitis.

12 Si cum terrestria vobis dixerim, tamen non creditis, quomodo, si dixerò cœlestia, credetis ?

13 Atqui nemo cœlum conscendit, nisi qui ex cœlo descendit, filius hominis qui est in cœlo.

14 Ac quemadmodum Moses serpentem extulit in solitudine, sic oportet filium hominis extolli,

15 ut quisquis ei fidem habeat, non pereat, sed vitam obtineat sempiternam.

16 Sic enim amavit Deus mundum, ut filium suum unicuique dederit, ut quisquis in eum credat, non pereat, sed vitam obtineat sempiternam.

17 Non enim misit Deus filium suum in mundum, ut mundum damnet, sed ut servetur per eum mundus.

18 Qui in eum credit non damnabitur : qui verò non credit jam damnatus est, quòd per unigenæ Dei filii nomen non crediderit.

19 Hæc est autem damnatio, quòd cum venerit in mundum lux, tenebras magis quàm lucem amaverint homines, quippe quorum prava forent opera.

20 Quisquis enim vitiosa facit, lucem odit, nec in lucem prodit, ne ejus facta arguantur.

21 Sed qui vera facit, is in lucem prodit, ut pateant ejus opera, utpote facta divinitus.

22 Postea venit Jesus una cum suis discipulis in Judæam terram, & illic cum eis degenſ baptizabat.

23 Johannes verò in Ænone prope Salim baptizabat, quòd ibi multa erat aqua, ventitantque homines, & baptizabantur :

24 nondum enim erat conjectus in carcerem Johannes.

25 Orta igitur quæstione inter Johannis discipulos, & Judæos, de purificatione,

26 Johannem adierunt, eumque sic allocuti sunt: Magister, qui tecum erat trans Jordanem, cui tu testimonium dedisti, eum scito baptizare, & omnes ad eum itare.

27 Et Johannes ita respondit: Nihil usurpare potest homo, nisi sit ei de cælo datum.

28 Ipsi vos testes estis, me dixisse, non esse me Christum, sed ei præmissum.

29 Qui sponsam habet, sponsus est. Sponsi autem amicus, qui ei astat, & eum audit, voluptatem ex sponsi voce capit.

30 Hæc igitur mea voluptas expleta est: illum crescere, me decreſcere oportet.

31 Qui supernè venit, supra omnes est: qui à terra est, is & terrestris est, & terrestria loquitur. Qui à cælo venit, supra omnes est:

32 quodque & vidit & audivit, id testatur, & tamen ejus testimonium admittit nemo.

33 Qui ejus testimonium admittit, is veracem esse Deum signat:

34 quippe cum is quem Deus misit, Dei verba eloquatur, ut-

pote quem Deus sine modo spiritu donet.

35 Amat pater filium, eique omnia tradidit in manum.

36 qui filio fidem habet, vitam consecuturus est sempiternam. Qui verò filio non parer, is vitam non videbit, sed ei imminet ira divina.

CAPUT IV.

Jesus fatigatus potum petit à muliere Samaritana. Veram adorationem docet. Fatetur se esse Messiam. Cibus ipsius. Samaritani credunt in eum. Regii filium sanat.

UT igitur cognovit Dominus Phariseos audivisse Jesum plures facere discipulos, & baptizare, quàm Johannem,

2 (quanquam Jesus ipse non baptizabat, sed ejus discipuli)

3 reliquit Judæam, & rursus abiit in Galilæam.

4 Erat autem ei per Samariam iter faciendum.

5 Itaque venit ad oppidum Samariæ, nomine Sychar, prope locum quem Jacobus Josepho filio suo donavit,

6 ubi Jacobi fons erat. Igitur Jesus ex itinere sessus, ibi apud fontem resedit, hora ferme sexta.

7 Venit mulier à Samaria haustum aquam. Et Jesus ei ita dixit: Da mihi bibere.

8 Ejus enim discipuli iverant in urbem, ut cibos emerent.

9 At mulier Samaritana sic ei respondit: Qui sit, ut tu Judæus à me muliere Samaritana potum petas? non enim habent Judæi cum Samaritanis commercium.

10 Et Jesus ei respondens: Si Dei donum intelligeres, inquit, & quisnam sit qui à te potum postulat,

postulat, tu peteres ab eo, tibi-
qui ipse daret aquam vivam.

11 Tum mulier : Domine,
inquit ei, neque tu haustum
habes, & puteus est profundus :
unde igitur habes istam aquam
vivam ?

12 Num tu major es parente
nostro Jacobo, qui nobis pute-
um tradidit, & hac aquatione
usus est tum ipse, tum ejus na-
ti atque pecora ?

13 Cui Jesus ita respondit :
Quisquis ex hac aqua bibit, ta-
men rursus sitit :

14 sed qui ex aqua, quam e-
go ei dederò biberit, is nun-
quam sitiet, quin aqua quam ei
dederò, fiet in eo fons scatur-
iens ad vitam æternam.

15 Et mulier : Domine im-
pertii me ista aqua, ne sitiam,
aut huc haustura veniam.

16 Cui Jesus : I evocatum
virum tuum, & huc venito.

17 Non habeo virum, inquit
ei respondens mulier. Et Jesus :
Rectè dicis, non habere te virum.

18 Quinque enim viros habu-
isti : nunc quem habes non est
tuus vir. Istud verè dixisti.

19 Hic mulier : Domine, in-
quit ei, video te vatem esse.

20 Majores nostri in hoc
monte Deum coluerunt : atqui
vos dicitis Hierosolymis esse lo-
cum, ubi sit colendus.

21 Cui Jesus : Mulier crede
mihi, adventat hora, cum nec
in hoc monte, nec Hierosolymis
patrem coletis.

22 Vos quid colatis nescitis :
nos quid colamus, scimus : quip-
pe quia salus à Judæis est.

23 Sed adventat hora, &
nunc est, cum veri cultores pa-
trem in spiritu & veritate co-
lent. Etenim pater à talibus se
coli postulat,

24 Spiritus est Deus : & qui
eum colunt, in spiritu & veri-
tate debent colere.

25 Et mulier : Scio, inquit
ei, venturum esse Messiam (qui
unctus dicitur.) Is cum venerit,
rem omnem nobis explicabit.

26 Et Jesus : Ego is sum, in-
quit ei, qui tecum loquor.

27 Interea supervenerunt e-
jus discipuli, & eum cum te-
mina loqui mirati sanè sunt :
nullus tamen quid quæreret,
aut quid cum ea loqueretur
percontatus est.

28 Igitur mulier, relicta sua
situla, urbem petiit, homines-
que monuit,

29 ut hominem viserent, qui
sibi omnia facta sua dixisset :
fortassis eum esse Christum.

30 Itaque ex urbe egressi,
venerunt ad eum.

31 Interea sic eum hortati
sunt ejus discipuli : Magister,
cape cibum.

32 At ille : Ego cibum ha-
beo comedendum, inquit eis,
quem vos nescitis.

33 Ac quærentibus inter sese
ejus discipulis, num quis ei ci-
bum attulisset,

34 Jesus sic eos alloquitur :
Mihi pastus est, ejus volunta-
tem exequi, qui me misit, ejus-
que opus absolvere.

35 Vos quidem dicitis, hinc
ad quatuor menses futuram esse
messiem. At ego sic vobis dico :
Erigite oculos, & rura aspici-
te ut jam alba sint ad messiem :

36 & messor mercedem acci-
pit, & sator fruges congerit ad
victum perpetuum, ut sator si-
mul gaudeat, & messor.

37 Nam in hoc dictum illud
comprobatur : Alius est qui se-
rit, alius qui metit.

38 Ego vos misi ad metendum
quod

quod vos non laborastis : alii laborarunt, vos in eorum laborem invasistis.

39 Ex ea autem urbe multi Samaritanorum in eum crediderunt propter sœminæ sermonem, testificantis, eum sibi quicquid ipsa fecisset dixisse.

40 Igitur ut ad eum venerunt Samaritani, rogarunt ut apud se maneret : itaque mansit illic duos dies,

41 multoque plures ob ejus sermonem crediderunt;

42 mulierique dicebant, non se jam propter ipsius sermonem credere : ipsos enim audivisse, scireque eum verè mundi servatorem esse Christum.

43 Deinde biduo post illinc profectus, discessit in Galilæam.

44 Ipse enim Jesus testatus est, nullum vatem in sua patria in honore esse.

45 Ut ergo venit in Galilæam acceperunt eum Galilæi, ut qui omnia vidissent quæ Hierosolymis in festo fecerat : nam & ipsi ad festum iverant.

46 Venit igitur Jesus rursus Canam Galilææ, ubi fecerat ex aqua vinum. Erat autem quidam regius, cujus filius ægrotabat Capharnai.

47 Is audiens Jesum ex Judæa venire in Galilæam, eum adiit, rogavitque ut descenderet, suumque filium sanaret : nam jamjam moriturus erat.

48 Et Jesus : nisi ostenta & miracula videritis, inquit ei, non sitis credituri.

49 At regius : Domine, inquit, descende priusquam moriatur puer meus.

50 Et Jesus : Abi, inquit, vivit tuus filius. Hic Jesu verbis auditis credidit homo, & discessit.

51 Jam verò eo descendente, ei obviam facti ejus servi, nuntiaverunt ejus puerum vivere,

52 eique sciscitanti qua hora melius habuisset, dixerunt : pridie hora septima liberatum fuisse febre.

53 Cognovit itaque pater eam ipsam horam esse, quæ ei dixerat Jesus, ejus filium vivere, crediditque tum ipse, tum ejus universa domus.

54 Hoc item alterum ostentum edidit Jesus, cum ex Judæa venisset in Galilæam.

CAPUT V.

Christus ad piscinam decumbentem sanat in Sabbato. Phariseos præcipiti judicio factum suum calumniantes, Authoritate patris sui convincit. Divinam suam virtutem multis argumentis, Moysi etiam testimonio comprobat.

POSTEA cùm esset Judæorum festum, ascendit Jesus Hierosolymam.

2 Est autem Hierosolymis apud oviaricam piscinam, ea quæ Hebraicè Bethesda nuncupatur, quinque porticus habens.

3 In his jacebat ingens ægrotantium multitudo, cæcorum, claudorum, tabidorum, aquæ motionem expectantium.

4 Angelus enim certo tempore descendebat in piscinam, aquamque turbabat : post quam aquæ turbationem qui primus L. in piscinam G. descendebat, sanus evadebat, quocunque tandem morbo teneretur.

5 Erat illic homo quidam anum agens in morbo duodequadragesimum.

6 Hunc ut vidit Jesus decumbentem, & jamdiu decubuisse cognovit, dicit ei : Vis sanus fieri ?

7. Cui ægrotus : Domine, inquit respondens, hominem non habeo, qui me, dum turbata est aqua, conjiciat in piscinam. Interim dum eo ego, aliüs ante me descendit.

8 Tum Jesus : Surge, inquit ei, tolle grabatum tuum & ambula.

9 Atque homo confestim sanus evasit, & sublato suo grabato, ambulabat. Erat autem ea die Sabbatum.

10 Itaque dicebant Judæi curato : Sabbatum est, non licet tibi tollere grabatum.

11 Quibus ille sic respondit : Qui me sanum effecit, is mihi jussit ut grabatum meum tollerem, & ambulare.

12 Igitur eum interrogarunt quis esset homo, qui ei jussisset ut suum grabatum tolleretur, & ambularet ?

13 At ille sanatus nesciebat quis esset. Jesus enim sese subdlexerat, cum esset hominum turba in eo loco :

14 postea nactus eum Jesus in sano, sic alloquitur : En sanus evasisti : noli amplius peccare, ne quid tibi deterius accidat.

15 Homo Judæis nunciatum ivit, Jesum esset qui se sanum effecisset.

16 Hanc ob causam insectabantur Jesum Judæi, & occidere conabantur, quòd ea Sabbato faceret.

17 At Jesus contrà, sic eis dixit : Pater meus hætenus operatur, & ego operor.

18 Hanc igitur ob rem magis eum interficere conabantur, quòd non solum Sabbatum rumpere, sed etiam patrem suum diceret Deum, sese Deo parem faciens.

19 Respondit igitur eis Jesus

hujusmodi verbis : illud vobis etiam atque etiam confirmo, nihil posse filium ex seipso facere, nisi quid facientem patrem viderit : quæ enim ille facit, hæc filius quoque similiter facit.

20 Nam pater filium amat, eique ostendit omnia quæ facit ipse : quinetiam his majora ei monstrabit opera, ut vos admiremini.

21 Ut enim pater mortuos suscitavit, ac vivificat, sic etiam filius quos vult vivificat.

22 Nec enim pater quengquam judicat, sed omne judicium filio dedit :

23 ut omnes filium honorent, quemadmodum patrem honorant. Qui filium non honorat, patrem non honorat, qui eum misit.

24 Illud etiam atque etiam certò scitote : qui sermonem meum audit, & ei credit qui me misit, is vitam habet æternam : nec in judicium venturus est, sed ex morte migravit in vitam.

25 Illud iterum atque iterum sic certò habetote, venire horam, & nunc esse, cum mortui audient filii Dei vocem, & qui audiverint, reviviscant.

26 Ut enim pater vita præditus est, sic etiam filio dedit vita præditum esse,

27 eique potestatem dedit etiam judicium exercendi, quoniam filius hominis est.

28 Nolite hoc mirari : nam venit hora, in qua omnes, qui in monumentis erunt, audient ejus vocem :

29 & prodibunt, qui bona fecerint, ut ad vitam resurgant : qui verò vitiosa egerint, ut ad supplicium resurgant :

30 Nihil possum ego ex meipso facere. Ut audio, sic iudico, iustumque est meum iudicium: quippe qui non meæ, sed ejus, qui me misit, patris voluntati studeam.

31 Si ego de meipso testor, meum testimonium verum non est.

32 Alius est qui de me testatur: ac verum esse testimonium, quod de me dicit, scio.

33 Vos ad Johannem misistis, isque verum testatus est.

34 ego verò non ab homine testimonium admitto: sed hæc dico, ut vos salvi sitis.

35 Ille ardens lucensque lucerna erat, cujus in lumine vos ad tempus exultare voluistis.

36 At ego testimonium habeo majus quam Johannis. Quæ enim opera mihi perficienda pater tradidit, hæc, quæ ego facio, opera, de me testantur, me à patre esse missum:

37 & qui misit me pater, is de me testatus est, & vos ejus neque vocem audivistis nunquam, neque speciem vidistis,

38 neque sermonem haberis manentem in vobis: quoniam quem misit ille, huic vos non creditis.

39 Scrutamini literas, quandoquidem in eis vos æternam habere vitam putatis, & eæ sunt quæ de me testantur:

40 & tamen ad me venire non vultis, ut vitam adipiscamini.

41 Gloriam ab hominibus non admitto:

42 verum vos novi non esse Dei amore præditos.

43 Ego in mei patris nomine veni, nec accipitis me: si alius in suo ipsius nomine venerit, eum accipietis.

44 Qui possitis credere vos, qui & alii ab aliis gloriam accipiat, neque gloriæ, quæ à solo Deo est, studeatis?

45 Ne putate fore, ut ego vos apud patrem accusem: est qui vos accuset, Moses, in quo vos spem habetis.

46 Si enim Mosi crederetis, mihi crederetis, utpote cum is de me scripserit.

47 Quod si illius scriptis non creditis, quomodo meis verbis credatis?

CAPUT VI.

Quingue panibus & duobus pisciculis cibatur. Secedens Christus, Discipulos navigantes aquis inambulans assequitur. De vero & non perituro Panis vita differit. Murmurant Judæi: & discipuli plerique recedunt ab eo. Apostoli Dei filium esse fatentur.

Postea trajecit Jesus Galilææ lacum Tiberiadis,

2 sequente eum frequentia hominum multitudine, quod viderent quam portentosa faceret in ægotantibus.

3 Conscendit autem Jesus montem, & ibi cum suis discipulis resedit,

4 cum quidem instaret Pascha, Judæorum festum.

5 Sublatis igitur oculis Jesus, videns ingentem hominum multitudinem ad se venire, dicit Philippo: Unde panes ememus, quos hi comedant?

6 Id autem dicebat, ejus tenrandi gratia: sciebat enim ipse quid facturus esset.

7 Cui Philippus ita respondit: Ducentorum denariorum panes non satis sint eis, ut eorum quisque paululum quid accipiat.

8 Tam unus ex ejus discipulis,

An-

Andreas Simonis Petri frater, sic eum alloquitur:

9 Est hic quidem puer, qui habet quinque panes hordeaceos, & duos pisces: sed hæc quantula sunt ad tam multos?

10 Et Jesus: Facite, inquit, ut homines discumbant. Erat autem in eo loco multum graminis. Igitur discubuerunt viri, numero circiter quinquies mille.

11 Et Jesus sumptos panes, actis gratis, distribuit discipulis: discipuli porro discumbentibus: itidemque ex piscibus quantum voluerunt.

12 Atque illis expletis, iussit discipulis suis ut superantia frustra colligerent, ne quid periret.

13 Itaque collegerunt, & duodecim canistra ex quinque hordeaceis panibus replevere frustis, quæ convivis superfuert.

14 Igitur homines videntes quod ostentum edidisset Jesus, dicebant eum verè vatem illum esse, qui in orbem venturus esset.

15 At Jesus intelligens, venturos esse, & se rapturos, ut regem facerent, secessit rursus in montem ipse solus.

16 Deinde sub vesperam descenderunt ejus discipuli ad lacum,

17 & conscensa navi, contendeabant trans lacum ad Capharnaum: & jam contenebraverat, nec ad eos venerat Jesus,

18 & lacus vehementi flante vento concitabatur.

19 Postquam igitur stadia ferè vigintiquinque aut triginta remigarunt, aspiciunt ambulantem in lacu Jesum, ac propè navem progressum: itaque territi sunt.

20 Et Jesus dixit eis: Ego sum, ne timere.

21 Et illi eum in navem accipere voluerunt: ac protinus appulit navis ad terram, ad quam tendebant.

22 Postero die hominum turba, quæ trans lacum erat, videns nullam illic aliam esse navim, nisi unam illam quam conscenderant ejus discipuli, neque Jesum cum suis discipulis ingressum esse navem, sed solos ejus discipulos abiisse,

23 alias autem naves à Tiberiade venisse prope eum locum, ubi illi panem actis à Domino gratis comederant:

24 cum inquam vidisset hominum turba illic, nec Jesum adeste, nec ejus discipulos, conscenderunt & ipsi naves, & Capharnaum venerunt, Jesum quaerentes.

25 Quem trans lacum nacti, sic alloquuntur: Magister, quando huc venisti?

26 Quibus ita respondit Jesus: Profectò, profectò, inquam, non ideo me quaeritis, quia portenta vidistis, sed quia panes comedistis ad satietatem.

27 Procurate non periturum cibum, sed in omnem perennitatem permanens, quem vobis filius hominis dabit: hunc enim pater consignavit Deus.

28 Et illi: quid agemus, inquirunt, ut divina opera faciamus?

29 Quibus respondens Jesus: Hoc divinum opus est, inquit, ut in eum credatis, quem ille misit.

30 Et illi: Quod ergo tu specimen das, ut eo viso tibi credamus? Quid facis?

31 Majores nostri Manna in solitudine comederunt, quemadmodum scriptum est: Panem de cælo dedit eis comedendum.

32 Quibus Jesus: Hoc vobis, inquit, etiam atque etiam confirmo, non Moſem vobis panem dediffe de cœlo: ſed meus pater verum vobis de cœlo panem dat.

33 Nam divinus panis eſt qui de cœlo deſcendit, vitamque dat mundo.

34 Tum illi: Domine, da nobis perpetuo panem iſtum.

35 Et Jeſus: Ego ſum panis vitalis. Qui venit ad me nunquam eſuri- et: & qui mihi fidem habet, nunquam ſitiet.

36 Sed hoc vobis dico: vos & videtis me, neque creditis.

37 Quicquid mihi dat pater, ad me veniet: & venientem ad me ego non ejicio foras.

38 Deſcendi enim de cœlo, non ut meam, ſed ut ejus qui me miſit, voluntatem exequar.

39 Hæc eſt autem ejus qui me miſit patris voluntas, ut quicquid mihi dederit, nihil ex eo deperdam, ſed id ultimo die exſcitem.

40 Hæc eſt autem ejus qui me miſit, voluntas, ut quiſquis filium vider, in eumque credit, vitam adipiſcatur æternam, & ego eum ultimo die exſcitabo.

41 At Judæi de eo fremere, quod ſe dixerat eſſe panem qui de cœlo deſcendiſſet.

42 Nonne hic eſt Jeſus, dicebant, Joſephi filius, cujus nos patrem matremque novimus? Qui ſit ergo ut iſ de cœlo deſcendiſſe dicat:

43 At Jeſus ſic eis contra reſpondit: Ne mœſtate inter vos.

44 Nemo poteſt ad me venire, niſi pater, qui me miſit, eum trahat, à me ultimo die ſuſciendum.

45 Scriptum eſt in vatibus: et tuncq; omnes divinitus docti. Quiſquis ergo ex patre audivit, didicit, iſ ad me venit.

46 non quia patrem viderit quiſquam, niſi qui eſt à Deo, iſ patrem vidit.

47 Hoc etiam etiamque vobis confirmo, qui in me credit, vitam habet æternam.

48 Ego ſum panis vitalis.

49 Majores veſtri, qui manna vixerunt in deſertis, tamen mortui ſunt.

50 Hic eſt panis qui de cœlo deſcendit, quo qui veſcatur non ſit moriturus.

51 Ego ſum panis vivus, qui de cœlo deſcendit: quo pane qui veſcetur, vivet in perpetuum. Panis autem quem ego dabo, caro mea eſt, quam ego pro mundi vita dabo.

52 At Judæi ſic inter ſeſe deſcertare: Quomodo poteſt hic nobis carnem L. ſuam G. dare comedendam?

53 Et Jeſus: Hoc certò certòque ſcitote, inquit eis, niſi filiū hominis & carnem comederitis, & ſanguinem biberitis, non eſſe vos vita præditos.

54 Qui mea carne veſcitur, meumque ſanguinem bibit, iſ vitam habet æternam, eumque ego ultima die ſuſcitabo.

55 Caro enim mea verè eſt cibus, & ſanguis meus verè eſt potio.

56 Qui mea carne veſcitur, meumque ſanguinem bibit, iſ in me manet, & ego in eo.

57 Quemadmodum vivit pater, qui me miſit, ita & ego per patrem vivo: & qui me veſcetur, iſ quoque per me vivet.

58 Hic eſt panis qui de cœlo deſcendit, non quale manna, quocum vixerunt majores veſtri, tamen mortui ſunt. Hoc pane qui veſcetur, vivet in ſempiternum,

59 Hæc

59 Hæc dixit in collegio docens Capharnai.

60 Quibus auditis multi ex ejus discipulis dixerunt : Durus hic est sermo, quis enim audire possit ?

61 At Jesus apud seipsum intelligens, suos discipulos de eo mustare, sic eos affatur : Hoc vos offendit ?

62 Quid si videritis filium hominis eò ascendentem ubi erat antea ?

63 Spiritus est qui vivificat : caro nihil prodest. Verba quæ ego vobis loquor, spiritus sunt, & vita sunt.

64 Sed sunt ex vobis quidam qui non credunt. Sciebat enim à principio Jesus, quinam essent qui non crederent, & quis se proditurus esset.

65 Hanc ob causam, inquit, dixi vobis, neminem ad me venire posse : nisi id ei datum fuerit à patre meo.

66 Ex illo multi ejus discipulorum retrò abierunt, nec amplius cum eo versabantur.

67 Igitur Jesus duodecim sic allocutus est : Num vos quoque vultis discedere ?

68 Cui Simon Petrus ita respondit : Domine, ad quem abeamus ? tu æternæ vitæ verba habes :

69 & nos credimus & novimus te esse Christum viventis Dei filium.

70 Et Jesus : Cum ego vos duodecim elegerim (inquit eos alloquens) unus vestrum Diabolus est.

71 Dicebat autem Judam Simonis filium Iscariotam : is enim eum proditurus erat, cum unus esset ex duodecim.

C A P U T VII.

Christus affines ad festum taberna-

culorum profectos, etiam sequitur. Docet in templo. Varia de illo sunt vulgi judicia. Sacerdotes jubent eum comprehendere. Dissidium in turba propter eum. Et inter Phariseos & satellites ad capiendum eum missos. Et Nicodemum.

Postea versabatur Jesus in Galilæa : nolebat enim in Judæa versari, quòd eum conarentur interficere Judæi.

2 Instabat autem Judæorum festum umbraculorum,

3 & eum sic allocuti sunt ejus fratres : Migra hinc & in Judæam proficiscere, ut tui quoque discipuli ista quæ tu facis, opera videant.

4 Nemo enim quicquam facit in occulto, qui se celebrem esse studeat. Si ista facis, patefacio te ipsum mundo.

5 Nec enim ejus fratres fidem ei habebant.

6 Et Jesus ait eis : Nondum adest meum tempus : at vestrum tempus semper est paratum.

7 Non potest mundus odisse vos : at me odit, quoniam ego testor ejus opera esse mala.

8 Vos ascendite ad hoc festum : ego nondum ad hoc festum ascendo, quòd meum tempus nondum est completum.

9 Hæc ad eos fatus, mansit in Galilæa.

10 Deinde postquam ascenderunt ejus fratres, ascendit & ipse ad festum, non palam, sed subocculte.

11 Igitur Judæi eum in festo requirebant, & ubinam esset ille, quærebant :

12 multusque de eo fremitus erat vulgò, partim eum bonum esse dicentibus, partim negantibus, sed vulgus hominum eo decipi.

13 Nemo tamen apertè de eo loquebatur, præ Judæorum metu.

14 Jam verò medio festo ascendit Jesus in sanum & docebat,

15 mirantibus Judæis, & quo pacto literas nosset, quærentibus, cum non didicisset.

16 Quibus Jesus hac oratione respondit: Mea doctrina, mea non est, sed ejus qui me misit.

17 Si quis volet ejus voluntati parere, cognoscet de doctrina utrum ea sit à Deo, an ego mea sponte loquar.

18 Qui sua sponte loquitur, suæ ipsius gloriæ studet: qui verò ejus à quo missus est, gloriæ studet, is verax est, & ab injustitia alienus.

19 Moyses legem vobis tradidit, & tamen nullus vestrum legem parer. Quid me interficere conamini?

20 Et vulgus: Tu furis, inquit respondentes: Quis te conatur interficere?

21 Quibus Jesus ita respondit: ego opus unum feci, & vos omnes miramini.

22 Ideò vobis circumcisionem tradidit Moyses, non quòd ea sit à Mose, sed à majoribus: & circumciditis Sabbato hominem.

23 Si circumcisionem accipit homo Sabbato, ut non solvatur Moysis lex: mihi succensetis, quòd totum hominem sanum effeci Sabbato?

24 Ne ex aspectu judicate, sed justum judicium facite.

25 Dicebant ergo quidam Hierosolymitanorum: Nonne hic est quem conantur occidere?

26 Atqui apertè loquitur, nec à quicquam contradicatur. Num erant norunt proceres, eum verè esse Christum?

27 Sed hunc scimus unde sit: at Christus cum venerit, unde sit, nemo sciet.

28 At Jesus in fano clamans, docebat hujusmodi verbis: Scilicet vos me nostis, & unde sum nostis: ego verò mea sponte non veni, sed ab eo missus qui verax est, quem vos non nostis.

29 At ego eum novi, quippe cum ab eo sum, cumque is me miserit.

30 Illi verò eum comprehendere conabantur, nec tamen quicquam ei manus iniecit, quoniam nondum venerat ejus hora.

31 At ex plebe frequentes ei fidem habuerunt, & ita dictitabant: Christus cum venerit, num plura portenta edet, quàm hic edidit?

32 Hæc vulgo de eo missari audientes Pharisei, miserunt tum ipsi, tum pontifices, ministros, qui eum comprehenderent.

33 Quibus Jesus ita dixit: postquam adhuc parvo tempore apud vos fuero, discedam ad eum qui me misit.

34 Quæretis me, nec invenietis: atque ubi ero ego, eò vos venire non potestis.

35 At Judæi sic apud sese dictitare: Quoniam abiturus est hic, ut nos eum non simus inventuri? Num in dispersas Græcorum nationes discessurus est, docturusque Græcos?

36 Quod est id dictum, quo dixit: Quæretis me, nec invenietis: & ubi ero ego, eò vos venire non potestis?

37 Postremo autem die, qui erat festi celeberrimus, constitit Jesus, & hisce verbis clamavit: Si quis sitit, veniat ad me, & bibat.

38 Qui mihi fidem habet, ut perhibent literæ, ejus ex ventre fluent perennis aquæ flumina.

39 Id autem dicebat de spiritu quem accepturi erant, qui in eum crederent. Nondum enim erat spiritus sanctus, utpote cum Jesus nondum gloriosus esset factus.

40 Plerique igitur ex plebe, audita ea oratione, dicebant eum esse verè vatem.

41 Alii dicebant esse Christum: alii Christum à Galilæa profecturum negabant:

42 quippe cum in Literis haberetur, ex Davidis semine, & à Bethlehema (quo in vico fuerat David) profecturum esse Christum:

43 itaque propter eum extitit in vulgo dissidium:

44 atque eorum nonnulli eum comprehendere volebant: sed nullus ei manus injecit.

45 Venerunt igitur ministri ad Pontifices & Phariseos, & quærentibus illis cur eum non adduxissent,

46 responderunt nullum unquam hominem sic locutum fuisse, ut is homo.

47 At Pharisei contra: Num vos quoque decepti estis? inquirunt eis.

48 Num quis ex proceribus in eum credidit, aut ex Phariseis?

49 At ista plebs ignara legis, nefaria est.

50 Hic Nicodemus, qui eum noctu convenerat, & erat ex eorum numero, sic ad eos verba facit:

51 An lex nostra hominem damnat, nisi prius eum audiverit, ejusque factum cognoverit?

52 Cui illi sic responderunt: An tu quoque à Galilæa es? Perscrutare, & videbis nullum ex Galilæa extitisse vatem.

53 Ita in suam quisque domum discesserunt,

CAPUT VIII.

Mulieri in adulterio deprehensa, condonantur peccata. Christum lux mundi. Pharisei quarunt ubi sit ipsius pater. Filii Abrahæ. Filii Dei. Satan mendacii pater. Abraham vidit diem Christi.

Jesus autem in olivarum montem discessit.

2 Deinde manè rursus venit in sanum, omnique ad eum veniente populo, confidet & eos docet.

3 Adducunt autem ad eum Scribæ & Pharisei mulierem in adulterio deprehensam, eaque in medio constituta,

4 sic eum alloquuntur: Magister, hæc mulier deprehensa est in ipso facinore cum adulteraret.

5 In lege autem Moses nobis tales lapidandas esse præcepit. Tu igitur quid ais?

6 Hoc autem dicebant, ejus tentandi causa, ut eum accusare possent. At Jesus sese proclinare, & digito humum exarare.

7 Ac illis eum interrogant pergentibus, erexit se: & Qui vestrum peccati expers est, primus in eam lapidem jaciatur.

8 Hæc locutus, sese rursus proclinat, & terram inscribit.

9 Quo audito illi discedunt singuli, à senioribus exoritur relictusque est solus Jesus, & astant in medio femina.

10 Tum Jesus ut sese erexit, & neminem, excepta muliere, vidit, dixit ei: Mulier, ubi sum illi accusatores tui? Nullus te condemnavit?

11 Nullus, Domine, inquit illa. Et Jesus: Nec ego te condemnabo. Abi, & deinceps peccata noli:

12 Item eos Jesus sic allocutus est: Ego sum lux mundi.

Qui me sequetur non in tenebris gradietur, sed vitæ lumen habebit.

13 Et Pharisei: Tu de testamento testaris, inquit ei: testimonium tuum verum non est.

14 Quibus Jesus contrā: Etsi ego de meipso testor, est tamen verum meum testimonium, ut qui sciam unde venerim, & quod abeam. Vos neq; unde venerim, neque quo discedam, scitis.

15 Vos more hominum iudicatis: ego neminem iudico:

16 & si iudicarem ego, iudicium meum verum esset: utpote qui non sum solus, sed unā mecum pater adsit, qui misit me pater.

17 In vestra quoque lege scriptum est, duorum hominum testimonium esse verum.

18 De me & ego ipse testimonium dico, & dicit etiam is qui me misit pater.

19 Et illi: ubi est tuus pater, inquit ei. Vos neque me novistis (respondit Jesus) neque patrem meum. Si me novissetis, et patrem meum novissetis.

20 Hanc orationem habuit Jesus apud fiscum, docens in fano: cum eum comprehendit quisquam, quod nondum venerat hora.

21 Sic autem eos rursus allocutus est Jesus: Ego abiturus sum, & vos me requiretis, atque in venio peccato moriemini. Quod ego vobis dico, vos non potestis venire.

22 Et Judæi: Num ipse se interficiet, inquit, ut dicat, quod ipse abiturus est, non posse venire nos?

23 At ille: Vos infernè estis, inquit eis, ego supernè sum: ex hoc mundo estis, ego ex hoc mundo.

24 Itaque dixi vobis, vos in testimonio vestris morituros. Nisi

enim me cum esse credideritis, in peccatis vestris moriemini.

25 Et illi: Tu quis es? inquit ei. Quibus Jesus: Id quod jam dudum vobis eloquor, inquit.

26 Multa habeo de vobis dicere, & quidem cum iudicio: sed ut qui me misit verax est, sic ego ea demum, quæ ex eo audiavi, apud orbem eloquor.

27 Cum illi eum sibi de patre loqui non intelligerent,

28 Jesus sic eos alloquitur: Postquam filium hominis extuleritis, tum intelligetis, eum esse me, qui mea sponte faciam nihil: sed sicut me docuit pater meus, hæc loqui:

29 eumque qui me misit, adesse mihi. Non me deseruit solum pater, quandoquidem ego semper quæ ei accepta sint facio.

30 Hæc eo loquente, frequentes ei fidem habuerunt.

31 Igitur Jesus eos Judæos, qui sibi fidem habebant, sic allocutus est: Si vos in meis dictis manebitis, verè mei discipuli eritis,

32 veritatemque cognoscetis, quæ veritas vos in libertatem vindicabit.

33 Illi contrā: Abrahami progenies sumus, neque cuiquam unquam servivimus: qui sit ut tu dicas, nos liberos factum iri?

34 Quibus Jesus respondit: Certè, certè, inquam vobis, quisquis peccatum facit, peccati servus est.

35 Servus autem domi non manet perpetuò, filius manet perpetuò.

36 Quod si vos filius liberos fecerit, reipsa liberi eritis.

37 Scio vos Abrahami progeniem esse: sed cupitis interficere me, quoniam oratio mea in vobis locum non habet.

38 Ego quod à patre meo cognovi, loquor : itidem vos quod didicistis à patre vestro facitis.

39 Cui illi contra : Pater noster Abrahamus est. Et Jesus : Si Abrahami nati essetis, inquit eis, Abrahamo digna faceretis.

40 At nunc cupitis me perimere, hominem, qui verum vobis effatus sum, quod ex Deo audiui. Istud non fecit Abrahamus.

41 Vos patre vestro digna facitis. Cui illi : Nos ex stupro nati non sumus : unum patrem habemus Deum.

42 Si Deus esset pater vester (inquit eis Jesus) amaretis me : ego enim à Deo profectus veni. Nec enim mea sponte veni, sed ille me misit.

43 Cur meam orationem non agnoscitis? quia mea dicta audire non potestis.

44 Vos ex patre Diabolo estis, patrisque vestri libidinibus libenter obtemperatis. Ille jam ab initio fuit homicida, nec in veritate persistit, quippe qui non sit veritate præditus. Quando falsum loquitur, de suo loquitur, ut qui sit mendax, mendacique pater.

45 At mihi vos, qui verum dico, non creditis.

46 Quis me vestrum coarguerit peccati? quod si verum dico, cur mihi vos non creditis?

47 Qui à Deo est, Dei verba audit. Vos ideo non auditis, quod à Deo non estis.

48 Tum contra Judæi : An non rectè dicimus nos, te esse Samaritanum, & dæmonium habere?

49 Quibus Jesus respondit : Ego dæmonium non habeo, sed patrem meum honoro : vos verò me probro afficitis.

50 Sed non ego meæ gloriæ

studeo : est qui studeat, & cum ratione.

51 Hoc vobis etiam atque etiam confirmo, si quis meæ orationi paruerit, eum nunquam visurum esse mortem?

52 Tum Judæi : Nunc intelligimus te dæmonium habere : Abrahamus ipse mortuus est, ipsique vates : & tu dicis, si quis orationi tuæ paruerit, eum nunquam visurum esse mortem?

53 Num tu major es patre nostro Abrahamo? qui tamen mortuus est, & vates ipsi mortui sunt : Quem tu te facis?

54 Respondit Jesus : Si ego meipsum laudarem, laudatio mea nihil esset. Est pater meus qui me laudat, quem vos dicitis esse vestrum Deum,

55 & tamen eum non novistis. At ego eum novi : & si eum mihi notum esse negarem, vestrum similis essem, mendax. Sed eum novi, ejusque dictis pareo.

56 Abrahamus ille parens vester meam diem videre gestivit, & vidit, idque lætatus est.

57 At Judæi : Quinquaginta annos nondum habes, & Abrahamum vidisti?

58 Quibus Jesus : Hoc mihi certò certòque credite, priusquam Abrahamus esset, ego sum.

59 Tum illi lapides sustulerunt, quos in eum conjicerent. At Jesus sese abdidit, & ex foras exiit.

C A P U T IX.

Christus cæci nati oculos in Sabbatho aperit. Qui cum diu contra Phariseos disputasset, à Synagoga ejectum Christus æterna lætatione donat.

PRæteriens autem Jesus viam per hominem à nativitate cecum,

2 de quo sic eum interro-

runt ejus discipuli: Magister, utrum quia peccaverit hic, an quia ejus parentes, cæcus natus est?

3 Quibus Jesus respondit: Neque quia ipse, neque quia ejus parentes peccaverint, sed ut in eo divina opera patefiant.

4 Mihi agenda sunt ejus qui me misit, negotia, dum dies est. Veniet nox, cum operari nemo potest.

5 Donec in mundo sum, lux mundi sum.

6 Hæc locutus, sputavit humi & ex sputo lutum fecit, quod lutum cæci oculis illeivit,

7 eique jussit ut iret lotum in piscinam Siloam, quod verbum idem est atque missus. Atque ille ivit, & lavit, rediitque videns.

8 Tum vicini, & qui eum antea cæcum esse viderant, quærebant num is esset, qui antea sedebat & mendicabat.

9 Alii eum esse, alii ejus similem esse dicebant. Ipse, eum se esse aiebat:

10 & sciscitantibus, quo pacto ei aperti fuissent oculi?

11 sic respondit: Homo nomine Jesus, lutum fecit, & mihi oculos illeivit, jussitque ut irem ad piscinam Siloam, & lavarem. Ego ivi, & lavi, & dispexi.

12 Et illi: Ubi est ille? Nescio, inquit.

13 Illi eum qui fuerat aliquando cæcus, ad Phariseos ducunt.

14 Erat autem Sabbatum, quando Jesus facto luto ejus oculos aperuit.

15 Igitur eum rursus interrogarunt Pharisei, quo pacto dispexisset? Quibus ille: Lutum, inquit, imposuit meis oculis, & lavi, & video.

16 Tum quidam Phariseorum

dicere, eum hominem à Deo non esse, quod Sabbatum non ageret. Alii sic dicere: Qui posset improbus homo tam prodigiosa facere? Ita cum esset inter eos dissensio,

17 sic cæcum rursus interrogant: Tu quid de eo dicis, qui tibi oculos aperuerit: Vatem esse, inquit ille.

18 At Judæi eum & cæcum fuisse, & dispexisse, non crediderunt, donec accersitos ejus parentes qui despexerat,

19 sic interrogarunt: Hicne filius est vester, quem vos dicitis cæcum esse natum? Qui sit ergo ut nunc cernat?

20 Quibus ejus parentes ita responderunt: Hunc filium esse nostrum, & cæcum fuisse natum scimus:

21 quomodo verò nunc cernat, nescimus: aut quis ei aperuerit oculos, nos nescimus: ipse jam grandis est, ipsum interrogate: ipse de seipso loquetur.

22 Hæc eò dixerunt ejus parentes, quòd Judæos formidabant. Jam enim conspiraverant Judæi, ut si quis eum Christum esse confiteretur, is collegii communione privaretur.

23 Hanc ob causam dixerunt ejus parentes jam grandem esse: ipsum interrogarent.

24 Illi igitur denuo hominem evocarunt, qui cæcus fuerat, eique dixerunt: Tribue Deo gloriam: nos scimus hunc hominem improbum esse.

25 Et ille respondens: An improbus sit, inquit, nescio; unum scio, me, qui cæcus fui, nunc videre.

26 Et illi rursus: Quid tibi fecit? inquiunt ei: quo pacto tuos oculos aperuit?

27 Quibus ille respondit:

Jam vobis dixi, nec audivistis: quid rursum vultis audire? num vos quoque vultis ejus discipuli fieri?

28 At illi ei convicium fecerunt: & Tu es ejus discipulus, inquiunt: nos verò Mosis discipuli sumus.

29 Nos scimus, cum Mose locutum esse Deum: hic autem unde sit nescimus.

30 At homo contrà: Ergo in eo est admirabilitas, inquit, quod vos nescitis unde sit, & tamen oculos meos aperuit.

31 Jam scimus, improbos à Deo non audiri: sed si quis pius est, & ejus voluntati paret, hunc audit.

32 Nunquam fando auditum est, quenquam aperuisse oculos cæci nati.

33 Nisi esset is à Deo, nihil posset facere.

34 Tum illi: Tu totus in peccatis natus es, inquiunt ei, & nos doces? Itaque eum foras ejecerunt.

35 Jesus audiens, eum ab illis foras ejectum, nactus eum, sic est allocutus: Credisne in Dei filium?

36 Et ille respondens: Quis verò is est, Domine, ut in eum credam?

37 Cui Jesus, Vides eum, inquis: is est qui tecum loquitur.

38 Et ille: credo, Domine, inquit, eumque veneratus est.

39 Et Jesus: Ad ejusmodi delictum ego in hunc, inquit, orbem veni, ut qui non vident, videant: & qui vident, cæci fiant.

40 His auditis, Pharisei qui una erant, dixerunt ei: An & nos cæci sumus?

41 Quibus Jesus: Si cæci essetis, inquit, non essetis in vitio: nunc quia dicitis, vos cernere, manet vestrum peccatum.

C A P U T X.

Phariseos Christus pastores malos: se verò multis argumentis bonum comprobat. Dissidium propterea oritur. Lapides solentium, & prehendere cupientium manus evadit.

Certo certoque scitote, qui in ovium stabulum non per januam intrat, sed alià transcendit, eum furem ac latronem esse.

2 Qui verò per januam intrat, pastor est ovium.

3 Huic janitor aperit, ejusque vocem audiunt oves, isque suas oves appellat nominatim, educitque.

4 & emissis ovibus suis prætuit viam: eumque sequuntur oves, quippe cujus vocem agnoscant,

5 alienum autem non sequuntur, sed fugiant, quippe quæ alienorum vocem non agnoscant.

6 Hanc sententiam cum eis dixisset Jesus, nec illi intelligerent quid sibi vellent ea quæ eis dicebat,

7 Jesus porrò dixit eis: Certo certoque scitote, me ovium esse januam.

8 Omnes quicumque ante me venerunt, fures sunt & latrones, nec eos audiverunt oves.

9 Ego sum janua: per me qui intrabit, servabitur, & intrabit, & exibit, & pascuum inveniet.

10 Fur non venit nisi ut furetur, ut mactet, ut perdat. Ego veni ut vitam habeant, & largius habeant.

11 Ego sum pastor bonus. Pastor bonus animam suam ponit pro ovibus.

12 At mercenarius, qui pastor non est, cujus suæ non sunt oves, si venientem lupum videt, fugit, relictis ovibus: lupus oves rapit, ac profligat.

13 Ali

13 At mercenarius fugit, nempe mercenarius, nec ovium curam gerens.

14 Ego sum pastor bonus, & meas agnosco, & à meis agnoscor.

15 Ut me novit pater, sic ego patrem novi, animamque meam pono pro ovibus.

16 Et alias oves habeo, quæ non sunt hujus ovilis: quæ etiam mihi adducendæ sunt, meamque vocem audient, & fiet unum ovile, unus pastor.

17 Ideo me pater amat, quia animam meam pono, ut eam resumam.

18 Eam mihi nullus eripit, sed eam ipse mea sponte pono. Potestatem habeo eam ponendi, itemque potestatem habeo eam rursus sumendi. Hoc præceptum accepi à patre meo.

19 Propter hæc dicta ortum est rursus inter Judæos dissidium,

20 eorumque plerique dicebant: Dæmoniis agitur & insanit, quid eum auditis?

21 Alii dicebant: Hæ res dæmonium habentis non sunt: potestne dæmonium cæcorum oculos aperire?

22 Cum autem agerentur Hierosolymis Instauralia & hyems esset,

23 ambularetque Jesus in foro in Solomonis portico,

24 Judæi eum circumfusi sic alloquuntur: Quamdiu suspenses tenebis animos nostros? Si tu Christus es, dic nobis apertè.

25 Quibus Jesus ita respondit: Dixi vobis, neque creditis. Opera quæ ego mei patris nomine facio, ea de me testantur:

26 sed vos non creditis: quoniam ex meis ovibus non estis, quemadmodum vobis dixi.

27 Oves meæ vocem meam audiunt, easque ego novi, &

ipsæ me sequuntur;

28 & eis vitam do sempiternam, nec possunt unquam perire, nec mihi quisquam eas de manu eripuerit.

29 Meus pater, qui mihi dedit eas, maximus est omnium, nec quisquam possit ex manu mei patris extorquere.

30 Ego & pater unum sumus.

31 Hic Judæi rursus lapides sustulerunt, ut eum lapidarent.

32 Quos Jesus sic contrà allocutus est: Multa vobis præclara opera, meo patre autore, edidi: propter quodnam eorum operum me lapidatis?

33 Cui Judæi sic responderunt: Ob præclarum opus non lapidamus te, sed ob impia dicta: & quod homo cum sis, Deum te facis.

34 Et Jesus contrà: Nonne scriptum est in vestra disciplina: Ego vos deos appellavi?

35 Si illos appellavit deos, ad quos Dei sermo habitus est, nec scriptum rescindi potest,

36 vos me, quem pater consecravit, & in mundum misit, impiè loqui dicitis, quod me Dei filium esse dixerim?

37 Si patre meo digna non facio, mihi ne credite,

38 Sin facio, si mihi minus creditis, at factis credite, ut & patrem in me, & me in eo esse cognoscatis, ac credatis.

39 Hic illi eum rursus comprehendere conabantur. Sed exiit ex eorum manu,

40 abiitque rursus trans Jordanem in eum locum ubi primum baptizaverat Johannes, ibique mansit.

41 Ac frequentes ad eum veniebant: & Johannem quidem nullum edidisse prodigium dicebant, sed quæcunque de eo

Johannes dixisset, ea esse vera:

42 multique in eum illic crederunt.

C A P U T XI.

Christus ostensus se esse vitam & resurrectionem, Lazarum mortuum, & sepultum resuscitat. Consultantibus pontificibus, Caiaphas unum pro multis occidendum pradicat. Praecipit ut ubi fuerit prehendatur.

ERat autem quidam ægrôtus Lazarus à Bethania, Mariæ & ejus sororis Marthæ vico.

2 Erat autem Maria ea, quæ Dominum unguento perfuderat, ejusque pedes suis capillis extenderat: cujus frater Lazarus ægrôtabat.

3 Miserunt igitur ejus sorores illi significatum ita: Domine, scito eum quem amas ægrôtare.

4 Hoc audito Jesus ita dixit: Hic morbus lethalis non est, sed ob Dei gloriam est, ut per eum celebretur Dei filius.

5 Amabat autem Jesus Martham, ejusque sororem & Lazarum.

6 Ut igitur eum ægrotare audivit, tum quidem mansit in quo erat loco duos dies.

7 Postea dicit suis discipulis: Petamus rursus Judæam.

8 Cui discipuli, Magister, inquit, modò te conabantur lapidare Judæi, & eodem rursus abis?

9 At Jesus contrà: Cùm duodecim horæ sint diei, si quis interdiu graditur, non offendit: hujus enim mundi lucem aspicit.

10 At si quis noctu graditur, offendit, quia lumine caret.

11 Hæc fatus, sic eos deinde alloquitur: Lazarus amicus noster obdormivit, sed ego ad eum expergefaciendum vado,

12 Tum ejus discipuli: Domine, inquit, si obdormivit, salvus est.

13 Dixerat autem Jesus de ejus morte: illi verò de somni sopore dicere opinabantur.

14 Itaque tum dixit eis Jesus apertè: Lazarus mortuus est,

15 atque equidem me illic non adfuisse, gaudeo vestra causa, ut credatis. Sed proficiscamur ad eum.

16 Et Thomas nomine Didymus: eamus & nos, inquit discipulis, ut cum eo moriamur.

17 Igitur Jesus ubi venit eo, invenit eum quartum jam diem agentem in monumento.

18 Aberat autem probè Bethania Hierosolymis stadia circiter quindecim,

19 multique Judæorum ad Martham & Mariam venerant, ut eas de suo fratre consolarentur.

20 Igitur Martha ut Jesum venire audivit, ei obviam sedente domi Maria, ivit:

21 & sic eum allocuta est: Domine, si tu hîc adfuisses, meus frater mortuus non fuisset.

22 Quanquam nunc quoque scio, quicquid à Deo petiveris, daturum esse tibi Deum.

23 Cui Jesus: resurget frater tuus.

24 Scio, inquit ei Martha, resurrecturum esse in resurrectione in ultima die.

25 Et Jesus: Ego sum, inquit ei, resurrectio & vita. Qui me credit, etiam si mortuus fuerit, reviviscet:

26 & quisquis vivit, & in me credit, nunquam moriturus erit. Credis hoc?

27 Etiam, Domine, inquit ei, la, Ego credo, te Christum Dei filium, qui in mundum venturus eras.

28 Atque hæc locutus, ivit ac-
cessitum Mariam sororem suam,
eique clanculum dixit, magi-
strum adesse, qui eam vocaret.

29 Illa hoc audito, celeriter
surgit, & illum adit.

30 Nondum autem venerat
Jesús in vicum, sed in eo erat
loco, ubi ei occurrerat Martha.

31 Judæi ergo, qui cum ea
domi aderant, eamque consola-
bantur, videntes Mariam celeri-
ter surrexisse atque exisse, se-
cuti sunt eam, rati eam ad mō-
nimentum ire, ut ibi ploraret.

32 Igitur Maria ut eō venit,
ubi erat Jesús, eō viso, ei ad pe-
des accidit: Domine (inquit ei)
si tu hīc adfuisses, non fuisset
mortuus frater meus.

33 Tum Jesús ubi eam ploran-
tem, & comitatos eam Judæos
plorantes vidit, infremuit ani-
mo, conturbatusque dixit:

34 Ubi eum posuistis? Do-
mine, inquit ei, veni visum.

35 Lacrymavit Jesús.

36 Itaque Judæi dicebant:
En quantopere eum amabat?

37 Item eorum quidam dice-
bant: Non poterat is, qui cæci
oculos aperuit, efficere, ut hīc
quoque non moreretur?

38 Jesús igitur rursus apud se
fremens, venit ad monimentum.
Erat autem fossa, cui impositum
erat saxum.

39 Et Jesús dixit: Auferte
saxum. Cui mortui soror Mar-
tha: Domine, inquit, jam fœ-
ter, nam quatuor dierum est.

40 At Jesús: Diximē ego tibi,
inquit ei, te, si fidem habueris,
visuram Dei gloriam?

41 Igitur illi saxum sustule-
runt, ubi situs erat mortuus. Et
Jesús sublatis sursum oculis, di-
xit: Pater, ago tibi gratias, quod
me audivisti.

42 Equidem sciebam, ut tu
me semper audias: sed propter
circumstantem hominum multi-
tudinem dixi, ut me abs te mis-
sum esse credant.

43 Hæc ille fatus ingenti voce
clamavit: Lazare, veni foras.

44 Et mortuus exiit, pedes
manusque vinctus fasciis, vultu
sudario obvelato. Solvite eum,
inquit eis Jesús, & abire finite.

45 Igitur multi Judæorum,
qui ad Mariam venerant, & quid
fecisset Jesús viderant, in eum
crediderunt.

46 At eorum quidam Phari-
sæi adierunt, & eis quæ fecis-
set Jesús dixerunt.

47 Itaque pontifices & Phari-
sæi coacto concilio, ita dicebant:
Quid agimus? nam hic homo
multa portentosa facit.

48 Si eum sic sinimus, omnes
ei fidem adjungent: atque ita
venient Romani, qui nos & lo-
co & gente privabunt.

49 Tum eorum quidam Cai-
phas ejus anni pontifex, sic ad
eos verba facit: Vos nihil scitis,

50 neque cogitatis, conduci-
bilis esse nobis, unum homi-
nem pro populo mori: quàm
totam perire gentem.

51 Id autem non sua sponte
dixit, sed quod esset ejus anni
pontifex, vaticinatus est, Jesum
pro gente moriturum esse:

52 Nec solum pro gente, sed
etiam ut dispersos Dei natos si-
mul congregaret.

53 Igitur ex eo die de eo per-
imendo consularunt.

54 Itaque Jesús non jam aper-
te versabatur in Judæis, sed in-
de discessit in locum prope soli-
tudinem in oppidum Ephraim
nomine, atque ibi commoratus
est cum suis discipulis.

55 Instabat autem Judæorum
G. 4. Pascha,

Pascha, & multi qui ex ea regione Hierosolymam ante Pascha sui Iustrandi gratia ascenderant,

56 requirebant Jesum, & in fano stantes, sic inter sese dictitabant: Quid vobis videtur, quod non venerit ad festum?

57 Dederant autem Pontifices & Pharisei mandatum, ut si quis sciret ubinam is esset, indicaret, ut eum caperent.

C A P U T XII.

Christo apud Lazarum cœnanti, pedes ungit Maria. Accusatur à Juda. A Christo defenditur. Sacerdotes Lazarum sublatum cupiunt. Christo Hierosolymam venienti obviam itur. Græci eum videre cupiunt. Principes credentes in eum, & non consentientes ob metum, ad fidem hortatur

Igitur Jesus sex diebus ante Pascha Bethaniam venit, ubi erat Iazar⁹, qui mortuus fuerat, quem ille ex mortuis excitaverat.

2 Illic ei data cœna est, cum quidem Martha ministraret, & Lazarus ex eodem numero esset, qui cum eo accumbebant.

3 Maria verò sumpta libra preciosi unguenti spicatae nardi, Jesu pedes perfudit, eosdemque suis capillis extersit. Ejus unguenti odore cum domus repleta foret,

4 unus ex ejus discipulis, Judas Simonis filius, Iscariota, qui eum proditurus erat, ita loquitur:

5 Cur hoc unguentum non est trecentis denariis venditum, & in pauperes erogatum?

6 Id autem dixit, non quod ei caræ essent pauperes, sed quod fur erat, & crumenam habebat, ac quæ conferebantur portabat:

7 Tum Jesus: Sine eam, inquit: id ad meæ sepulturæ diem reservavit,

8 Pauperes enim semper habebitis vobiscum: at me non semper habebitis.

9 Igitur cum ingens Judæorum multitudo eum illic esse cognovisset, venerunt eo non solum propter Jesum, sed etiam ut Lazarum viderent, quem suscitaverat ex mortuis.

10 Consultarunt autem Pontifices etiam de Lazaro necando,

11 quod propter eum multi Judæorum disciscabant, & in Jesum credebant.

12 Postero die frequens hominum turba, qui ad festum venerant audientes Jesum adventare Hierosolymam,

13 sumptis palmarum ramis, ei obviam exierunt, atque ita clamabant: Hosanna, bene sit venienti in nomine Domini, regi Israelitarum.

14 Nactus autem Jesus asellum, in eo sederat, quemadmodum scriptum est.

15 Ne metue puella Sion: ecce tuus rex venit in asinæ pullo sedens.

16 Atque hæc quidem primum non intellexerunt ejus discipuli: sed postquam illustratus est Jesus, tum demum recordati sunt ea & de eo fuisse scripta, & se ei præstitisse.

17 Testificabatur autem hominum multitudo, qui cum eo adfuerant cum Lazarum evocavit è monumento, & à mortuis excitavit.

18 Atque hanc ob causam occurrit ei vulgus, quod id eum edidisse prodigium audivissent.

19 Itaque Pharisei sic inter sese dicebant: Videtis nihil proficere vos, cum eum sequatur mundus.

20 Erant autem quidam Græci, ex iis qui ascenderant ut in festo adorarent.

21 Ii Philippum adierunt, eum qui erat à Bethsaida Galilææ, cumque

eamque sic rogarunt: Domine, vellemus Jesum videre.

22 Id Philippus Andreas indicatum it, & porro Andreas & Philippus Jesu dicunt.

23 Et Jesus sic eis respondit: Venit hora, qua illustretur filius hominis.

24 Profectò, profectò, inquam vobis, nisi frumenti granum ad terram lapsum moriatur, ipsum solum manet: sin moriatur, multum fructum fert.

25 Qui animam suam amabit, eam perdet: & qui animam suam in hoc mundo oderit, is eam in sempiternam vitam conservabit.

26 Si quis mihi ministrat, me sequatur: atque ubi ero ego, ibidem meus etiam minister erit. Quòd si quis mihi ministrabit, eum pater honorabit.

27 Nunc mihi turbatus est animus: ecquid dicam? Pater defende me ab hac hora: sed ideo veni in hanc horam.

28 Pater illustra tuum nomen. Tum hæc vox de cælo venit: Et illustravi, & rursus illustrabo.

29 Hoc audito, vulgus hominum qui aderant, dicebat extitisse tonitru. Alii angelum cum eo locutum aiebant.

30 At Jesus ita loquutus est: Non propter me vox hæc extitit, sed propter vos.

31 Nunc fit de hoc mundo judicium: nunc hujus mundi princeps exigitur foras:

32 & ego si à terra evectus fuero, omnes ad me traham.

33 Id autem dicebat significans, quo letho moriturus esset.

34 Ei vulgus respondit: Nos audimus, ex disciplina, Christum semper esse permanentem: qui sit, ut tu dicas, evehendum

esse filium hominis? quis est iste filius hominis.

35 Quibus Jesus: Adhuc parvo tempore vobis futura lux est. Ambulate dum lucem habetis, ne vos opprimant tenebræ: quoniam qui in tenebris ambulat, nescit quòd eat.

36 Dum lucem habetis, credite in lucem, ut lucis filii fiamus. Hæc locutus Jesus discessit, & eis sese subduxit.

37 Sed quamvis tot in eorum conspectu ostenta fecisset, tamen in eum non credebant: ut illud ab Esaia vate dictum fieret, cum ait:

38 Domine, quis credidit orationi nostræ? & Jovæ brachium cui patefactum est?

39 Ideo credere non poterant, quòd item dixit Esaïas:

40 Eorum & oculos excavit, & animos stupefecit, ne oculis videant, & animo intelligant, ad frugemque redeant, atque eos ego sanem.

41 Hæc dixit Esaïas, tum cum ejus splendorem vidit, deque eo locutus est.

42 Tametsi multi ex principibus in eum crediderunt: sed id propter Phariseos non ferebantur, ne collegii communitate privarentur:

43 plus enim amabant hominum, quàm Dei gloriam.

44 Jesus autem clamavit his verbis: Qui in me credit, non in me credit sed in eum qui me misit:

45 & qui me videt, eum videt qui me misit.

46 Ego lux in mundum veni, ut quisquis in me crediderit, non maneat in tenebris.

47 Quòd si quis mea verba audierit, neque crediderit, ego eum non damno. Non enim ut

mandum damnem, veni, sed ut mundum conservem.

48 Qui me repudiat, nec mea verba admittit, habet qui se damnet. Ipse sermo, quem ego loquor, eum damnabit in postremo die.

49 quoniam ego non mea sponte loquor, sed qui me misit pater, is mihi in mandato dedit, quid dicturus aut locuturus sim :

50 & scio ejus mandatum sempiternam esse vitam. Quæ igitur eloquor ego, quemadmodum mihi dixit pater sic eloquor.

CAPUT XIII.

A cœna surgens Christus, humilitatem commendaturus Apostolis, pedes eorum lavat. Proditorem Judam, certo signo denotat. Charitatem commendat. Et Petro lapsum abnegationis prædicit.

Ante festum autem Paschæ, sciens Jesus suam horam venisse, qua ex hoc mundo migraret ad patrem, cum suos, qui erant in mundo, amavisset, eos ad extremum amavit.

2 Et cœna parata, cum jam diabolus Judæ Simonis filio Iscariot mentem injecisset, ut eum proderet :

3 sciens Jesus patrem sibi omnia in manum dedisse, seque à Deo profectum, ad Deum discedere,

4 surgit ex cœna, dispositisque vestibus, sumpto linteo, ac præcingit.

5 Deinde immissa in pelviam aqua, discipulorum pedes lavare institit, & linteo, quo præcinctus erat, abstergere.

6 Sed ubi ad Simonem Petrum venit, ille sic ei dixit : Domine, tene mihi lavare pedes?

7 Cui Jesus : Quid ego faciam, inquit respondens, tu nunc ignoras, sed postea cognosces.

8 Et Petrus : Nunquam meos pedes lavabis, inquit ei. At Jesus contra, Nisi te lavero, inquit, non eris meus particeps.

9 Tum Simon Petrus : Domine, inquit ei, non solum meos pedes, sed etiam manus atque caput.

10 Cui Jesus : Qui lotus est, inquit, huic non opus est nisi ut pedes lavet, quin totus purus est. Et vos puri estis, sed non omnes.

11 Noverat enim suum proditorem, ideo dicebat, non omnes esse puros.

12 Postquam eorum pedes lavit, sumptis suis vestibus rursus accubuit, & eos sic allocutus est : Intelligitis quid vobis fecerim?

13 Vos me magistrum & dominum appellatis, & rectè dicitis : sum enim.

14 Si igitur ego vobis, & dominus & magister ; pedes lavii, vos quoque debetis alii aliorum lavare pedes.

15 Exemplum enim præbui vobis, ut quemadmodum ego vobis feci, vos quoque faciatis.

16 Certè, certè, inquam vobis, non est servus domino suo major neque legatus eo major qui eum misit.

17 Si hoc nosis, felices estis, si ea præstatis.

18 Non de omnibus vobis dico : ego scio quos elegerim. Sed oportet ut fiat quod scriptum habetur : qui mecum cibum capit, is me calce petit.

19 Jam nunc dico vobis, antequam fiat : ut cum factum fuerit, credatis eum esse me.

20 Hoc vobis certò certoque dico, qui cum quem ego mittere accipit,

accipit, me accipit: & qui me accipit, eum accipit qui me misit.

21 Hæc locutus Jesus, turbatus est animo, & ita apertè dixit: Certò, certoque scitote, futurum esse ut unus vestrum me prodar.

22 Tum discipuli inter sese intueri, dubitantes de quo diceret.

23 Recumbebat autem unus discipulorum Jesu, in ejus gremio, quem Jesus amabat.

24 Huic innuit Simon Petrus, ut sciscitaretur quisnam is esset, de quo diceret.

25 Atque ille in Jesu pectus incumbens: Domine, inquit ei, quis est?

26 Cui Jesus respondet; Is est, cui ego intinctam buccam porrigam. Tum buccam intingit, & Judæ Simonis filio Iscariotæ dat:

27 ac tum post eam buccam, intravit in eum Satanæ. Et Jesus ei dixit: Quod facis, fac ocyùs.

28 Id autem quorsum ei dixisset, nemo accumbentium intellexit.

29 Nonnulli enim arbitrabantur, quandoquidem crumenam habebat Judas, Jesum mandare, ut emeret quæ eis opus esset ad festum, aut pauperibus ut aliquid daret,

30 Igitur ille simulac sumpsit buccam, exivit, cum quidem nox esset:

31 quo egresso, sic satur Jesus: Nunc filius hominis illustratur, & Deus illustratur in eo.

32 Si in eo Deus illustratur, eum quoque Deus in seipso illustrabit, & mox illustrabit.

33 Filioli, adhuc paulisper vobiscum sum. Quæretis me, ac quemadmodum Judæis dixi, quò

ego abeo, eos venire non posse, etiam vobis nunc dico.

34 Præceptum novum do vobis, ut inter vos ametis, quomodo ego vos amavi, & ut vos ametis inter vos.

35 In eo cognoscent omnes, vos meos esse discipulos, si mutuo vos amore prosequemini.

36 Et Simon Petrus: Domine, quò abis? Cui Jesus respondit: Quò ego abeo, tu non potes me nunc sequi, sed tandem sequeris me.

37 At Petrus: Domine, inquit ei, cur te nunc sequi non possum? animam meam pro te ponam.

38 Cui respondit Jesus: Animam tuam pro me pones? Hoc tibi magnopere confirmo, non ante cantaturum esse gallum, quàm tu me ter abnegaveris.

CAPUT XIV.

Consolatur discipulos suos, Divinitatem suam & finem mortis sue exponens. Consolatorem Spirituum promittens, ejus officium describit, pacemque suam pollicetur.

Nolite animo turbati, inquit suis discipulis. Fidem habetis Deo, & mihi fidem habete.

2 In domo patris mei mansiones multæ sunt: quòd si secus esset, dixissem vobis. Eo paratum vobis locum.

3 quòd si i vero paratum vobis locum, reveniam, & vos mecum assumam, ut ubi ero ego vos etiam sitis.

4 Et quidem quò ego proficiscar, vos scitis, & viam teneris.

5 Dicit ei Thomas: Domine, nescimus quò proficiscaris, tantum abest ut viam tenere possimus.

6 Cui Jesus: Ego sum via, & veritas,

veritas & vita. Nemo ad patrem venit, nisi per me.

7 Si me cognosceretis, meum quoque patrem cognosceretis, & jam nunc eum cognoscitis ac vidistis.

8 Et Philippus: Domine, inquit ei, ostende nobis patrem, & satis erit nobis.

9 Cui Jesus: Tantum jam tempus vobiscum sum, & tu me non nosti? Philippe, qui me vidit, patrem vidit: qui sit ut dicas, Ostende nobis patrem?

10 Non credis, & me in patre, & patrem in me esse? Quæ ego verba vobis dico, mea sponte non dico: sed ipse pater, qui in me manet, facit opera.

11 Credite mihi, & in me patre, & patrem in me esse: aut certè de ipsis factis mihi credite.

12 Hoc certò certoque sic habetote, qui mihi fidem habebit, eum esse eadem mecum, atque etiam his majora facturum. Nam ad patrem meum proficiscor:

13 Ac quicquid per meum nomen petieritis, id faciam, ut illustretur pater in filio.

14 Si quid per meum nomen petieritis, ego faciam.

15 Si me amatis, mea præcepta servate.

16 Ego verò meum patrem exorabo, ut alium vobis confirmatorem det, qui vobiscum perpetuò maneat.

17 Scilicet veritatis spiritum, quem mundus consequi non potest, quod eum neque videt, neque cognoscit: at vos eum cognoscitis: quoniam apud vos manet, & in vobis futurus est.

18 Non relinquam vos pupillos: invitam vos.

19 Post paulò jam me non videbit mundus: at vos videbitis, quoniam & ego vivo, & vos vivetis.

20 In illa die vos intelligetis, & me in patre meo, & vos in me, & me in vobis esse.

21 Qui mea præcepta tenet, conservatque, ille est qui me amat. Qui verò me amat, amabitur à patre meo: eumque ego amabo, & me ei patefaciam.

22 Tum Judas non Iscariota: Domine, inquit ei, quid causæ est, ut tu nobis teipsum sis patefacturus, mundo non item?

23 Cui Jesus: Si quis me amat, inquit respondens, is sermoni meo parebit, eumque meus pater amabit, & ad eum veniemus, & apud eum manebimus.

24 Qui me non amat, mea dicta non exequitur. Sermo autem quem auditis, meus non est, sed patris qui misit me.

25 Hæc vobis elocutus sum, apud vos manens.

26 Sed confirmator, Spiritus sanctus, quem mittet pater meo nomine, is vos omnia docebit, & vobis in memoriam revocabit quæcunque ego vobis dixi.

27 Pacem relinquo vobis, pacem meam do vobis: non quemadmodum dat mundus, ego do vobis. Nolite animo perturbari, neque formidare.

28 Audivistis ut dixerim vobis, abire me, revisurum vos. Si me amaretis, gauderetis, quia dixissem, me ad patrem proficisci, quod pater me major sit.

29 Et nunc dixi vobis priusquam fiat, ut cum factum fuerit, credatis.

30 Jam non multa loquar vobiscum: venit enim hujus mundi princeps, nec habet in me quicquam.

31 Sed intelligendum mundo est, me amare patrem: & ut mihi mandavit pater, ita facere. Surgite, abeam is hinc.

CAPUT XV.

Vitis & palmitum similitudine, ostendit quomodo discipuli fructum ferre possint. Dilectionem mutuum commendat, ad patientiam in afflictionibus, suo exemplo adhortatur.

Ego sum vera vitis, & pater meus est agricola,

2 qui omnem palmitem in me non ferentem fructum, amputat, & omnem ferentem fructum expurgat, ut plus fructus ferat.

3 Jam vos puri estis, propter sermonem quem ad vos habui.

4 Quapropter manete in me, & ego in vobis. Quemadmodum palmes fructum ferre per seipsum non potest, nisi maneat in vite: sic neque vos, nisi maneatis in me.

5 Ego sum vitis, vos palmites. Qui in me manet, & ego in eo, is multum fert fructum: siquidem sine me vos nihil facere potestis.

6 Si quis in me non manet, is extra projectus aruit, ut framenta, quæ colliguntur, & in ignem deflagratura conjiciuntur.

7 Si & vos in me manseritis, & mea verba in vobis manserint, quicquid postulare voletis, id vobis concedetur.

8 In eo illustratur pater meus, si vos multum fructum feratis, meique discipuli eritis.

9 Quemadmodum amavit me pater, sic ego vos amavi. Manete in amore meo.

10 Si mea præcepta conservaveritis, manebitis in amore meo: ut ego mei præcepta patris conservavi, & in ejus amore maneo.

11 Hæc vobis elocutus sum, ut & mea lætitia in vobis maneat, & vestra lætitia explicetur.

12 Hoc meum est præceptum, ut ametis inter vos, quomodo ego vos amavi.

13 Majore charitate nemo præditus est, quam si quis animam suam amicorum suorum causa impendat.

14 Vos mei estis amici, si feceritis quæcunque ego vobis præcipio.

15 Non jam vos dico servos, siquidem servus nescit quid agat suus dominus. Vos autem amicos propterea dixi, quod vobis omnia, quæ audivi ex patre meo, declaravi.

16 Non vos me elegistis, sed ego vos elegi, & eò destinavi, ut abeat, & fructum feratis, vestreque fructus durent, ut quicquid patrem per meum nomen poposceritis, id vobis concedat.

17 Hæc vobis præcipio, ut ametis mutuò.

18 Si vos mundus odit, illud cognoscite quod me prius quam vos odit.

19 Si mundani essetis, mundus amaret suum. Verum quia mundani non estis, sed ego vos ex mundo elegi, ideo vos odit mundus.

20 Memineritis ejus dicti, quod ego vobis dixi: Non est servus major domino suo. Si me persecuti sunt, & vos persequuntur: Si orationi meæ paruerunt, & vestræ parebunt.

21 Verum hæc omnia vobis facient propter nomen meum: quoniam eum qui me misit non norunt.

22 Nisi ego venissem, & eos allocutus fuissem, in peccato non essent. Nunc peccati sui excusationem nullam habent.

23 Qui me odit, etiam patrem meum odit.

24 Si non opera apud eos fecissem, qualia nemo fecit alius, non forent in peccato. Nunc & viderunt, & oderunt & me & patrem meum.

25 Sed confiteri oportet illud, quod in eorum disciplina scriptum extat: Oderunt me immerito.

26 Cum autem venerit confirmator, quem ego vobis à patre mittam, scilicet spiritus veritatis, qui à patre proficitur, is de me testabitur:

27 quin & vos testes estis, qui mecum fueritis ab initio.

C A P U T XVI.

Crucem pradicat discipulis. Consolatorem promittens, ejus officium describit. Mulieri parienti afflictiones suorum comparat.

HÆC vobis loquor, ne deficiatis.

2 Privabunt vos collegiis: atque aded tempus erit, cum omnes qui vos interficient, putabunt se cultum præstare Deo.

3 Quæ quidem vobis ideo facient, quod neque patrem, neque me norunt.

4 Atque hæc ideo vobis loquutus sum, ut cum tempus venerit, memineritis eorum, quod ego vobis ea dixerim. Hæc autem vobis ideo ab initio non dixi, quod vobiscum eram.

5 Nunc verò proficiscor ad eum qui me misit: nec quicquam me vestrum interrogat, quod proficiscar:

6 sed quoniam hæc vobis locutus sum, animos habetis mœroris plenos.

7 At ego vobis verum dico: E re vestra est ut ego discedam, nisi enim discessero, confirmator ad vos non veniet. Sin abiero, eum ad vos mittam,

8 atque ille ubi venerit, mundum arguet de peccato, & de justitia, & de judicio.

9 De peccato, quoniam mihi fidem non habent:

10 de justitia, quoniam ad patrem discedo, nec me videbitis amplius:

11 de judicio, quoniam hujus mundi princeps judicatus est.

12 Adhuc multa vobis habeo dicenda, sed quæ nunc ferre nequeatis.

13 Verum cum venerit ille, videlicet veritatis spiritus, præbit vobis ad omnem veritatem. Non enim sua sponte loquetur, sed quæcunque audiverit eloquetur, & futura vobis prænuntiabit.

14 Ille me illustrabit: siquidem de meo sumet, quæ vobis exponat.

15 Omnia quæcunque pater habet, mea sunt: propterea dixi illum de meo sumpturum esse, quæ vobis exponat.

16 Paulo post non videbitis me, rursusque paulo post cernetis me, quoniam ego ad patrem proficiscor.

17 Tum ejus discipulorum nonnulli sic inter sese dicere: Quid sibi vult, quod nobis dicit, paulo post non visuros se, rursusque paulo post aspecturos se? itemque, se ad patrem proficisci?

18 Hoc quid est quod dicit, paulo post? Nescimus quid loquatur.

19 At Jesus intelligens, eos velle interrogare se, sic eos affatus est: De eo inter vos contenditis, quod dixi, vos paulo post non visuros me, rursusque paulo post aspecturos me.

20 Hoc pro certo & indubitato habetote: vos stebitis ac lame-

lamentabimini, at mundus lætabitur: vos verò dolebitis, sed dolor iste vertetur in lætitiā.

21 Mulier dum parit, in dolore est, quippe cujus hora venerit: sed postquam puerum edidit, non jam meminit cruciatus, præ lætitiā, quod editus est in mundum homo.

22 Vos quoque nunc quidem in dolore estis: sed revisam vos, vesterque lætabitur animus, vestræque lætitiā nullus vobis eripiet:

23 ac tum temporis nihil ex me sciscitabimini. Hoc vobis etiam etiamque confirmo, quæcunque à meo patre per meum nomen postulaveritis, daturum esse vobis.

24 Hactenus nihil per meum nomen petiistis: petite, & obtinebitis, ut plena sit vestra lætitiā.

25 Hæc vobis oratione figurata locutus sum: tempus erit, cum non jam per figuras vos alloquar, sed apertè vobis de patre meo differam,

26 quo quidem tempore per meum nomen postulabitis. Neque verò vobis promitto, me vestra causa oraturum esse patrem:

27 ipse enim pater diligit vos, quoniam vos me diligitis, & me creditis à Deo profectum.

28 Profectus à patre veni in mundum, rursus relinquo mundum, & ad patrem discedo.

29 Tum ejus discipuli: Nunc tu quidem aperte loqueris, inquit ei, nec ulla orationis figura uteris.

30 Nunc scimus, te omnia scire, nec opus tibi esse ut te quis interroget. Hinc te à Deo profectum credimus.

31 At Jesus contra: Nunc creditis, inquit:

32 atqui adventat hora, & jam advenit, cum alius aliò dissipabimini, & me solum reliquetis: quanquam non sum solus, adest enim mihi pater.

33 Hæc vobis ideo locutus sum, ut in me acquiescatis. In mundo afficiemini cruciatus: sed bono este animo, ego vici mundum.

CAPUT XVII.

Orat Christum, ut magna sit illustratio gloria sua & Patris. Orat pro Apostolis: & toto credentium grege.

HÆC effatus Jesus, sublatis ad cælum oculis dixit: Pater, venit hora, illustra tuum filium, ut te tuus vicissim filius illustret:

2 quemadmodum ei potestatem dedisti omnium mortalium, ut quoscunque ei dedisti, iis vitam det æternam.

3 Hæc est autem vita æterna, si te solum cognoscant verum Deum, & quem misisti Jesum Christum.

4 Ego te in terris illustravi, opus absolvi quod tu mihi faciendum mandaveras:

5 tu nunc me pater, apud ipsum ea gloria illustra, qua apud te præditus eram, antequam mundus esset.

6 Declaravi tuum nomen hominibus, quos mihi tu ex mundo dedisti. Tui erant, & eos tu mihi dedisti, & ipsi tuæ orationi paruerunt.

7 Nunc intelligunt, quæcunque tu mihi dedisti, ea abs te esse.

8 Nam quæ tu mihi verba tradidisti, ea & ego eis tradidi, & ipsi acceperunt, & me abs te profectum verè cognorunt, & à te missum esse crediderunt.

9 Ego

9 Ego pro iis oro: non pro mundo oro, sed pro iis quos tu mihi dedisti, nam tui sunt,

10 & mea omnia tua, & tua mea sunt: & in eis illustratus sum.

11 Nec jam sum in mundo, at hi in mundo sunt, & ego ad te venio. Pater sancte, confer va per tuum nomen eos quos mihi dedisti, ut sint unum, sicut & nos.

12 Dum cum eis in mundo eram, eos quidem tuo nomine conservabam. Quos tu mihi dedisti, custodivi: nec eorum quisquam periit, excepto homine perduto, ut quod scriptum est fiat.

13 Nunc verò ad te venio, & hæc in mundo loquor, ut meam lætitiā in sese plenam habeant.

14 Ego eis tuum sermonem tradidi, & eos mundus odit, quòd mundani non sunt, quemadmodum ego mundanus non sum.

15 Non oro ut eos ex mūdo tollas, sed ut à Mālo tueare.

16 Mundani non sunt, quemadmodum ego mundanus non sum.

17 Sanctifica eos veritate tua. Sermo tuus veritas est.

18 Ut tu me in mundum misisti, sic eos ego in mundum misi:

19 & eorum causa ego meipsum sanctifico, ut ipsi quoque veritate sanctificati sint.

20 Neque verò pro his solum oro, sed etiam pro eis qui per eorum sermonem iam credent,

21 ut omnes unum sint, quemadmodum tu pater in me & ego in te, ut ipsi quoque sint in nobis unam: ut mundus me abs te missum fuisse credat.

22 Ego quoque quam tu mihi gloriam dedisti, eis dedi, ut sint unum, quomodo nos unum sumus,

23 ego in eis, & tu in me ut perfecti sint in unum, utque cognoscat mundus, me abs te esse missum, & eos à te amatos, quemadmodum me amasti.

24 Pater, quos tu mihi dedisti, volo ut ubi ero ego, ii quoque sint mecum: ut meam videant gloriam, quam tu mihi dedisti quòd me ante mundum conditum amaveris.

25 Pater iuste, te quidem mundus non novit: at ego te novi & hi me à te missum esse norunt

26 eisque nomen tuum & declaravi & declarabo: ut amor, quo tu me amas, sit in eis, itemque ego in eis.

CAPUT XVIII.

Christi à Juda proditi virtute milites in terram prosteruntur.

Christus ad Annam: hinc ad Caiapham ducitur, Ministri bacillo casus, quid responderit. Pilato traditus, regnum suum declarat.

HIS dictis, Jesus profectus est unā cum suis discipulis trans torrentem Cedronem, ubi hortus erat, in quem unā cum suis discipulis intravit.

2 Sciebat autem etiam Judas, ejus proditor, locum, quòd eò Jesus sæpenumero cum suis discipulis convenerat.

3 Igitur Judas accepta à pontificibus & Phariseis cohorte ac ministris, venit eò cum facibus ac funalibus, & armis.

4 Tum Jesus sciens omnia quæ sibi eventura essent, egressus dixit eis:

5 Quem queritis? Cui illi respondērunt, Jesum Nazarenum.

Et Jesus: Ego is sum, inquit eis. Aderat autem cum eis etiam Judas, ejus proditor.

6 Ut ergo dixit eis, ego is sum, illi retrorsum abierunt, & humi ceciderunt.

7 Et ille rursus eos interrogavit. Quem quæritis? Jesum Nazarenum, inquiunt.

8 Et Jesus respondit: Dixi vobis eum esse me. Itaque si me quæritis, finite hos abire.

9 Scilicet ut illud ejus dictum comprobaretur: Quos tu mihi dedisti, eorum ego nullum perdidisti.

10 Tum Simon Petrus, stricto quem habebat gladio, servum pontificis percussit, eique dexteram abscidit auriculam. Ei servo Malchus nomen erat.

11 At Jesus dixit Petro: Conde tuum gladium in vaginam: egone ut quod mihi poculum dedit pater, non bibam?

12 Igitur cohors, & tribunus, Judæorumque ministri, Jesum comprehenderunt,

13 victumque ad Annam primum adduxerunt. Erat enim Caiaphæ sacer, qui erat ejus anni pontifex.

14 Erat Caiaphas is; qui Judæis consuluerat, expedire unum hominem perire pro populo.

15 Sequebatur autem Jesum Simon Petrus, & alter discipulus: qui quidem discipulus, quod erat pontifici notus, ingressus est una cum Jesu in pontificis atrium.

16 Et cum Petrus foris præforibus astaret, prodiit ille alter discipulus, qui pontifici notus erat, & à janitrice ut Petrum intrmitteret obtinuit.

17 Atque illa janitrix ancilla sic Petrum alloquitur: Nonne

tu quoque ex hujus hominis discipulis es? Non sum, inquit ille.

18 Astabant autem servi & ministri pyræ, quam fecerant (erat enim frigus) & calefiebat: cumque eis astabat etiam Petrus, ac calefiebat.

19 Igitur interrogatus à pontifice Jesus, de suis discipulis ac doctrina,

20 sic respondit: Ego palam mundo locutus sum: ego semper in collegio docui, atque fano, quò Judæi omnes conveniunt, neque quicquam in occulto locutus sum.

21 Quid me interrogas? interroga eos qui audiverunt, quid eis locutus sim, si enim sciunt, quæ dixerim ego.

22 Hæc locuto Jesu, unus ministrorum, qui aderat, ei alapam impegit, & dixit: Siccine respondes pontifici? inquit.

23 Cui Jesus: Si malè locutus sum, inquit, testificare de malo: sin bene, cur me cædis?

24 Miserat autem eum Annas victum ad Caiapham pontificem.

25 Simon Petrus autem astabat, ac calefiebat, & quærentibus, num ipse quoque ex ejus discipulis esset, negavit, &: Non sum inquit.

26 Tum unus ex servis pontificis, ejus cognatus, cujus Petrus absciderat auriculam, dixit: Nonne ego te vidi in horto cum eo?

27 At Petrus rursus negavit, & continuò gallus cecinit.

28 Igitur Jesum à Caiapha ducunt ad prætorium, cum quidem manè esset: nec ipsi in prætorium intrarunt, ne polluerentur.

29 Itaque Pilatus ad eos egressus est, & ita locutus: Quod

Quodnam crimen assertis contra hunc hominem ?

30 Cui illi his verbis responderunt: Nisi esset hic nocens, eum tibi non tradidissemus.

31 Et Pilatus: Capite eum vos, inquit eis, & ex lege vestra judicate. At Judæi: Nobis non licet quenquam interficere.

32 ut illud fieret, quod dixerat Jesus significans qua morte moriturus esset.

33 Tum Pilatus rursus in prætorium ingressus, Jesum vocavit, eique dixit: Esne rex Judæorum?

34 Cui Jesus respondit: Tuâne istud sponte dicis, an alii tibi de me dixerunt?

35 Et Pilatus: Quasi verò ego sim Judæus, inquit. Ipsi tui populares & pontifices te mihi tradiderunt. Quid fecisti?

36 Et Jesus: Regnum meum hujus mundi non est: si hujus mundi esset regnum meum, pugnassent mei ministri, ne Judæis addicerer. Verum meum regnum hinc non est.

37 Ergo tu rex es? inquit ei Pilatus. Cui Jesus: Est ut tu dicis, inquit, me esse regem. Ego eò natus sum, & eò in mundum veni, ut veritatem tester. Quisquis à veritate est, vocem meam audit.

38 Et Pilatus: Quid est veritas! Atque id locutus rursus prodiit ad Judæos, eisque dixit: Ego nullum in eo crimen comperio.

39 Est autem vobis is mos, ut unum vobis in Pascha condonem. Vultis ergo, ut vobis Judæorum regem condonem?

40 At illi rursus universi sic exclamarunt: Non istam sed Barrabam. Erat autem Barrabas latro.

CAPUT XIX.

Pilatus Christum flagellatum, & spinis coronatum, liberare volens: Judæorum improbitate vincitur, crucifigendum iradit. Jesus matrem discipulo commendat, aceto gustato, moritur. Mortui latus lancea confoditur. Sepelitur.

Tunc ergo cepit Pilatus Jesum, ac verberavit:

2 & milites inplexam ex spinis coronam imposuerunt ejus capiti, eamque purpurea toga induerunt,

3 atque ira dicebant: Salve rex Judæorum, eique alapas impingebant.

4 Deinde rursus exit Pilatus, & illos sic alloquitur: En vobis eum foras adduco, ut sciatis, me nullum in eo comperire crimen.

5 Ac egresso foras Jesu, spinam coronam purpureamque togam ferente, dixit eis Pilatus: Ecce homo.

6 At Pontifices & ministri eo viso exclamare: Crucifige, crucifige. Quibus Pilatus: Capite eum vos, inquit, & crucifigite, nam ego crimen in eo non deprehendo.

7 At Judæi contrà: Nos legem habemus, inquiunt ei, ex qua lege nostra debet mori, quoniam se Dei filium fecit.

8 Hac voce audita, Pilatus magis timuit,

9 & rursus in prætorium ingressus, dixit Jesu: Unde es tu? at Jesus ei responsum non dedit.

10 Itaque Pilatus sic eum affatur: Mihi non eloqueris? Nescis me potestatem habere tui vel crucifigendi, vel absolvendi?

11 Respondit Jesus, Non haberes ullam in me potestatem,

nisi

nisi id tibi supernè datum foret. Itaque qui me tibi tradidit, in maiore culpa est.

12 Ex eo studebat Pilatus eum absolvere. At Judæi reclamare, Si istum absolvis, non es Cæsaris amicus: quicumque se regem facit, contravenit Cæsari.

13 Hoc audita voce, Pilatus Jesum foràs eduxit, & pro tribunali sedit, in loco qui Lapidivium appellatur, Hebraicè autem Gabbatha:

14 cùm quidem esset Paschæ præparatio, hora ferè sexta, atque ita Judæos alloquitur: Ecce rex vester.

15 At illi acclamare: Tolle tolle, crucifige eum. Regem ego vestrum crucifigam? inquit eis Pilatus. Cui pontifices responderunt: Non habemus regem, nisi Cæsarem.

16 Tum demum eum illis crucifigendum tradidit. Et illi Jesum acceptum abduxerunt:

17 isque suam ferens crucem, profectus est in locum Calvariae appellatum,

18 qui dicitur Hebraicè Golgotha, ubi eum crucifixerunt, & unà cum eo hinc atque hinc duos alios, Jesum autem medium.

19 Scripsit autem titulum Pilatus, quem cruci imposuit in quo ita scriptum erat: Jesus Nazarenus rex Judæorum.

20 Hunc titulum cum multi Judæorum legissent (nam prope urbem erat is locus, ubi in crucem sublatus est Jesus, & scriptum erat Hebraicè, Græcè, & Latine) monuerunt Judæorum pontifices Pilatum,

21 ne scriberet Judæorum regem, sed, qui se Judæorum regem esse dixisset.

22 At Pilatus respondit: Quod scripsi, scripsi.

23 Igitur milites, postquam Jesum cruci affixerunt, ejus vestimenta ceperunt, & ex eis quatuor partes fecerunt, singulis militibus unam: itemque tunicam. Erat autem tunica inconsuta, à summa tota contexta.

24 Itaque commonuerunt inter sese, non esse dividendam, sed de ea sortiendum, cujus esset: ut fieret quod in scripto illo haberetur: Partiti sunt inter sese mea vestimenta, & super veste mea sortem jecerunt. Atque hæc quidem fecere milites.

25 Astabant autem apud Jesu crucem, ejus mater, & matris soror, Maria Cleophæ conjux, & Maria Magdalena.

26 Jesus igitur conspicatus matrem, & astantem discipulum quem amabat, dicit matri suæ: Mulier, ecce filius tuus.

27 Deinde dicit discipulo: Ecce mater tua. Atque ex illa hora recepit eam discipulus ad se.

28 Postea sciens Jesus omnia jam perfecta esse, ut perficeretur quod scriptum erat: dicit: Siti.

29 Jacebat autem ibi vas aceti plenum. Itaque illi oppletam aceto spongiam, & hyssopo affixam, admovent ejus ori.

30 Et Jesus aceto sumpto, dixit: Peractum est, ac inclinato capite, emisit spiritum.

31 Judæi verò, quandoquidem erat Præparatio, ne manerent in cruce corpora Sabbato (erat enim celebris illa dies Sabbati) Pilatum rogarunt, ut eorum crura frangerentur, iique auferentur,

32 Itaque venerunt milites, & primi quidem crura fregerunt, itemque alterius cum eo crucifixi.

33 Sed ubi ad Jesum ventum est, ut eum viderunt jam mortuum, non fregerunt ejus crura:

34 sed unus militum lancea latus ejus pupugit, ac continuò exiit sanguis & aqua

35 Atque hoc idem qui vidit testatur, estque verum ejus testimonium: isque se vera dicere scit, ut vos quoque credatis.

36 Acciderunt enim hæc, ut scriptum illud comprobaretur: Nullum ejus os frangetis.

37 Itemque aliud scriptum ait: Intuebuntur quem compunxerint.

38 Postea rogavit Pilatum Josephus ab Arimathea (qui Jesu discipulus erat, sed occultus, metu Judæorum) ut Jesu corpus auferre sibi liceret: id quod permisit Pilatus.

39 Accessit & Nicodemus (is qui prius Jesum noctu adierat) ferens myrrhæ & aloes misturam ad libras centum.

40 Hi Jesu corpus ceperunt, & linteis cum aromatis obligarunt, ut Judæis sepeliendi mos est.

41 Erat autem in eo loco, ubi ille crucifixus fuit, hortus, & in horto monumentum novum, in quo nemo adhuc positus fuerat.

42 Illic igitur, propter Judæorum Præparationem, quoniam propè erat monumentum, posuere Jesum.

C A P U T XX.

Maria nunciat Christum resurrexisse. Petrus & Joannes hoc visuri, excurrunt. Jesus Maria apparer, & discipulis domi congregatis. Thomas autè incredulus credit.

Primo autem post Sabbatum die, Maria Magdalena mane venit, cum adhuc tenebræ

forent, ad monumentum, & saxum aspicit amotum à monumento.

2 Itaque currit, & ad Simonem Petrum, atque ad alterum discipulum, quem Jesus amabat, venit, eisque sic dicit: Sublatus est ex monumento Dominus, neque scimus ubi sit positus.

3 Igitur egressus Petrus, & alter discipulus, venerunt ad monumentum.

4 Accurrentibus simul ambo, alter discipulus Petro celerius præcucurrit, priorque venit ad monumentum,

5 & introspiciens vidit quidem jacentia linteæ, non tamen introgressus est.

6 At Simon Petrus eum sequens venit, & in monumentum ingressus, videt jacentia linteæ,

7 & sudarium (quod super ejus capite fuerat) non cum linteis jacens, sed seorsum in uno loco involutum.

8 Tum demum intravit etiam alter discipulus, qui prior venerat, in monumentum: viditque, & credidit,

9 Nondum enim literas intelligebant, oportere cum ex mortuis resurgere.

10 Itaque rursus ad se discesserunt discipuli.

11 Maria verò astabat apud monumentum, plorans extrà. Atque inter plorandum introspectit in monumentum,

12 & aspicit duos angelos, albo vestitos, sedentes, alterum ad caput, alterum ad pedes, ubi jacuerat Jesu corpus, qui sic eam allocuti sunt,

13 Mulier cur ploras? Quibus illa: Quoniam, inquit, sublatus est meus Dominus, neque scio ubi sit positus.

14 Atque hæc locuta, convertit

vertit se in tergum, & aspexit
astantem Jesum: nesciens esse
Jesum.

15 Et Jesus: Mulier, quid
ploras? inquit ei, quem quæ-
ris? Illa holitorem esse putans,
dicit ei: Domine, si tu eum
abstulisti, dic mihi ubi eum po-
sueris, ut ego eum auferam.

16 Et Jesus dixit ei: Maria.
At illa conversa, Rabboni, in-
quit, hoc est, Magister.

17 Et Jesus: Ne me tange,
nondum enim ascendi ad pa-
trem meum: Sed adi fratres
meos, eisque dicito, ascensu-
rum me ad patrem meum & pa-
trem vestrum, & Deum meum
& Deum vestrum.

18 Venit Maria Magdalena
nunciatum discipulis, sese vi-
disse Dominum, eumque illa di-
xisse sibi.

19 Igitur cum esset vespera
illo ipso die, qui proximus erat
à Sabbato, clausis præ Judæo-
rum metu, ejus loci portis, ubi
erant discipuli congregati, ve-
nit Jesus, in medioque stetit, &
eis dixit: Salvete.

20 Ac eo dicto, ostendit eis
suas manus atque latus. Hic
cum discipuli viso Domino leta-
ti essent,

21 Jesus eos denuò sic allo-
cutus est: Salvete. Quemad-
modum misit me pater, sic ego
mitto vos.

22 Hoc dicto, afflavit, & eis di-
xit: Accipite spiritum sanctum.

23 Si quorum peccata remi-
seritis, remissi erant: si quo-
rum tenueritis, tenta erunt.

24 Thomas autem unus ex
duodecim, nomine Didymus,
non erat cum eis quando ve-
nit Jesus.

25 Huic igitur alii discipuli
dixerunt, vidisse se Dominum.

Sed ille sic eis dixit: Nisi &
in ejus manibus clavorum im-
pressionem videro, & meum
digitum clavorum vestigio, &
manum lateri ejus admohero,
non credam.

26 Deinde post dies octo,
cùm rursus essent intus ejus di-
scipuli, & Thomas cum eis, ve-
nit Jesus, portis clausis, in me-
dioque stetit, &: Salvete, in-
quit.

27 Deinde Thomæ dicit:
Affer huc tuum digitum, & vi-
de meas manus: tuamque ma-
num affer, & meo lateri admo-
ve: nève incredulus esto, sed
credens.

28 Et Thomas ei respondens
dixit: Dominus meus, & Deus
meus.

29 Cui Jesus: Quia vidisti
me, Thoma, inquit, credis: fe-
lices qui non viderint, & ta-
men crediderint.

30 Et alia quidèd multa mi-
randa fecit Jesus in conspectu
suorum discipulorum, quæ non
sunt in hoc libro scripta.

31 Hæc autem scripta sunt, ut
credatis Jesum esse Christum Dei
filium: utque credentes, vitam
per ejus nomen adipiscamini.

CAPUT XXI.

*Jesus piscantibus Apostolis apparer,
quem miraculo captorum pi-
scium agnoscunt. Petro ovium
curam committit, mortisque
genus eidem prænunciat.*

Postea rursus monstravit seip-
sum Jesus apud Tiberiadis
lacum. Monstravit autem hoc
pacto.

2 Erant simul Simoh Petrus
& Thomas, qui Didymus ap-
pellatur: & Nathanael, is qui
erat à Cana Galilææ: & Zebe-
dæi filii, aliique ex ejus disci-
pulis duo.

3 His Simon Petrus dicit, se ire piscatum. Cui illi dixerunt, se quoque cum eo ituros. Profecti, protinus navem conscenderunt, eaque nocte nihil ceperunt.

4 Ubi jam manè fuit, stetit Jesus in littore (neque tamen Jesum esse sciebant discipuli)

5 & eos sic alloquitur : Juvenes, nunquid edulii habetis ? Nihil respondent illi.

6 Jacite rete, inquit eis, ad dextram navis partem, & invenietis. Itaque jecerunt, tantamque piscum multitudinem ceperunt, ut rete non possent extrahere.

7 Tum discipulus ille, quem Jesus amabat, dicit Petro : Dominus est. Et Simon Petrus, ut Dominum esse audivit, indusium induit (erat enim nudus) seque jecit in lacum.

8 Alii verò discipuli navigio venerunt (non enim longius aberant à terra, quàm ad ducentos cubitos) trahentes rete piscium.

9 Ut igitur ad terram descendebant, vident humi prunas, & piscem iis impositum, & panem.

10 Et Jesus : Afferte (inquit eis de piscibus, quos nunc cepistis.

11 Conscendit Simon Petrus, & rete traxit ad terram, magnis refertum piscibus, centum quinquaginta tribus : qui quamvis tot essent, non tamen ruptum est rete.

12 Adeste (inquit eis Jesus) prandete. Nullus autem audebat discipulorum eum percontari quis esset, quòd sciebant Dominum esse.

13 Igitur venit Jesus, panemque sumit, & eis dat, itidemque piscem.

14 Hic jam tertium apparuit Jesus discipulis, suscitatus ex mortuis.

15 Deinde postquam pranderunt, dicit Jesus Simoni Petro : Simon Johannide, amas me plus his ? Cui ille : Etiam Domine, tu scis te ut diligam. Et ille : Pasce agnos meos.

16 Itemque iterum : Simon Johannide, diligis me ? inquit ei. Cui ille : Etiam, Domine, tu scis ut te diligam. Et ille, Pasce meas oves, inquit.

17 Itemque tertio : Simon Johannide, diligis me ? inquit ei. Hic Petrus agrè ferens, illum ex se ter, an se diligeret, quæsisse, dixit ei : Domine tu nosti omnia, tu scis ut te diligam. Et Jesus : Pasce meas oves, inquit ei.

18 Illud certò certoque sic habeto : cùm juvenis esses, cingebas ipse te, & ibas quò volebas. Sed ubi senueris, extendes tuas manus, & alius te cinget, ducetque quonoles.

19 Id autem dixit, significans quo letho ille Dei gloriam illustraturus esset. Atque hoc locutus, dicit ei : Sequere me.

20 Et Petrus conversus aspicit sequentem discipulum, quem amabat Jesus, eum qui in cœna ejus pectori incumbens dixerat, Domine, quis est qui te est proditurus ?

21 Hunc intuitus Petrus, dicit Jesu : Domine, hic verò quid ?

22 Cui Jesus : Si eum volo manere donec veniam, quid ad te ? Tu sequere me.

23 Itaque dissipatus est hic sermo inter fratres, discipulum illum non esse moriturum, tametsi non dixerat illi Jesus non esse

esse moriturum: sed, Si eum volo manere donec veniam, quid ad te?

24 Hic est is discipulus, qui hæc testatur, & hæc scripsit, cujus nos testimonium verum esse scimus.

25 Sunt autem & alia multa, quæ fecit Jesus: quæ si singula scribantur, ne ipsum quidem mundum scribendo hæc de re libros capere posse arbitror.

ACTA APOSTOLORUM.

CAPUT I.

Continuat Lucas hanc historiam ad summum Evangelium. Sublato in Cælum Christo Apostoli, monentibus angelis, reversi, precibus incumbunt. Petri instinctu, Juda proditoris loco Matthias eligitur.

Primum quidem librum feci de omnibus, Theophile, quæ Jesus & facere & docere institit,

2 ad eum usque diem, quo postquam Apostolis, quos elegerat, mandata per Spiritum sanctum dedit, sursum latus est:

3 quibus etiam seipsum viventem post suum supplicium, multis indiciis exhibuit, eis per quadraginta dies apparendo, & de Dei regno differendo.

4 Ac eos frequentando mandavit eis, ne Hierosolymis discederent, sed patris promissum expectarent: quod ex me audivistis, inquit,

5 Johannem quidem aqua baptizasse, sed vos sancto spiritu baptizandos esse, post dies hosce non multos.

6 Atque illi quidem congregati, sic eum interrogarunt: Domine, an hæc tempestate Israelitis regnum instauraturus es?

7 Quibus ille: non est ve-

strum, inquit, tempestates aut tempora novisse, quæ pater in sua potestate posuit.

8 Sed vim accipietis Spiritus sancti, qui vos invadet, mihiq; testes eritis & Hierosolymæ, & in tota Judæa, ac Samaria, denique ad ultimas terras.

9 Hæc fatus, spectantibus eis, sursum sublatus est, cumque nubes subduxit eorum oculis.

10 Ac dum eo abeunte, illi in cælum contuentur, ecce duo viri eis in vestibus albis astiterunt,

11 qui ita dixerunt: Galilæi, quid statis, in cælum intuentes? Hic Jesus, qui istinc in cælum receptus est, sic veniet, quo pacto vidistis eum in cælum discedentem.

12 Tunc illi Hierosolymam redierunt, à monte qui Oliveti appellatur, qui Hierosolyma Sabbati viam abest.

13 Ac postquam ingressi sunt, ascenderunt in cœnaculum, ubi solebant manere, Petrus & Jacobus, Johannes & Andreas, Philippus & Thomas, Bartholomæus & Matthæus, Jacobus Alphæi filius, & Simon Zelota, & Judas Jacobi frater.

14 Hi omnes vacabant una mente precibus ac supplicationi, cum

cum sceminis, & Maria Jesu matre, cumque Jesu fratribus.

15 Ac per eos dies surrexit Petrus in medio discipulorum (cùm quidem esset ibidem capitulum numerus ad centum viginti) & in hunc modum verba fecit:

16 Homines fratres, oportebat illud literis mandatum fieri, quod Sanctus spiritus ore Davidis prædixit, de Juda, eo qui se ducem præbuit iis qui Jesum comprehenderunt:

17 qui Judas in nostrum numerum ascitus, hanc functionem fortitus erat.

18 Is quidem injustitiæ mercede agrum comparavit, & suspensus crepuit medius, effusaque sunt ejus omnia viscera:

19 id quod omnibus Hierosolymæ incolis notum factum est, ita ut appellatus sit ager ille vernacula eorum lingua, Haceldema, hoc est ager sanguinis.

20 Scriptum est enim in Psalmorum libro: Fiat ejus habitatio deserta, neque sit qui in ea habitet, ejus munus excipiat alius.

21 Quapropter oportet unum eorum virorum (qui nobiscum toto eo tempore versati sunt, quo nobiscum consuetudinem habuit Dominus Jesus,

22 usque à Johannis baptismo, ad eum diem quo nobis subductus est) ejus resurrectionis testem unà nobiscum fieri.

23 Tum duos statuerunt, Josephum nomine Barsabam, qui cognominatus est Justus, & Matthiam,

24 atque his verbis orarunt: Tu, Domine, qui omnium mentes perspicis, ostende, utrum horum destinaveris,

25 subeundæ hujus muneris & legationis sorti, ex qua Judas

excidit, ut iret in suum locum.

26 Deinde eorum sortes jecerunt: designavitque fors Matthiam, atque is ad undecim Apostolos cooptratus est.

CAPUT II.

Apostoli Spiritu sancto repleti, diversis linguis loquuntur. Ebrietatis notam Petrus tollit. Christum Messiamque esse docet. Auditoribus consternatis, penitentiam suadet.

UT autem perventum est ad diem Quinquagesimæ, cùm omnes simul essent eodem in loco,

2 extitit repente de cælo sonus, quasi vehementis flatus ruentis, totamque domum replevit, ubi sedebant:

3 eisque conspectæ sunt divi dæ quædam quasi ignis lingue, qui eorum unicuique insedit:

4 repletique sunt omnes sancto spiritu, & diversis loqui linguis cœperunt, prout eis spiritus fari dabat.

5 Erant autem Hierosolymæ habitantes Judæi, homines religiosi, ex omnibus quæ usquam sub cælo sunt gentibus.

6 Igitur ejus rei dissipata fama, vulgò convenire, & confusi esse, quod eos sua quisque vernacula lingua loquentes audiret.

7 Itaque attoniti omnes mirabantur, & sic inter sese dictitabant: Nonne omnes hi, qui loquuntur, Galilæi sunt?

8 Ecquid est, quod nostrum quisquis vernaculam sibi linguam nativamque audiat?

9 Parthi, Medi, Elamitæ, Mesopotamiæ incolæ, Judææque, & Cappadociæ, Ponti & Asiæ, Phrygiæ,

10 & Pamphylæ, & Ægypti,

& ejus Libyæ partis quæ est secundum Cyrenen, & peregrinantes Romani,

11 tum Judæi, tum asciti, Cretensesque & Arabes, audimus eos rerum divinarum amplitudinem nostris linguis eloquentes.

12 Ita attoniti dubitabant omnes, & sic inter sese dictitabant: Quid hoc sibi vult?

13 Alii deridentes, dicebant, eos vini esse plenos.

14 At Petrus astans, unâ cum undecim ad eos orationem habuit in hæc verba: Homines Judæi, & Hierosolymæ incolæ omnes, hoc cognoscite, & mea dicta attendite.

15 Non sunt hi temulenti, ut vos opinamini (est enim hora diei tertia.)

16 sed hoc est quod à Joëlate dictum est.

17 Atque ultimis temporibus (inquit Deus) perfundam meo spiritu omne genus hominum, vaticinabunturque vestri filii & filiae: vestri & juvenes visiones videbunt, & senes somnia somnabunt:

18 quin & meos servos & ancillas illis temporibus meo spiritu perfundam, ita ut vaticinentur,

19 daboque & suprâ in cælo prodigia, & infrâ in terra ostenta, sanguinem, ignemque, & umi exhalationem.

20 Sol in tenebras vertetur, & luna in sanguinem, antequam veniat Domini dies ingens ac signis.

21 Ac quicumque Domini nomen invocaverit, servabitur.

22 Viri Israelitæ, audite hæc dicta: Jesum Nazarenum, virum testis à Deo repræsentatum portis, miraculis, prodigiis, quæ

per eum Deus in medio vestrum fecit, ut ipsi quoque scitis:

23 hunc vos definito Dei consilio & providentia traditum, scelestis manibus comprehendistis, & ad palum alligatum sustulistis.

24 quem Deus, lethi doloribus solutis, revocavit in vitam, quatenus fieri non poterat ut à morte teneretur.

25 David enim dicit de eo: Propositum mihi Dominum semper habeo, qui mihi dexter adest, ita ut non labesiam.

26 Itaque non tantum animo lætor, & lingua exulto, verum etiam ipsum corpus meum confidenter degit:

27 quoniam tu animam meam non relinques in Orco, neque committes, ut pitis tuus corruptionem patiatur.

28 Ostendes mihi vitæ vias: me in tuo conspectu voluptate complebis.

29 Homines fratres, si licet apud vos liberè de summo patre Davide loqui, is & obiit, & sepultus est, ejusque monumentum apud nos ad hunc diem extat.

30 Sed cum vates esset, & sciret Deum sibi jurejurando promississe, sese ex ejus lumborum fœtu, quod ad carnem pertinet, suscitaturum esse Christum, & in ejus solio collocaturum,

31 præscius Christi resurrectionis, dixit, ejus nec animam in Orco relinquendam, nec corpus corruptionem esse passurum.

32 Hunc Jesum suscitavit Deus, cujus nos omnes sumus testes.

33 Is Dei dextera evehctus, sanctique spiritus pomissum à patre consecutus, effudit hoc, quod vos nunc cernitis & auditis.

34 Non enim David ascendit in cælos, sed ille ipse sic loquitur: Ait Dominus Domino meo, sede ad dexteram meam,

35 donec tuos hostes effecero scabellum tuorum pedum.

36 Quare hoc certo cognoscat omnis Israelis posteritas, Dominum & Christum factum à Deo esse hunc ipsum Jesum, quem vos in crucem egistis.

37 His auditis, illi animo compuncti, Petrum & cæteros Apostolos sic alloquuntur: Quid agemus fratres?

38 Et Petrus: Redite ad frugem, inquit eis, & baptizamini cuncti in Jesu Christi nomine, ad peccatorum veniam, & donum sancti spiritus assequimini.

39 Ad vos enim pertinet promissio, & ad vestros natos, & ad omnes remotiores, quoscunque advocaverit Dominus Deus noster.

40 His ille aliisque pluribus verbis eos commonuit, & ut ex eo perverso hominum genere evaderent, cohortatus est.

41 Atque illi ejus oratione avidè admissa, sunt baptizati, & accesserunt eo die hominum capita ad tria millia:

42 vacabantque Apostolorum doctrinæ, communioni, panique frangendo, & supplicationibus.

43 Atque omnes homines metu perculsi sunt, multaque portentose & prodigiose per Apostolos fiebant.

44 Omnes autem credentes, degebant unà, habebantque omnia communia,

45 & suas copias ac facultates vendebant, omnibusque prout cuique opus erat disperiebant,

46 ac quotidie simul assidui

in fano, panemque mansionatim frangentes, cibum capiebant, cum lætitia animique simplicitate, laudantes Deum,

47 & apud cunctum populum valentes gratia. Dominus vero servandos quotidie addebat ecclesiæ.

CAPUT III.

Petrus cum Johanne in templum ascendens, claudum sanat. Populo ad miraculum concurrenti salutis mysterium per Christum exponit, ingratiitudinem eorum accusans, & pœnitentiam ab illis postulans.

A Scendebant autem Petrus & Johannes aliquando simul in fanum, ad horam supplicationis, videlicet nonam:

2 & quidam vir, qui ab alvo matris claudus erat, portabatur, qui quotidie ad fani portam, quæ Speciosa dicitur, ponebatur, ut ab iis stipem peteret, qui in fanum intrarent.

3 Is Petrum & Johannem in fanum intraturos conspicatus, rogabat ut sibi benignè facerent.

4 At Petrus comitante Johanne illum intuitus, dixit: Aspicere nos.

5 Cumque ille in eos intentus, sese aliquid ab eis accepturum speraret,

6 Petrus sic est locutus: Nec argentum mihi, nec aurum est: sed quod habeo, hoc tibi do. In nomine Jesu Christi Nazareni, surge & ambula:

7 eumque dextera manu prehensum allevavit. Atque ille continuo confirmatis ejus cruribus atque talis, exiliens constitit,

8 & ambulat, cumque eis in fanum intrat, incedens & laudans Deumque laudans.

9 Eum ut vidit cunctus populus

Ius ingredientem, Deumque laudantem,

10 & eum esse agnovit, qui ad Speciosam templi portam ob stipem sedere solitus esset, impleti sunt admiratione & stupore, de eo quod illi acciderat.

11 Itaque retinente Petrum & Johannem sanato claudo, concurrunt ad eos cunctus populus in porticum, quæ Solomonia vocatur, attoniti.

12 Quo viso, Petrus sic ad populum verba fecit: Homines Israelitæ, quid hoc admiramini, aut quid in nos intuemini, quasi privatis viribus aut pietate effecerimus, ut hic incederet?

13 Deus Abrahami, & Isaaci, & Jacobi, Deus majorum nostrorum, illustravit filium suum Jesum, quem vos prodidistis, & coram Pilato intierati estis, cum ille iudicasset absolvendum.

14 Et vos sancto & innocente repudiato, homicidam vobis condonari petiistis,

15 vitæ verò authorem occidistis: quem Deus excitavit à mortuis, cujus nos testes sumus:

16 cuiusque nominis fiducia, cujus inquam nomine hic quem videtis & nostis, corroboratus est, & illius confidentia hanc in vestro omnium conspectu incolunitatem consecutus.

17 Et nunc, fratres, scio vos per imprudentiam fecisse, ut etiam vestros magistratus:

18 sed Deus, quæ suorum tot vatum ore prænunciaverat passurum esse Christum, ea hoc modo perfecit.

19 Quamobrem ad sanitatem revertimini, & vos corrigite, ut deleantur vestra peccata,

20 dum recreationis tempora veniant à Domino, cum præ-

nunciatum vobis Jesum Christum mitteret,

21 quem oportet cælo capere usque ad tempora instaurationis omnium, quæ tempora Deus tot suorum sanctorum ore vatum jam olim fatus est.

22 Moses enim majoribus ita dixit: Vatem vobis suscitabit Dominus Deus vester ex vestra consanguinitate, mei similem: ei obedietis ad omnia quæ vobis dixerit.

23 Ac quisquis hominum vati illi non obediverit, is ex populi numero tolletur.

24 Itemque tot vates, qui à Samuele deinceps fuerunt, qui hæc tempora prædixerunt ac denunciaverunt.

25 Vos estis ex vatibus orti, & in eo fodere comprehensi, quod fecit Deus cum majoribus nostris, cum dixit Abrahamo, per ejus semen felicitandas esse omnes terrarum nationes.

26 Vobis primum Deus suscitatum puerum suum misit, qui vos felicitet, si à suis quisque vitiis desciscatis.

CAPUT IV.

Petrus & Johannes capti concilio sistuntur. Christi causam agunt intrepide. Discipuli preces ad Deum fundunt. Multi possessiones suas vendunt, inter quos & Barnabas numeratur.

EIS ad populum verba facientibus, præsto fuerunt pontifices, & fani antistes, ac Sadducæi,

2 ægrè ferentes quòd illi populum docerent, & per Jesum ex mortuis resurrectionem nunciarent.

3 Itaque eis manus iniecerunt, & eos in custodiam ad posterum diem dederunt, quòd erat jam vespera.

4 Multi autem eorum, qui illam orationem audiverant, crediderunt: quorum fuit virorum numerus ad quinque millia.

5 Postridie convenerunt eorum magistratus, & Scribæ, Hierosolymam,

6 & Annas pontifex, & Caïaphas, & Johannes, & Alexander, ac quotquot erant ex genere pontificio:

7 atque illis in medio collocatis, sciscitanti sunt, quânam potestate, aut quo nomine illud fecissent.

8 Tum Petrus, sancto spiritu repletus ad illos sic verba fecit. Magistratus populi, & Israelitarum senatores,

9 si nos hodie de collato in hominum infirmum beneficio interrogamur, quanam re is sanatus sit:

10 hoc vobis & cuncto Israelitarum populo notum esto, hunc per nomen Jesu Christi Nazareni, quem vos crucifixistis, quem Deus excitavit ex mortuis, per hoc inquam hunc astare in vestro conspectu sanum.

11 Is est lapis ille à vobis ædificantibus rejectus, qui adhibitus est ad caput anguli:

12 nec est in ullo alio salus, nec ullum aliud nomen est sub cælo apud homines datum, per quod servandi sumus

13 Hic illi Petri Johannisque confidentiam spectantes, & homines illiteratos ac imperitos esse animadvertentes, mirabantur, & eos Jesu comites fuisse recognoscebant.

14 Hominem autem cernentes cum eis astantem, eum qui curatus fuerat, nihil quod contradicerent, habebant.

15 Igitur illis ex concilio digredi jussis, hujusmodi verbis

inter sese contulerunt:

16 Quid faciemus his hominibus? Nam conspicuum ab eis prodigium esse factum, omnibus Hierosolymæ incolis manifestius est, quàm ut inficiari possimus.

17 Verùm ne hoc latius dimanet in vulgus, minemur eis ne amplius hoc nomine cuiquam mortalium verbum faciant.

18 Itaque illis evocatis edixerunt, ne omnino vocem mitterent, nève docerent nomine Jesu.

19 At Petrus & Johannes sic eis responderunt: Utrum apud Deum æquum sit, vobis obtemperare potius, quàm Deo, judicare.

20 Nos enim quæ & vidimus & audivimus, ea non eloqui non possumus.

21 Illi verò interminati dimiserunt eos, nullam eorum puniendi rationem inveniētes, propter populum, quòd omnes eam ob rem deo gratias agebant.

22 Erat enim annos natus magis quadraginta is homo, cui illud sanationis prodigium contigerat.

23 Illi dimissi, ad suos se contulerunt: & quæ sibi pontifices & senatores dixissent, retulerunt.

24 Quibus auditis, illi vocem universi ad Deum sustulerunt, & ita dixerunt: Domine, tu Deus es, qui cælum, & terram, & mare, quæque in eis insunt omnia fecisti,

25 qui tui Davidis cre sic dixisti: Quid tumultuantur gentes? populi vana conantur?

26 Conspirant orbis reges, coeuntque optimates, contra Dominum, contraque ejus Unctum.

27 Coierunt enim profecto adversus sanctum tuum puerum Jesum,

Iesum, quam unxisti, Herodes, & Pontius Pilatus, cum gentibus & populis Israeliticis.

28 Facturi quaecunque tu tua manu consilioque facienda destinasti.

29 Quamobrem, Domine, aspice minas eorum, tuisque da, cum omni libertate tuum sermonem eloqui,

30 manum tuam extendendo ad sanationes, prodigia & ostenta facienda, per nomen tui sancti pueri Iesu.

31 Illis comprecatis, contremuit locus, in quo erant congregati: repletique sunt omnes sancto spiritu, divinumque sermonem liberè eloquebantur.

32 Erant autem multitudinis eorum qui crediderant, una mens, unusque animus: neque quisquam suarum facultatum quicquam suum esse dicebat, sed erant eis omnia communia:

33 magnaque vi dabant Apostoli testimonium resurrectionis Domini Iesu, & erant omnes magna præditi gratia.

34 Nec enim quisquam in eis erat egenus, nam quotquot prædia aut domos habebant, vendebant, & venditorum precia afferebant,

35 & ad pedes ponebant Apostolorum. Distribuebantur autem, prout cuique opus erat.

36 Ac Iosè, is qui Barnabas ab Apostolis, hoc est filius consolationis, cognominatus est, Levita, natu Cyprius,

37 quem habebat fundum, vendidit, pecuniamque attulit, & ad Apostolorum posuit pedes.

CAPUT V.

Ananias ob fraudem interversus precii, exanimis corruit, & Sapphira ejus uxor. Per multa

Apostolorum miracula fides propagatur. Carcere inclusos Apostolos angelus liberat: & coram concilio sacerdotum sistuntur, Gamalielis consilio servantur, casique Deum celebrant.

Quidam vir autem, Ananias nomine, cum Sapphira conjugæ suæ, possessionem vendidit:

2 & detracta præcii parte, uxore conscia, partem aliquam attulit, & ad pedes Apostolorum deposuit.

3 At Petrus: Anania, inquit, cur tuum animum implevit Satan, ut sancto spiritui mentireris, & de prædii precio detraheres?

4 Nónne tibi manebat, & venditum in tua potestate erat? Tène istam rem in animum induxisse tuum? non tu hominibus, sed Deo mentitus es.

5 His verbis auditis, Ananias corruit, & exanimatus est, quæ quicumque audiverunt, magno sunt timore perculsi.

6 Tum juvenes surrexerunt, & illum constrinxerunt, ac elatum sepeliverunt.

7 Deinde, interjecto trium ferme horarum spacio, ejus uxor ignara rei, ingressa est,

8 & eam Petrus sic allocutus est: Dic mihi, an tanti prædium addixeritis? Etiam (inquit illa) tantum.

9 Cui Petrus: Vósne, inquit, ad Domini spiritum tentandum conspirasse? scito, eorum quæ virum tuum sepelierunt, pedes esse præ foribus, qui te efferrant.

10 Atque illa protinus ad illius pedes corruit exanimis, & adolescentes ingressi, mortuamque nacti extulerunt, & apud ejus virum sepeliverunt.

11 Itaque metus ingens totam Ecclesiam, & omnes hæc audientes pervasit.

12 Apostolorum autem opera multa vulgo monstruosè prodigiosque fiebant (erant autem unà omnes in Solomonis porticu,

13 nec eis sese cæterorum quisquam audebat adungere, sed eos magni faciebat populus.

14 Accedebat autem magis magisque qui Domino crederent, ingens tum virorum tum fœminarum multitudo,)

15 adde ut per vicos exportarent ægrotos, inque lectis & grabatis deponerent, ut venientis Petri vel umbra aliquem eorum inumbraret.

16 Conveniebant etiam vulgo ex finitimis urbibus Hierosolimam, adducentes ægrotos, & ab immundis spiritibus vexatos, qui curabantur omes.

17 Itaque surrexit pontifex, & omnes ejus gregales (quæ Sadducæorum secta est)

18 & invidiæ pleni, manus Apostolis injecerunt, eosque in custodiam publicam dederunt.

19 Sed Domini angelus noctu carceris portas aperuit, & eductis eis dixit:

20 Ite, & in fano manentes, eloquimini populo hæc omnia verba vitalia.

21 Hoc audito, illi sub diluculum ingressi in fenum, docent, Pontifex autem, & ejus gregales, adfuerunt: & concilio omnique Israelitarum senatu convocato, miserant in carcerem qui eos adducerent.

22 At ministri, postquam eò venerunt, nec eos in custodia invenerunt, reversi sunt,

23 & se carcerem quidem diligentissimè clausum comperisse

renunciaverunt, & custodes foris ante portas astantes: sed cum aperuissent, intus invenisse neminem.

24 His verbis auditis, summus sacerdos & fani antistes, ac pontifices, de eis ambigebant quidnam id esset.

25 Interea advenit quidam, qui eis nunciavit, viros illos quos in custodiam dedissent, esse in fano, & ibi plebem docere.

26 Tum eò profectus antistes cum ministris, eos adduxit, non vi: metuebant enim, ne ipsi à plebe lapidarentur.

27 Ita adductos statuerunt in concilio, eosque pontifex hujusmodi oratione interrogavit:

28 Nonne vos metuimus isto nomine docere? Atqui replevitis Hierosolimam doctrina vestra, & vultis in nos illius hominis sanguinem derivare.

29 Tum Petrus & Apostoli sic responderunt: Parendum Deo magis est, quàm hominibus.

30 Deus majorum nostrorum Jesum suscitavit, quem vos in patibulo suspensum interfecistis.

31 Hunc Deus ductorem servatoremque sua dextra extulit, ad conciliandum Israelitis vitæ correctionem, peccatorumque veniam.

32 Et nos sumus ei testes harum rerum, sanctusque spiritus, quem Deus ei obedientibus impertivit.

33 His illi auditis urebantur, & de eis interficiendis deliberant.

34 Sed surrexit quidam in concilio Phariseus, nomine Gamaliel, legisperitus, qui apud omnem populum erat in honore. Is iussit Apostolos paulisper foras educi.

35 Deinde sic ad illos orationem habuit: Viri Israelitæ, dispicite de viris his, quid eis sitis facturi.

36 Nam superioribus diebus extitit Theudas, qui sese dicebat esse aliquem, cum quo homines ad numerum quadringentorum sese conjunxerunt. Et is occisus est, & quotquot ei parebant, deleti & ad nihilum redacti.

37 Post hunc extitit Judas Galilæus tempore professionis, multumque ad se hominum tra-duxit. Sed & is periit: & omnes qui ei obtemperabant, profligati sunt.

38 Nunc quoque vobis suadeo, ut vobis ab his hominibus temperetis, eosque missos faciatis. Si enim ab hominibus est hoc consilium atque opus, abolebitur:

39 sin à Deo est, id abolere non potestis, ne fortè cum Deo pugnare comperiamini. Haic illi obtemperarunt,

40 & accersitos Apostolos verberarunt, eisque ne Jesu nomine loquerentur, interdixerunt, atque ita eos dimiserunt.

41 Illi verò ex concilio lati discedunt, quòd digni habiti essent, qui propter ejus nomen afficerentur ignominia:

42 ac quotidie & in fano & intra parietes, docere, & Jesum Christum nunciare, non inter-mittunt.

CAPUT VI.

Apostoli ministrandi officium delegant, septem electis viris, inter quos Stephanus fide plenus, captus, violatæ legis hæsis accusatur.

PER eos dies crescente discipulorum numero, extitit Græcanicorum adversus Hebræos

fremitus, quòd eorum viduæ in quotidiano ministerio prætermitterentur.

2 Itaque duodecim, convocata discipulorum multitudine, sic verba fecerunt: Non placet, nos omisso Dei sermone, ministrare mensis.

3 Quocirca, fratres, dispicite homines ex vobis bene audientes septem, sancto spiritu sapientiaque plenos, quibus hoc negotium mandabimus.

4 Nos verò in precibus & ministerio sermonis erimus assidui.

5 Placuit hæc oratio univæ multitudini: elegeruntque Stephanum, virum fidei spiritusque sancti plenum, & Philippum, & Prochorum, & Nicanorem, & Timonem, & Parmenam, & Nicolaum adventitium Antiochenum,

6 quos in Apostolorum conspectu statuerunt: qui comprehensi, manus eis imposuerunt.

7 Ita augebatur divinus sermo, crescebatque discipulorum numerus Hierosolymæ vehementer, ingensque sacerdotum multitudo fidei obediebat.

8 Stephanus verò fidei potentiaque plenus, miracula prodigiaque magna vulgo faciebat.

9 Cumque extitissent quidam ex eo collegio, quod Libertinorum appellatur, & Cyrenensium, & Alexandrinorum, Cilicumque & Asianorum, qui cum Stephano contenderent,

10 non poterant sapientiæ & spiritui, quo loquebatur, resistere.

11 Itaque allegarunt homines, qui se eum impiè de Mose, deque Deo loquentem audivisse dicerent:

12 commoveruntque populum & senatores, atque Scribas,

& eum invaserunt: correptumque in concilium duxerunt,

13 ac falsos testes immiserant, qui ita dicerent: Hic homo non definit impia contra sacrum hunc locum, contraque legem loqui.

14 Audivimus enim eum dicere Jesum illum Nazarenum deleturum esse hunc locum, & traditos nobis à Mose ritus mutaturum.

15 Tum omnes qui in concilio sedebant contuentes in eum, viderunt ejus faciem qualis est angeli facies.

CAPUT VII.

Stephanus causam dicens ostendit electos à Deo fuisse patres, priusquam natus esset Moses, & fieret templum. Externos vero omnes ritus ad cæleste exemplar formatos fuisse. Stridentes dentibus Judæi, lapidibus eum obruunt.

ET Pontifex ita dixit: Sicci-
ne se res habet? Tum ille hujusmodi orationem habuit:

2 Viri fratres & patres, audite. Deus gloriosus apparuit patri nostro Abrahamo, cum esset in Mesopotamia, antequam Charræ habitasset,

3 eique jussit ut ex sua patria ac cognatione migraret, in terramque veniret, quam ipse ei ostensurus esset.

4 Tum ille ex Chaldæorum terra profectus, Charræ habitavit: & illinc eum, mortuo ejus patre, Deus in hanc terram transtulit quam vos nunc incolitis,

5 in qua nullam ei possessionem tradidit, ne vestigium quidem pedis: & tamen promisit eam sese ei possidendam datum, ejusque post eum soboli, cum liberos non haberet.

6 Locutus est autem Deus ad hunc modum: fore ejus posteros in aliena terra peregrinos, & servitute pressum atque afflictum iri annos quadringentos.

7 Sed illum gentem, cui servient, puniam ego, inquit Deus: exhibuntque postea, & me hoc ipso in loco adorabunt.

8 Iniit autem eum eo fœdus circumcisionis. Is genuit Isaacum, eumque octavo die circumcidit. Isaacus Jacobum, Jacobus duodecim summos patres.

9 Summi patres invidia ducti, Josephum in Ægyptum ducendum vendiderunt.

10 Atq; ei Deus adfuit, eumq; ex omnibus angustiis eripuit, & ei tantam apud Pharaonem Ægypti regem, gratiam ac sapientiam conciliavit, ut ille ei Ægypti totiusque domus suæ administrationem mandaret.

11 Deinde tanta per universam Ægyptum ac Chananzæam orta fame atque angustia, ut alimenta non invenirent majores nostri,

12 Jacobus audiens esse in Ægypto frumenta, majores nostros eò primum misit:

13 estque Josephus altero itinere fratribus suis agnitus, ejusque genus Pharaoni declaratum.

14 Tum Josephus patrem suum Jacobum, & totam cognationem ad capita septuaginta quinque, curavit accersendam.

15 Ita descendit Jacobus in Ægyptum, ubi cum obiisset ipse & majores nostri,

16 Sichemam translati sunt, & in sepulchreto siti, quod Abrahamus argenti precio à filiis Emoris Sichemi filii emerat.

17 Interea instante promissi tempore, de quo Deus Abrahamo

hamo juraverat, crescebat populus in Ægypto multiplici numero:

18 donec extitit rex alius, qui Iosephum non noverat.

19 Is genus frustrando nostrum, majores nostros eo usque afflixit, ut eorum infantes exponendos curaret, ne propagarentur.

20 Quo quidem tempore natus Moses Deo fuit acceptus:

21 quem domi paternæ tres menses enutritum, deinde expositum, Pharaonis filia sustulit, & pro filio educavit.

22 Institutus est autem Moses in omni Ægyptiorum doctrina, fuitque factis dictisque potens.

23 Ut autem quadragesimum agebat ætatis annum, venit ei in mentem consanguineos suos Israelitas visere:

24 cumque vidisset quendam injuria affici, eum defendit, & ejus injuriam cæso Ægyptio ultus est.

25 Arbitrabatur autem, consanguineos suos intelligere, Deum eis per ipsum salutem dare: id quod illi non intellexerunt.

26 Postero die certantibus supervenit, & pacem inter eos conciliare conatus est hujusmodi verbis: Viri, fratres estis vos, cur alter alterum læditis?

27 Sed qui alteri faciebat injuriam, eum repulit, ita dicens: Quis te nobis principem & judicem constituit?

28 Num me vis interficere, quomodo heri Ægyptium interfecisti?

29 De eo dicto Moses aufugit, & in Madianitide peregrinatus est, ubi duos filios genuit.

30 Ac peractis annis quadraginta, apparuit ei in solitudine

montis Sinæ angelus Domini, in ignea flamma rubi.

31 Quod visum videns admiratus est Moses. Ac eo ad visendum accedente, extitit hæc ad eum Domini vox.

32 Ego sum majorum tuorum Deus, Abrahami Deus, & Isaaci Deus & Jacobi Deus. Hic tremefactus Moses non audebat intueri: & Dominus dixit ei:

33 Detrahe tibi calceos de pedibus: nam locus, in quo tu stas, sacra terra est.

34 Vidi mei populi miseriam, qui est in Ægypto, eorumque gemitum audiui: itaque ad eos liberandos descendi. Proinde nunc ades, ut te mittam in Ægyptum.

35 Hunc Mosem, quem illi repudiaverant, quærentes quis eum principem & judicem constituisset, hunc ipsum Deus principem & liberatorem misit, ductu angeli, qui ei in rubo apparuerat.

36 Hic eos eduxit, mira que & portentosa fecit tum in Ægypto & mari rubro, tum in solitudine, annos quadraginta.

37 Hic est ille Moses, qui dixit Israelitis: Vatem vobis suscitabit Dominus Deus vester ex consanguinitate vestra, mei similem, eum audietis.

38 Hic ille est, qui in multitudine fuit in solitudine cum angelo, qui cum eo locutus est in monte Sina, cumque majoribus nostris: qui vitalem sermonem nobis tradendum accepit:

39 cui dicto audire noluerunt majores nostri, sed eo repulso, animis sese in Ægyptum converterunt,

40 & ab Aharone petiverunt ut sibi faceret deos, qui se antecederent:

cederent: nam Mosis illi, à quo essent ex Ægypto educti, sese nescire quid accidisset.

41 Itaque vitulum eo tempore fecerunt, & sacrificium simulacro peregerunt, ac suarum manuum operibus delectati sunt.

42 Ideoque aversus Deus eos ad cultum copiarum cœlestium prolabi sivit, quemadmodum in vatum libro scriptum est: Nunquid mihi victimas & sacrificia obrulistis per annos quadraginta in solitudine, domus Israelis?

43 An non adhibuistis Molochi tabernaculum, Remphanisque Dei vestri fidus, quæ vos simulacra fecistis ad adorandum? Itaque vos ego transferam ultra Babylonem.

44 Oraculi tabernaculum habuere majores nostri in solitudine, sicuti statuerat is qui Mosis iussit ut id faceret ad exemplum, quod vidisset:

45 quod acceptum majores nostri unâ cum Josua introduxerunt tum, cum fines occuparunt earum gentium, quas Deus eorum causa exterminavit: donec ad Davidis tempora ventum est,

46 qui usus Deo secundo, voluit domicilium invenire Deo Jacobeorum.

47 Solomo autem ei ædem ædificavit.

48 Sed non in templis manufactis habitat Supremus, quemadmodum dicit vates:

49 Cœlum mihi sedes est, & terra pedum meorum subsellium: quam mihi vos domum ædificabitis? inquit Dominus: aut quis locus meæ requietis erit?

50 quasi verò non mea manus fecerit ista omnia.

51 Duricervici, & animo &

auribus incircumcisi: vos semper spiritui sancto contravenitis, itidem ut majores vestri.

52 Quem vatum non insectati sunt vestri majores? annon eos necarunt, qui iusti adventum prænunderunt? cujus vos modò proditores fuistis & insectatores:

53 qui, quam angelorum administratione legem accepistis, non servastis.

54 Hæc audientes illi, animis urebantur, & dentibus fredebant in eum.

55 Ipse autem sancto spiritu plenus, in cœlum intuitus, & Dei splendorem, Jesumque Deo ad dexteram astantem conspicatus,

56 dixit: En video cœlos apertos, & filium hominis Deo astantem ad dexteram.

57 At illi sublato ingenti clamore, aures suas obturare, & universi facto in eum impetu,

58 ejectum ex urbe lapidare. Et testes, depositis ad pedes adolescentis, nomine Sauli, vestimentis,

59 Stephanum lapidare, invocantem & dicentem: Domine Jesu accipe spiritum meum.

60 Deinde positis genibus, ingenti voce exclamavit: Domine, noli in eos hoc vindicare peccatum: hoc locutus, obdormivit.

CAPUT VIII.

Dum Stephanum ingentem præ, Saulus Ecclesiam vastat. Philippus Samariam Christianum prædicat. Simonis magi avaritia notatur. Philippus Eunuchum Aethiopem baptizat.

Saulus autem in ejus necem consentiebat. Ortaque est eo die tanta adversus Hierosolymitanam ecclesiam persecutio, ut omnes in Judæa Samariæque fines

finis (exceptis apostolis) dilapsi sint.

2 Stephano autem parentarunt homines religiosi, & cum magno plangore persecuti sunt.

3 Saulus verò devastabat ecclesiam, & in domos intrans, ac tum viros tum foeminas trahens, dabat in custodiam.

4 Et illi quidem dispersi, ultero citroque doctrinam publicabant.

5 Philippus verò in urbem quandam Samariæ degressus, Christum Samaritanis prædica-
bat :

6 vulgoque universi dicta Philippi attendebant, cum quæ prodigia faceret, audirent ac viderent.

7 Ex multis enim spiritus impuri, quos habebant, exibant cum ingenti vocis clamore : multique membris capti, & claudi, curati sunt,

8 magna cum illius urbis lætitia.

9 Erat prius in ea urbe homo quidam nomine Simon, qui magicam exercebat, & Samariæ gentem reddebat attonitam, se quendam magnum esse dicens :

10 à quo infirmi summique pendebant, dicentes, eum esse Dei magnam potentiam :

11 & idèò pendebant, quòd eos aliquandiu præstigiis obstupescerant.

12 Cùm autem Philippo de divino regno, & Jesu Christi nomine docenti credidissent, ac tum viri tum foeminae baptizarentur,

13 ipse quoque Simon credidit, ac baptizatus est : & deinceps assiduus erat cum Philippo, & quæ prodigia ac ostenta fierent spectans, obstupebat.

14 Audientes autem qui Hierosolymis erant apostoli, admis-

sam esse à Samaria divinam doctrinam, miserunt ad eos Petrum ac Johannem,

15 qui eò degressi, pro eis orarunt, ut sanctum spiritum obtinerent.

16 Nullum enim adhuc eorum invaserat : tantùm in Christi Jesu nomen erant baptizati.

17 Itaque illi eis manus imposuerunt, atque ii sanctum spiritum adepti sunt.

18 Id animadvertens Simon, manuum apostolorum impositione spiritum sanctum dari, obtulit eis pecuniam,

19 dicens : Date mihi quoque, potestatem istam, ut cuicunque manus imposuero, spiritum sanctum obtineat.

20 At Petrus : Pereas (inquit) : unà cum tuo argento, qui divinum munus pecuniis comparandum existimes.

21 Non es hujus doctrinæ particeps, neque confors : nam tuam mens in Dei conspectu recta non est.

22 Quamobrem desceisse ab ista tua pravitate, Deumque conprecare, si fortè tibi ista mala mens ignoscatur.

23 Nam tibi acerbam imminere bilem, & te scelere confectum esse video.

24 Et Simon : Orate vos, inquit, pro me Dominum, ut mihi nihil eveniat eorum quæ dixistis.

25 Igitur illi Domini doctrinam testificati ac elocuti, Hierosolymam redierunt, multoque Samaritanorum vicos Evangelio instruxerunt.

26 Philippum autem alloquens, Dei angelus, mandavit uturgeret, & meridie per viam proficeretur, quæ Hierosolyma Gazam descenditur, quæ viâ erat infrequens.

27 Itaque ille surrexit, ac profectus est. Tum homo quidam Æthiops eunuchus, Candacæ Æthiopum reginæ præfectus, omni ejus gazæ præpositus, qui Hierosolymam venerat adorandi Dei gratia,

28 revertebatur, & in suo curru sedens Esaiam vatem legebat.

29 Præcepit autem Philippo spiritus, ut accederet, seque ad eum currum adjungeret.

30 Itaque Philippus accurrit, & eum legere vatem Esaiam audivit, ac dixit: Intelligitne quæ legis?

31 Et ille: Quî verò possim, inquit, nisi quis mihi præeat? Philippumque rogavit ut ascenderet, ac secum federet.

32 Erat autem hæc scripti, quod legebat complexio: Ut ovis ad cædem actus est, utque agnus ante suum tonforem obmutescens, sic ille ne mutivit quidem.

33 In ejus humilitate judicium ejus sublatum est, atque ejus genus quis eloquatur? cum sublata sit ex terra vita ejus.

34 Et eunuchus Philippum alloquens: Quæso te, inquit, de quonam dicit hoc vates? de seipione, an de quopiam alio?

35 Tum Philippus fari instituit, & ab eo scripto exorsus, eum de Jesu docuit.

36 Cumque iter faciendo ad quendam venissent aquam, eunuchus dixit: Ecce aqua: quid me baptizari prohibet?

37 Et Philippus: Si toto animo credis, inquit, licet. Credo (inquit ille) Dei filium esse Jesum Christum:

38 jussitque sisti currum, & ambo in aquam, Philippus & eunuchus, descenderunt, eum-

que baptizavit Philippus:

39 Deinde ubi ex aqua egressi sunt, rapuit Philippum spiritus Domini, nec eum vidit amplius eunuchus, sed suum iter lætus perrexit.

40 Philippus verò Azoti repertus est, & urbes omnes obiens Evangelio instituebat, donec venit ad Cæsaream.

C A P U T IX.

Saulus Damascum petens à Domino prosternitur. Ananias mittitur, ut eum baptizet. Judæorum insidias, per murum demissus, evadit. Petrus Aneæ paralytico medetur. Tabitham defunctam, vita restituit.

AT Saulus minas adhuc, cædemque spirans in Domini discipulos, aggressus ponticem,

2 petiit ab eo epistolas Damascum ferendas, ad collegia: ut si quos ejus instituti inveniret, sive viros, sive fœminas, viçtos perduceret Hierosolymam.

3 Sed inter eundum, eum Damasco propinquantem circumfudit de cælo lux,

4 ad terramq; collapsus vocem audivit sibi dicentem: Saule, Saule, quid me persequeris?

5 Et ille: Quis es? Domine. Ego sum Jesus (inquit Dominus) quem tu persequeris. Durum est tibi contra stimulos calcitrare.

6 Hic ille tremens ac stupefactus, Domine, quid me vis facere? inquit. Cui Dominus: Surge & in urbem ingredere & tibi dicetur, quid tibi faciendum sit.

7 Homines autem ejus comites itineris astabant attoniti, vocem audientes illi quidem, sed neminem videntes.

8 Saulus verò à terra surrexit, &

& apertis oculis, neminem videbat. Eum illi manibus ducentes, Damascum introduxerunt :

9 ac per tres dies non vidit, neque comedit aut bibit.

10 Erat Damasci discipulus quidam nomine Ananias, quem Dominus per visum sic allocutus est: Anania. Et ille: Quid est, inquit, Domine?

11 Cui Dominus: Surge, inquit, & in vicum proficiscere, qui Rectus appellatur, & quare in ædibus Judæ Saulum, nomine Tarfensem: is enim supplicat,

12 & per visum vidit virum nomine Ananiam ingressum, & sibi manus imponentem, ut cernat.

13 At Ananias: Domine, inquit, audiui ex multis de eo viro, quantum malorum tuis sanctis Hierosolymæ fecerit:

14 quinetiam hic potestatem habet à pontificibus, vinciendo omnes tuum nomen invocantes.

15 Cui Dominus: Vade, inquit: nam is mihi selectum est instrumentum, ad profitendum meum nomen tum apud cæteras gentes atque reges, tum apud Israelitas.

16 Nam ei ostendam ego, quanta sint ei patienda propter meum nomen.

17 Tum Ananias abiit: & donum ingressus, ac impositis illi manibus dixit. Saule frater, Dominus me misit, is qui tibi in via venienti apparuit, ut videas, sanctoque spiritu repleare.

18 Ac protinus delapsis ex ejus oculis quibusdam quasi squamis, dispexit, surrexitque & baptizatus est,

19 ac cibo capto convaluit. Fuit autem Saulus cum Damascenis discipulis dies aliquot,

20 ac statim in collegiis Christum prædicabat, eum esse Dei filium:

21 stupentibus quotquot audiebant, & ita dictitantibus: Nonne hic est, qui Hierosolymæ depopulabatur invocantes hoc nomen? atque huc eò venit, ut constrictos perduceret ad pontifices?

22 At Saulus magis invalescebat, & incolas Damasci Judæos confutabat, eum Christum esse confirmandus.

23 Deinde compluribus transactis diebus, decreverunt eum occidere Judæi.

24 Quorum insidiis Saulo cognitis, cum illi portas dies & noctes, ejus necandi gratia observarent,

25 discipuli eum noctu ceperunt, & laxata per murum s porta demiserunt.

26 Saulus ut Hierosolymam pervenit, conabatur sese ad discipulos aggregare, Sed eum reformidabant omnes, discipulum esse non credentes.

27 Verum Barnabas eumprehendit, & ad Apostolos duxit, eisque ut in via Dominum vidisset, exposuit, utque eum Dominus allocutus fuisset, & ut Saulus Damasci in Jesu nomine liberè locutus esset.

28 Ira Saulus cum eis Hierosolymæ obversari,

29 & in Domini Jesu nomine liberè loqui, ac cum Græcanicis colloqui atque contendere: at illi eum interimere conabantur:

30 quo cognito, fratres eum ad Cæsaream deduxerunt, Tarsumque dimiserunt.

31 Igitur Ecclesiæ per totam Judæam, & Galilæam, & Samariam quietè agebant, & instrue-

instruebantur, & in religione ac sancti spiritus confirmatione proficientes augebantur.

32 Accidit autem ut Petrus omnia peragrans, descenderet etiam ad sanctos, qui Lyddam incolebant.

33 Ibi quendam nactus hominem Æneam nomine, octo jam annos jacentem in grabato, membris captum,

34 sic ei dixit: Ænea, sanat te Jesus Christus: surge, & ipse tibi subterne. Atque ille confestim surrexit,

35 eumque viderunt omnes Lyddæ & Asaronis incolæ, iiq; se ad Dominum converterunt.

36 Joppæ autem quædam erat discipula, nomine Tabitha: quod si interpretere, sonat Damam. Ea rectè & benignè factorum plena erat, quibus tenuium egestatem sublevabat.

37 Accidit autem per eos dies, ut ægrotaret ac moreretur. Eam ablutam in cœnaculo posuerunt.

38 Et quòd Joppæ vicina Lydda erat, discipuli Petrum Joppæ esse audientes, miserunt ad eum oratum, ut ad se venire non gravaretur.

39 Itaque Petrus cum nunciis profectus ivit. Eum illi, postquam advenit in cœnaculum subduxerunt, eique viduæ omnes astiterunt, plorantes, & tunicas ac vestimenta ostentantes, quæ facere solebat cum apud eas esset Dama.

40 Tum Petrus, omnibus foras ejectis, positus genibus supplicavit, deinde conversus ad corpus, ait: Tabitha surge. Atque illa oculos aperuit, visoque Petro resedit.

41 Et ille porrecta manu, eam allegavit: & vocatis sanctis

ac viduis, viventem exhibuit.

42 Hoc per totam Joppen innotuit, multique in Dominum crediderunt.

43 Mansit autem dies aliquam multos Joppæ, apud quendam Simonem coriarium.

CAPUT X.

Cornelius centurio, angeli jussu Petrum accersit. Qui & ipse visione oblata, ne gentes aspernetur, instituitur. Cornelio & familia Evangelium annunciat, hi autem Spiritu sancto accepto, baptizantur.

ERat autem quidam Cæsareæ, nomine Cornelius, centurio, ex eo cohorte quæ dicitur Italica,

2 vir religiosus, Deique tum ipse, tum tota ejus familia, metuens, & multa vulgò benignè faciens, ac Deum continenter orans.

3 Is per visum manifestè vidit, hora diei fermè nona, divinum angelum ad se ingressum, & ita dicentem: Corneli.

4 Et ille eum intuitus, & metu correptus, Quid est Domine? inquit. Cui ille: Tuæ preces ac benignè facta ad Deum ascenderunt, eique in memoria infederunt.

5 Itaque mitte Joppen homines, & accerse Simonem nomine Petrum,

6 (is diversatur apud quendam Simonem coriarium, cui domus est apud mare) qui tibi dicat, quid te facere oporteat.

7 Deinde ubi collocutus cum Cornelio angelus discessit, ille evocatis suorum famulorum duobus, & milite quodam religioso, eorum qui apud eum erant assidui,

8 narrauit eis omnia, eosque Joppen dimisit,

9 Postero die, illis iter facientibus, & urbi propinquantibus, ascendit Petrus in tectum, supplicandi causa, hora circiter sexta.

10 Esuriebat autem & cibum capere volebat. Atque illis parantibus, extra se raptus,

11 videt apertum cælum, & descendens ad se utensile quoddam, quasi magnum linteum, quatuor capitibus ligatum, ad terram demitti,

12 in quo inerant omne genus quadrupedes terrestres, feræque & serpentes, & aëreæ volucres :

13 extirritque vox ad eum : Age Petre, macta, & vescere.

14 At Petrus : Minime, Domine, nihil enim unquam impurum aut immundum comedi.

15 At vox iterum ad eum : Quæ Deus purgavit, tu ne polue.

16 Atque idem ter factum est, rursumque subductum est in cælum illud utensile.

17 Cumque secum ipse dubitaret Petrus, quidnam sibi veller illud visum quod viderat : ecce homines illi a Cornelio missi, Simonis domum sciscitanti, aderant pro vestibulo,

18 & clamantes percontabantur, num Simon nomine Petrus ibi diversaretur.

19 Ac Petro de viso illo cogitanti, dixit spiritus : En homines te quærunt :

20 tu verò age, descende, ac cum eis citra omnem cunctationem proficiscere : nam ego eos misi.

21 Ita Petrus ad homines à Cornelio ad se missos degressus, dixit : Is ego sum, quem vos quæritis : quæ causa est ob quam adestis ?

22 Et illi : Cornelius (inquit) centurio, vir iustus, & Dei metuens, & ab universa Judæorum natione bene audiens, oraculo monitus est à sancto angelo, ut te domum suam accerferet, & loquentem audiret.

23 Igitur ille eos intrò vocatos accepit hospitio. Deinde postridie Petrus cum eis profectus est, comitantibus quibusdam Joppenfibus fratribus.

24 Postero die Cæsaream ingressi sunt. Cornelius verò eos præstolabatur, convocatis suis cognatis, ac necessariis amicis.

25 Atque ut ingressus est Petrus, ei occurrit Cornelius, & ad pedes lapsus, eum veneratus est.

26 At Petrus eum allevavit : Surge (inquit) ego quoque homo sum.

27 ac cum eo colloquens ingressus est, multosque congregatos nactus, sic ad eos verba fecit :

28 Vos scitis, ut nefas sit homini Judæo harere aut congregi alienigenæ. Sed mihi Deus ostendit, neminem profanum impurumve dicendam hominem :

29 itaque accersitus, nihil dubitavi venire. Quæro igitur, quam ob causam vos me accersiveritis.

30 Tum Cornelius : Nudius quartus, inquit, ad hanc horam jejunos eram, & hora nona domi meæ supplicabam : cum ecce vir quidam stetit in me conspectu, veste splendida,

31 & ait : Corneli, exaudita est tua supplicatio, tuaque benignè facta Deo in memoriam habentur.

32 Mitte ergo Joppen, accersitum Simonem, cui cognomen est Petrus (is diversatur in ædibus Simonis coriarii, apud mare)

mare) qui ubi advenerit tecum loquetur.

33 Ego continuo ad te misi : & tu rectè fecisti, qui veneris. Nunc nos omnes in Dei conspectu adsumus, ad audienda omnia tibi à Deo mandata.

34 Tunc Petrus in hunc modum orationem habuit : Re ipsa comperio, non habere personarum rationem Deum :

35 quin apud omnes nationes qui eum metuit, & justitiam exercebat, is ei acceptus est.

36 Quem sermonem misit Israelitis pacem per Jesum Christum nuncians, is est omnium Dominus.

37 Vos scitis, quæ res acciderit per totam Judæam, ducto à Galilæa initio, post prædicatum à Johanne baptisina :

38 Jesum dico à Nazareth, ut eum Deus sancto spiritu ac potestate unxerit : qui ultro citroque commens, benefaciebat, & omnes à diabolo oppressos sanabat, quippe cui Deus adesset.

39 Et nos testes sumus omnium, quæ cum in reliquo Judæorum agro, tum Hierosolymæ fecit :

40 quem illi in patibulo suspensum interfecerunt. Hunc Deus tertio die suscitavit, & ut manifestus fieret effecit,

41 non omni vulgo, sed nobis designatis divinitus testibus, qui quidem cum eo comedimus & bibimus, postquam à mortuis surrexit.

42 Isque nobis mandavit ut vulgo prædicemus, ac testificemur, eum vivorum esse, mortuorumque judicem à Deo destinatum.

43 Huic vates omnes testimonium dant, eum esse, per cu-

jus nomen peccatorum veniam consequantur, quicumque in eum credant.

44 Adhuc hæc verba loquente Petro, invasit sanctus spiritus omnes eam orationem audientes :

45 suntque attoniti ii qui erant à circumfisione fidentes, quicumque cum Petro venerant, quod etiam extranei sancti spiritus munere perfusi essent.

46 Audiebant enim eos linguis loquentes, Deumque celebrantes.

47 Tum Petrus : Nunquis aquam, inquit, prohibere potest, quo minus baptizentur hi, qui, ut & nos sanctum spiritum adepti sint ?

48 eosque in Domini nomine jussit baptizari. Tunc illi eum exorarunt, ut ibi dies aliquot maneret.

CAPUT XI.

Petrus eo nomine accusatus, sese defendit. Barnabas Antiochiam mittitur, ubi discipuli Christiani nominati sunt. Ibidem Agabus famem futuram pronunciat.

AUdiverunt autem apostoli & fratres, qui erant in Judæa, etiam externos divinam accepisse doctrinam.

2 Ac postquam ascendit Petrus Hierosolymam, contendebant cum eo, qui erant à circumfisione.

3 Quod ad homines præputio præditos ingressus, ac cum eis epulatus fuisset.

4 Ac Petrus sic eis negotium ordine exponere orsus est :

5 Ego in oppido Joppa supplicans, visus sum mihi videre (extra me raptus) descendens utensile quoddam, quasi linteum

magnum, quod quatuor capitibus de cœlo demissum ad me usque venit.

6 Id dum attentus contem-
plor, vidi quadrupedes terre-
stres, & feras, & serpentes, &
aëreas volucres,

7 audivique vocem dicentem
mihi: Age Petre, macta & ve-
scere.

8 Et ego: Nequaquam, Do-
mine, inquam: nihil enim un-
quam immundum aut impurum
per os meum intravit.

9 At illa vox iterum mihi de
cœlo dixit: Quæ Deus purga-
vit, ne tu pollue.

10 Idque ter factum est, at-
que ita rursus omnia in cœlum
retracta sunt.

11 Et ecce extemplo præsto
fuerunt apud eam, in qua eram,
domum, tres homines, ad me
Cæsarea missi:

12 cum quibus ut sine omni
dubitatione abirem, iussit mihi
spiritus. Iverunt autem unâ
mecum sex fratres hi:

13 ac nobis hominis domum
ingressis, narravit ille ut ange-
lum domi suæ vidisset astantem,
& sibi præcipientem ut mitteret
Joppen homines qui Simonem
accerferent cognomine Petrum,

14 qui ei dicturus esset ea,
per quæ & ipse & ejus omnis
familia servaretur.

15 Postquam autem ego loqui
cœpi, invasit eos sanctus spiri-
tus, ut & nos principio.

16 Tum ego recordatus sum
illud Domini dictum, quo dixe-
rat, Johannem quidem baptiza-
visse aqua, sed nos spiritu san-
cto baptizatum iri.

17 Quòd si eodem illos mu-
nere donaverat Deus, quo eti-
am nos, dum Domino Jesu Chri-
sto fidem adjunximus: ego quis

eram, ut Deum prohibere pos-
sem.

18 His illi auditis acquieve-
runt, Deoque gratias egerunt,
qui etiam externis aditum ad
vitam per morum correctionem
dedisset.

19 Cæterum qui propter af-
flictionem ob Stephanum ortam
dispersi fuerant, pervenerunt
usque in Phœnicem, & Cyprium,
& Antiochiam, nemini doctri-
nam exponentes, nisi solis Ju-
dæis.

20 Erant autem quidam ex
eis homines Cyprii, & Cyre-
nenses, qui Antiochiam ingres-
si, loquebantur cum Græcis,
Dominum Jesum nunciantes:

21 Quibus Dominus ita se-
cundus erat, ut frequens homi-
num numerus crederet, seque
ad Dominum converteret.

22 Quod postquam de eis
auditione accepit ecclesia Hie-
rosolymitana, Barnabam misit,
qui Antiochiam se conferret.

23 Is postquam eò pervenit,
visâ Dei gratia lætatus, omnes
ut cum animi destinatione Do-
mino hærerent, cohortatus est:

24 utpote vir bonus, sancti-
que spiritus & fidei plenus. Ita-
que Domino accessit aliquanta
multitudo.

25 Profectus est autem Tar-
sum Barnabas, Sauli requirendi
gratia,

26 quem nactus duxit Anti-
ochiam, ac totum annum cum
ecclesia versati sunt, & aliquan-
tam hominum multitudinem do-
cuerunt, ac primum Antiochiæ
discipuli nuncupati sunt Chri-
stiani.

27 Ea tempestate descende-
runt Hierosolymis vates Antio-
chiam,

28 quorum unus extitit Agabus nomine, qui divinitus afflatus gravem fore toto orbe famem significavit, quæ quidem accidit sub Claudio Cæsare.

29 Discipuli autem, prout eorum cuique suppetebat, decreverunt opitulandi gratia mittere habitantibus in Judæa fratribus:

30 id quod fecerunt: & ad seniores Barnabæ & Sauli opera miserunt.

CAPUT XII.

Herodes Jacobum gladio occidit.

Petrum incarcerationum Angelus liberat. Rex Tyriis insensus placatur: & cum divinos honores sibi vendicat, a vermibus ereptus vitam finit.

PER id tempus admovit Herodes rex manus vexandis ab ecclesia nonnullis,

2 & Jacobum Johannis fratrem ferro sustulit:

3 quod Judæis gratum esse videns, comprehendit insuper etiam Petrum (quum quidem essent azymorum dies)

4 captumque dedit in custodiam, & quater quaternis militibus custodiendum tradidit, volens eum post pascha producere populo.

5 Ita Petrus in carcere servabatur, fiebatque pro eo continua ab ecclesia supplicatio ad Deum.

6 Cum autem eum producturus esset Herodes, & ea nocte dormiret Petrus inter duos milites, duabus colligatus catenis, & custodes ante portam custodiam agerent:

7 ecce adest Domini angelus, splendente per domum luce, qui pulsato Petri latere, eum expregessit, dicens: Surge celeriter. Ac delapsis ex ejus manu catenis:

8 Præcinge te, inquit, & tuis sandaliis calcea. Quod postquam ille fecit: Indue, inquit, tuum pallium, & me sequere.

9 Itaque ille egressus, eum sequitur: neque rem veram ab angelo agi intelligebat, sed sibi spectrum cernere videbatur.

10 Prætergressi primam ac secundam custodiam, veniunt ad portam ferream, quæ in urbem itur, quæ eis sua sponte aperta, simulac egressi, vicum unum processerunt, decessit ab eo angelus.

11 Et Petrus ut ad se rediit, ita dixit: Nunc verè scio, Dominum, misso angelo suo, me ex Herodis manu & tanta Judaici populi expectatione eripuisse.

12 Ac sciens venit ad aedes Mariæ, Johannis matris, ejus cui Marcus cognomen erat, ubi complures coiverant, ac supplicabant.

13 Ubi Petrus vestibuli fores pulsavit, prodiit ad subauscultandum ancilla, nomine Rhode:

14 quæ agnita Petri voce, præ lætitia vestibulum non aperuit, sed intrò cucurrit, & Petrum ante vestibulum adeste nuntiavit.

15 At illi eam insanire dicere. Atque illa sic se rem habere contendente, dicebant ejus esse angelum.

16 Sed Petro pulsare pergente, aperuerunt, & eo viso attoniti sunt:

17 Ille, indicto manu silentio, narravit eis, quo pacto se Dominus ex carcere eduxisset: jussitque ut ea Jacobo & cæteris fratribus renunciarent: deinde egressus concessit aliò.

18 Orta die, erat non mediocris inter milites turba, quid de Petro factum esset.

19 Hero-

19 Herodes verò, cùm eum conquisitum non invenisset, habita de custodibus quæstione, eos ad supplicium agi imperavit: & ex Judæa degressus, Cæsarem versatus est

20 Erat autem Herodes Tyriis & Sidoniis infensus: & illi simul venerant ad eum, & Blasto regis cubiculario induto, pacem petebant, quòd eorum ager ex regio elebatur.

21 Certo autem die Herodes, regali veste indutus, in solio sedens, ad illos orationem habebat:

22 & populus divinam esse, non humanam vocem, acclamabat.

23 Ille verò confestim à Domini angelo ictus (quòd Deo gloriam non tribuisset) & à verminibus erosus, expiravit.

24 Divina autem doctrina crescebat, ac amplificabatur.

25 Et Barnabas atque Paulus, munere perfuncti, Hierosolyma redierunt: assumpto etiam Johanne, eo qui Marcus est cognominatus.

CAPUT XIII.

Paulum & Barnabam sibi segregari jubet Spiritus: Paphi Elymas Magus excæcatur: hinc Antiocham Pisidiæ profecti Evangelium prædicant, Judæis acriter contradicentibus.

ERANT Antiochiæ, in ea quæ erat ecclesia, vates, & doctores Barnabas, & Simon, cognomine Niger, & Lucius Cyrenensis, & Manahen, cum Herode Tetrarcha nutritus, & Saulas.

2 Eis autem Domino operantibus, ac jejunantibus, iussit sanctus spiritus ut sibi Barnabam ac Saulum segregarent ad id opus, cui destinasset eos.

3 Tum illi, cùm jejunassent,

ac supplicassent, manus eis imposuerunt, eosque dimiserunt.

4 Atque ii à sancto spiritu emissi, ad Seleuciam descenderunt, & inde in Cyprum navigarunt:

5 ac ubi Salaminem pervenerunt, divinam doctrinam in Judæorum collegiis explicarunt. Habebant autem Johannem ministrum.

6 Progressi autem per insulam ad Paphum usque nacti sunt magum quendam, falsum vatem, Judæum, nomine Bariesum,

7 qui erat cum proconsule Sergio Paulo, viro prudente. Is proconsul, advocato Barnaba atque Saulo, divinam doctrinam audire conabatur:

8 sed obstabat eis Elymas magus (si enim licet ejus nomen interpretari) proconsulem à fide studens avertere.

9 At Saulus qui idem Paulus est, sancto repletus spiritu, filium intuitus dixit:

10 O omni fraude ac scelere referte, Diaboli fili, totius justitiæ hostis, non defines rectas Domini vias pervertere?

11 Scito nunc te Domini manu peti, cæcumque aliquandiu fore, ita ut solem non videat. Atque illum protinus tanta invahit caligo tenebrarum, ut circumiens quæreret qui se manu ducerent.

12 Ea re visa proconsul credidit, stupefactus doctrina Domini.

13 Paulus autem ejusque comites Papho solverunt, & Pergam Pamphyliæ venerunt: & Johannes ab eis digressus Hierosolymam revertit.

14 Ipsi à Perga progressi, venerunt Antiochiam Pisidiæ: & collegium Sabbati die ingressi, confederunt,

15 Deinde

15 Deinde post legis & vatum lectionem, collegii magistri eis ita significatum miserunt. Viri Fratres, si quid dicendum habetis, quo populum cohortemini, dicite.

16 Tum Paulus surrexit, & manu significavit, atque hac oratione usus est: Viri Israelitæ, & qui Deum reveremini, audite.

17 Hujus populi Deus majores nostros elegit, & peregrinantem in Ægypto populum evexit, ex eaque eduxit sublimi brachio,

18 & per annos circiter quadraginta eorum mores tulit in solitudine:

19 ac sublati in Chananæa terra septem gentibus, earum terram dedit eis possidendam.

20 Postea annis circiter quadringentis quinquaginta, dedit præfides, usque ad Samuelem vatem.

21 Inde petentibus regem, dedit Deus Saulëm, Cis filium, hominem ex tribu Benjaminia, annos quadraginta.

22 Quo sublato, Davidem eis regem suscitavit, de quo loquens ita testatus est: Nactus sum Davidem Isæi filium, viri ex animi mei sententia, qui omnia quæ ego volam, faciat.

23 Hujus ex semine Deus, ex promisso, duxit Israelitis servatorem Jesum,

24 ante cujus ingressum Johannes prædicavit baptisma pœnitentiæ, toti Israelitico populo.

25 Atque idem Johannes cum cursum conficeret, dixit: Quem me esse suspicamini: Non ego sum ille: sed post me venit, cujus ego pedum calceamentum solvere dignus non sum.

26 Viri fratres, ex Abrahami genere oriundi, quique ex vobis Deum reverentur, vobis hæc salutaris missa doctrina est.

27 Nam Hierosolymæ incolæ, eorumque magistratus eum ignorantes, vatum voces (quæ unoquoque Sabbato leguntur) eo damnato comprobarunt:

28 & nullo capitali crimine comperto, à Pilato ut ille necaretur petierunt.

29 Ac postquam omnia de eo scripta perfecerunt eum patibulo detractum, posuerunt in monumento.

30 Deus verò eum à mortuis excitavit:

31 qui compluribus diebus, eis se ostendit, qui unà cum eo ex Galilæa Hierosolymam ascenderant, qui quidem sunt ejus testes ad populum.

32 Et nos vobis nunciamus, quod majoribus promiserat Deus,

33 id nobis eorum posteris præstitisse, suscitato Jesu, ut etiam in Psalmo secundo scriptum est: Tu meus es filius, ego te hodie genui.

34 Quòd autem eum ex mortuis excitavit, non jam redditurum ad interitum, sic dixit: Dabo vobis fidelem Davidis benignitatem.

35 Itaque alibi quoque dicit: Non es passurus ut pius tuus corruptionem pariat.

36 Nam David quidem, postquam ætati suæ intervivit, Dei consilio obdormivit, & ad suos majores additus, corruptionemque passus est.

37 Sed quem Deus excitavit, is corruptionem passus non est.

38 Quamobrem hoc vobis notum esto, viri fratres, vobis per

per hunc peccatorum veniam nunciari:

39 ac ab omnibus, à quibus per Mosis legem solvi nequivistis, per hunc, quicumque credat solvi.

40 Quamobrem prospicite, ne vobis illud usu veniat, quod est in verbis dictum:

41 Videte ô contemptores, & præ admiratione obtorpescite: nam ejusmodi rem ego facturus sum vestris temporibus, quam non sitis credituri, si quis vobis exponat.

42 Deinde eos ex Judæorum collegio exeuntes orabant extranei, ut proximo Sabbato apud se iis de rebus loquerentur.

43 Ac dimisso collegio secuti sunt multi Judæorum, adventitiorumque religiosorum Paulum atque Barnabam: qui eos alloquentes, persuadebant, ut in Dei gratia permanerent.

44 Ac sequenti Sabbato ferè tota civitas ad audiendam divinam doctrinam convenit.

45 Verùm Judæi tantam hominum multitudinem videntes, æmulationis pleni, contradicebant iis quæ à Paulo dicebantur, reclamantes ac conviciantes.

46 Quibus contrà Paulus & Barnabas sic liberè dixerunt: Vobis primum necesse erat proponi divinam doctrinam. Sed quia eam rejicitis, neque vos sempiterna vita dignos judicatis, scitote nos ad gentes converti.

47 Sic enim præcepit nobis Dominus: Te gentibus externis lumen destinavi, ut sis ad ultimas usque terras salutis.

48 Hæc audientes exteri lætabantur, Dominique celebrabant doctrinam, & crediderunt quotquot erant sempiternæ vitæ destinati.

49 Sed dum Domini doctrinæ per totam illam regionem divulgatur,

50 Judæi impulsis religiosi honestisque scæminis, primisque civitatis tantam in Paulum & Barnabam insectationem excitaverunt, ut eos ex suis finibus ejicerent.

51 Illi excusso in eos pedum suorum pulvere venerunt Iconium.

52 Discipuli verò lætitia, sanctoque spiritu complebantur.

CAPUT XIV.

*Paulus & Barnabas Iconio eji-
ciuntur. Paulus Lystræ, clau-
dum sanat, & sibi sacrificatur-
os, prohibet. Ibidem Judæis
authoribus lapidatur, hinc mul-
tis Ecclesiis peragrat, Antio-
chiam revertuntur.*

Conii autem in Judæorum collegium ingressi sunt, & ita loquuti, ut crederet Judæorum Græcorumque magna multitudo.

2 At Judæi quibus persuasum non erat, extraneorum animos in fratres concitarunt, atque vi-
tiarunt.

3 Itaque postquam illic aliquandiu demorati sunt, liberè de Domino loquentes, qui ei doctrinæ ejus ipse pro sua beneficentia autor erat, testimonium dabat, efficiendo ut per eos prodigia fierent & miracula:

4 scissa est urbis multitudo, ita ut partim à Judæis, partim ab Apostolis starent.

5 Cumque tum ab extraneis, tum à Judæis, necnon eorum magistratibus, fieret ad eos violandos ac lapidandos impetus,

6 illi, eo intellecto, confugerunt in urbes Lycaoniæ, Lystram atque Derbam, & in finitimam regionem.

7 Illic

7 Illic dum Evangelium docebat,

8 homo quidam Lystris pedibus impotens, sedebat, claudus ab utero matris, qui nunquam ingressus erat.

9 Hic dum loquentem Paulum audit, Paulus eum intuitus, & animadvertens fidem habere se servatum iri,

10 dixit clara voce: Surge in pedes rectus: atque ille exilire, ac ingredi.

11 Hoc Pauli facto viso, vulgus sublata voce, Lycaonicè dicebant, deos humana specie descendisse:

12 & Barnabam Jovem appellabant, Paulum autem Mercurium, quòd is orationi præesset.

13 Jovis autem sacerdos, ante eorum urbem collocati, productis in vestibulo tauris ac coronis, volebat unà cum hominum vulgo sacrificare.

14 Quo audito, apostoli Barnabas & Paulus, laceratis tuis vestibus, insilierunt in turbam,

15 hujusmodi verbis clamantes: Viri, cur ista facitis? nos quoque sumus homines, iisdem, quibus vos, affectionibus obnoxii: qui vobis denunciamus, ut à vanis istis ad Deum illum viventem vos convertatis, qui & cælum fecit, & terram & mare, & quæcunque sunt in eis:

16 qui superioribus seculis gentes omnes suo more vivere permisit.

17 Tametsi non se reliquit non testatum, benefaciendo, de cælo nobis pluvias frugiferaque dando tempora, explendo cibis ac lætitia nostros animos.

18 Hæc dicentes, agrè vulgus compefcuerunt, quo minus eis sacrificaret.

19 Supervenerunt interea ab

Antiochia & Iconio Judæi, qui vulgo persuaferunt, ut Paulum lapidarent, ac extra urbem traherent, mortuum esse rati.

20 Ille circumfusus discipulis, surrexit, & in urbem ingressus est. Postridie Derbam cum Barnaba profectus est,

21 eaque civitate Evangelio instituta, & compluribus factis discipulis, Lystram, & Iconium, & Antiochiam repetierunt,

22 confirmantes discipulorum animos & ut in fide permanent cohortantes: per multas enim misérias oportere nos in divinum regnum intrare.

23 Ac postquam eis seniores in singulas ecclesias crearunt, factis supplicationibus, cum jejniis, eos Domino, in quem crediderant, commendarunt:

24 & peragrata Pisidia, in Pamphyliam venerunt;

25 ac Pergæ doctrinam locuti, Attaliam descenderunt.

26 Inde Antiochiam navigarunt, unde fuerant divinæ gratiæ commendati, ad opus quod absolverunt.

27 Eò postquam venerunt, coacta concione, renunciarunt quæ secum fecisset Deus, utque gentibus externis aperuisset portam fidei.

28 Commorati sunt autem illic non parum diu unà cum discipulis.

CAPUT XV.

Antiochenis quidam jugum Legis obtrudere conantur. Consultans de hac re Apostoli, & quid facto opus est, per litteras indicant. Inter Paulum & Barnabam acris contentio obornatur.

Quidam autem ex Judæa degressi, docebant fratres, nisi Mosàico ritu circumciderentur, non posse salvos fieri.

2 Itaque cum Paulo & Barnabæ ortum esset adversus illos non mediocriter certamen atque contentio, statuerunt Paulo & Barnabæ, & aliis quibusdam ex suis ascendendum esse Hierosolimam, ad apostolos & seniores, ob eam quæstionem.

3 Igitur illi ab ecclesia deducti, Phœnicen & Samariam obibant, extraneorum conversionem exponentes, omnesque fratres ingenti afficiebant lætitia.

4 Ubi Hierosolimam perventum est, accepti sunt ab ecclesia & apostolis ac senioribus, & quæ Deus secum fecisset, retulerunt.

5 Extiterunt autem quidam, ex eorum qui crediderant, Phariseorum secta, qui eos circumcidendos dicerent, indicendumque ut Moyses legem servarent.

6 Hujus rei dispiciendæ gratia, apostoli & seniores conveniunt,

7 & magna contentione exorta, surrexit Petrus, & ad eos hujusmodi orationem habuit: Viri fratres, vos scitis, ut Deus jampridem me ex vobis elegerit, cujus ex ore extranei doctrinam Evangelicam audirent, ac crederent.

8 Ac animorum cognitor Deus, eis testimonium dedit, impertitus eis spiritum sanctum, ut & nobis:

9 nec ullum inter nos & eos discrimen fecit, cum eorum animos fide purgasset.

10 Quocirca quid Deum tentatis, discipulorum cervicibus jugum imponendo, quod neque majores nostri, neque nos ferre potuimus?

11 Sed nos per Domini Jesu Christi gratiam servari credimus, quemadmodum & illi.

12 Sicut universa multitudo,

& Barnabam Paulumque audiebant, narrantes quæ Deus ostenta ac miracula apud exterarum nationes per eos designasset.

13 Deinde postquam illi conticuerunt, Jacobus in hunc modum verba fecit: Viri fratres, audite me.

14 Narravit Simeon, quo pacto primum Deus curaverit asciscendum ex gentibus externis populum suo nomine,

15 atque huic consonant dicta vatum, qui quemadmodum scriptum est:

16 Postea revertar, & collapsum Davidis tabernaculum reficiam, ejusque diruta instaurabo, & id erigam:

17 ut hominum reliqui, & omnes à me denominatæ gentes, Dominum exquirant, inquit horum omnium author.

18 Nota sunt ab omni æternitate Deo, omnia ejus opera.

19 Quare ego judico, non esse molestia afficiendos eos, qui ex gentibus externis ad Deum se convertunt:

20 sed eis scribendum, ut à simulacrorum fœditatibus abstineant, & à stupro, & suffocatis, & sanguine.

21 Moses enim jam inde à priscis seculis per urbes, qui se prædicent habet, dum per collegia omnibus Sabbatis recitatur.

22 Tum visum est apostolis & senioribus, unà cum tota ecclesia, delectos ex se viros Antiochiam cum Paulo & Barnaba mittere, Judam cognomine Barsabam, & Silam, viros fratrum primarios,

23 qui has literas ferrent. Apostoli & seniores & fratres, de gentibus Antiochiæ & in Syria ac Cilicia fratribus, iis qui exterarum sunt gentium, salutem.

24 Quan-

24 Quandoquidem audivimus, ut quidam à nobis profecti, vos sermonibus turbaverint, labefactantes vestros animos, dicendo circumcidendos esse, legique parendum, cum id nos eis non mandaverimus :

25 visum est nobis eodem congressis, electos viros ad vos mittere, unà cum charissimis nostris Barnaba & Paulo,

26 qui homines suam vitam exposuerunt pro Domini nostri Jesu Christi nomine.

27 Misimus ergo Judam & Silam, qui & ipsi verbis eadem referant.

28 Visum est enim sancto spiritui & nobis, nihil amplius vobis oneris imponere, quam hæc necessario,

29 abstinendum à deastrorum victimis, & sanguine, & suffocato, & stupro : à quibus si vos continebitis rectè facietis. Valete.

30 Illi igitur dimissi, venerunt Antiochiam : & coacta multitudine tradiderunt epistolam.

31 Qua lecta, illi cohortatione gavisi sunt :

32 & Judas & Silas, qui & ipsi vates erant, multis verbis fratres cohortati sunt, atque confirmarunt.

33 Deinde illic aliquandiu commorati, à fratribus amicè ad apostolos dimissi sunt.

34 Silæ autem ibi remanere visum est,

35 Paulus & Barnabas Antiochiæ, morati sunt docentes, & Domini doctrinam cum aliis multis explicantes.

36 Post aliquot dies monuit Paulus Barnabam, ut fratres suos per omnes urbes, in quibus Domini doctrinam explanassent, reviserent, quomodo se haberent.

37 Barnabas verò volebat Joannem assumere, nomine Marcum.

38 At Paulus censebat, eum, qui ab eis in Pamphylia defecisset, nec unà ad negotium profectus fuisset, non esse assumendum.

39 Hinc natum jurgium est, ita ut se inter se dirempti sint : & Barnabas assumpto Marco, navigarit in Cyprum.

40 Paulus electo Sila profectus est, divinæ gratiæ commendatus à fratribus :

41 Syriamque & Ciliciam obivit, confirmans ecclesias.

CAPUT XVI.

Paulus circumciso Timotheo Philippiis agens, Lydiam in fide instituit. Pythonis spiritum expellit, propterea virgis casti in carcerem conjiciuntur. Terra motu, carceris ianua aperitur, & ejusdem custos Christi fidem recepit.

Pervenit autem Derbam & Lystram, & erat ibi discipulus quidam nomine Timotheus, feminae cujusquam Judæe fidentis filius, patre Græco.

2 Hunc Timotheum, testimonio commendatum Lystrensium Iconiensiumque fratrum,

3 voluit Paulus secum proficisci, eumque cepit & circumcidit, propter eos qui erant in iis locis Judæos. Sciebant enim omnes ejus patrem esse Græcum.

4 Obeundis autem urbibus tradebant eis servanda placita, quæ ab apostolis & senioribus, qui erant Hierosolymæ, decreta fuerant.

5 Ita fiebat, ut Ecclesiæ fide confirmarentur, & numero crescerent quotidie.

6 Peragrata autem Phrygia & Galatica regione, prohibuit à sancto

sancto spiritu verba facere in Asia,

7 in Mysiam profecti, conabantur per Bithyniam iter facere:

8 Itaque Mysiam prætergressi, devenērunt in Troadem,

9 & huiusmodi visum noctu Paulo occurrit. Vir quidam aderat Macedo, qui eum his verbis hortabatur: proficiscere in Macedoniam ad succurrendum nobis

10 Id visum simulac ille vidit, in Macedoniam contendere cupivimus, affirmantes à Domino nos advocari ad illos in Evangelio instituendos.

11 Ergo solvimus à Troade, & recto cursu venimus in Samothraciam. Postridie Neapolim:

12 inde Philippos, quæ urbs est primæ partis Macedoniæ colonia. In ea urbe nos dies aliquot agentes,

13 die Sabbato exiimus extra urbem ad fluvium, ubi solent fieri supplicatio: & ibi sedentes, alloquebamur scæminas, quæ conveniant.

14 Ac scæmina quædam, Lydia nomine purpuræ venditrix, civitatis Thyatirarum, Dei cultrix, audivit, cujus animum Deus aperuit, ut Pauli orationem audiret.

15 Ea postquam cum sua familia baptizata est, rogavit ut si Domino fidelem esse judicavimus, in suas ædes divertemus, coëgitque nos.

16 Accidit autem, ut nobis preces euntibus, ancilla quædam Pythonis prædita spiritu curreret, quæ suis dominis magnum quæstum conciliabat quando.

17 Ea Paulum & nos subsecutus, sic clamabat: hi homines

summi Dei cultores sunt, qui nobis viam salutis nunciant.

18 Hoc illa per dies complures faciente, Paulus id ægrè ferens, se convertit, & spiritui dixit: Edico tibi per Jesu Christi nomen, ut ex ista migres. Atque ille evestigio migravit.

19 Tum ejus domini, videntes sui spem quæstus perisse, Paulum & Silam comprehendērunt, & in forum traxerunt ad magistratus:

20 ac eis ad prætores perductis, ita dixerunt: Homines hi urbem nostram obturbant, cum sint Judæi,

21 morisque docent, quos nobis admittere aut tenere nefas, qui simus Romani.

22 Hic cum adversus illos vulgus instaret, prætores, dilaceratis eorum vestimentis, iusserunt eos verberari:

23 multisque cæsos ictibus conjecerunt in carcerem, & custodi carceris ut eos diligenter servaret, mandarunt.

24 Is accepto eo mandato, eos in penitissimum carcerem coniecit, & eorum pedes in numellam compegit.

25 Media nocte, Paulus & Silas supplicantes collaudabant Deum, audientibus eos vinctis:

26 tantusque repente motus extitit, ut carceris fundamenta concuterentur, & apertis subito portis omnibus, omnium vincula relaxarentur.

27 Tum expergefactus custos carceris, & apertas conspicatus portas omnes custodiæ, stricto ense seipsum interficere volebat, vinctos effugisse putans.

28 Sed Paulus magna voce clamavit: Noli in te gravius consulere, omnes enim hic sumus.

29 Tum ille, petito lumine, intrò infiliit, & tremebundus Paulum & Silam accidit,

30 eisq̃ue foràs productis dixit: Domini, quid mihi faciendum est, ut salvus sim?

31 Et illi dixerunt: Crede in Dominum Jesum, & salvus eris tu tuaque familia:

32 eiq̃ue Domini doctrinam elocuti sunt, & omnibus qui erant in ejus ædibus.

33 Atque ille eos eodem noctis vestigio capit, & à plagis abluit: estq̃ue ipse continuò cum suis omnibus baptizatus:

34 & eis domum suam ductis, mensam apposuit, ac lætatus est, postquam cum omni familia crediderat Deo.

35 Ubi diluxit, prætores miserunt lictores, qui juberent ut homines illos dimitteret.

36 Eam rem custos carceris Paulo renunciavit: Significaverunt prætores, inquit, ut dimittamini. Quamobrem exite, & salvi discedite.

37 At Paulus: Cæsos nos (inquit eis) publicè indemnatos, homines Romanos, dederunt in custodiam, & nunc clam emittunt? Non ita, quin veniant ipsi, & educant.

38 Hæc verba lictores prætoribus retulerunt: & illi territi dum Romanos esse audiunt:

39 iverunt eos oratum: & eductos, ut ex urbe exirent, rogarunt.

40 Illi ex custodia egressi, ad Lydiam diverterunt: & visis fratribus eos consolati sunt ac discesserunt.

CAPUT XVII.

Paulus Thessalonica Christum annuntians, à Jasone exceptus. Berrhæam emittitur: inde Athenas profectus, in Arcopago

Deum illis ignotum annuntiat, nonnullis ad Christum conversis.

PERagrata autem Amphipoli & Apollonia Thessalonica venerunt: ubi cum esset Judæorum collegium,

2 Paulus more suo ad eos ingressus est, & per tria Sabbata dislerebat eis ex scriptis,

3 aperiens ac exponens, ut Christum supplicio affici, ac ex mortuis resurgere oportuerit: utque esset Christus Jesus, quem ipse eis nunciaret.

4 Itaque persuasum est eorum nonnullis, iique se ad Paulum & Silam aggregarunt, necno nreligiosorum Græcorum ingens multitudo, & scëminarum primariarum non paucæ.

5 At Judæi, quibus persuasum non erat, per æmulationem assumptis circumforaneis quibusdam, hominibus nequam, urbem excitato tumultu perturbare: & Jasonis domum aggreffi, eos in publicum producere conari:

6 eisq̃ue non inventis, Jasonem & quosdam fratres ad rectores civitatis trahere, clamantes, illos orbis perturbatores, etiam hic adesse,

7 & ab Jasone acceptos esse: & quidem eos omnes contra Cæsaris decreta facere, regem dicentes alium esse Jesum.

8 Ita plebem & civitatis rectores iis dicendis turbaverunt:

9 atque illi accepta Jasonis reliquorum satisfactione eos absolverunt.

10 Fratres vero noctu statim Paulum & Silam Berrhæam dimiserunt. Quò postquam pervenerunt, in Judæorum collegium receperant.

11 Erant autem hi Thessalonicensibus generosiores, qui

qui summa cum aviditate doctrinam admiserint, quotidie literas examinantes, an ea sic se haberent.

12 Itaque eorum multi crediderunt, necnon Græcorum mulierum honestarum & virorum non pauci.

13 Ut autem cognoverunt Theſſalonicenſes Judæi, etiam Berrhœæ explicatam eſſe à Paulo divinam doctrinam, venerunt etiam illuc, plebem concitaturi.

14 Tum fratres Paulum conſeſtim emiſerunt, ut ad mare ſe conferret: & ibi Silas & Timotheus remaſerunt.

15 Qui vero Paulum deducebant, cum Athenas uſque duxerunt: & accepto ad Silam & Timotheum mandato, ut quamprimum ad illum venirent, diſgreſſi ſunt.

16 Eos dum Athenis Paulus opperitur, ipſe ſecum animo extimulabatur, deaſtris deditam urbem videns.

17 Diſputabat igitur in collegio cum Judæis & religioſis, itemque in foro quotidie, ut quiſque occurreret.

18 Contulerunt autem cum eo Epicureorum Stoicorumque philoſophorum quidam. Nonnulli, quid vellent is nugator dicere, quærebant. Alii peregrinorum nunciatorem divorum videri dicebant, quod Jeſum & reſurrectionem eis nunciabat:

19 eumque prehenſum, & in vicum Martium ductum, ſic alloquantur: Poſſumusne ſcire, quæ ſit nova iſta, quam tu loqueris, doctrina?

20 Nam peregrina quædam noſtris auribus aſſers: Itaque velimus cognoscere, quid iſta ſibi velint.

21 Erant autem Athenienſes omnes, tum illic peregrinantes hoſpites, ad nihil aliud idonei, quam ut novi aliquid vel dicerent vel audirent.

22 Paulus verò ſtans in medio vico Martio, ſic verba fecit: Viri Athenienſes, video vos omnino paulò ſuperſtitioſiores.

23 Cum enim præteriens, veſtra ſpectarem numina, invenī etiam aram, in qua inſcriptum erat: Ignoto Deo. Quem igitur vos ignorantes veneramini, eum ego vobis nuncio.

24 Deus qui mundam & quæ in eo ſunt omnia fecit, cum ſit cœli terræque Dominus, non in manufactis templis habitat,

25 nec hominum manibus colitur, quaſi ullius egenus: cum ipſe omnibus vitam, ſtatum, omnia denique conferat:

26 cumque creaverit ex unius ſanguine univerſum genus hominum, ut in omni terræ ſolo habitarent, præſinitis eorum ſtatibus temporibus, & inhabitandi terminis,

27 ut Dominum quærent, ſi fortè eum contrectarent, ac invenirent: quanquam non procul ab unoquoque noſtrâ remotum,

28 cum in eo vivamus, & moveamur, & ſimus, ut quidam etiam veſtrarium poetarum dixerunt: Nam genus illius ſumus.

29 Quod ſi genus ſumus Dei, non debemus exiſtimare auro, aut argento, aut lapidi arte & induſtria humana cælato, divinitatem eſſe ſimilem.

30 Igitur prætermiſſis ignorantiae temporibus, Deus nunc omnibus ubique hominibus denunciat, ut ad frugem redeant.

31 Statuit enim diem, in quo orbem ex æquo iudicaturus est, per virum per quem decrevit : quem dum ex mortuis in vitam revocavit, fidem exhibuit omnibus.

32 Hic illi, audita mortuorum resurrectione, partim deridere : partim dicere, se rursus ex eo ea de re audituros.

33 Ita Paulus ex eorum medio discessit.

34 Hæserunt autem ei homines nonnulli, ac crediderunt, in quibus fuit Dionysius Areopagita, & mulier nomine Damaris, & præter eos alii.

C A P U T XVIII.

Paulum Corinthi gentes docentem, solatur Dominus, coram Gallione accusatur, sed frustra. Hinc in Syriam, deinde Ephesum profectus, Galatia & Phrygia ecclesias confirmat. Apolos ab Aquila exquisitis institutus, Christum magno cum fructu prædicat.

Postea digressus Athenis Paulus, Corinthum venit,

2 & quendam nactus Judæum, nomine Aquilam, genere Ponticum, qui recens venerat ab Italia unâ cum uxore sua Priscilla, quod imperaverat Claudius, & Judæi omnes Roma emigrarent,

3 convenit eos : & qui ejusdem artis erat, mansit apud eos, & operabatur : erant enim arte tentorium opifices.

4 Disputabat autem in collegio omnibus Sabbatis, & Judæis ac Græcis persuadebat.

5 Ut autem descenderunt ex Macedonia Silas & Timotheus, Paulus divino instinctu afflatus, Christum Jesum Judæis testificabatur.

6 Cumque illi resisterent ac

maledicerent, ille excussis vestimentis, sic eis dixit : vos vestram perniciem capite lueris : purus ego deinceps ad externos me conferam.

7 Ita illinc profectus, venit in ædes cujusdam nomine Justi, hominis religiosi, cujus ædes erant contiguae collegio.

8 Crispus autem collegii magister, Domino credidit, unâ cum tota sua familia : necnon Corinthiorum multi, postquam audiverant, credebant, ac baptizabantur.

9 Dixit autem Dominus per nocturnum visum Paulo : Ne metue, sed loquere, neve taceo :

10 nam ego tibi adsum, neque te quisquam invadet lædendi gratia : est enim mihi multitudo in urbe ista populus.

11 Postquam autem illic annum unum & sex menses egit, divinam disciplinam eos docens,

12 Judæi, Gallione Achaiae proconsule, Paulum universi adorti, ad tribunal perduxerunt,

13 & cum hominibus persuadere ut Deum contra legem colant, dixerunt.

14 Hic cum Paulus verba facturus esset, dixit Gallio Judæis : Si quidem injuria aliqua aut facinus atrox esset, Judæi, merito, vos ferrem.

15 Sed si de sermone, & nominibus, & lege vestra quaestio est, ipsi videritis : nam istorum iudex ego esse nolo.

16 Ita eos abegit à tribunali.

17 Græci verò omnes comprehensum collegii magistrum Sothenem, cædebant ante tribunal, ea nihil curante Gallione.

18 Paulus autem, transactis illis adhuc diebus aliquam multum, vale dicto fratribus,

navi

navigavit in Syriam, & cum eo Priscilla & Aquila, cum caput totondisset in Cenchreis: id enim voverat.

19 Pervenit autem Ephesum, & eis ibi relictis in collegium ingressus, disputavit cum Judæis.

20 Ac eis ut apud se diutius maneret rogantibus, non concessit,

21 sed vale dixit cum hujusmodi verbis: Mihi omnino Hierosolymæ agendum est proximum festum: sed ad vos revertar, volente Deo. Ita solvit ab Epheso,

22 & facto ad Cæsaream excois, ac salutata ecclesia, concessit, ac degressus est Antiochiam.

23 & ibi commoratus aliquandiu, profectus est: omnem deinceps perlastrans Galaticum agrum, & Phrygiam, confirmans omnes discipulos.

24 Judæus autem quidam, Apollos nomine, natu Alexandrinus, vir eloquens, pervenit Ephesum, literis pollens.

25 Is erat Domini institutione initiatus, & animo fervens loquebatur, ac diligenter de Domino docebat, solum Johannis baptismum intelligens.

26 Hic cum in collegio liberè loqui cœpisset, eo audito, Aquila & Priscilla eum asciverunt, eique exactius Domini institutum exposuerunt.

27 Ac volente eo in Achaiam proficisci, fratres ad discipulos scripserunt, hortantes ut eum acciperent. Quò ubi pervenit, multum iis qui crediderant contulit, qua præditus erat gratia.

28 Vehementer enim Judæos convincebat, publicè demonstrans per literas, Christum esse Jesum.

CAPUT XIX.

Discipuli quidam Ephesi Johannis doctrina imbuti, ignorantes Spiritus sancti visibiles illas gratias; quibus Deus regnum filii sui ornaverant, baptizantur in nomine Jesu. Exorcistæ Judæi a diabolo caduntur. Litri exuruntur magiei. Demetrius magnam in Paulo seditionem concitat.

Interea dum Apollos Corinthi est, Paulus peragrans superioribus tractibus, venit Ephesum.

2 & quosdam nactus discipulos, sic allocutus est: An sanctum spiritum adepti estis, cum credidistis? Cui illi: Nos verò ne quidem an spiritus sanctus sit, audivimus.

3 Qua igitur ratione baptizati estis? Johannis baptizare, inquirunt.

4 Et Paulus: Johannes quidem corrigendæ vitæ baptismate baptizavit, vulgò monens, ut in venientem post se crederent, hoc est in Christum Jesum.

5 Hoc audito, illi in Domini Jesu nomen baptizati sunt.

6 Cumque manus eis Paulus imposuisset, invasit eos sanctus spiritus, linguisque loquebantur, ac vaticinabantur.

7 Erant autem in summa, viri circiter duodecim.

8 Ille ingressus in collegium, liberè per tres menses loquebatur, disputans, & regni divini res persuadens.

9 Sed quoniam nonnulli occallebant, nec solum sibi non patiebantur persuaderi, verum etiam ei institutioni apud multitudinem maledicebant; ille digressus ab eis, discipulos separavit & quotidie in cujusdam Tyranni ludo disputabat.

10 Id autem factum est per annos duos, ita ut omnes Asiæ incolæ Domini Jesu doctrinam audiverint, tum Judæi, tum Græci.

11 Ac prodigia non vulgaria faciebat Deus, opera Pauli,

12 adeò ut in ægrotantes afferrentur ex ejus corpore sudaria aut semicinctia, atque illi morbis liberarentur, & ex eis immundi spiritus exirent.

13 Tentarunt autem quidam ex ambulatoribus Judæis obrestatoribus, nominare in præditos malis spiritibus nomen Domini Jesu, dicentes, Obtestamur vos per Jesum, quem Paulus prædicat.

14 Erant autem quidam Scævæ Judæi pontificis filii septem qui id faciebant.

15 Sed malus spiritus ita respondit: Jesum ego cognosco, & Paulum novi, sed vos quinam estis?

16 Tum infiliit in eos homo, in quo malus erat spiritus, eoque ita subegit ac vicit, ut nudi & vulnerati ex ædibus illis effugerint.

17 Quod ubi tam Judæis, tum Græcis omnibus Ephesi incolis innotuit, omnes metu perculsi sunt, Dominique Jesu nomen magni fiebat.

18 Ac eorum qui crediderant, multi sua facta confessum ac declaratum veniebant.

19 Itemque eorum qui illicita tractaverant, satis multi congestos libros in omnium præsentia cremabant: quorum precio computato, comperta sunt nummorum quinquaginta millia:

20 adeò penitus crescens invalescebat doctrina Domini.

21 His peractis, statuit cum animo suo Paulus, perlustrata

Macedonia & Achaia, Hierosolymam proficisci, dicens, Postquam illuc pervenisset, Romam quoque sibi esse visendam.

22 Missi autem in Macedoniam duobus eorum, qui ei ministrabant, Timotheo & Erasto, ipse aliquandiu remansit in Asia.

23 Exiit eo tempore tumultus non exiguus, ob eam institutionem.

24 Quidam enim, nomine Demetrius, faber argentarius, qui argentea Dianæ delubra faciebat, collectis artificibus (quibus non mediocrem quæstum præstabat,)

25 & aliis ejusmodi rerum opificibus, hujusmodi oratione usus est: Viri, scitis ex hoc opificio nostras esse facultates,

26 & videtis ac auditis ut Paulus iste non solum Ephesi, sed totius ferè Asiæ bonam partem verbis averterit, negans esse deos qui manibus fiant.

27 Neque verò solum ne hæc nobis pars confutetur, periculum est, verumetiam ne magnæ deæ Dianæ sanum pro nihilo habeatur: vel potius ne ejus, quam tota Asia & orbis colit, magnitudo tollatur.

28 Hoc illi audito, furoris pleni sic clamare: Magna est Diana Ephesiorum.

29 Ita urbe repleta confusione, universi in theatrum impetum fecerunt, correpto Caio & Aristarcho Macedonibus, Pauli peregrinationis comitibus.

30 Paulum autem volentem ad populum intrare, non siverunt discipuli.

31 Quidam etiam gubernatorum Asiæ, qui ei erant amici miserunt qui eum monerent, ne se daret in theatrum.

32 Igitur aliis aliud clamantibus (erat enim confusa concio, & plerique, quæ de causâ convenissent, nesciebant,)

33 protractus est ex turba Alexander producentibus eum Judæis.

34 Sed cum Alexander manu significasset, & veller ad populum causam dicere, ubi Judæum esse cognitum est, extitit omnium vox una per duas ferè horas clamantium: Magna est Diana Ephesiorum.

35 Tum scriba sedata turba, sic verba fecit: Viri Ephesii, quis verò est homo, qui nesciat Ephesiorum urbem cultricem esse magnæ deæ ~~Janæ~~, & à Jove delapsi simulacri?

36 His cum contradici non possit, decet vos sedatos esse, & nihil temerè facere.

37 Adduxistis enim homines istos neque sacrilegos, neque in vestram deam maledicos,

38 Quod si Demetrius, & ejus socii artifices causam habent adversus aliquem, forum agitur, & adsunt proconsoles: accusent inter se.

39 Si aliud quid quæritis, id legitima concione absolvetur.

40 Nam periculum est, ne seditionis accusemur ob hodiernum diem, cum nulla sit causâ, quæ concursus hujus rationem reddere possimus. His ille dicendis concionem dimisit.

CAPUT XX.

Paulus iter in Macedoniam instituit. Troade in mediam noctem sermonem protendens, Eutychum per fenestram delapsum resuscitat. Miletum vocatis Ephesiis Presbyteris quid se & illos maneat exponit.

POST compositum tumultum, Paulus, advocatis ac saluta-

tis discipulis, in Macedoniam ire contendit.

2 Deinde peragratis illis partibus, eos multis verbis cohortatus venit in Græciam.

3 Ubi postquam tres menses egit, & ei factæ sunt à Judæis insidiæ in Syriam navigaturo, sententia fuit per Macedoniam reverti.

4 Comitatus est eum usque in Asiam Sopater Berroënsis, Thessalonicensium Aristarchus, & Secundus, & Caius Derbæus, & Timotheus: Asiani verò Ty-chicus, & Trophimus.

5 Hi prægressi manserunt nos in Troade.

6 Nos navigavimus post Azyzorum dies à Philippis, & ad eos in Troadem quinque diebus pervenimus, ubi septem dies commorati sumus.

7 Prima autem post Sabbatum die, congregatis ad frangendum panem discipulis, Paulus disserabat, profecturus postridie.

8 Cumque sermonem ad mediam noctem produxisset, & essent crebra in cœnaculo, quo convenerant, funalia,

9 quidam juvenis, Eutychus nomine, in fenestra sedens, oppressus alto somno, diutius disserente Paulo, somno deturbatus decidit de tertia contignatione, & sublatus est mortuus.

10 At Paulus degressus incubuit ei, eumque complexus, inquit: Nolite tumultuari: nam vita præditus est.

11 Deinde ascendit, & fracto gustatoque pane, ac multum usque ad diluculum collocutus, ita demum profectus est.

12 Atque illi puerum viventem, non mediocriter recreati, abduxerunt.

13 Nos ad navem progressi, Affum navigavimus, illinc Paulum recepturi. Sic enim mandaverat ipse pedibus iter facturus.

14 Postquam nobis ad Affum congressus, nos eo recepto Mitylenem venimus.

15 Inde navigantes, postridie venimus contra Chium. Sequenti die in Samum appulimus : & Trogyllii morati, postero die venimus in Miletum.

16 Statuerat enim Paulus Ephesum præternavigare, ne sibi mora facienda esset in Asia : properabat enim si fieri posset, ad Quinquagesimæ diem Hierosolymam venire.

17 Ex Mileto autem curavit accersendos Epheso seniores Ecclesiæ,

18 & eos, ubi ad se venerunt, sic alloquutus est : Vos scitis, ex quo primum die in Asiam ingressus sum, quomodo apud vos perpetuò versatus sim,

19 Domino serviens cum omni modestia, multisque cum lachrymis ac periculis, quæ mihi per Judæorum insidias contigerunt :

20 ut nihil, quod utile esset, detrectaverim, quo minus vos instituerem ac docerem, tum publicè, tum intra parietes :

21 & Judæos & Græcos commonefaciens, ut correctis moribus ad Deum se converterent, & Domino nostro Jesu fidem haberent.

22 Et nunc ego divino confectus afflatu, Hierosolymam proficiscor, quid illic mihi sit eventurum ignorans :

23 nisi quod spiritus sanctus oppidatim monet, vincula me & calamitates manere,

24 Sed nihil pensi habeo, ne-

que tanti vitam meam facio, dum cursum meum cum lætitia, & assignatum mihi à Domino Jesu munus absolvam : hoc est, divinæ gratiæ Evangelium testificer.

25 & nunc hoc quidem scio : nemo me vestrum, quos inter divinum regnum prædicans versatus sum, præsentem posthac videbit.

26 Itaque contestor vos hodierno die, me ab omnium pernicië insontem esse,

27 Nihil enim parsi, omne vobis Dei declarare consilium.

28 Quamobrem cavete & vobis & toti ovili, cui vos sanctus spiritus proposuit custodes, ut Dei pascatis Ecclesiam, quam ipse suo sanguine comparavit.

29 Nam ego hoc compertum habeo, fore ut vos post discessum meum truces invadunt lupi, qui gregi non parcant :

30 utque ex vobis ipsis existant homines, qui perversè loquantur, quò discipulos ad se sequendos abducant.

31 Quare vigilate recordantes, me per triennium noctes & dies unumquemque cum lacrimis admonere non intermisisse.

32 In præsentia commendo vos, fratres, Deo, & sermoni ejus gratiæ : qui vos exædificare, & inter sanctificatos omnes hæreditate donare potest.

33 Nullius argentum, aut aurum, aut vestem concupivi :

34 quin ipsi vos scitis, & meis & meorum usibus has ministrasse manus.

35 Omnia vobis ostendi, quòd ita laborantes oporteat infirmis subvenire : & Domini Jesu verba meminisse, qui dare quàm accipere, dixit esse beatius.

36 Hæc locutus, positis genibus, cum illis omnibus supplicavit.

37 Magnus autem fletus exortus est omnium: inque Pauli collum illapsi, eum deosculabantur,

38 eò maximè dolentes, quòd se posthac præsentem visuros negavisset: Deduxerunt autem eum ad navem.

CAPUT XXI.

Paulus Hierosolymam tendens, Cæsarea Philippum evangelistam convenit, cujus etiam vincula prædicit Agabus. Hierosolymam cum advenisset, templum ingressus comprehenditur à Judæis. Per Lysiam tribunum iisdem eripitur.

NOS posteaquam ab eis avulsi solvimus, recto cursu venimus in Cœum. Sequenti die in Rhodum, & inde Patara:

2 navemque nacti, quæ in Phœnicem trajiceret, conscendimus, ac solvimus:

3 & detecta Cyprio, eaque ad levam relicta, navigavimus in Syriam, & Tyrum appulsi sumus (ibi enim navis expositura erat onus)

4 ac discipulos nacti, illic septem mansimus dies: qui quidem divinitus afflati, Paulum monebant, ne Hierosolymam ascenderet.

5 Postquam dies illos transeginus, profecti sumus, deducantibus nos omnibus unà cum feminis ac liberis, donec urbem egressi, positis genibus in litore supplicavimus.

6 Ac postquam inter nos con salutavimus, nos navem conscendimus: illi domum reversi sunt.

7 Non expedita à Tyro navigatione, Ptolemaidem per-

venimus, & salutatis fratribus, apud eos mansimus unum diem.

8 Postridie Paulus cum suis profectus, venit Cæsaream, & ingressi domum Philippi Evangelistæ, qui erat ex septem, mansimus apud eum.

9 Huic erant filiae virgines quatuor quæ vaticinabantur.

10 Commorantibus autem nobis complures dies, descendit quidam ex Judæa vates, nomen Agabus:

11 qui nos aggressus captoque Pauli cingulo, & colligatis suis manibus, ac pedibus dixit: Hæc dicit Spiritus sanctus: Virum, cujus est hoc cingulum sic colligabunt Hierosolymis Judæi, & in extraneorum manus tradent.

12 His auditis, nos & incolæ hortabamur ne Hierosolymam ascenderet.

13 Sed Paulus ita respondit: Quorsum ploratis, & animum meum angitis? Ego verò non solum colligari, sed etiam mori, Hierosolymæ paratus sum pro nomine Domini Jesu.

14 Nos igitur, illo non obtemperante, destitimus, &. Fiat Domini voluntas, diximus.

15 Post eos dies, adornata profectio, Hierosolymam ascendere contendimus,

16 comitibus discipulorum quibusdam à Cæsarea, qui ducebant, apud quem diversaremur, Mnasonem quandam Cyprium, veterem discipulum.

17 Postquam Hierosolymam pervenimus, libenter nos excipere fratres.

18 Postridie ingressus est Paulus unà nobiscum ad Jacobum, adfueruntque seniores omnes:

19 quibus ille salutatis, narravit singulatim quæ fecisset Deus apud exterarum nationes suo ministerio.

20 Quibus auditis illi, actis Domino gratiis, Paulum sic alloquuntur: Vides frater, quàm multa Judæorum millia sint, qui crediderunt, & omnes legis studiosi sunt.

21 De te autem auditione acceperunt, te à Mose defendendum esse, docere omnes apud externas nationes Judæos, negantem eis esse circumcidentes liberos, nec moribus vivendum.

22 Quid ergo est? Omnino oportet, ut conveniat multitudini: audient enim venisse te.

23 Hoc igitur facito, quod nos tibi dicemus. Sant nobis homines quatuor, voto obstricti.

24 Hos assume, & cum eis lustrare, & apud eos sumptum facite, ut caput tondeant, intelligentque omnes, eorum quæ de te audiverunt, nihil esse, sed te quoque sic te gerere, ut legi pareas.

25 Quod ad extraneos, qui crediderunt, attinet, nos scripto ad eos decrevimus, nihil tale servandum eis esse, nisi ut deastris immolata, & sanguinem, & suffocata, & stuprum vitent.

26 Tum Paulus assumptis illis hominibus, sequenti die cum eis lustratus, intravit in fanum: & completos lustrationis dies nunciavit, donec oblatum eg pro eorum unoquoque ferretum.

27 Sed jam propemodum absolutis septem diebus, Asiatici Judæi eum in fano conspicati, vulgus omne confundere, & injectis ei manibus clamare:

28 Viri Israelitæ, succurrite! Hic est homo ille, qui contra populum, & legem, & hunc locum, omnes ubique docet. Quinetiam Græcos in fanum introduxit, & hunc locum profanavit.

29 Viderant enim Trophimum Ephesium in urbe cum eo, quem in fanum à Paulo introductum esse arbitrabantur.

30 Ita commota urbe tota, & facto populi concursu, capitur Paulus, & extra fanum trahitur, ac statim clauduntur fores.

31 Conantibus autem eum interficere, ascendit ad cohortis tribunum fama, totam Hierosolymam esse confusam:

32 qui confestim ascitis militibus ac centurionibus, in eos decurrit. Illi, viso tribuno & militibus, Paulum pulsare desierunt.

33 Tribunus accessit, eumque comprehendit, ac duabus constringi catenis imperavit: & quisnam esset, quidve commisisset, sciscitatus est.

34 Sed cum aliis alium in turba clamantibus, certum scire propter tumultum nequiret, iussit eum in castra duci.

35 Ut ventum est ad gradus, accidit, ut à militibus gestaretur Paulus: tanta erat turba violentia.

36 Sequebatur enim populi multitudo, clamans: Tolle eum.

37 Et Paulus jam in castra introducendus, sic Tribunum alloquitur: Licetne mihi tecum loqui? Et ille: Scisne Græce? inquit?

38 Tunc es Ægyptius ille, qui superioribus diebus concitata seditione, eduxit in solitudi-

nem ille sicariorum quatuor milia?

36 At Paulus: Ego homo sum Judæus Tarsensis, civis non obscuræ Ciliciæ civitatis. Sed oro te, permitte mihi ad populum loqui.

40 Cumque ille permisisset, Paulus stans in gradibus populo manu significavit: factoque alto silentio, Hebraico sermone orationem habuit his verbis:

CAPUT XXII.

*Paulum rationem fidei suæ red-
dentem, aliquandiu Judæi au-
diunt. Illis verò clamantibus,
virgis examinari jussus Roma-
num civem se esse declarat.*

Homines, fratres & patres, audite meam hanc ad vos defensionem.

2 Hic illi eum Hebræa lingua verba facientem audientes, majus silentium præstiterunt.

3 Et ille: Ego, inquit, homo Judæus sum, Tarsi in Cilicia natus, in hac urbe educatus ad pedes Gamalielis, patria lege accuratè institutus, Dei cupidus, quemadmodum vos omnes estis hodie:

4 qui hanc institutionem sum capitaliter infectatus, viros simul & mulieres confringendo, & in carcerem condendo.

5 Testis est mihi pontifex, & senatus universus, à quibus etiam epistolas ad fratres acceperam, & Damascum ibam, ut eos quoque qui illic essent, victos Hierosolymam adducerem ad supplicium.

6 Sed accidit, ut euntem me, & Damasco propinquantem, circa meridiem multa repente lux de cælo circumfulserit:

7 & collapsus ad terram, vocem audiverim dicentem mihi: Saule, Saule, quid me persequeris?

8 Ego respondi: Quis es, Domine? Atque ille: Ego sum Jesus Nazarenus, inquit, quem tu persequeris.

9 Qui autem mecum aderant, lucem aspexerunt illi quidem, & territi sunt: sed vocem non audiverunt alloquentis me.

10 Tum ego: Quid agam? Domine. Et Dominus: Surge, inquit, & proficiscere Damascum: illic tibi dicentur omnia, quæ tibi facienda esse statutum est.

11 Ego cum præ lucis illius splendore non viderem, manu ductus à meis comitibus, veni Damascum.

12 Ananias autem quidam, vir secundum legem pius, omnibus incolis Judæis probatus, venit ad me,

13 & astans mihi: Saule frater, inquit, aspice. Et ego eodem temporis vestigio eum aspexi.

14 Atque ille: Deus majorum nostrorum, inquit, te ad voluntatem suam cognoscendam destinavit: & ad justum videndum, vocemque ex ejus ore audiendam:

15 quoniam ei testis futurus es apud omnes homines, eorum quæ & videris & audiveris.

16 Quocirca quid cunctaris? agedum, baptizare, & tua peccata elue, invocato nomine Domini.

17 Reverso autem mihi Hierosolymam, & in fano supplicanti, accidit, ut extra meipsum raptus,

18 viderem eum mihi dicentem: Propera, & Hierosolyma celeritè exi: non enim admittent tuum de me testimonium.

19 Et ego: Domine, inquam, sciunt ipsi ut ego solitus sum in-

custodiam

custodiam dare, & per collegia verberare, eos qui tibi fidem haberent :

20 utque cum tui testis Stephani sanguis effunderetur, ego adesset, & in ejus necem consentirem, vestimenta custodiens eorum qui interficiebant.

21 At ille : Vade, inquit : nam ego te ad longinquas gentes legabo.

22 Ad hæc usque verba eum illi audiverunt, & hic clamorem sustulerunt : Tolle istum ex terris, inquit : non enim convenit eum vivere.

23 Ita vociferantibus illis, & vestimenta jactantibus, ac pulverem in aërem jacentibus,

24 jussit eum tribunus in castra duci, & de eo loris quaestionem haberi imperavit, ut cognosceret quam ob causam illi sic ei oclamarent.

25 Sed dum ille loris eum constringit, Paulus eum qui aderat centurionem sic alloquitur : An hominem Romanum, eumque indemnatum, licet vobis verberare ?

26 Hoc auditum, centurio tribuno nunciatum ivit. Vide, inquit, quid agas : nam hic homo Romanus est.

27 Tum eum aggressus tribunus : Dic mihi, inquit, esne Romanus ? Etiam, inquit ille.

28 Et tribunus : Ego magno precio istius civitatis jus redemi. Cui Paulus : At ego natus sum.

29 Hic statim eum omiserunt, qui erant de eo quaestionem habituri. Tribunus quoque territus est, cum Romanum esse intelligeret, & eum colligasset.

30 Postero die volens certo scire, qua de re à Judæis accu-

saretur, solvit eum vinculis : & pontificibus unà cum toto eorum concilio venire jussis, Paulum deduxit, & apud eos statuit.

CAPUT XXIII.

Paulum causam dicentem Ananias percuti julet. Dissensio inter ipsos accusatores oritur. Consolatur Deus Paulum. De Judæorum insidiis Tribunus certior factus, Paulum Felici praesidi mittendum curat.

ET Paulus in concilium intruens, Viri fratres, inquit, ego me ad hunc diem sic erga Deum gessi, ut optimè mihi conscius sim.

2 At pontifex Ananias eis qui ei astabant, imperavit, ut ejus os percuterent.

3 Tum Paulus : Percussurus est te Deus, inquit ei, paries incrustate. Ergo tu sedes, ut de me ex lege judices, & contra legem pulsari me jubes ?

4 Hic assistentes dixerunt, Pontifici divino conviciaris ?

5 Et Paulus : Nesciebam, fratres, inquit, esse Pontificem. Scriptum est enim : Principi populi tui ne maledicito.

6 Intelligens autem Paulus unam partem esse Sadducæorum, alteram Phariseorum, vociferatus est in concilio : Viri fratres, ego Phariseus sum, Pharisei filius : sperata resurrectionis mortuorum sum reus.

7 Hoc eo locuto, orta est Phariseorum & Sadducæorum contentio, divisæque multitudo est.

8 Sadducæi enim resurrectionem, aut angelum, aut spiritum esse negant : at Pharisei utrumque consentunt.

9 Hic exorto ingenti clamore, surrexerunt Scribæ, quæ erant Pharisæicarum partium, & pugnantes dixerunt : Nullum in hoc

hoc homine malum invenimus. Quod si eum spiritus est, aut angelus allocutus, ne pugnemus cum Domino.

10 Ita magna exorta contentione, veritus tribunus, ne Paulus ab illis discerperetur, iussit exercitum descendere, eumque è medio illorum abreptum in castra ducere.

11 Proxima nocte astans ei Dominus dixit: Bono animo es Paule: ut enim de me Hierosolymæ testificatus es, sic tibi Romæ quoque testificandum est.

12 Deinde orta die conspirant Judæi quidam, & sese devoverunt, si vel cibum vel potionem caperent, quin Paulum interfecissent.

13 Erant autem plus quadraginta, qui hanc conjurationem tecerunt.

14 Qui Pontifices & Senatores hujusmodi oratione convenerunt: Diris nosipfos egimus, si quid gustaremus, quin Paulum occiderimus.

15 Quamobrem vos tribuno & concilio significate, ut cras eum ad vos deducant, tanquam de eo cognituros exactius. Nos verò, antequam sistatur, parati sumus eum perimere.

16 Has insidias sororis Pauli filius audivit, & venit in castra, ac eò ingressus, rem Paulo retulit.

17 Et Paulo advocato uno centurione, sic ei dixit: Hunc adolescentem ad tribunal deducito: habet enim quod ei referat.

18 Ille igitur eo assumpto, & ad tribunal ducto, sic tribuno dixit: Paulus is qui est in vinculis, evocatum me rogavit, ut hunc adolescentem ad te adducerem, habentem aliquid, tibi quod dicat.

19 Et tribunus eo manu prehensio, inque secretum ducto, percontatus est quid esset, quod sibi nunciandum haberet.

20 Cui ille sic retulit: Constituerunt Judæi rogare te, ut cras in concilium deducas Paulum, quasi aliquid diligentius de eo interrogaturi.

21 Tu verò eis obsequi noli: nam insidiantur ei, ex eis homines supra quadraginta: qui sese devoverunt, si vel comederent, vel biberent, quin eum interemissent. Et hunc parati, tuum mandatum expectant.

22 Igitur tribunus adolescentem dimisit, cum mandato, ne cui ea se tribuno declarasse diceret.

23 Deinde evocatos duos quosdam centuriones alloquitur: Parate milites ducentos, qui Cæsaream proficiantur: item equites septuaginta, & hastatos ducentos, ad noctis horam tertiam:

24 adhibitis etiam jumentis, ut eò impositum Paulum ad Felicem prætorem perducant.

25 Scriptis autem epistolam, cujus exemplum est hoc:

26 **CLAUDIUS LYSIAS** præstantissimo prætori Felici, salutem.

27 Hunc virum cum Judæi comprehendissent, & interfecituri essent, ego cum exercitu superveni, & eum eripui, ac Romanum esse didici.

28 Volens autem scire, quam ob causam illi eum accusarent, deduxi eum in eorum concilium,

29 & de quæstionibus legis eorum accusari comperi, nec ullius criminis insimulari, quod morte sit aut vinculis dignum.

30 Cùm autem esset indicatum mihi, fore ut Judæorum appeteretur iusdiis, ad te continuò misi, & simul accusatoribus, ut contra eum apud te dicerent, præcepi. Vale.

31 Igitur milites, ut eis mandatum fuerat, assumptum Paulum noctu duxerunt Antipatridem.

32 Postridie siverunt equites cum eo proficisci, ipsi in castra reversi sunt.

33 Equites Cæsaream ingressi, epistola prætori tradita, Paulum quoque ei stiterunt.

34 Prætor ea lecta, sciscitatus ex qua esset provincia, ubi ex Cilicia audivit,

35 ita dixit: Audiam te, ubi tui quoque, accusatores venerint: eumque, in Herodis prætorio iussit affervari.

CAPUT XXIV.

Tertullo accusante Paulum pro se causam dicit. Præsidi & ejus uxori Christum annunciat. Speratam pecuniam, cum frustra Felix expectasset, provincia decedens, vinctum Paulum relinquit.

Post quinque dies descendit pontifex Ananias cum Senatoribus, & oratore Tertullo quodam, qui apud Prætorem contra Paulum comparuerunt:

2 quo vocato, Tertullus sic accusare orsus est:

3 Quòd multa pace per te fruimur, quodque tua providentia hæc natio rectè administratur, id & semper & ubique approbamus, præstantissime Felix, & maximas agimus gratias.

4 Sed ne te diutius obtundam, quæro ut nos pro æquitate tua paucis audias.

5 Nos hominem hunc nacti pestilentem, & seditiones omnibus toto orbe Judæis moventem, ac

sectæ Nazaræorum principem,

6 eò usque ut etiam sanum profanare conatus sit, comprehendimus, & ex lege nostra judicare volumus.

7 Sed intervenit Lyfias tribunus, qui eum magna vi ex manibus nostris abduxit,

8 iussitque, ut ejus accusatores apud te adessent: ex quo poteris, si quæres, certior fieri de omnibus his, quibus nos eum accusamus.

9 Ad hæc assenserunt etiam Judæi, hæc sic se habere dicentes.

10 Tum Paulus: cùm ei prætor annuisset ut diceret, respondit in hanc sententiam: Quòd te multos jam annos huic genti jus dicere scio, equidem eò confidentius pro me dico.

11 Quod tu intelligere possis me non plures duodecim complevisse dies ex quo Hierosolymam ad Deum adorandum ascendi.

12 Neque verò me in fano deprehenderunt cum aliquo colloquentem, aut vulgi seditionem facientem: nec in collegiis, nec per oppida:

13 nec me eorum possunt convincere, de quibus accusant.

14 Illud autem apud te confiteor, me ut fert institutio, quam sectam dicunt, sic Deum colere patrium, & omnia credere, quæ in lege & vaticiniis scripta sunt:

15 ac in Deo spem habere (id quod isti ipsi quoque expectant) resurrectionem fore mortuorum, tum iustorum tum iniustorum.

16 Atque equidem in eo me exerceo, ut intemerata conscientia, & apud Deum semper, & apud homines sim præditus.

17 Veneram autem post annos complures, ut popularium meorum egestatem muneribus allevarem, & munera libarem:

18 cum me in fano lustratum offenderunt, nulla cum turba aut tumultu, quidam ex Asia Judæi,

19 quos apud te præsto esse, accusareque decebat, si quid haberent contra me.

20 Aut etiam isti ipsi dicant, si quod deprehenderunt in me crimen, dum starem in concilio:

21 nisi fortè criminosa est hæc una vox, qua sic inter eos astans vociferatus sum:

22 De mortuorum resurrectione ego à vobis hodie reus agor.

23 His auditis, Felix amplius pronuntiavit, eam institutionem satis perspectam habens: Cum descenderit Lysias tribunus, inquit, cognoscam de vestra causa,

24 præcipitque centurioni, ut asservaretur Paulus, & remissus haberetur, neque quisquam suorum ei ministrare, aut adire prohiberetur.

25 Post aliquot dies venit Felix cum Drusilla uxore sua, quæ erat Judæa, & accersitum Paulum audivit de fide in Christum.

26 Ac eo de justitia, & continentia, & futuro judicio disserente, territus Felix, dixit: In præsentia, abi: ego tempus nactus, evocabo te.

27 Accedebat eò, quòd pecuniam sibi à Paulo datum iri sperabat: ut eum solveret. Ideoque eum sæpius accersens, cum eo confabulabatur.

28 Peractò autem biennio, accepit successorem Felix Porcium Festum. Itaque volens

gratum facere Judæis, Paulum vindictum reliquit.

CAPUT XXV.

Festus succedens, jubet Paulum adduci. Paulus Cæsarem appellat, Festus Agrippa regi negotium Pauli exponit, eundemque illi sistit, ut causam cognoscat.

Festus provinciam ingressus, post triduum Cæsarea Hierosolymam ascendit:

2 seque apud eum stiterunt Pontifex, & Judæorum primi, contra Paulum:

3 contra quem à Festo beneficii loco postulabant, ut eum Hierosolymam accerseret: in animo habentes, eum in via per insidias occidere.

4 Festus respondit, Paulum Cæsareæ asservari, se verò brevi profecturum.

5 Quapropter qui vestrum possunt, inquit, simul descendant: & si quid in hoc homine criminis est, accusent.

6 Deinde postquam apud eos non plus decem dies egit, Cæsaream descendit: & postmodum pro tribunali sedens, Paulum iussit adduci.

7 Qui postquam venit, circumsteterunt, qui Hierosolymis descenderant Judæi, multa & atrociter Paulo crimina impingentes, quæ demonstrare non poterant:

8 illo se nec in Judæorum legem, nec in sanum, nec in Cæsarem quicquam peccasse defendente.

9 Festus autem volens Judæis gratificari, dixit Paulo: Vis Hierosolymam ascendere, & ibi de his causam apud me dicere?

10 At Paulus: Ad Cæsaris tribunal, inquit, asto, ubi me causam dicere decet. Judæis nullam feci injuriam, ut tu pulchrè scis.

11 Nam

11 Nam si sum nocens, & aliquid morte dignum commisi, quò minus moriar non recuso. Sin nihil eorum est de quibus hi me accusant, nemo me eis condonare potest. Cæsarem appello.

12 Tum Festus cum concilio collocutus, respondit: Cæsarem appellasti, ad Cæsarem ibis.

13 Deinde præteritis aliquot diebus, Agrippa rex, & Berenice, Cæsaream venerunt, salutaturi Festum.

14 Qui dum ibi complures morantur dies, Festus regi negotium Pauli exposuit. Est vir quidam, inquit, à Felice relictus in vinculis,

15 de quo me, postquam Hierosolymam veni, compellarunt Pontifices senatoresque Judæorum, eum poscentes ad supplicium.

16 Quibus ego respondi, non esse Romanis morem, hominem ullum ad necem condonare, priusquam reus præsentis habuerit accusatores, & locum sui contra criminationem defendendi obtinuerit.

17 Cùm igitur illi huc venissent, ego nulla interposita mora, postridie pro tribunali sedi, & hominem adduci imperavi.

18 Cui cùm præsto essent accusatores, nullum crimen inferebant, cujusmodi ego opinatus eram:

19 sed quæstiones quasdam de superstitione sua contra eum habebant, & de quodam Jesu mortuo, quem Paulus vivere dicebat.

20 Ego de hujusmodi quæstione dubitans, quæsi vi an Hierosolymam proficisci vellet, & illic de his causam dicere.

21 Sed Paulus ut ad Augusti cognitionem servaretur, appel-

lavit. Et ego jussi ut asservaretur, donec eum mittam ad Cæsarem.

22 Tum Agrippa ita Festo dixit: Vellem ego quoque hominem audire. Et ille: Cras inquit, audies eum.

23 Igitur postridie Agrippa & Berenice multo cum apparatu veniunt, & in auditorium intrant, unà cum tribunis & excellentibus in civitate viris. Et Festus, adducto jussu ejus Paulo, sic locutus est:

24 Agrippa rex, & omnes viri qui apud nos adestis, videris hunc, de quo me omnis Judæorum multitudo & Hierosolymis & hic interpellavit, vociferans, eum vivere amplius non debere.

25 Ego cùm eum nihil capitale admisisse comperissem, & ipse ad Augustum provocasset, mittere statui:

26 tametsi quid certum de eo scribam ad Dominum, non habeo. Ea de causa produxi eum ad vos, & maxime ad te, rex Agrippa, ut re disquisita, habeam, quod scribam.

27 Absurdum enim mihi videtur, mittere vinctum, nec quæ ei crimina imponantur, significare.

CAPUT XXVI.

Paulus coram Agrippa, vitam aeternam à juventute, vocationemque suam, tanta auctoritate exponit, ut etiam Regis animum nonnihil flecteret, sed re infecta discedunt proceres.

¶ I C Paulum sic alloquitur Agrippa: Liberum est tibi pro te ipso dicere. Tum Paulus, porrecta manu seipsum defendit:

2 Quòd omnia de quibus à Judæis postulo, hodie sum apud te, rex Agrippa, defensurus,

3 qui sis omnium Judaicarum consuetudinum, ac controversiarum vel in primis peritus, equidem beatum me duco. Quamobrem oro te, ut me æquo animo audias.

4 Ac meam quidem ab ineunte ætate vitam, quæ ab initio Hierosolymis inter meos populares acta est, norunt omnes Judæi,

5 jam diu scientes (modò velint fateri) me exactissima religionis nostræ secta vixisse Phariseum.

6 Et nunc sto reus speratæ repræsentationis eorum, quæ majoribus nostris à Deo promissa sunt :

7 quò quidem se perventuras duodecim tribus nostræ, Deum noctes diesque assidue colendo, sperant. De hac spe accusor, rex Agrippa, à Judæis.

8 Itane verò incredibile apud vos judicatur, mortuos à Deo excitari ?

9 Equidem statueram multa mihi contra Jesu Nazareni nomen esse facienda.

10 Itaque feci Hierosolymis, multosque sanctorum ego in custodias inclusi, accepta à Pontificibus potestate, & interficiendos mea sententia damnavi.

11 Quin eos per omnia collegia tormentis sæpè cogebam impiè loqui: jamque immodicè in eos furens, persequabar etiam ad externas urbes.

12 Ac aliquando proficiscens Damascum, cum potestate & procuratione à Pontificibus accepta,

13 die medio, rex, in itinere vidi de cælo Solis splendore majus lumen, quod me, meosque comites circumfulsit.

14 Ac nobis omnibus ad terram collapsis, vocem audiavi as-

fantem me, & Hebræo sermone dicentem, Saule, Saule, quid me persequeris ? Durum tibi fuerit contra stimulos calcitrare.

15 Tum ego: Quis es, inquam, Domine ? Et ille : Ego sum Jesus, quem tu persequeris.

16 Verum surge, & confiste in pedes. Nam eò tibi apparui, ut te & ministrum & testem constituam eorum quæque videris quæque tibi demonstrabo,

17 vindicando te à populo & gentibus, ad quas nunc te mitto,

18 ad eorum oculos aperiendos: ut ex tenebris in lucem, & ex Satanæ potestate, ad Deum se convertant, & ita peccatorum veniam, & eandem cum eis sortem consequantur, qui fide mihi habenda sancti facti fuerint.

19 Nec ego, rex Agrippa, cælesti visioni non fui dicto audiens :

20 quin primum eis, qui Damasci erant, & Hierosolymis, perque omnem Judææ agrum, necnon ipsis extraneis denunciarem, ut vitam corrigerent, & ad Deum se converterent, ac vitæ correctione digna facerent.

21 His de causis Judæi me infano comprehensum conabantur interficere.

22 Sed divino præsidio ad hunc usque diem steti, infimos juxta ac summos commonefaciens, neque quicquam extra ea dicens, quæ tum cæteri vates, tum Moles, futura antè denunciarunt :

23 videlicet supplicio afficiendum Christum, primumque ex mortuis in vitam revocatum, lucem populo & gentibus nunciaturam.

24 Hæc eo defendente, Festus magna voce dixit : Insanis, Paule : nimis te literæ ad insaniam redigunt.

25 At ille : Non insanio, inquit, præstantissime Feste, sed vera & sana verba profero.

26 Scit hæc rex, ad quem ed confidentius loquor, quod eum nihil horum latere persuasum habeo. Nec enim hoc in angulo gestum est.

27 Credis, rex Agrippa, veribus ? Credis, scio.

28 Et Agrippa Paulo : Propemodum mihi persuades, ut Christianus fiam.

29 Et Paulus : Deum precor, inquit, ut & propemodum & planè, non solum tu, sed etiam omnes qui me audiunt, hodie tales fiant, qualis ego sum, exceptis his vinculis.

30 Hæc eo locuto, surrexit rex, & prætor, & Berenice, & eorum assessor :

31 & digressi loquebantur inter sese, eum hominem nihil morte aut vinculis dignum facere.

32 Agrippa verò Festo dixit, eum hominem absolvi posse, nisi Cæsarem appellasset.

C A P U T XXVII.

Paulo periculosam navigationem præmonenti non creditur, diu ventis undique jactati, naufragium faciunt : omnes tamen salvi in terram evadunt.

UT autem nos in Italiam navigare decretum est, traditus est Paulus, & alii quidam vincti duo, centurione nomine Julio, cohortis Augustæ :

2 Et conscensa nave Adramyttina, secundum Asiæ loca navigaturi solvimus, comitante nos Aristarcho Macedone Thesalonicensi.

3 Postridie ad Sidonem appulsi sumus : & Julius Paulum humanè usus, permisit ei amicos adire, qui ejus curam gererent.

4 Inde postquam solvimus, subter Cyprum navigavimus, quod erant venti contrarii :

5 ac navigato Cilicio, Pamphylioque pelago, Lyciæ Myram appulimus :

6 & ibi nactus centurio navem Alexandrinam, quæ in Italiam navigaret, eo nos imposuit.

7 Postquam autem compluribus diebus tarde navigantes, egrè in eum locum qui est secundum Cnidum, venissemus, obstante nobis vento, subter Cretam secundum Salmonam navigavimus :

8 eamque egrè præterlati, venimus in quendam locum, nomine Pulchros portus, prope quem urbs erat Lasæa.

9 Jam verò satis multo tempore transacto, cum esset jam periculosa navigatio, quod tranquillitas præterisset, monebat Paulus eos hujusmodi verbis.

10 Viri, video cum detrimento, gravique non solum oneris & navigii, verumetiam nostræ vitæ jactura, fore navigationem.

11 At centurio magis gubernatori, & naviculario, quam Pauli dictis obtemperabat.

12 Ac quod erat portus ad hyberna parùm accommodatus, plerique consilium ceperunt, illinc quoque solvere, si fortè possent in Phœnicem appulsi hybernare, qui portus est Cretæ, spectans ad Africum, & ad Corum,

13 Itaque aspirante Austro arbitrati se propositum assecutos, solverunt, & propius Cretam præterferebantur.

14 Veritas

14 Verum haud multo post in eam procellosus ventus impetit, qui Euro-aquilo vocatur.

15 Ità cum correptum navigium contra ventum tendere non posset, cessimus, atque ita ferebamur.

16 Cumque subter parvam quandam insulam, nomine Claudam, cursum tenuissemus, vix scapham tenere potuimus:

17 qua subducta, adjumentis utebantur succingentes navem: ac ne in Syrtim inciderent metuentes, demissa scapha sic ferebantur.

18 Sed quia vehementi tempestate jactabamur, altero die jactura facta est:

19 tertio-die nos nostris manibus armamenta navis ejecimus.

20 Verum neque Sole neque stellis complures jam dies apparentibus, & tempestate non mediocri incumbente, ceterò spes omnis salutis nostræ sublata erat.

21 Cum autem multa esset inedia, Paulus in eorum medio astans, sic locutus est: Decebat quidem, ô viri obtemperantes mihi, à Creta non solvere, & hoc detrimentum damnumque lucrari.

22 Nunc tamen moneo vos, ut bono sitis animo: nam nullius nostrum vitæ jactura fiet, sed tantum navigii.

23 Astitit enim mihi hac nocte Dei, cujus sum, quemque colo, angelus,

24 & ita dixit: Ne metue, Paule, ad Cæsarem te sisti oportet: at scito, tibi Deum omnes tecum navigantes condonasse.

25 Quamobrem bono este animo, viri: confido enim Deo, ita fore quomodo mihi promissum est.

26 Oportet autem nos in aliquam insulam ejici.

27 Deinde ubi quartadecima nox venit, cum in Adria agiteremur, sub noctem mediam nautæ, quod se alicui terræ propinquare suspicabantur,

28 demisso perpendiculo nautico, invenerunt ulnas viginti. Deinde paululum progressi, & iterum contati, invenerunt ulnas quindecim:

29 ac ne in aspera loca inciderent veriti, jactis de puppi quatuor anchoris, optabant oriri diem.

30 Sed cum nautæ ex navi effugere conarentur, & scapham in mare demississent, quasi qui ex prora anchoras extensuri essent,

31 Paulus centurioni & militibus dixit: Nisi hi manserint in navi, vos evadere non potestis.

32 Tum milites scaphæ funes absciderunt, eamque delabi siverunt.

33 Interea dum dies appetit, Paulus omnes, ut cibum caperent, cohortabatur: Hic decimusquartus dies agitur, inquit, cum expectantes jejuni permanetis, nihilque sumpistis:

34 itaque vos ut cibum capitis exhortor. Hoc enim ad vestram salutem pertinet. Nana nullius vestrum vel pilus ex capite cadet.

35 His dictis sumptum panem, actis in omnium conspectu Deo gratiis, fregit, ac comedere cepit.

36 Tum omnes alacres rediti, ipsi quoque cibum ceperunt.

37 Eramus autem in navi capita in summa ducenta septuaginta sex.

38 Deinde

38 Deinde cibo satiati, navem exonerarunt, jacto in mare frumento.

39 Orta die, terram non agnoscebant: sed sinum quendam animadvertabant, qui litus habebat, in quod cogitabant, si fieri posset, navem appellere.

40 Itaque detractas anchoras permiserunt in mare, simulque laxatis gubernaculorum scalmis, & sublato ad flatum velo, tendebant ad litus.

41 Sed in locum bimarem delati navem illiserunt, ita ut affixa prora maneret immobilis, puppis undarum vi solveretur.

42 Militum autem consilium fuit, ut vinctos occiderent, ne quis enatando effugeret.

43 Sed centurio Paulum servare volens, eos illo consilio prohibuit: jussitque ut qui nare possent, primi se jacerent, & ad terram evaderent:

44 cæteri partim in tabulis, partim in quavis re ex navi. Atque ita factum est, ut omnes in terram evaderent incolumes.

CAPUT XXVIII.

Barbarorum humanitas erga naufragos. Paulus viperam manu tollit illæsus, Publium & alios sanat. Melita solventes Romam perveniunt. Paulus Judæis causam suam exponit: Jesum docet biennio.

ELapsi autem, tum demum intellexerunt, insulam Melitam vocari.

2 Barbari verò non vulgari humanitate erga nos usi sunt. Nam accenso igne, nos omnes juverunt, propter instantem pluviam, & propter frigis.

3 Cùm Paulus autem multum sarmentorum collegisset, ac igni imposuisset, vipera propter calorem egressa, ejus manum invasit.

4 Et barbari, ut pendentem de ejus manu bestiam viderunt, dicebant inter se: Omnino homicida est hic homo, quem ex mari servatum, fas vivere non finit.

5 At ille excussa in ignem bestia, nihil mali passus est:

6 illis futurum expectantibus ut arderet, aut subito mortuus concideret. Sed postquam diutius expectantes, nihil incommodi ei vident accidere, mutati dicebant, esse Deum.

7 Erant iis in locis prædia primo insulæ, nomine Publico, qui nos acceptos triduum benigne tractavit hospitio.

8 Accidit autem, ut Publici pater febribus & torminibus laborans decumberet: ad quem ingressus Paulus, ac comprecatus, impositis illi manibus, eum sanavit.

9 Quo facto, cæteri quoque qui morbis in insula tenebantur, accedebant, ac curabantur:

10 qui nos etiam multis honoribus persecuti sunt, & solventibus necessaria subministrarunt.

11 Post tres menses solvimus in navi Alexandrina, quæ in ea insula hyemaverat, insignita Castoribus:

12 & Syracusas appulsi, illic mansimus triduum.

13 Inde circuitu pervenimus Regium: & post unum diem, orto Austro, altero die venimus Puteolos.

14 Ubi fratres nacti, exortati sumus, ut apud eos maneremus septem dies, & ita Romanam contendimus.

15 Unde fratres, cùm de nobis audivissent, nobis obviam prodierunt usque ad Appium forum, & tres tabernas. Quibus

visis, Paulus actis Deo gratiis, sumpsit fiduciam.

16 Postquam Romam venimus, centurio vinculis præfecto castrorum tradidit. Paulo autem permissum est. ut solus cum custode suo milite maneret.

17 Post triduum convocavit Paulus Judæorum primos, eosque postquam convenerunt, sic allocutus est: Viri fratres, ego quamvis nihil contra populum, patriosve mores fecissem, vincitus Hierosolymis traditus sum in Romanorum manus,

18 qui me examinatum volebant absolvere, quod nullum in me foret capitale crimen.

19 Sed contradicentibus Judæis, coactus sum appellare Cæarem, non ut qui aliquid habeam, quod populares meos accusarem.

20 Hanc igitur ob causam vos advocavi ut viderem & alloquerer. Nam causa spei Israelitarum, hac catena circumdatus sum:

21 Et illi: Nos quidem, iniungunt, neque literas de te accepimus ex Judæa, neque fratrum quisquam advenit, qui aliquid sinistrum de te nuntiaverit, aut dixerit.

22 Cæterum vellemus ex te audire, quæ sentias. Nam de ista quidem secta notum est nobis, ei ubique contradici.

23 Ac dicto ei die, venerunt cum in hospitium plures:

quibus ille differebat, divinum regnum testificans, & eis de Jesu, ex Mosis lege, & vatibus, à mane ad vesperam persuadere conans.

24 At aliis quidem oratione persuadebatur, alii non credebant:

25 cumque inter sese discordes essent, discedebant, Paulo unum verbum locuto, videlicet: Rectè allocutus est Spiritus sanctus, per Esaiam vatem, majores nostros,

26 dum ait: Adi populum istum, & dicito: Audietis quidem, sed non intelligetis: & aspicietis, sed non perspicietis.

27 Torpet enim animus istius populi, & auribus obtusè audiunt, & oclusos habent oculos, ne oculis videant, & auribus audiant, & animo intelligant, ac mutentur, atque ita, eos ego sanem.

28 Quapropter hoc vobis notum esto, missam extraneis esse divinam salutem, qui etiam audient.

29 His ab eo dictis, abierunt Judæi, multam habentes inter sese contentionem.

30 Mansit autem Paulus totum biennium in conducto privatim, atque omnes admittebat, qui eum adibant,

31 divinum regnum publicans, & de Domino Jesu Christo summa cum libertate, sine impedimento docens.

PAULI EPISTOLA AD ROMANOS.

CAPUT I.

Ab Apostolatus sui approbatione exorsus, Evangelii commendationem subnectit, per quod Deus virtutem suam exerit servandis Fide hominibus, impia gratitudinis reis: in quos ira Dei meritò effusa colligitur, quod laxatis habenis in omne scelus passim ferantur.

PAULUS JESU CHRISTI servus, vocatus Apostolus ad Evangelium Dei segregatus,

2 quod ante promiserat per vates suos in sacris literis,

3 de filio suo, orto ex Davidis semine quod ad carnem attinet:

4 definito Dei filio cum potentia, secundum spiritum sanctificum, dum ex mortuis resurgit Jesus Christus Dominus noster:

5 per quem gratiam sumus & Apostolatam adepti, ut obediatur fidei ob ejus nomen apud omnes gentes,

6 in quibus vos quoque estis vocati Jesu Christi.

7 Omnibus, qui Romæ estis, Deo charis, vocatis, sanctis, gratiam & pacem à Deo patre nostro, & Domino Jesu Christo.

8 Primum, ago Deo meo gratias per Jesum Christum de vobis omnibus, quod vestra fides toto orbe divulgatur.

9 Testis enim mihi Deus est

(quem ex animo in ejus filii Evangelio colo) me sine intermissione mentionem vestri facere semper in meis supplicationibus,

10 precantem ut (quod Dei voluntate fiat) tandem aliquando commoditatem adipiscar itineris, ad vos visendos.

11 Cupio enim videre vos, ut divinum aliquod beneficium vobis communicem, vestri confirmandi gratia:

12 hoc est, ut una apud vos recreemur per utrorumque fidem, vestram & meam.

13 Nolo enim vos ignorare, fratres, me sæpe statuisse adire vos (sed hætenus prohibitus sum) ut profectum aliquem apud vos quoque faciam, quemadmodum apud cæteras nationes.

14 Græcis juxta, ac barbaris doctis ac imperitis debeo.

15 Ita quod in me est, paratus sum, vos quoque qui Romæ estis, Evangelio instituere.

16 Nec enim me puder Evangelii Christi: quippe quod sit divina potentia, salutaris omnibus gentibus, cum Græco, tum Judæo.

17 Nam per id divina justitia exeritur, perpetuanda fide quemadmodum scriptum est Justus autem fide vivet.

18 Exeritur enim ira Dei de cælo in omnem impietatem & injustitiam hominum, veritatem inajuste suppressentium.

19 N

19 Nam quod Dei cognosci jurgio, fraudulentia, nequitia : potest, id apud eos manifestum est, utpote cum Deus eis patefecerit.

20 Etenim quæ ejus sunt inaspectabilia, cujusmodi est ejus sempiterna potentia atq; divinitas, ea ex mundi opificio, dum considerantur per opera, perspicuantur : ut sint inexcusabiles,

21 quoniam cognito Deo, non ei dignam Deo gloriam gratiamque tribuerunt : sed vanis cogitationibus usi sunt, caligavitq; eorum insipiens animus :

22 sapientes se professi, stultos præstiterunt :

23 & immortalis Dei gloriam ad imagines similes hominis mortalis, & volucrum, & quadrupedum, & serpentium transfulerunt.

24 Quare Deus eos permittit animi sui cupiditatibus, in tantam impuritatem, ut ipsi sua corpora in sese deturpent :

25 quod Dei veritatem in falsitatem transfulerint, & res creatas supra creatorem venerati coluerint, qui est laudandus in sempiternum : Etiam.

26 Hanc ob rem permittit eos Deus in turpes libidines, ut eorum scemina mutaverint usum naturalem in non naturalem :

27 similiterque mares, omisso scemina usu naturali, exardescant mutualibidine, mares cum maribus obscena perpetrantes, atque ita dignam errore suo mercedem in se accipientes.

28 Ac quemadmodum Dei cognitione non probè usi sunt, ita permittit eos Deus in improbam mentem, ita ut nefaria faciant,

29 pleni omnis injustitiæ, stupri, perversitatis, avaritiæ, maliciæ : referti invidia, cæde,

30 susurriones, maledici, Deosofores, contumeliosi, superbi, arrogantes, malorum inventores, contumaces erga parentes,

31 Insipientes, infociabiles, inhumani, perfidiosi, immiseri cordes :

32 qui cum id esse divinum jus cognoscant, ut qui talia faciunt, morte digni sunt, non solum ea faciunt, sed etiam facientibus assentiuntur.

CAPUT II.

Omnes ad tribunal Dei sistit, Gentibus excusationem ab ignorantia præcidit. Urget Judæos à lege scripta in qua gloriabantur, aquatque eos inter se.

ITaque inexcusabilis es, ô homo, quicumque damnas : nam eo ipso quod alterum damnas, teipsum condemnas, cum facis eadem tu qui damnas.

2 Scimus autem, severum Dei judicium in eos futurum, qui talia faciunt.

3 An verò hoc putas, homo tu (qui eos damnas qui talia faciunt, & facis eadem) te Dei judicium evasurum ?

4 An divitem ejus benignitatem & facilitatem, ac lenitudinem contemnis ? ignorans te Dei benignitate ad sanitatem invitari ?

5 Tu verò, quæ tua est duritas, & deploratus animus, congeris ipse tibi supplicium in supplicii diem, & repræsentationis justii Dei judicii,

6 qui suis cuique factis digna solvet :

7 hoc est, iis qui in rectè factis perseverantes, gloriam, honoremque & immortalitatem quærunt, vitam sempiternam :

8 contentiosis autem, & in veritatem contumacibus, injustitiæ

stitiæ verò obedientibus, immi-
net sævitia & pœna,

9 calamitas & angustia, omni
hominis animæ præve agentis,
cùm Græci, tum Judæi.

10 Gloria verò, & honos, &
pax omni rectè facienti cùm
Græco, tum Judæo.

11 Nullum est enim apud
Deum personarum discrimen:

12 nam quicumque sine lege
peccaverint, sine lege etiam pe-
ribunt: item quicumque cum
lege peccaverint, per legem
damnabuntur.

13 Non enim legis auditores
erunt apud Deum infontes, sed
legis executores erunt infontes.

14 Cùm enim exterarum na-
tionum homines, legem non
habentes, natura legitima fa-
ciant; ii legem non habentes,
ipsi sibi lex sunt:

15 qui quidem ostendant le-
gis opus in suis animis inscri-
ptum: id quod testabitur eorum
conscientia: & utrorumque co-
gitationes eos vel accusabunt,
vel defendent,

16 quo die judicabit Deus
arcana hominum, ex evangelio
meo, per Jesum Christum:

17 En tu Judæus nominaris:
& in lege acquiescis, ac de Deo
gloriaris,

18 & ejus voluntatem cog-
noscis, & præstabilia approbas,
instructus lege:

19 tibi que persuades, te cæ-
corum esse ducem, lumen eorum
qui sunt in tenebris,

20 imprudentum præcepto-
rem, imperitorum magistrum,
qui veram legis cognitionem
præ te feras.

21 Ergo qui alterum doces,
te ipsum non doces? qui prædi-
cas non esse furandum, furaris?

22 qui adulterandum negas,

adulteras? qui deastros detesta-
ris, sacrilegium committis?

23 qui in lege gloriaris, con-
tra legem committendo Deum
dedecoras?

24 Per vos enim malè audit
Dei nomen apud exterarum natio-
nes, quemadmodum scriptum
est.

25 Nam ita demum prodest
circumcisio, si legi pareas. Sin
contra legem committas, tua cir-
cumcisio in præputium abiit.

26 Quòd si præputiatus legis
instituta conservat, nimirum e-
jus præputium pro circumcisio-
ne habebitur:

27 damnabitque qui natura
præputiatus legem exequitur, te,
qui literam & circumcisionem
habens, contra legem facis.

28 Non enim is Judæus est,
qui manifestò est: nec ea cir-
cumcisio est, quæ manifestò in
carne est:

29 sed is Judæus est, qui oc-
cultè est: & ea circumcisio est,
quæ cordis est, spiritu, non li-
teris: cujus Judæi laus non ab
hominibus est, sed à Deo.

CAPUT III.

*Concedit Judæis aliquam ex fide-
te prærogativam, sed qua peni-
tus in Dei misericordia sita sit.
Judæos ac Gentes aequè esse pec-
catores, auctoritate Scripturæ
confirmat: usumque legis mon-
strans, Fide nos justificari collig-
git.*

QUÆ nam est ergo Judæi
præstantia? aut quæ cir-
cumcisionis utilitas?

2 Multa omnino. Primum,
quòd eis credita sunt oracula
divina.

3 Quid enim, si diffiderunt
nonnulli? Num eorum diffiden-
tia Dei fidem abolebit:

4 Absit. Quin sit Deus verax,

& omnis homo mendax, quem admodum literis proditum est : Ut sis æquus in tuis dictis, & causam obtineas.

5 Sed si injustitia nostra Dei justitiam commendat, quid dicemus ? Num Deus injustus est, qui supplicium irroget ? Humano more loquor.

6 Absit. Alioquin quomodo jus redderet Deus mundo ?

7 Verum si Dei veritas mea falsitate amplificatur, ad ejus gloriam, cur ego tandem ut nocens damnor ?

8 quin potius faciamus mala, ut eveniant bona. Sic enim male de nobis dicitur, & sic aiunt quidam dicere nos, qui meritò damnandi sunt.

9 Quid ergo ? antecellimus ? Nequaquam. Convicimus enim, & Judæos, & Græcos omnes peccato subesse,

10 quemadmodum est in literis : Non est justus, ne unus quidem :

11 non est qui sapiat, non est qui Deo studeat.

12 Omnes pariter defleunt, nequamque sunt : non est qui rectè faciat, non est, ne unus quidem :

13 Sepulchrum patens eorum guttur est, linguis suis ad dolum utuntur : aspidum virus habent in labiis.

14 Eorum os execratione a-parulentiæque plenum est,

15 pedes ad fundendum sanguinem veloces :

16 exitium & calamitas est in eorum viis,

17 & viam pacis nesciunt.

18 Non habent sibi propositum Dei metum.

19 Scimus autem quæcunque ex dicit, iis loqui, qui sunt in lege, ut omne os obmutescat,

obnoxiusque fiat totus orbis Deo,

20 quodd per legis opera mortalium nemo justus fiet apud eum. Nam ex lege oritur agnitio peccati.

21 Nunc absque lege divina justitia patefacta est, à lege à vatibus testata :

22 divina, inquam, justitia, quam fide Jesu Christo habenda consequantur & obtineant omnes fidentes. Non enim est discrimen ullum : nam omnes peccaverunt, divinaque gloria carent,

23 justificandi gratis, ejus beneficio, per liberationem quæ fit in Christo Jesu :

24 quem proposuit Deus placamentum, per fidem in ejus sanguine collocandam, ad demonstrationem justitiæ Dei, qui pro sua facilitate præteritis peccatis veniam det,

25 ut hoc tempore suam justitiam demonstret : ut sit ipse & justus, & qui Jesu fidem habentes justificet.

26 Ubi est ergo gloriatio ? Exclusa est. Qua lege ? operum ? Non, sed fidei lege.

27 Censemus ergo fide justificari hominem, absque legis operibus.

28 An Judæorum solum Deus est ? an non etiam extraneorum ? Est etiam extraneorum :

29 quandoquidem unus Deus est, qui & circumcisionem fide, & præputium per fidem justificet.

30 Ergo legem abrogamus per fidem ? Absit : imò legem stabilimus.

CAPUT IV.

Quod ante dixit de fide exemplo Abrahamæ, Scripturæ testimonio comprobatur : & decies Imputationis vocem inculcat hoc capite.

K

Quid

Quid ergo dicemus Abrahamum nostrum (quod ad humanam naturam attinet) parentem, consecutum esse?

2 Si enim Abrahamus operibus justificatus est, habet quod gloriatur, sed non apud Deum.

3 Verum quid dicunt literæ? Credidit autem Abrahamus Deo, id quod ei iustitiæ ductum est.

4 In operante quidem merces, non gratiæ, sed debiti locum habet.

5 At non operanti, sed in eum credenti, qui fontem iustificat, ejus fides iustitiæ ducitur:

6 quemadmodum David quoque hominis beatitatem in eo statuit, si ei Deus iustitiam tribuat sine operibus.

7 Beati quorum remissa delicta, quorum obducta sunt peccata.

8 Beatus homo cui non imputat Deus peccatum.

9 Hæc igitur beatitudo in circumcisionemne cadit, an potius in præputium? Dicimus enim, fidem in Abrahamo habitam esse pro iustitia:

10 quomodo igitur habitam? cum in circumcisione esset, an cum in præputio: Non in circumcisione, sed in præputio:

11 ac circumcisionis notam accepit, quæ sigillum esset iustitiæ fidei, quæ hdes fuit in præputio, ut pater esset omnium fidentium, sive præputiatorum (ut eis quoque iustitia duceretur) sive circumcisorum,

12 pater esset, inquam, non iis solum qui essent a circumcissione, verumetiam gradientibus per fidei vestigia, quam parens noster Abrahamus habuit in præputio.

13 Non enim per legem pro-

missum est Abrahamo, aut ejus posteritati, orbis hæredem fore, sed per fidei iustitiam.

14 Nam si qui à lege sunt, hæredes sunt, vana fides est, & irrita promissio.

15 Lex enim pœnam parit. Siquidem ubi lex non est, ne delictum quidem.

16 Ergo per fidem id fit, ut fit gratuitum, quò rata sit promissio omni posteritati, non solum quæ à lege, verumetiam quæ ab Abrahami fide fit: qui nostrum omnium pater est.

17 (ut habetur scriptum: Te multarum gentium patrem efficturus sum) videlicet apud eum cui credidit Deus: qui mortuis vitam dat, & quæ non sunt, perinde ac si essent, vocat.

18 Qui Abrahamus contra spem spe credidit, fore se multarum gentium, ut erat promissum: Sic erit tua posteritas.

19 Itaque fide non infirmum non consideravit suum corpus jam emortuum (qui propemodum centenarius esset) aut entam Saræ vulvam:

20 verum de Dei promissis non dubitavit diffidentia, sed fide valuit, Deoque gloriam tribuit:

21 exploratum habens, eum quæ promississet etiam præstare posse.

22 Itaque id ei iustitiæ ductum est.

23 Non est autem scriptum propter eum solum, ei ductum esse,

24 sed etiam propter multos quibus futurum est ut ducantur credentibus in eum qui Jesum Dominum nostrum suscitavit mortuis:

25 qui Jesus propter nos delicta

delicta traditus, propter nostram
justitiam revixit.

CAPUT V.

Amplificationibus illustrat justitiam Christi quæ fide apprehenditur, quia datus est pro infirmis, & peccatoribus. Inde comparisonem facit Christi cum Adam: mortis cum vita: Legis cum gratia.

1 *Gitur fide justificati, pacem habemus cum Deo, per Dominum nostrum Jesum Christum,*

2 *per quem fide aditum habuimus ad hoc beneficium, in quo stamus, & divinæ gloriæ spe gloriamur.*

3 *Neque id solum, sed etiam gloriamur in calamitatibus: illud scientes, quod calamitas patientiam parit,*

4 *patientia probationem, probatio spem:*

5 *spes autem non pudefacit, quod Dei amore perfusi sunt animi nostri, per Spiritum sanctum nobis datum.*

6 *Nam Christus, cum nos ad hoc essemus per tempus infirmi, pro fontibus mortuus est,*

7 *cum vix quisquam etiam pro infante moriatur: nam pro pro bono fortassis aliquis mori stineat.*

8 *At Deus suum erga nos amorem in eo commendat, quod in adhuc nocentes essemus, Christus pro nobis mortuus est.*

9 *Ergo multo magis nunc eius sanguine justificati, defendimur per eum à supplicio.*

10 *Si enim, hostes cum essemus, reconciliati sumus Deo per filii mortem: multo magis reconciliati servabimur per ejus sanguinem.*

11 *Quinetiam (quod plusest) Deo gloriamur per Dominum nostrum Jesum Christum, per*

quem nunc reconciliationem sumus assecuti.

12 Propterea quemadmodum per unum hominem peccatum in mundum intravit: & per peccatum mors: atque ita ad omnes homines pervasit mors, quatenus omnes peccarunt.

13 Nam usque ad legem peccatum erat in mundo: atque peccatum non ducitur, nisi est lex:

14 & tamen ab Adamo ad Mosem usque etiam in eos qui non peccaverant, regnavit mors propter similitudinem delicti Adami, qui futuri exemplum est.

15 Sed non eadem beneficii, quæ delicti ratio est. Si enim unius delicto multi mortui sunt, multo magis Dei beneficium, atque donum, unius hominis Jesu Christi beneficio in multos exuberavit.

16 Neque est eadem condonationis ratio, quæ est ejus quod accidit per unum qui peccavit. Nam unus in causa fuit, ut iudicium, & porro damnatio consequeretur: at beneficium peperit multorum delictorum abolitionem.

17 Si enim unius delicto mors per unum regnavit, multo magis qui tam excellens justitiæ beneficium atque donum fuerint adepti, in vita regnabunt per unum Jesum Christum.

18 Ergo quemadmodum unius delicto factum est, ut omnes homines damnarentur: sic etiam unius justitia fit, ut omnes homines absolvantur atque vivant.

19 Ut enim unius hominis contumacia fontes effecti sunt multi: sic etiam unius obedientia justi efficiuntur multi.

20 Lex autem supervenit, quò plus esset delicti: quo plus autem fuit peccati, eò magis excessit gratia:

21 ut quemadmodum morte regnavit peccatum, sic gratia quoque per justitiam regnet, ad sempiternam vitam per Jesum Christum.

C A P U T VI.

Descendit ad sanctificationem, sine qua neminem induere Christi justitiam docet, argumento à Baptismo sumpto. Inde exhortationes ad vitæ puritatem deducit, brevemque mentionem interserit Legis abrogata.

Quid ergo dicemus? manebimus in peccato, quò plus sit gratiæ?

2 Nequaquam. Qui peccato mortui sumus, quomodo adhuc viveremus in eodem?

3 An ignoratis, quicumque sumus Christi Jesu nomine baptizati, ad ejus mortem esse baptizatos?

4 Sumus ergo unà cum eo per baptismum ad mortem sepulti: ut quemadmodum Christus ex mortuis in paterna gloria resurrexit, sic & nos in vitæ novitate gradiamur.

5 Si enim ejus mortis similitudine inſtituti facti sumus, etiam resurrectionis erimus:

6 illud ſcientes, veterem nostrum hominem simul esse crucifixum, ut peccati corpus aboleatur, ne nos amplius peccato serviamus.

7 Nam qui mortuus est, is peccato absolutus est.

8 Quòd si unà cum Christo mortui sumus, etiam cum eo victuros credimus:

9 ſcientes, Christum ex mortuis excitatum, non jam moriturum esse, non jam mortui esse obnoxium.

10 Quod enim mortuus est, peccato mortuus est ſemel: quòd autem vivit, Deo vivit.

11 Sic vos quoque existimate, voſiſſos mortuos quidem eſſe peccato, ſed vivos Deo, per Jesum Christum Dominum nostrum.

12 Nec regnet ergo peccatum in mortali vestro corpore, ita ut peccato in corporis cupiditatibus pareatis:

13 Nève membra vestra inſtitutiæ arma peccato præbete: ſed Deo vos, ut ex mortuis vivos, & vestra membra juſtitie arma præbete.

14 Non enim dominabitur vobis peccatum: quippe cum non ſub lege ſitis, ſed ſub gratia.

15 Quid tum? peccabimus quoniam non ſub lege ſumus ſed ſub gratia? Abſit.

16 An nescitis, cui voſiſſos ſervos præbetis obediendo, ejus ſervos eſſe, cui obediat? vobis peccati, ad mortem: vel obedientiæ, ad juſtitiam?

17 Sed eſt Deo gratia, quod cum ſervi eſſetis peccati, parati ſitis ex animo ei doctrinæ rationi, quæ vobis tradita eſt:

18 ac peccato liberati, mancipati eſtis juſtitie.

19 Humano more dico, propter veſtræ humanæ naturæ infirmitatem. Ut enim veſtra membra impuritati ac ſceli ſerva præbuiſtis ad ſcelus, nunc quoque membra veſtra ſerva præbete juſtitie ad ſanctimoniam.

20 Nam cum ſervi eſſetis peccati, cratis à juſtitia liberi.

21 Quem verò tum fructus percipiebatis eorum, quos nunc vos pudet? Illorum enim ſinis, mors eſt.

22 At nunc peccato liberi

Deoque emancipati, fructum vestrum percipitis, ad sanctitatem, ad extremum vitam adepturi sempiternam.

23 Etenim peccati stipendia, mors est: at Dei beneficium, sempiterna vita, per Jesum Christum Dominum nostrum.

CAPUT VII.

Explicat quid sit non esse amplius sub lege, sumpto ex conjugii lege exemplo. Idque in legis contumeliam ne urgeat, nostra culpa factum esse docet, ut in mortis materiam cederet, qua in vitam data erat. Exin transit ad describendam spiritus & carnis luctam.

AN ignoratis, fratres (nam legis scientes alloquor) legem homini tandiu imperare quandiu ea vivit?

2 Etenim marita mulier viventi viro lege obstricta est. Sed si vir mortuus fuerit, ea à viri lege soluta est.

3 Itaque vivente viro appellabitur adultera, si fiat alterius viri. Verum si vir moriatur, libera est à lege, ita ut adultera non sit, si fiat alterius viri.

4 Ad eundem modum, mei fratres, vos quoque perempti estis legi, per Christi corpus, ita, ut in jus alterius transferitis, ejus qui ex mortuis excitatus est, ut fructum feramus Deo.

5 Cum enim essemus in carne, peccatorum perturbationes à lege orientes, in membris agebant nostris, ita ut morti sacrificaremus.

6 At nunc lege soluti sumus, ei mortui qua tenebamur, ita ut serviamus in novo spiritu, non in veteri litera.

7 Quid ergo dicemus? Lex peccatum est? minimè: sed peccatum non nossem, nisi per legem.

Nam cupiditatem nescirem nisi diceret lex: Ne concupiscito.

8 Peccatum autem, occasionem nactum per præceptum, effecit in me omnem cupiditatem. Siquidem absque lege peccatum est mortuum.

9 Ego verò aliquando sine lege vivebam. Sed adventu præcepti, peccatum revixit:

10 ego mortuus sum: atque ita præceptum vitæ causa comparatum, compertum est mihi mortiferum.

11 Peccatum enim occasionem nactum per præceptum, decepit me, & per præceptum interfecit.

12 Itaque lex quidem sancta est, & præceptum sanctum, & justum & bonum.

13 Ergo quod bonum est id mihi mors fuit? Nequaquam: sed peccatum, quod ut apparet peccatum, per bonum, mihi mortem peperit, ut esset quam peccantissimum peccatum per præceptum.

14 Scimus enim, legem esse spiritualement: ego verò carnalis sum, peccato emancipatus.

15 Quod enim ago, non agnosco. Non enim quod volo, id ago: sed quod odi, id facio.

16 Quod si quod nolo, id facio, legem bonam esse consentio.

17 Nunc non jam ego id ago, sed habitans in me peccatum.

18 Scio enim, non habitare in me, hoc est in mea carne, bonum. Nam velle mihi: sed quomodo bonum faciam, non invenio.

19 Non enim quod volo facio bonum, sed quod nolo malum, id ago.

20 Quod si quod nolo ego, id facio, non jam ego id ago, sed habitans in me peccatum.

21 Itaque reperio per legem, mihi bonum facere volenti, inesse malum.

22 Delector enim Dei lege, quod ad interiorem hominem attinet :

23 sed aliam video legem in membris meis, repugnantem legi mentis meæ, quæ me captivum reddat legi peccati, quæ lex est in membris meis.

24 Miser ego homo, quis me ab hujus mortis corpore liberet ?

25 Ago Deo gratias, per Jesum Christum Dominum nostrum. Ergo ego idem & mente servio legi Dei, & carne legi peccati.

C A P U T VIII.

Concludit nihil damnationis esse iis qui sunt Christo inserti per eius spiritum, utcumque onerati sint adhuc peccatis. Illo enim spiritu vivunt, cujus testimonium dubitationem omnem arceat, & miseras presentes subleuat.

Igitur nulli jam damnationi sunt obnoxii, qui in Christo Jesu, non carnis, sed spiritus arbitrio parent.

2 Nam lex spiritus vitalis in Jesu Christo, liberavit me à lege peccati atque mortis.

3 Quod enim à lege fieri non poterat, quoniam ipsa in eo propter carnem infirma erat, id Deus præstitit suo ipsius filio misso, carne fontis simili. & pro peccato peccatum damnavit in carne,

4 ut legis justificatio in nobis perageretur, qui non carni obtemperamus, sed spiritui.

5 Nam qui ad carnis arbitrium vivunt, secundum carnem affecti sunt : qui ad spiritum, secundum spiritum.

6 Carnis autem affectio est

mors : at spiritus affectio vita est, atque pax :

7 siquidem carnis affectio inimicitiae sunt adversus Deum, quippe quæ Dei lege non pareat : nec enim potest.

8 Qui sunt autem in carne, Deo placere nequeunt.

9 At vos non estis in carne, sed in spiritu, si modò Dei spiritus habitat in vobis. Quod si quis Christi spiritum non habet, is Christi non est.

10 Si verò Christus in vobis est, corpus quidem mortuum est per peccatum, sed spiritus vivus est per justitiam.

11 Quod si spiritus ejus qui Jesum ex mortuis excitavit, habitat in vobis, is qui Christum ex mortuis excitavit, etiam vestra mortalia corpora revocabit in vitam, per inhabitantem in vobis spiritum suum.

12 Quapropter, fratres, debemus non carni, ut ad carnis libidinem vivamus.

13 Nam si carnis arbitrio vixeritis, morituri estis. Sin spiritu corporis actiones peremeritis, vivetis.

14 Nam quicumque Dei spiritu aguntur, ii Dei filii sunt.

15 Non enim servitutis spiritum accepistis rursus ad metum : sed spiritum accepistis adoptionis, per quem clamamus, Abba, Pater.

16 Is spiritus animis nostris testatur, nos esse Dei liberos :

17 quod si liberos, etiam hæredes, hæredes inquam Dei, Christi autem cohæredes : si modò simul patiamur, ut simul etiam gloriosi fiamus.

18 Censeo autem, ea quæ hoc tempore patienda sunt, nequaquam esse paria gloriæ, qua sumus afficiendi.

19 Ea est enim rerum naturæ expectatio, ut filiorum Dei participationem præstoletur.

20 Nam vanitati natura rerum subiecta est, non sua sponte, sed per eum qui eam spei submisit, fore ut ipsa quoque rerum natura ab interitus servitute afferatur, in gloriosam liberorum Dei libertatem.

21 Scimus enim, omnem rerum naturam hæcenus commiscere atque condolare.

22 Quinetiam nos quoque, qui spiritus primitias habemus, intra nos ipsos gemimus, adoptionem expectantes, liberationem nostri corporis.

23 Nam spe servati sumus. Spes autem eorum quæ cernuntur, spes non est. Quod enim cernit quis, cur speret?

24 Quod si quod non cernimus, id speramus, per patientiam expectamus.

25 Adde, quod spiritus quoque nostris succurrit infirmitatibus. Nam quid oremus, ut fieri debet, nescimus: sed ipse spiritus pro nobis supplicat gemitibus ineffabilibus.

26 Animorum autem indagator novit quæ sit spiritus affectio, qui quidem sic, ut Deus postulat, pro sanctis oret.

27 Scimus autem, Dei amantibus omnia ad bonum conferre, qui divino decreto sunt vocati.

28 Quos enim prænovit, etiam destinavit imaginis filii sui conformes, ut sit is in multis fratribus primogenitus.

29 Item quos destinavit, hos etiam vocat: & quos vocat, hos etiam justificat: & quos justificat, hos etiam gloriosos efficit.

30 Quid ergo dicemus ad

hæc? Si Deus à nobis est, quis contra nos?

31 qui suo ipsius filio non perpererit, sed eum pro nobis omnibus tradiderit, potestne non unà cum eo nobis omnia largiri?

32 Quis Dei electos accuset? Deus est qui absolvit:

33 quis est qui damnet? Christus est qui mortuus est, vel potius qui resurrexit, qui etiam est ad Dei dexteram, & pro nobis supplicat,

34 quis nos divellat ab amore Dei? Calamitas? an angustia? an vexatio? an fames? an nuditas? an periculum? an gladii? quemadmodum scriptum est:

35 Tua causa necamur quotidie, pro Ianionis ovibus ducimur:

36 & tamen in his omnibus exuperamus per eum qui nos adamavit.

37 Nam (quomodo mihi persuasum est) neque mors, neque vita, neque angeli, neque principatus, neque potestates, neque instantia, neque futura,

38 neque sublimia, neque demissa, nec ulla alia rerum natura possit nos ab amore Dei divellere, qui amor est in Christo Jesu Domino nostro.

CAPUT IX.

Judaïs occurrit, ac duplex filiorum Abrahæ genus dicit, cunctaque in hoc negotio peragi ex Dei voluntate, instar figuli. Tum vocationem Gentium tum Judæorum reprobationem Prophetarum testimoniis testatam ostendit.

Verum dico in Christo, non mentior, testis est mihi mea conscientia in spiritu sancto,

2 magno me animi dolore & irremisso cruciatu affici.

3 Optarem enim meipsum à Christo infeliciter alienatum esse pro meis fratribus : meis, quod ad carnem attinet, cognatis :

4 qui sunt Israelitæ, quorum est adoptio, & gloria, & fœdera, & legislatio, & cultus, & promissiones :

5 quorum sunt patres, & ex quibus est Christus, quod ad carnem attinet, qui est super omnia Deus collaudandus in sempiternum. Etiam.

6 Neque id eò dico, quòd Dei dictum exciderit. Non enim omnes ab Israele orti, sunt Israelitæ :

7 neque quia sunt Abrahami progenies, idèò sunt omnes filii. Sed ab Isaaco tibi denominabitur progenies :

8 hoc est non carnis filii, ii sunt Dei filii : sed promissionis filii, progenies habentur.

9 Promissionis enim est hoc dictum : Cum revisam te hoc tempore, habebit Sara filium.

10 Neque verò illi solum, sed etiam Rebecca ex uno Isaaco parente nostro uterum ferenti,

11 fœtibus nondum natis nec ullo bono malòve functis, ut Dei per electionem decretum, non ex operibus,

12 sed ex vocante ratum esset, Rebecca inquam dictum est : Major serviet minori.

13 Quemadmodum scriptum est : Jacobum amavi, Esaum verò odio habui.

14 Quid ergo dicemus ? Estne in Deo injustitia ? Nihil minus.

15 Mose enim dicit : Gratiam facio, & misericordiam tribuo, cuicunque mihi collibitum est,

16 Ergo non est volentis, neque currentis, sed gratiam facientis Dei.

17 Sic enim in literis Pharaoni dicitur : Te ad hoc ipsum excitavi, ut in te meam ostendam potentiam, utque meum nomen toto orbe prædicetur.

18 Ergo quem vult miseratur, & quem vult indurat.

19 Dices mihi : Quid jam queritur ? nam ejus voluntati quis resistat ?

20 Eho homo, tu quis es qui cum Deo disceptes ? Scilicet dicet ficta res fictori : Cur me sic fecisti ?

21 Quasi verò non liceat figulo ex eadem luti massa aliud facere vas ad honesta, aliud ad inhonesta.

22 Quid Deus ? si volens suam iram exercere, potentiamq; declarare, tulit multa cum patientia iræ vasa, ad exitium composita,

23 simul ut suam opulentam gloriam declararet in vasa misericordiæ, quæ præparavit ad gloriam :

24 hoc est, in nos, quos etiam non solum ex Judæis, sed & ex cæteris nationibus vocavit,

25 quemadmodum & in Osea dicit : Vocabo non populum meum, populum meum : & non amatam, amatam :

26 ac quo loco negati fuerint meus esse populus, illic Dei viventis filii vocabuntur.

27 Esaïas verò sic de Israelitis vociferatur : Etiam si fuerint Israelitæ marina numerosiores arena, evadent tantum reliquæ.

28 Nam rem severè atque semel, idque cum justitia, rem inquam severam faciet Dominus in terra.

29 Ac quemadmodum jam dixerat Esaias : Nisi nobis Dominus armipotens semen reliquisset, idem nobis quod Sodoma ac Gomorræ accidisset.

30 Quid ergo dicemus ? Cæteras nationes, justitiam non persequentes, justitiam consecutas esse : justitiam inquam, quæ à fide manat.

31 Israelitas autem justitiæ legem persequentes, ad justitiæ legem non pervenisse.

32 Cur ? Quoniam non per fidem sed per legis opera. Impegerunt enim in lapidem impactorium :

33 quemadmodum scriptum est. Positurus sum in Sione lapidem impactorium, & petram illisariam, cui quicumque confidet, non frustra erit.

CAPUT XI.

Pertractat effecta electionis, quod alii respiciant, alii amplectantur Christum finem legis. Gentium vocationem à Mose, Judæorum verò indurationem ab Esaia prædictam recenset.

Fratres, equidem animi mei propensio, & ad Deum supplicatio, ad salutem spectat Israelitarum.

2 Nam de eis hoc testor, eos Dei studium habere, sed id inscitò facere.

3 Ignorantes enim divinam justitiam, suam autem justitiam statuere conantes, divinæ justitiæ non subjiuntur.

4 Finis enim legis Christus est, ad omnium fidentium justitiam.

5 Nam de ea quidem justitia, quæ in lege fixa est, scribit Moses, hominem, qui iussu præstiterit, victurum esse per ea.

6 At quæ à fide proficiscitur justitia, sic dicit : Ne dixeris

cum animo tuo, Quis ascendet in cælum ? Hoc est Christum devocare.

7 Aut quis in Tartara descendet ? Hoc est Christum ex mortuis educere.

8 Sed quid aiunt literæ ? Oratio tibi propè adest, tibi in ore est, & animo. Hæc est quam de fide publicè habemus orationem :

9 quòd si & ore Dominum Jesum confessus fueris, & à Deo ex mortuis excitatum animo credideris, servabere.

10 Nam & animo creditur ad justitiam, & ore fit confessio ad salutem.

11 Sic enim dicunt literæ : Quisquis ei confidet, non frustra futurum.

12 Nullum quidem Judæi Græciq; discrimen est, cum idem sit omnium Dominus, dives omnibus qui eum invocant.

13 Quisquis enim Domini nomen invocaverit, servabitur.

14 Sed possunt ne invocare eum, in quem non credunt ? aut credere ei, de quo non audierunt ? aut audire sine præcone ?

15 aut prædicare, nisi qui erunt legati ? quemadmodum extat in literis : O quàm elegantes sunt pedes nuntiantium pacem, nuntiantium bona ?

16 Sed non omnes obtemperant Evangelio. Esaias enim dicit : Domine, quis credit orationi nostræ ?

17 Ergo fides est ex auditione : auditio autem ex divina oratione.

18 Sed an non audierint ? inquam. Quid ni ? cum in omnes terras pervenerit eorum sonus, eorumque verba ad ultimum orbem ?

19 Sed an non noverunt Israelitæ? inquam. Primus Moyses dicit: Ego vos per non gentem provocabo: vos per imperitam gentem irritabo.

20 Eſaias verò dicere audent: Repertus sum non quærentibus me: perspicuus factus sum non curantibus me.

21 Ad Israelitas verò sic dicit: Pando meas manus totum diem ad contumacem contradicentemque populum.

CAPUT XI.

Ne Judæorum rejectio ad oculi aspectum limitetur, deceptum olim Eliam fuisse ait. Et cum radicem sanctam habeant, plures quoque ex iis fore sanctos. Gentes verò admonet humilitatis, & exclamat profunda Dei esse judicia.

NUM ergo rejecit Deus populum suum? inquam. Absit. Etenim ego Israelita sum, ex Abrahami semine, tribus Benjamiticæ.

2 Non rejecit Deus suum populum, quem prænovit. An nescitis de Elia quid dicant literæ, ut Deum contra Israelitas appellet?

3 Domine, tuos, inquit, vates interfecerunt, & aras everterunt, me solo relicto quem postulant ad necem.

4 Verùm quid ei dicit oraculum? Mihi reliqua feci septem hominum millia, qui Baali gena non summisserunt.

5 Similiter hoc tempore supersunt per gratuitam electionem reliquiæ.

6 Quod si gratuito, ergo non per opera: alioquin gratia non jam esset gratia: Sin per opera, non jam est gratia: alioquin opus non jam esset opus.

7 Quid ergo? quod conqui-

runt Israelitæ id non sunt affecti: at electi affecti sunt, reliqui excæcati sunt.

8 sicuti literis proditum est: Dedit eis Deus torpentem animum: oculos ita ut non videant: & aures, ita ut non audiant: id quod ad hunc diem durat.

9 Item David dicit: Sit eis ipsorum mensa laqueus & dæcipula, & offendiculum atque supplicium.

10 Caligent eorum oculi, ita ut non videant: eorumque dorsum jugiter incurva.

11 Quæro igitur, an impegrent ut caderent? Nequaquam. Sed eorum casu cæteris gentibus parva salus est, ut ipsi provocentur.

12 Quod si eorum lapsus sunt orbis divitiæ, si eorum inopia reliquarum gentium opes sunt, quanto magis eorum plena copia?

13 Vobis enim dico extraneis: quatenus equidem sum extraneorum Apostolus, ministerium meum illustro,

14 si quæ meos possim pellere consanguineos, & eorum servare nonnullos.

15 Nam si eorum rejectio, mundi est reconciliatio: quid erit cooptatio, nisi vita ex mortuis?

16 Quod si primitiæ sanctæ sunt, ergo & massa: & si sancta radix est, ergo & rami.

17 Quod si ramorum quidam avulsi sunt, & tu oleaster in eos insitus es, & particeps factus radicis ac pinguedinis oleæ,

18 noli contra ramos gloriari. Quod si gloriaris, non tu radicem fers, sed radix te.

19 Dices: Avulsi sunt rami, ut ego insererer.

20 Recté. Diffidentia evulsi sunt; tu fide stas. Ne insolesce, sed time.

21 Si enim Deus naturalibus ramis non pepercit, quid si ne tibi quidem parcat?

22 Vide ergo Dei benignitatem & severitatem: in lapsos severitatem: in te benignitatem, si modò in benignitate permanseris. Alioquin & tu rescaberis:

23 & illi, nisi in diffidentia permanserint, inferentur. Potest enim Deus eos rursus inferere.

24 Nam si tu ex naturali amputatus oleastro, in situs es contra naturam in bonam olivam: quanto magis illi secundum naturam in propriam inferentur oleam?

25 Nolo enim vos ignorare, fratres, arcanum hoc, ne ipsi vobis placeatis: cæcitatem ex parte Israelitis contigisse, donec cæterarum gentium plenus intraret numerus:

26 atque ita omnes Israelitæ ferventur: quemadmodum memorie proditum: Veniet ex Sione liberator, qui à sceleribus Jacobeos vindicet.

27 Atque hæc est pæctio, quam ego cum eis facio: videlicet me eorum peccata sublaturum.

28 Quòd ad Evangelium attinet, sunt propter vos inimici: quòd verò ad electionem, sunt chari propter majores.

29 Sunt enim irrevocabilia Dei munera & vocatus.

30 Ut enim vos qui aliquando non paruistis Deo, horum contumacia misericordiam estis consecuti:

31 sic hi nunc, tributa vobis misericordia, non parent, ut ip-

sis quoque tribuatur misericordia.

32 Conclufit enim Deus omnes in inobedientiam, ut omnium misereatur.

33 O altam sapientiæ cognitionisque Dei opulentiam: quàm penitus recondita ejus judicia, quàm abstrusæ sunt rationes?

34 Quis enim Domini mentem novit? aut quis ei fuit à consilio?

35 aut quis illi antè contulit, ut ei gratia referatur?

36 Nam ab eo, & per eum, & propterea omnia: ei gloria in sempiternum, Etiam.

CAPUT XII.

Paranetica tractat. Ad cultum Deo gratum: ad dilectionem non simulatam, etiam inimicorum adhortatur.

Quare cohortor vos, fratres, per Dei misericordiam, ut præstetis corpora vestra hostiam viventem, sanctam, acceptam Deo, qui vester sit cultus rationalis.

2 Néve similes vos huic seculo præstare, sed vestræ mentis renovatione transfiguramini, ut quod velit Deus, quod bonum, acceptum, perfectumque sit, id approbetis.

3 Edico enim, per beneficium quod mihi collatum est, vestrum cuius, ne sibi plus arroget, quàm arrogare debeat: sed tantum arroget, ut sobriè arroget, pro fidei modo, quem cuique Deus impertivit.

4 Ut enim uno in corpore multa membra habemus, quæ membra non omnia idem opus habeant:

5 sic multi sumus unum corpus in Christo, invicem alii aliorum membra,

6 sed qui dotes pro collato in

nos beneficio varias habeamus : ut divinationem pro fidei portione :

7 ut ministerium, ad ministrandum : five quis doceat, ad docendum :

8 five cohortetur, ad cohortandum : five sit distributor, ut sincerè : five præsit, ut sedulò : five largiatur, ut hilarè faciat.

9 Charitas simulationis expers : vitii osores, virtutis tenaces,

10 ad fraternum mutuumque amorem proclives, honore prævenientes alius alium,

11 studio impigri, ferventes animo, tempori servientes,

12 spe gaudentes, in adversis patientes, in precibus assidui,

13 sanctorum egestatibus opitulantes, hospitalitatem exercentes.

14 Bene precamini vos instantibus, bene precamini, & ne imprecamini.

15 Gaudete cum gaudentibus, & cum plorantibus plorate,

16 eodem modo invicem animati : non vos animo efferentes, sed humilibus accommodantes. Ne vobis placeat,

17 nemini malum pro malo reddite, date operam ut vos apud omnes homines honestè geratis.

18 Si fieri potest (quantum in vobis est) pacem cum omnibus exercete,

19 non vos ipsos uleiscentes, ô mihi charissimi, sed supplicio locum dantes. Extat enim scriptum : Mea est ultio, ego remunerabor, inquit Dominus.

20 Si itaque esurit inimicus tuus, da ei comedere : si sitit, da bibere. Id enim faciens, candentes carbones in ejus caput congeres.

21 Noli maleficio vinci, sed beneficio vince maleficiū.

CAPUT XIII.

Vult ut subdamur magistratibus, proximum diligamus, vivamus iuste & Christum induamus.

OMnes mortales superioribus potestatibus pareant. Nulla est enim potestas, nisi à Deo : ac quæ sunt potestates, eæ à Deo sunt institutæ.

2 Itaque qui potestati repugnat, Dei institutioni resistit : quique restiterint, pœnas dabunt.

3 Non enim rectè factis metuendi sunt magistratus, sed pravè factis. Vis potestatem non timere ? benefacito, & ab ea laudem consequeris.

4 Nam Dei minister est, tibi quod sit bono : Verùm si malè feceris, formida. Nec enim sine causa gladium gestat : quippe cùm sit Dei minister, ad irrogandas pœnas iis qui malè faciunt.

5 Quapropter parère necesse est, non solum supplicii metu, sed etiam quia officii est.

6 Siquidem hanc ob causam tributa penditis : sunt enim publici Dei ministri, in hoc ipso assidui.

7 Quocirca solvite quod cuique debetis : cui tributum, tributum : cui vectigal, vectigal : cui metum, metum : cui honorem, honorem.

8 Nihil cuiquam debere, nisi ut ametis vos inter vos. Nam qui alios amat is lege perfunditur est.

9 Etenim, Ne adulterato, Ne occidito, Ne furator, Ne falsum testator, Ne concupiscito, & si quod aliud præceptum est, id in hoc dicto summatim comprehenditur : Alterum ut teipsum amato.

10 Charitas

10 Charitas alteri non malefacit. Itaque legis perfunctio charitas est :

11 præsertim cum sciamus, venisse tempus & horam quam sit nobis à somno expergiscendum. Nunc enim propius nos est salus, quam tum cum credidimus.

12 Discessit nox, dies adest. Quare deponamus opera tenebrarum & induamus arma lucis.

13 Honestè nos, ut in die, geramus : non comestationibus & ebrietatibus, non concubiti-
bus & libidinibus, non jurgiis & æmulatione :

14 sed induite Dominum Jesum Christum : néve carnis curam gerite, cupiditatibus indulgendo.

CAPUT XIV.

Commendat eos qui fide sunt infirma, ne vitio nostro scandalizentur. Et illis è diverso imperat ne non temerè infirmiores judicent, ut intra adificationis, & charitatis terminos Christiana consistat libertas.

SI quis autem imbecilla fide est, huic nulla cum animi dubitatione opitulamini.

2 Alius omnibus vesci fas esse credit; alius infirmus, vescitur oleribus.

3 Qui vescitur, non vescentem ne contemnito. Item qui non vescitur, vescentem ne damnato, cum ei Deus subvenerit.

4 Tu quis es, qui alienum famulum damnes? Suo Domino stat, aut cadit. Consistet autem : potest enim Deus eum stabilire.

5 Alius diem diemque discernit : alius dies omnes eodem loco habet. Suam quisque sententiam exploratam habeat.

6 Qui dierum rationem habet, Domino habet : item qui

dierum rationem non habet, Domino non habet. Qui vescitur, Domino vescitur : agit enim Deo gratias. Item qui non vescitur, Domino non vescitur, & agit Deo gratias :

7 Nullus enim vestrum sibi ipsi vivit, nullus item sibi ipsi moritur.

8 Sive enim vivimus, Domino vivimus : sive morimur, Domino morimur. Sive igitur vivimus, sive morimur, Domini sumus.

9 Nam ideo Christus & mortuus est, & resurrexit ac revixit, ut & mortuis dominetur, & vivis.

10 Tu verò cur tuum fratrem damnas? aut tu cur tuum fratrem despicias? cum simus omnes ad Christi tribunal adfuturi?

11 Scriptum est enim : Sic vivam (inquit Dominus) ut mihi se flectet omne genu, omnisque lingua Deum celebrabit.

12 Itaque nostrum quisque causam pro se dicet apud Deum.

13 Quamobrem ne jam damnemus alius alium : sed hoc potius statuite, non esse fratri offensionis, aut incommodo.

14 Scio, & per Dominum Jesum persuasum habeo, nihil per se profanum esse, nisi quod putanti aliquid profanum esse, ei profanum est.

15 Verum si propter esum frater tuus offenditur, tu non jam charitatis officio fungeris. Noli eum tuo esu perdere, pro quo mortuus Christus est.

16 Ne committite igitur, ut malè audiat vestram bonum.

17 Non est enim Dei regnum cibus & potio : sed justitia, & pax, & gaudium in spiritu sancto.

18 In his enim qui Christo servit, is & Deo acceptus, & hominibus probatus est.

19 Quamobrem persequamur ea quæ ad pacem, mutuamque utilitatem pertinent.

20 Noli ejus causâ Dei opus abolere. Omnia quidem pura sunt: sed in eo malum est, si quis cum alterius offensione vescitur.

21 Decet neque carnes comedere, neque vinum bibere, neque quicquam, quo tuus frater vel impingat, vel lædatur, vel infirmetur.

22 Tu fidem habes: apud te habe, in Dei conspectu. Felix qui seipsum non damnat, in eo quod probat.

23 Qui verò dubitat, si comedit, damnandus est, quoniam non facit id cum fiducia: & quicquid cum fiducia non fit, peccatum est.

CAPUT XV.

Paulus in hoc capite monet ut fortiores in fide robur suum conferant ad confirmandos fratres infirmos, idque Domini Jesu Christi salvatoris nostri exemplo, qui seipsum omnibus communicavit, non solum Judæis, sed etiam Gentibus. Denique rationem reddit, cur hanc ad Romanos epistolam scripserit. Obsecrat fratres per Jesum Christum, ut se laborantem precationibus adjuvent, ut liberetur ab incredulis Judæis.

DEbemus autem nos, qui fortes sumus, imbecillorum infirmitates tolerare, neque nobisipsi indulgere.

2 Quisque nostrum alteri indulgeat, boni causâ, ad ejus utilitatem.

3 Etenim Christus non ipse sibi indulsit: sed quemadmodum memoriæ proditum est, Tuorum

conviciatorum conviciis impetor.

4 Quæcunque enim antè scripta sunt, ad nostram doctrinam scripta sunt, ut per patientiam, & literarum consolationem spem habeamus.

5 Faxit autem Deus, & patientiæ & consolationis author, ut idem inter vos sentiat, sicuti Christo Jesu dignum est,

6 ut uno animo, unoque ore concelebrete Deum & patrem Domini nostri Jesu Christi.

7 Quocirca opitulamini mutuo, ut & Christus nobis ad Dei gloriam opitulatus est.

8 Dico autem, Jesum Christum ministrum fuisse circumcisionis propter Dei veritatem, ad ea confirmanda quæ majoribus fuerant promissa:

9 utque cæteræ gentes Deum ob ejus misericordiam celebrarent, quemadmodum scriptum extat: Quare te celebrabo apud gentes, tuumque nomen cantabo.

10 Item: Lætamini gentes, inquit, cum ejus populo.

11 Item: Laudate Dominum gentes omnes, eumque collaudate omnes populi.

12 Itemque Esaias: Erit Isæa radix, existetque qui gentibus imperet, in quo gentes spem habebunt.

13 Cæterum Deus spei omni vos lætitia atque pace compleat, fidentes, ut spe abundetis, vi spiritus sancti.

14 Equidem hoc de vobis persuasum habeo, mei fratres, vos omnis esse bonitatis plenos, omni refertos cognitione, qui alius alium commonescere possitis.

15 Sed ideo vobis aliquanto audacius scripsi, fratres, ut vos in memoriam revocarem, pro

eo quod in me divinitus collatum est beneficio,

16 ut sim Jesu Christi publicus minister ad extraneos, sacrum Dei administrans Evangelium, ut extraneorum libatio accepta sit, per sanctum consecrata spiritum.

17 Itaque habeo quod in Christo Jesu glorier, apud Deum quidem.

18 Nam ne quidem eloqui ausum, quàm nihil non (ad efficiendum ut gentes obedirent) effecerit per me Christus, tum verbis tum re,

19 tanta prodigiorum ac miraculorum, tanta divini spiritus vi, ut à Hierosolyma per circuitum, usque ad Illyricam, omnia Christi Evangelio repleverim :

20 idque ita, ut Evangelium docere contenderem, non ubi nominatus esset Christus ne alieno fundamento superstruerem.

21 Sed quemadmodum scriptum extat : Quibus de eo non erat nunciatum, aspicient : & qui non audiverant, intelligent.

22 Itaque sæpenumero impeditis sum, quo minus ad vos venirem.

23 At nunc cum jam in his tractibus locum non habeam, & vestri visendi cupiditate jam à multis annis teneam,

24 si quando in Hispaniam proficiscar, adibo vos. Spero enim, in itinere visurum vos, & à vobis illo deductum iri, si prius meam vestri aviditatem aliquantum explevero.

25 Nunc quidem proficiscor Hierosolymam, ministraturus sanctis.

26 Visum est enim Macedonibus & Achæis, collectam quandam conficere ad sanctorum pauperes, qui sunt Hierosolymis.

27 Visum est, inquam & sanè eis debent. Nam si extranei illorum spiritualia participarunt, debent vicissim carnalibus rebus subvenire illis.

28 Hoc igitur ubi perfecero, eisque fructum hunc consignavero, isthac me conferam in Hispaniam.

29 Scito autem, cum veniam ad vos, venturum cum plena Christiani Evangelii ubertate.

30 Exhortor autem vos fratres, per Dominum nostrum Jesum Christum, perque spiritus charitatem, ut me faciendis ad Deum pro me supplicationibus adjuvetis,

31 ut eos evadam qui sunt in Judæa contumaces : utque id, cujus administrandi gratia Hierosolymam peto, gratum sit sanctis,

32 quo vos cum lætitia, Dei voluntate, visam, vobiscumque recreer.

33 Deus pacis vobis omnibus adsit. Amen.

CAPUT XVI.

Commendat Phœbam, salutis officiose complures, admonetque ut eos caveant, qui dissidiorum authores sunt.

Compendo autem vobis Phœbam, sororem nostram Cenchreensis ecclesiæ ministram,

2 ut eam per Dominum accipiat, sicuti sanctis dignum est, eique adsitis, quacunque in re ei vobis erit opus. Nam ea cum multis aliis, tum mihi adfuit.

3 Salutate Priscam & Aquilam, meos in Christo Jesu adjuutores,

4 (qui pro mea vita suas objecere cervices : quibus non ego solus gratias ago, verumetiam omnes extraneorum ecclesiæ,)

5 & eorum domesticam ecclesiam. Salutate Epānetum mihi charissimum, qui est Achaiæ primitiæ in Christo.

6 Salutate Mariam, quæ multum nostra causa laboravit.

7 Salutate Andronicum & Juniam, meos cognatos, & aliquando mecum unā captos, qui sunt in Apostolis insignes, qui etiam ante me Christo accesserunt.

8 Salutate Ampliam, mihi in Domino charissimum,

9 Salutate Urbanum, nostrum in Christo adiutorem: & Stachym, mihi charissimum.

10 Salutate Apellem, in Christo probatum. Salutate eos qui sunt ex Aristobuli familia.

11 Salutate Herodionem, cognatum meum. Salutate eos qui sunt ex Narcissi familia, qui sunt in Domino.

12 Salutate Tryphānam & Tryphosam, quæ in Domino laborant: Salutate Persidem charissimam, quæ multum in Domino laboravit.

13 Salutate Rufum, hominem in Domino lectum, ejusque & meam matrem.

14 Salutate Asyncritum, Phlegontem, Hermam, Patrobam, Hermem, & eorum socios fratres.

15 Salutate Philologum, & Juliam, Nereum, & ejus forem, & Olympam, & eorum socios omnes sanctos.

16 Salutate vos inter vos oculo sancto. Salutant vos Christi Ecclesiæ.

17 Cohortor autem vos, fratres, ut ab eis, qui seditiones & offensiones contra eam quam

accepistis, doctrinam excitant, caveatis eosque declinetis.

18 Nam ejusmodi homines non Domino Jesu Christo, sed suo ventri serviunt, & blanda speciosaque oratione fallunt animos non malitiosorum.

19 Nam vestra obedientia apud omnes increbuit, id quod vestra causa gaudeo. Sed volo vos, ut ad malum simplices, sic ad bonum esse sapientes.

20 Deus autem pacis Satanam brevi sub vestris pedibus conteret. Adsit vobis Domini nostri Jesu Christi favor.

21 Salutant vos Timotheus meus adiutor, & Lucius, & Jason, & Sosipater, mei cognati.

22 Saluto vos ego Tertius, qui hanc epistolam in Domino scripsi.

23 Salutat vos Caius, meus hospes, & totius ecclesiæ. Salutat vos Erastus procurator civitatis, & Quartus frater.

24 Favor Domini nostri Jesu Christi adsit vobis omnibus. Amen.

25 Ei autem qui potest confirmare vos secundum meum Evangelium, & Jesu Christi prædicationem, secundum patefactionem mysterii æternis temporibus taciti,

26 nunc autem declarati, & per vaticinas literas ex Dei immortalis instituto, ad obediendum fidei, ad gentes omnes explicati,

27 Soli sapienti Deo per Jesum Christum gloria in perpetuum.

Scripta est Corinthi, missa per Phæbam, Cenchreensis ecclesiæ ministrum.

PAULI APOSTOLI

EPISTOLA PRIMA AD

CORINTHIOS.

CAPUT I.

Post gratulationem, quæ vim habet exhortandi, taxat dissidia Corinthiorum, à fastu ad humilitatem revocat: Nam evertens omnem mundi sapientiam, solam crucis traditionem erigit.

PAULUS vocatus Apostolus Jesu Christi, Dei voluntate, & Sosthenes frater,

2 divinæ Ecclesiæ quæ Corinthi est, sanctificatis per Christum Jesum, vocatis sanctis: necnon omnibus qui Domini nostri Jesu Christi nomen invocant, quocunque in loco, sive suo, sive nostro,

3 gratiam & pacem à Deo patre nostro, & Domino Jesu Christo.

4 Ago Deo meo semper de vobis gratias ob Dei beneficium in vos collatum, per Jesum Christum:

5 quòd per eum adeò rebus omnibus ditati estis, omni & oratione & scientia,

6 (quemadmodum de Christo testimonium in vobis confirmatum est)

7 ut nulla dote careatis, satisfactionem expectantes Domini nostri Jesu Christi,

8 qui vos confirmabit ad exercitum inculpatos, ad diem Domini nostri Jesu Christi.

9 Fidelis Deus est, per quem ad ejus filii Jesu Christi Domini

nostri communionem vocati estis.

10 Exhortor autem vos, fratres, per Domini nostri Jesu Christi nomen, ut idem omnes loquamini: neve sint in vobis dissidia, sed sitis in eadem mente, eademque sententia compositi.

11 Declaratum est enim mihi de vobis, mei fratres, à Chloæ domesticis, inter vos esse lites.

12 Quod dico, hoc est, quòd vestrum alius dicit, Ego sum Pauli: alius, ego Apollo, ego Cephæ, ego Christi.

13 Divisusne Christus est: Num Paulus pro vobis crucifixus est? aut in Pauli nomen estis baptizati?

14 Ago Deo gratias, quòd vestrum neminem baptizavi, nisi Crispum & Caium:

15 ne quis dicat, me in meum baptizasse nomen.

16 Baptizavi præterea Stephanæ familiam. Cæterorum nescio an ullum baptizaverim.

17 Non enim legavit me Christus ad baptizandum, sed ad docendum Evangelium, nulla cum orationis eruditione, ne crux inanis fiat.

18 Est enim crucis oratio perituris stultitia, servandis autem nobis divina potestas.

19 Scriptum est enim: Perdam sapientum sapientiam, & prudentum prudentiam abolebo.

20 Ubi,

20 Ubi sapiens? ubi literatus? ubi hujus seculi conquisitor? Nonne infatuavit Deus sapientiam hujus mundi?

21 Postquam enim ex divina sapientia non ita sapuit mundus ut Deum cognosceret, visum est Deo, per prædicationis stultitiam servare fidentes:

22 quandoquidem & Judæi portentum postulant, & Græci sapientiam quærunt.

23 Nos verò Christum prædicamus crucifixum, Judæis offensionem, Græcis stultitiam:

24 sed ipsis vocatis, tum Judæis tum Græcis, Christum Dei potentiam, Deique sapientiam.

25 Nam quod Dei stultum est, id sapientius est quàm homines: & quod Dei imbecillum est, id fortius est quàm homines.

26 Videtis enim, quomodo sitis vocati, fratres: non multi quidem sapientes, quod ad carnem attinet: non multi potentes, non multi nobiles:

27 sed mundi stultissima Deus elegit, ut sapientes confutaret: & mundi infirmissima elegit Deus, ut fortia confutaret:

28 & mundi ignobilissima contemptissimaque elegit Deus, & quæ nihil sunt, ut quæ aliquid sunt, aboleret,

29 ne quis mortalium gloriatur apud Deum.

30 Abeo autem vos estis per Christum Jesum qui nobis est sapientia à Deo, justitia, & sanctitas, & liberatio:

31 ut, quemadmodum scriptum est, Qui gloriatur, in Domino gloriatur.

CAPUT II.

Prædicationem suam in exemplum adducit, humanitus quidem ab-

jectam, spirituali tamen virtute insignem. Tandem concludit carnis judicio non posse aestimari.

Itaque ego cum veni ad vos, fratres, ita veni, ut nulla cum orationis aut sapientiæ excellentia divinum vobis oraculum exponerem.

2 Statueram enim nihil scire apud vos, nisi Jesum Christum, & eum crucifixum.

3 Itaque multa cum infirmitate & metu ac tremore versatus sum apud vos:

4 & ejusmodi oratione ac prædicatione usus, quæ non persuasoriis humanæ sapientiæ verbis, sed spirituali potentique demonstratione constaret:

5 ne vestra fides in hominum sapientia, sed in Dei potentia firma foret.

6 Sapientiam autem loquimur apud perfectos, sapientiam inquam non hujus seculi, neque principum hujus seculi, qui abolentur:

7 sed Dei sapientiam arcanè loquimur, additam, quam destinavit Deus ante secula ad nostram gloriam,

8 quam nemo principum hujus seculi cognovit. Si enim cognovissent, nunquam gloriæ Dominum crucifixissent,

9 Sed (quemadmodum scriptum est) quæ nec oculus hominis vidit, nec auris audivit, nec animus cogitavit, quæ præparavit Deus suis amatoribus:

10 Nobis autem Deus suo spiritu patefecit. Spiritus enim omnia rimatur, etiam Dei abditissima.

11 Nam quis hominum scit hominis negotia nisi hominia spiritus, qui in eo est? sic Dei negotia nullus scit, nisi Dei spiritus.

12 Nos vero non mundi spiritum accepimus, sed perfectum à Deo spiritum, ut intelligamus quæ nobis largitus Deus est:

13 quæ etiam eloquimur non eruditis humanæ sapientiæ, sed eruditis sancti spiritus sermonibus, spiritualibus spiritualia componentes.

14 Animalis autem homo non capit quæ sunt divini spiritus, quippe quæ sint ei stultitia: itaque non potest ea cognoscere, ut quæ sint spiritualiter examinanda.

15 At spiritualis explorat omnia, nec ipse à quoquam exploratur.

16 Quis enim Domini mentem novit, ut eum instiget? At nos Christi mentem habemus.

CAPUT III.

Ratione reddita doctrina sua humilis, docet quo loco habendi sint ministri, quod minus, quæ vera ædificandi ratio, monet Corinthios, ne patiantur animas suas profanari, superba carnis sapientia.

EGO verò, fratres, non potui vos ut spirituales alloqui, sed ut carnales, ut in Christo infantes.

2 Lac vobis bibendum dedi, non cibum. Nondum enim poteratis: sed ne nunc quidem adhuc potestis, quippe qui sitis adhuc carnales.

3 Etenim cum sit inter vos emulatio & lis, & dissidia, nonne carnales estis, humanoque more vos geritis?

4 Cum enim dicat aliquis? Ego sum Pauli: alius, Ego Apollos: nonne carnales estis?

5 Quis verò est Paulus? aut quis Apollos? nisi ministri per quos vos credidistis, prout cuique dedit Dominus.

6 Ego sevi, Apollos irrigavit: sed Deus auxit.

7 Itaque neque sator quicquam est, neque irrigator, sed qui augeat Deus.

8 Sator autem & irrigator idem sunt: sed uterque suam mercedem accipiet, pro suo labore.

9 Nos enim Dei sumus adiutores: vos Dei agricultura; Dei ædificium estis.

10 Ego pro Dei beneficio in me collato, ut sapiens architectus fundamentum jeci, alius superstruit: sed videat quisque quomodo superstruat.

11 Nam fundamentum aliud jacere nemo potest, præter id quod jactum est, qui est Jesus Christus.

12 Quòd si quis huic fundamento superstruit aurum, argentum, gemmas, ligna, fœnum, stipulam,

13 cujusque opus perspicuum fiet. Dies enim declarabit: nam igne patefiet: ac quale cujusque sit opus, ignis explorabit.

14 Si cujus opus, quod superstruxerit, manebit, is præmium accipiet.

15 Si cujus opus comburetur, is jacturam faciet, quanquam evadet ipse quidem, sed sic ut per ignem.

16 An nescitis, vos Dei esse templum, Deique spiritum in vobis habitare?

17 Si quis Dei templum corrumpet, corrumpet hunc Deus: templum enim Dei sanctum est, qui estis vos.

18 Nemo se ipsum fallat. Si quis sapiens sibi videtur apud vos, in hoc seculo stultus fiat, ut fiat sapiens.

19 Nam hujus mundi sapientia, apud Deum stultitia est.

Sic

Sic enim scriptum extat: Qui sapientes sua ipsorum calliditate capit.

20 Itemque: intelligit Dominus sapientum cogitationes esse vanas,

21 Itaque nemo gloriatur apud homines: omnia enim vestra sunt,

22 & Paulus, & Apollos, & Cephas, & mundus, & vita, & mors, & præsentia, & futura, omnia vestra sunt: vos autem Christi, & Christus Dei.

CAPUT IV.

Definitione veri Apostoli adducta, humilitatis speciem honori sibi magis esse debere, quam probro docet. Signa profert unde re ipsa appareat, nec gloria, nec ventri ipsum studuisse. Ad finem Timotheum commendat.

SIC de nobis existiment homines, ut de Christi ministris, & divinarum arcanorum dispensatoribus.

2 Cæterum quod in dispensatoribus requiritur, ut fidelis quis comperiatur:

3 ego verò minimi facio, de me vel à vobis, vel omnino humana die judicari, quin neque ipse de me sententiam fero.

4 Quamvis enim nihil mihi consciam, non tamen idcirco sum absolvendus. Verum qui de me iudicium facturus sit, Dominus est.

5 Quamobrem ne quid ante tempus iudicate, donec veniat Dominus, qui & tenebrarum occulta proferat in lucem, & animorum consilia patefaciat, ac tum demum laudem quisque consequatur à Deo.

6 Hæc ego, fratres, in me & in Apollo derivavi, propter vos, ut in nobis discatis, nemini supra quam scriptum est ar-

rogare, ne alius de alio contra alterum tumeatis.

7 Quis enim de te iudicaturus est? Quid verò habes, quod non aliunde habeas? quod si aliunde habes, quid te iactas, perinde ac si non aliunde haberes?

8 Jam vos saturi, jam divites estis, sine nobis regnatis: atque utinam regnaretis, ut nos quoque unà vobiscum regnaremus.

9 Nos enim postremos apostolos, Deus, puto, pro necandis habet: qui mundo & angelis, & hominibus spectaculum sumus.

10 Nos propter Christum stultifumus, vos in Christo prudentes: nos imbecilli, vos fortes: vos gloriosi, nos infames. Ad hoc tempus & esurimus, & sitimus, & nudi sumus, & pugnis cædimur, & agitamur,

11 & laboramus, nostris ipsis manibus operantes.

12 Conviciis appetiti, fausta precamur: insectati, patimur:

13 cum maledicatur nobis, solamur: hætenus pro mundi recrementis ac publicis quicquiliis ducimur.

14 Non equidem ut vos pudore afficiam, hæc scribo: sed ut charissimos mihi natos commonefacio.

15 Nam etiam si mille pedagogos habeatis in Christo, at non multos patres. Etenim in Christo Jesu per Evangelium ego vos genui.

16 Itaque vos cohortor, ut mei sitis imitatores.

17 Hanc ob causam misi vobis Timotheum, qui meus est charus fidusque natus in Domino, qui vobis narret instituta mea, quod ad Christi rem attinet, quomodo ubique in omni ecclesia doceam.

18 Enimverò perinde quasi

ad vos ego venturus non sum, inflati sunt quidam.

19 Sed veniam ad vos brevi, si volet Dominus, & cognoscam non orationem istorum inflatorum, sed vires.

20 Non enim in oratione fitum est divinum regnum, sed in viribus.

21 Utrum vultis cum virga veniam ad vos, an cum charitate, animoque mansueto?

CAPUT V.

Quod incestuosum privigni cum noverca conjugium taciti sferrent, satis causa esse admonet, cur pudore deiciantur potius, quam superbiant. Ejusmodi scelera excommunicatione vindicanda esse, ne contagio latius serpent.

OMnino auditur apud vos esse stuprum, & quidem tale stuprum, quale ne apud extraneos quidem nominatur, ut uxorem quidam patris habeat:

2 & vos inflati estis? & non potius lugetis, ut de medio vestrum tollatur, qui facinus istud commisit?

3 Ego verò, ut corpore absens, animo præsens, jam decrevi tanquam præsens, istius facti perpetratores,

4 in nomine Domini nostri Jesu Christi, congregatis vobis & animo meo cum Domini nostri Jesu Christi potentia,

5 istum, inquam, dedere Sata-næ ad perniciem carnis, ut animus servetur ad diem Domini Jesu.

6 Non est honesta vestra gloriatio. An nescitis exiguo fermento massam totam fermentari?

7 Expurgate ergo vetus fermentum, ut sitis nova massa, sicut estis infermentati. Etenim

Pascha nostrum pro nobis immolatus est Christus:

8 proinde festum agamus, non vetere fermento, neque improbitatis malitiæque fermento, sed sinceritatis veritatisque panibus infermentatis.

9 Quod scripsi vobis per epistolam, ne cum impudicis commercium haberetis,

10 id non scripsi de omnibus hujus mundi impudicis, aut avaris, aut rapacibus, aut deastricolis: alioqui vobis esset exorbe migrandum.

11 Sed quod cum eis non esse contrahendum scripsi, id eò pertinet, ut si quis, qui frater nominetur, impudicus est, aut avarus, aut deastricola, aut conviciator, aut ebriosus, aut rapax, cum ejusmodi homine ne quidem cibum capiat.

12 Nam de alienis quidem, quid me judicare attinet? cum vobis sit de vestris judicandum.

13 De alienis quidem judicat Deus. Igitur auferte malos de medio vestrum,

CAPUT VI.

Invehitur in forenses contentiones, quibus se mutuo vexabant sub infidelibus, cum magno evangelii dedecore. Deinde scortandi licentiam gravi comminatione exagitat.

Audet aliquis vestrum, negotium habens cum altero, judicio experiri apud injustos, ac non potius apud sanctos?

2 An nescitis, sanctos de mundo judicium esse facturos? Quod si à vobis de mundo judicandum est, an tantillis indigni judiciis estis?

3 An vos præterit, nos etiam de angelis sententiam esse lauros, nedum de hujus vitæ negotiis?

4 Ergone si de hujus vitæ negotiis controversias habetis, eas ad eorum judicium refertis, qui in ecclesia despiciatui sunt?

5 Hoc dico, ut vos pudeat. Adeone in vobis ne unus quidem ita peritus est, ut possit inter suos fratres dijudicare?

6 sed frater cum fratre litigat, idque sub insidentibus?

7 Jam quidem omnino vitium in vobis est, quod inter vos controversias habetis. Cur non potius injuriam patimini? cur non potius fraudamini?

8 Imò vos injuriam facitis ac fraudatis, & quidem fratres.

9 An vos latet, injustos non esse divinum regnum adepturos?

10 Ne errate: nec impudici, nec deastrictolæ, nec adulteri, nec molles, nec pædicones, nec fures, nec avari, nec ebriosi, nec conviciatores, nec rapaces, divinum regnum consequentur.

11 Et tales quidem nonnulli eratis: sed abluti estis, sed sancti, sed justi facti, per nomen Domini Jesu, perque Dei nostri spiritum.

12 Quidvis mihi licet, tamen si non quidvis conducit: quidvis mihi licet, tamen ego nulli rei mancabor.

13 Et dapes ventri, & dapibus venter: & hunc & illas abolebit Deus. At corpus non stupro, sed Domino, & Dominus corpori.

14 Deus verò & Dominum suscitavit, & vos per ejus potestatem suscitabit.

15 An nescitis, corpora vestra Christi esse membra? Ergo Christi membra tollam, & scortis membra faciam? Absit.

16 An nescitis, eum qui cum scorto copulatur, unum esse cor-

pus? Fiet enim, inquit ille, ex duobus una caro.

17 Qui verò cum Domino copulatur, unus spiritus est.

18 Fugite stuprum. Omne aliud peccatum, quodcumque committit homo, extra corpus est: sed qui scortatur, is intra suum corpus peccat.

19 An ignoratis, vestrum corpus templum esse sancti spiritus, qui in vobis est, quem à Deo habetis? neque vos esse vestros,

20 quippe precio emptos? Honorate sanè Deum vestris & corporibus & animis, quæ Dei, sunt.

CAPUT VII.

Differens hic de conjugio, quod est remedium vitanda scortationis, indissolubile, jubet unumquemque sorte sua contentum vivere. Quis virginitatis finis esse debeat ostendit, & qui conjugium suscipere debeant.

DE quibus autem mihi scripsistis, bonum esset homini mulierem non tangere.

2 Sed propter stupra, suam quisque uxorem, & suum quæque virum habeat.

3 Uxori vir debitam benevolentiam solvat: itidemque uxor viro.

4 Uxori sui corporis domina non est, sed vir: itemque vir sui corporis dominus non est, sed uxor.

5 Nolite alter alterum defraudare, nisi fortè ex mutuo consensu, ad tempus, ut jejuniis & precibus vacetis: deinde congregiamini, nec vos tentet Saranas, propter vestram intemperantiam.

6 Hoc autem dico, quod ita permittam, non quod precipiam.

7 Vellem

7 Vellem enim omnes homines sic esse, ut ego sum. Sed sua quisque dote præditus est à Deo; alius aliter.

8 Cælibibus autem & viduis dico, bonum eis esse, si sic maneant, ut ego,

9 Tamen si se non continent, contrahant matrimonium: satius est enim matrimonium contrahere, quàm ardere.

10 Conjugibus autem præcipio, non ego, sed Dominus, ne uxor à viro dirimatur.

11 Quòd si dirempta fuerit, maneat cælebs, aut viro reconcilietur. Item, ne vir uxorem repudiet.

12 Cæteris ego dico, non Dominus: Si quis frater uxorem habet infidentem, quæ tamen cum eo libenter habitet, eam ne repudiato.

13 Item mulier quæ virum habet infidentem, qui tamen libenter cum ea habitet, eum ne repudiato.

14 Sanctus enim fit vir infidens per uxorem: itemque sancta fit uxor infidens per virum. Alioquin vestri liberi impuri essent, cum nunc sint sancti.

15 Sin infidens divorcium facit, faciat: non est in huiusmodi re servus frater aut soror: quin nos ad pacem vocavit Deus.

16 Qui scis autem mulier, an tu virum servatura sis? aut qui scis vir, an tu uxorem servaturus sis?

17 Cæterum ut cuique largitus Deus est, ut quemque Dominus vocavit, ita se gerat: atque ita in omnibus ecclesiis faciendum præcipio.

18 Circumcisis vocatus est aliquis, ne præputietur: præputiatus vocatus est, ne circumcidatur.

19 Circumcisio nihil est, & præputium nihil est, sed Dei præceptorum conservatio.

20 In quo quisque statu vocatus est, in eo maneto.

21 Servus vocatus es, ne curato, quanquam si liber fieri potes, eo potius utere.

22 Nam qui, cum servus esset, vocatus est in Domino, is Domini libertus est. Itidem qui liber vocatus est, is Christi servus est.

23 Precio empti estis, nolite hominum servi fieri.

24 In qua quisque conditione vocatus est, fratres, in ea maneto apud Deum.

25 De virginibus autem Domini præceptum non habeo: sed consilium do, ut qui is sim, cui Domini clementia fidentem esse datum sit.

26 Arbitror igitur id bonum esse, propter instantes res adversas quod homini bonum est sic esse.

27 Devinctus ex uxore, ne quære solutionem: solutus ex uxore, ne quære uxorem.

28 Quòd si duxisti, non peccasti: & si nupsit virgo, non peccavit, sed iis humanæ calamitates ferendæ sunt, & ego vobis parco.

29 Cæterum hoc aio, fratres: Tempus angustum est: restat, ut & qui uxores habent, perinde sint ac si non habeant:

30 & qui plorant, ac si non plorent: & qui gaudent, ac si non gaudeant: & qui emunt, ac si non teneant:

31 & qui utuntur hoc mundo, ita ut non abutantur. Abit enim species huius mundi:

32 & ego vos securos esse vellem: Cælebs Domini res curat, ut Domino placeat.

33 Maritus mundana curat, uxori ut placeat, atque ita divifus eft.

34 Item mulier cœlebs, aut virgo, Domini res curat, ut & corpore sancta fit, & fpiritu: at nupta curat mundana, viro ut placeat.

35 Hoc autem ad veftram ipforum utilitatem dico, non uti laqueum vobis injiciam, fed ut honeftè, ac indivifa cum Domino conjunctione vivatur.

36 Quòd fi quis in virgine fua indecorum eſſe putat ut ea vieta fit, atque ita faciendum eſt, quod volet faciat, non peccat, nubat.

37 Sed qui animo conftans eſt, neque cogitur, fed liber & fui juris eſt, atque hoc animo fuo ftatuit fuam fervandam eſſe virginem, rectè facit.

38 Itaque & qui nuptum e-locat, rectè facit: & qui non e-locat, rectius facit.

39 Mulier lege obſtricta eſt, quandiu vivit ejus vir: ſin obdormiverit vir ejus, liberum eſt ei cui velit nubere, dummodo in Domino:

40 quanquam felicior eſt ſi ſic manſerit, mea quidem ſententia. Videor autem ego quoque mihi habere Dei ſpiritum.

C A P U T VIII.

Ab hoc loco uſque ad finem decimi capituli dehortatur ut ab impuris Gentilium epulis abſtineant. Abuſum Chriſtiana libertatis coercet, & ſcientiam charitate frenandam docet.

DE iis autem quæ ſunt ſacrificata deaſtris, ſcimus omnes nos ejus rei cognitionem habere. Cognitione inflat, charitas aliis prodeſt.

2 Quòd ſi quis ſcire aliquid ſibi videtur, nihil dum novit,

ut quidem noſci debet.

3 At ſi quis Deum amat, is Deo notus eſt:

4 ergo de eſu immolatorum deaſtris, ſcimus nullum eſſe in mundo deaſtrum: nullumque alium eſſe Deum, excepto uno.

5 Quamvis enim ſint qui dicantur Dii, tum in cœlo tum in terra (ut ſunt multi & qui Dii & qui Domini dicantur,)

6 at nobis quidem unus eſt Deus, pater ille, à quo omnia, & in quem nos: item unus eſt Dominus Jeſus Chriſtus, per quem omnia, & per quem nos.

7 Sed non eſt in omnibus hujus rei cognitio. Quin nonnulli hodie opinantes eſſe deaſtros, tamen quaſi deaſtris immolata comedunt: itaque eorum conſcientia, quæ infirma eſt, labefactatur.

8 Atqui cibus non commendat nos Deo: nam neque ſi veſcimur, præſtantes ſumus: neque ſi non veſcimur, ſumus deteriores.

9 Sed videte ne veſtra iſta poteſtas detrimento ſit imbecillibus.

10 Si quis enim viderit te cui nota res eſt, in deaſtrorum menſam accumbentem, nonne cum ſua illa opinionis infirmitate impelletur ad veſcendum deaſtrorum victimis?

11 atque ita per tuam cognitionem peribit frater imbecillus, propter quem oppetiit Chriſtus?

12 Sic autem peccantes in fratres & eorum infirmam conſcientiam percellentes, in Chriſtum peccatis.

13 Quamobrem ſi eſus officiis meo fratri, nunquam carnem comederò, ne fratrem meum lædam.

CAPUT IX.

Ostendit qualiter libertate à domino sibi permiffa, uliro abstinuerit, ne quem in rebus mediis offenderet, vitamque noſtram ſtadii inſtar eſſe dicit.

AN ſcilicet non ſum Apoſtolus? ſcilicet non ſum liber? ſcilicet Jeſum Chriſtum Dominum noſtrum non vidi? ſcilicet opus meum non eſtis vos in Domino?

2 Si aliis non ſum Apoſtolus, at certè vobis ſum, ſi quidem vos mei muneris ſigillum eſtis in Domino:

3 atque hæc eſt mea apud eos, qui me explorant, deſenſio.

4 Scilicet non liceat nobis comedere ac bibere?

5 Scilicet non liceat nobis ſororem uxorem circumducere, ut & cæteris Apoſtoliſ, & Domini fratribus, & Cephæ?

6 Soline mihi & Barnabæ, ne non operemur, interdictum eſt?

7 Quis unquam ſuis ſtipendiis militat? quis vineam pangit, nec ejus fructu veſcitur? aut quis ovile paſcit, quin ovilis lacte veſcatur?

8 Num hæc ego humano more loquor? an non lex quoque dicit eadem?

9 Nam in Moſis lege ſcriptum eſt: Bovi trituranſi os ne obſtruito. Bovine curæ Deo ſunt?

10 An propter nos omnino dicit? Propter nos enim literis proditum eſt, ſpe debere arantem arare, & tritulantem ſpe participare quod ſperat.

11 Si nos vobis divina ſeminavimus, magnum verò eſt ſi nos humana veſtra metemus?

12 Si alii veſtras facultates participant, cur non magis nos? Verum non ſumus hac uſi poteſtate, ſed quidvis perferimus, ne quid

Chriſti remoremur Evangelium.

13 An nescitis, eos qui ſacra procurant, ſacris veſci? qui aræ operam dant, aræ participes eſſe?

14 Similiter item Evangelium publicantibus mandavit Dominus, ut Evangelio viverent.

15 Et tamen ego nihil horum uſurpavi. Neque verò hæc eſcripſi, ut in me ſic fiat. Nam mihi mori ſatiùs eſt, quàm ut meam gloriationem quiſquam aboleat.

16 Etenim ſi Evangelium doceo, non eſt quod glorier, quippe cùm neceſſitate cogar: ac pœnas daturus ſim, niſi doceam.

17 Quòd ſi volens hoc facio, mercedem aſſequar: ſin invitus, hæc mihi procuratio credita eſt.

18 In quo igitur mihi poſita merces eſt? ſi ita doceam, ut nuiſus in Chriſti Evangelium ſumptus fiat, non abutendo mea in Evangelio poteſtate.

19 Cùm enim ab omnibus liber eſſem, omnibus me mancipavi, quòd plures lucrarer:

20 fuique Judæis ut Judæus, quòd Judæos lucrificerem: legi ſubditis, ut legi ſubditus, quòd legi ſubditos lucrificerem:

21 exlegibus, ut exlex (non quòd Deo exlex eſſem, eram enim in lege Chriſto) quòd exleges lucrificerem.

22 Fui infirmis perinde ac infirmus, quòd infirmos lucrificerem: denique quibuſvis quidvis fui, ut omnino aliquos ſervarem.

23 Atque hoc Evangelii cauſa facio, ut ejus ſiam participes.

24. An nescitis, ut qui currunt in curriculo, omnes quidem currant, ſed unius certaminis præcium obtineat? Sic currite, ut aſſequamini.

25 Enimvero omnes qui ceſtant, omnia perferunt illi quidem

dem ut interituram assequantur coronam : at nos, immortalem.

26 Equidem sic curro, ut non incertò: sic luctor, ut qui non a-
erem verberem :

27 quin contundo subigoque meum corpus, ne fortè cum alios docuerim, ipse sim rejectaneus.

CAPUT X.

*Si Deus Judæis non pepercit, neque
iis parceret, quibus fors est aqua-
lis in tesseriis externis sua gra-
tia. Itaque absurdum esse par-
ticipes fieri mensa demoniorum
eos, qui Cæna Domini commu-
nicant, & qui in rebus mediis
rationem proximi non habent.*

NOlo autem vos ignorare, fra-
tres, majores nostros omnes
sub nube fuisse, & omnes mare
trajecisse,

2 & omnes nomine Moïsis nube,
marique baptizatos,

3 & omnes eodem spirituali
cibo usos fuisse,

4 & omnes eandem potionem
spiritualem bibisse. Bibebant e-
nim ex spirituali sequente petra,
quæ petra Christus erat.

5 Et tamen eorum plerique
Deo accepti non fuerunt: sunt e-
nim in solitudine prostrati.

6 Hæc autem nobis exempla
præbent, ne simus malorum cu-
pidi, ut illi concupiverunt.

7 Neve deastrorum cultores fi-
tis, ut illorum nonnulli, sicuti me-
moræ proditum est: Sedit popu-
lus ad capiendum cibum ac po-
tionem, deinde surrexerunt ad lu-
dendum.

8 Neve scortemur: quemad-
modum eorum nonnulli scortati
sunt, ideoque ceciderunt uno die
viginti tria millia.

9 Neve Christum tentemus,
quemadmodum eorum nonnulli
tentarunt, itaque à serpentibus
perierunt,

10 Neve murmurate, quemad-
modum eorum nonnulli murmu-
rarunt, itaque ab exterminatore
perierunt.

11 Hæc autem omnia illis ut
exempla contigerunt, scriptaque
sunt nostri, qui in extrema seculo-
rum incidimus, admonendi gratia.

12 Proinde qui sibi stare vide-
tur, videat ne cadat.

13 Nulla vos, nisi humana,
invasit tentatio. Sed ita fidelis
Deus est, ut vos non sit tentari
permisurus suprâ quàm possitis:
sed cum tentatione ejusmodi e-
ventum factururus, ut ferendo vin-
cere possitis.

14 Quamobrem, ô mihi charis-
simi, fugite deastrorum cultum.

15 Ut prudentes alloquor: ju-
dicare vos, quod ego dico.

16 Poculum laudatorium, in
quo laudes dicimus, nonne com-
munitas Christi sanguinis est:
Quem panem frangimus, non-
ne communitas Christi corporis
est?

17 Quandoquidem unus panis,
unum corpus multi sumus: om-
nes enim sumus ejusdem panis
participes.

18 Considerate Israelitas, quod
ad carnem attinet: nimirum qui
sacrificiis vescuntur, sunt aræ par-
ticipes.

19 Quid ergo est quod dico?
sacrificata deastris esse aliquid?
aut deastros esse aliquid?

20 Imò quæ sacrificant extra-
nei, ea dæmoniis sacrificare dico,
non Deo. Dæmonum autem par-
ticipes esse vos nolo.

21 Non potestis & Domini &
dæmoniorum poculum bibere:
non potestis & Domini & dæmo-
niorum mensam participare.

22 Irritandusne nobis Domi-
nus est? num sumus eo potentio-
res:

23 Quidvis mihi licet, sed non quidvis conducit. Quidvis mihi licet, sed non quidvis prodest.

24 Nemo suo, sed alterius quique commodo studeat.

25 Quicquid in macello venale est, vescimini, nihil sciscitantes propter conscientiam.

26 Nam Domini & terra est, & omnia terrestria.

27 Quod si quis infidentium vos invitet, & vultis ire, quicquid vobis apponetur, vescimini, nihil sciscitantes propter conscientiam.

28 Si quis verò vobis dixerit, Hoc deastris immolatum est, ne vescimini propter eum qui indicavit, propterque conscientiam. Nam Domini & terra est, & omnia terrestria.

29 Conscientiam autem dico, non suam cujusque, sed alterius. Cur enim mea libertas damnetur ab alia conscientia?

30 Quod si ego gratè participo, cur in eo vituperet, de quo gratias ago?

31 Ergo sive commoditis, sive bibitis, seu quid aliud facitis, omnia ad Dei gloriam facite.

32 Præbete vos & Judæis, & Græcis, & Ecclesiæ divinæ innocuos:

33 quemadmodum ego quoque omnia omnibus indulgeo non meæ, sed multorum studens utilitati ut serventur. Imitatores mei esto, quemadmodum ego quoque sum Christi.

CAPUT XI.

Notat Corinthios quod in sacris cætibz, viri erent velatis capitibus, mulieres verò retestis. In summa, quod in pejus convenirent, & profana symphesia permiscerent epulo sacro Cæna Domini quam ad primam institutionem exigit.

L Audo equidem vos, fratres, quod omnia mea meministis, & instituta, quemadmodum vobis tradidi, sic tenetis.

2 Volo autem scire vos, omnis viri caput esse Christum: foeminae caput esse virum: Christi caput esse Deum:

3 omnis vir operto capite supplicans, aut vaticinans, caput suum turpificat.

4 Rursus omnis mulier detestato capite supplicans, aut vaticinans, caput suum turpificat: nam prorsus perinde est ac si tonsa foret.

5 Quod si non velatur mulier, certè tondeatur. Quod si tonderi radive mulieri turpe est, obnubatur.

6 Nam vir quidem caput obnubere non debet, cum sit imago gloriae Dei. At mulier viri gloria est.

7 Non enim est vir ex muliere, sed ex viro mulier:

8 cum non propter mulierem creatus sit vir, sed propter virum mulier.

9 Propterea debet mulier habere in capite potestatis indicium propter angelos.

10 Cæterum neque vir sine foemina, neque foemina sine viro in Domino.

11 Ut enim ex viro foemina, sic vir per foeminam: omnia autem ex Deo.

12 Ipsi apud vos judicate, an decorum sit, foeminam Deo supplicare detestam.

13 Anne ipsa quidem natura vos docet, viro comam alere, decori esse?

14 foeminae autem comam alere, decorum esse? Quandoquidem coma pro amictu data est.

15 Quod si cui contentiosum esse libet, nos talem consuetudinem

dinem non habemus, neque Dei ecclesiæ.

16 Hoc autem admonens, non laudo, quòd non utiliter, sed damnosè convenitis.

17 Primum enim convenientibus vobis in concionem audio dissidia in vobis esse, & nonnihil credo:

18 oportet enim in vobis factiones esse, ut fiant probi inter vos manifesti.

19 Igitur cum eodem coitis, istud non est Dominicam epulari cœnam,

20 cum suam quisque cœnam antecapiat comedendo, & hicesurjat, ille sit ebrius.

21 Numnam domos non habetis ad edendum ac bibendum? an divinam concionem contemnitis, & egenos pudore afficitis? Quid vobis dicam? laudem vos? in hoc non laudo.

22 Nam (quemadmodum ego & à Domino accepi, & vobis tradidi) Dominus Jesus, qua nocte prodebatur, sumptum panem,

23 actis grâtiis, fregit ac dixit: Sumite, comedite: hoc meum corpus est, pro vobis frangendum, hoc facite ad mei memoriam.

24 Similiter & poculum, postquam cœnavit, dicens: Hoc poculum est novum fœdus, per meum sanguinem. Hoc facite quoties bibetis, ad mei memoriam.

25 Quoties enim hoc pane vescimini, & hoc poculum biberis, mortem Domini indicabitis, donec veniat.

26 Itaque quisquis indignè panem hunc comederit, aut Domini poculum biberit, pœnas dabit, ob Domini corpus atque sanguinem.

27 Proinde exploret homo seipsum, atque ita de pane comedat, & de poculo bibat.

28 Nam qui indigne comedit & bibit, damnationem ipse sibi comedit & bibit, qui de Domini corpore non rectè judicet.

29 Propterea apud vos multi sunt ægri, & infirmi, & frequentes obdormiverunt.

30 Si enim de nobis ipsi rectè judicaremus, non puniremur:

31 dum punimur autem, à Domino castigamur, ne cum mundo damnemur.

32 Quocirca, fratres mei, dum ad comedendum convenitis, alius alium expectate.

33 Quòd si quis esurit, domi cibum capiat, ne ad pœnam conveniatis.

34 Reliqua cum venero componam.

CAPUT XII.

Ut à contentione & superbia Corinthios avocet, dicit spiritualia dona ideo varia conferri, ut mutuo collata, coalescamus ea symmetria in unum Christi corpus, quemadmodum membra in bonum corporis humani coalescunt.

QUOD ad spiritualia, fratres, attinet, nolo vos ignorare.

2 Scitis, cum extranei essetis, ut ad mutos deastros duceremini ac abduceremini.

3 Itaque declaro vobis, neminem esse, qui divino afflatu loquens, Jesum verbis excretur: itemque neminem esse, qui Dominum possit Jesum dicere, nisi per sanctum spiritum.

4 Sed discrimina sunt donorum, cum sit idem spiritus:

5 & discrimina sunt ministeriorum, cum sit idem Dominus:

6 & discrimina sunt affectionum, cum sit idem Deus, qui omnia efficit in omnibus.

7 Datur autem cuique declaratio spiritus, prout commodum est.

8 Huic enim per spiritum datur oratio sapientiæ: illi oratio scientiæ, ex eodem spiritu:

9 alii fides, per eundem spiritum: alii dona sanationum, per eundem spiritum:

10 alii prodigiorum effectio- nes: alii vaticinatio: alii spiritu- um dijudicationes: alii genera linguarum, alii interpretatio lin- guarum.

11 Atque hæc omnia efficit unus idemque spiritus, dispersiens privatim cuique ut vult.

12 Quemadmodum enim cor- pus unum est, & membra ha- bet multa, omniaque membra corporis unius multa cum sint, unum corpus est: sic etiam Christus.

13 Etenim uno spiritu nos om- nes unum in corpus baptizati sumus & Judæi & Græci, & servi, & liberi, omnesque unum spiritum hausimus.

14 Etenim corpus non est u- num membrum, sed multa.

15 Si se pes, quia manus non sit, corporis esse neget, an idicro non sit corporis?

16 Item si auris, quia non sit oculus, se corporis esse neget, an ideo non sit corporis?

17 Si totum corpus oculus est, ubi auditus? si totum auditus, ubi olfactus?

18 Nunc Deus unumquodque membrorum in corpore sic collo- cavit, ut voluit.

19 Quod si essent omnia u- num membrum, ubi corpus?

20 Nunc multa membra, sed unum corpus est.

21 Neque verò potest oculus dicere manui: Non egeo te: aut rursum caput pedibus: Non egeo vobis.

22 Contraque, quantè quod- que membrorum corporis debilius

videtur esse, tanto est magis ne- cessarium:

23 & quo quæque in corpore inhonestiora iudicamus, eò maiore honore ea stipamus: & nostri in- honestissima quæque maximam honestatem obtinent,

24 cum ea honestissima quæ- que nostri nihil egeant: Enim- verò Deus ira corpus temperavit, egentissimo cuique maximum tri- buens honorem,

25 ne esset in corpore dissi- dium, sed eadem membra alia a- liorum curam gererent:

26 ac si ve doleret unum mem- brum, unà condolerent cuncta membra: si ve in honore effectum membrum, omnia membra congratularentur.

27 Vos verò aliquatenus Chri- sti corpus estis atque membra:

28 & alios statuit Deus in Ec- clesia, primùm Apostolos, deinde vates, tertio magistros, deinde portenta, deinde sanationum do- tes, adminicula, gubernationes, genera linguarum.

29 Nunquid omnes sunt A- postoli? nunquid omnes vates? nunquid omnes magistri? nun- quid omnes portentifici?

30 nunquid omnes habent sa- nationum dotes? nunquid omnes linguis loquuntur? nunquid om- nes interpretantur?

31 Affertate sanè præstantis- simas quasque dotes: sed tamen excellentiorem viam jam vobis ostendam.

CAPUT XIII.

*Monet nulla tam eximia esse dona
qua non vitientur coram Deo,
si absit charitas, idoque in ejus
laudes digreditur.*

SI & hominum loquar & an- gelorum linguis, neque cha- ritate sim præditus, sum æs reso- nans, aut cymbalum tinniens.

2 Et si tantum divinationis habeam, ut omnia arcana sententiamque omnem teneam, & si adeò omni sim fide præditus, ut vel montes transmoveam & tamen charitate non sim præditus, nihil sum.

3 Et si omnes meas facultates in libertatem erigam, & si vel meum corpus comburendum tradam, & tamen charitate non sim præditus, nihil proficio.

4 Charitas patiens est, benigna est :

5 Charitas non æmulatur, non est temeraria, non tumet, non se gerit turpiter : non sibi ipsi studet, non est irritabilis, non male cogitat,

6 non gaudet injustitia, sed veritate lætatur :

7 Omnia tolerat, omnia credit, omnia sperat, omnia sustinet.

8 Charitas nunquam intercidit. Et vaticinationes abolebuntur, & linguæ cessabunt, & scientia delebitur.

9 Nam aliquatenus scimus, & aliquatenus vaticinamur.

10 Sed cum venerit perfectio, tum, quod aliquatenus fit, delebitur.

11 Dum puer eram, ut puer loquebar, ut puer sentiebam, ut puer cogitabam : sed vir factus, puerilia delevi.

12 Nunc enim per speculum cernimus per ambages : at tunc præsentem coram. Nunc aliquatenus cognosco : at tunc recognoscam, quemadmodum recognitus sum.

13 Nunc quidem manet fides, spes, charitas : sed harum trium maxima est charitas.

CAPUT XIV.

Commendat donum prophetia, & comparatione à musicis instrumentis sumpta verum interpre-

tandi scripturas usum docet, ab-usum tollit, ac vetat, ne mulieres publice doceant.

Persequimini charitatem, & affectate sanè spiritualia, sed in primis ut vaticinemini.

2 Nam qui peregrina lingua loquitur, non homines alloquitur, sed Deum : quippe cum nemo audiat, sed animo loquatur arcana.

3 Qui verò vaticinatur, homines alloquitur utiliter, & cohortando & consolando.

4 Qui peregrina lingua loquitur, ipse sibi prodest : qui verò vaticinatur, is concioni prodest.

5 Vellem equidem vos omnes peregrinis loqui linguis : sed magis ut vaticinemini. Major est enim qui vaticinatur, quàm qui alienis loquitur linguis, nisi si interpretetur, ut concio capiat utilitatem.

6 Alioquin, fratres, si ego vos alienis linguis allocutum veniam, quid nobis prodero, nisi insit in oratione mea patefactio, aut cognitio, aut vaticinatio, aut doctrina ?

7 Etiam inanimata vocem emittentia, ut tibia, ut cithara, nisi discrimen sonis faciant, quomodo intelligetur quid tibia aut cithara significetur ?

8 Si enim incertam vocem tuba edat, quis ad proelium accingetur ?

9 Similiter vos lingua nisi significantia verba faciatis, quomodo intelligetur quid dicatur ? Eritis enim ii qui in auram loquamini.

10 Tot sunt (verbi gratia) genera vocum in mundo, nec ullum eorum mutum est.

11 Si igitur vim vocis non intelligam, ero loquenti barbarus, & loquens erit apud me barbarus.

12 Ita vos, postquam affectatores estis donorum spiritus, date operam ut in eis ita excellitis, ut id utilis fit concioni.

13 Quare qui aliena lingua loquitur, oret, ut possit interpretari.

14 Si enim peregrina lingua orem, animo quidem oro: sed quod ad sententiam attinet sum infructuosus.

15 Quid ergo est? Ita animo orabo, ut significanter orem: ita animo cantabo, ut significanter cantem.

16 Etenim si animo laudes dicis, is qui illiterati locum tenet, quo pacto dicet, Amen, ad tuam gratiarum actionem, cum quid dicas ignoret?

17 Nam tu quidem recte gratias agis: sed alter non juvatur.

18 Ago Deo meo gratias, quod magis, quam vestrum quisquam linguas teneo peregrinas.

19 Sed in concione malo quinque verba sic eloqui, ut intelligatur oratio mea, quo alios erudiam, quam ignoto sermone mille verba.

20 Fratres, ne este mentibus infantes: sed vitiis este pueri, mentibus autem adulti.

21 In disciplina sic memoriae proditum est: Alienis linguis atque labris istum populum alloquar, & tamen, ne sic quidem mihi obtemperarunt, inquit Dominus.

22 Itaque, linguae portento sunt, non fidentibus, sed infidentibus: vaticinatio vero non infidentibus, sed fidentibus.

23 Igitur si convenerit eodem universa concio, & omnes peregrinis loquantur linguis, si ed illiterati, aut infidentes intrent, nonne vos insanire dicent?

24 Sed si omnes vaticinentur, & intret aliquis infidens aut illi-

teratus, arguitur ab omnibus, exploratur ab omnibus,

25 atque ita ejus animi arcana fiunt perspicua: ita fit, ut pronus accidat, adoretque Deum confitens Deum revera in vobis esse.

26 Quid ergo est, fratres? Quando coitis, carmen habet aliquis vestrum, doctrinam habet, linguam habet, patefactionem habet, interpretationem habet, omnia ad utilitatem fiant.

27 Si quis peregrina loquitur lingua, fiat id per duos, aut ad summum tres, idque alternis, & unus interpretetur.

28 Quod si adest interpres, taceat in concione, ac sibi loquatur & Deo.

29 Vates item duo tresve loquantur, & alii disjudent.

30 Quod si quid alii sedenti patefactum fuerit, primus fileto.

31 Potestis enim omnes singulatim vaticinari, ut omnes discant, & omnes confirmentur.

32 Et vatum spiritus sese vaticibus submitunt.

33 Non enim est turbamenti Deus, sed pacis: ut sit in omnibus sanctorum concionibus.

34 Uxores vestrae in concionibus tacent: non enim conceditur eis loqui, sed parere, quemadmodum disciplina dicit.

35 Quod si quid discere volunt, domi suos viros interroganto. Turpe est enim foeminis, in concione loqui.

36 A vobisne divinus sermo prodit? aut ad vos solos pervenit?

37 Si quis tibi vates aut spiritualis videtur esse, recognoscat, quae vobis scribo, esse Domini praecepta.

38 Quod si quis ignorat ignorato.

39 Proinde, fratres, & vaticinari studete, neque peregrinis loqui linguis prohibete :

40 omnia decenter fiant, & ordine.

CAPUT XV.

Cum essent apud Corinthios, qui corporum resurrectionem in dubium vocarent, postquam ejus necessitatem validis argumentis comprobavit, rationem etiam & modum subjungit.

DEclaro autem vobis, fratres, Evangelium quod vos docui, & quod accepistis, & in quo statis,

2 & per quod servabimini, qua ratione vos docuerim, si tenetis, nisi si frustra credidistis.

3 In primis enim vobis tradidi, id quod acceperam, Christum mortuum esse propter peccata nostra, ut est in literis :

4 & sepultum esse, & tertio die surrexisset, ut in literis haberetur :

5 & apparuisse Cephæ, deinde duodecim :

6 deinde apparuisse plusquam quingentis fratribus semel, quorum plerique sunt adhuc superstites, nonnulli obdormiverunt.

7 Deinde apparuit Jacobo, deinde Apostolis omnibus.

8 Postremo omnium quasi abortui apparuit etiam mihi.

9 Ego enim sum Apostolorum minimus, indignus qui vocer Apostolus, qui divinam Ecclesiam insectatus sum.

10 Sed Dei beneficio sum quod sum : & ejus in me beneficium adeo inane non fuit, ut plus quam eorum quisquam laboraverim : vel potius non ego, sed Dei gratia, quæ mihi aderat.

11 Igitur & ego & illi ita prædicamus : & ita vos credidistis.

12 Quod si Christus ex mortuis surrexisset prædicatur, qui sit ut quidam apud vos mortuorum resurrectionem fore negent ?

13 Quod si mortuorum resurrectio non est, ne Christus quidem surrexit.

14 Si autem Christus non surrexit, ergo vana est nostra prædicatio, vana est & vestra fides,

15 ac falsi de Deo testes deprehendimur, qui contra Deum testificati simus, eum suscitasse Christum, quem non suscitavit, siquidem mortui non resurgent.

16 Si enim mortui non resurgent, ne Christus quidem surrexit :

17 & si Christus non surrexit, vana est vestra fides : adhuc estis in peccatis vestris.

18 Ergo qui in Christo obdormiverunt perierunt.

19 Si hujus duntaxat vitæ gratia in Christo spem habemus, sumus omnium hominum miserrimi.

20 At nunc Christus ex mortuis surrexit : fuit eorum, qui obdormivèrunt primitiæ.

21 Cum sit enim per hominem mors, etiam per hominem est mortuorum resurrectio.

22 Ut enim per Adam omnes moriuntur, sic per Christum omnes reviviscunt,

23 sed suo quisque in ordine : primitiæ Christus, deinde Christiani in ejus adventu :

24 deinde finis erit, cum regnum tradiderit Deo & patri, cum quidem omnem principatum omnem potentatum ac potestatem aboleverit.

25 Oportet enim eum regnare, donec ille omnes hostes sub ejus pedes subjecerit :

26 ultimus hostis delebitur mors,

27 Omnia

27 Omnia enim ille sub ejus pedes subjecerit: Quod autem omnia subjicienda dicit, id sic accipiendum est ut excipiat is, qui ei subjecerit omnia.

28 Cum autem ei subiecta fuerint omnia, tunc ipse quoque filius subjicietur ei, qui ipsi subjecerit omnia, ut sit Deus omnia in omnibus.

29 Alioquin quid facient, qui pro mortuis baptizantur, si omnino mortui non resurgent? quorum pro mortuis baptizantur?

30 quorum & nos omnibus horis periclitamur:

31 Quotidie morior, gloriatiorem nostram juro, quam habeo in Christo Jesu Domino nostro.

32 Si humano more Ephesi cum bestiis pugnavi, quæ mihi inde utilitas, si mortui non resurgent? Comedamus & bibamus: cras enim morituri sumus.

33 Nolite falli. Mores bonos colloquia corrumpunt mala.

34 Este sobrii, ut æquum est, & ne peccate. Ignorant enim nonnulli Deum: quod ideo dico, ut vos pudeat.

35 Sed dicet quis: Quomodo resurgent mortui, aut quali corpore venient?

36 O demens: tu quod seris, id non vivificat, quin mortuum sit,

37 & quod seris, non gignendum corpus seris, sed nudum granum, verbi gratia, frumenti: aut cuiuspiam alterius rei.

38 Deus vero corpus ei dat, ut libuit, & suum cuique seminam corpus.

39 Non omnis caro eadem caro est: sed alia est hominum caro, alia pecudum, alio piscium, alia volucrum.

40 Item corpora sunt cœlestia

alia, alia terrena: sed alius est cœlestium splendor, alius terrestrium:

41 alius Solis, alius lunæ splendor est, alius item stellarum: nam stella alia aliam splendore antecellit.

42 Talis est etiam mortuorum resurrectio. Seritur cum mortalitate, resurgitur cum immortalitate:

43 seritur cum probro, resurgitur cum gloria: seritur cum infirmitate, resurgitur cum potentia:

44. seritur corpus animale, resurgitur corpus spirituale. Et corpus aliud animale, aliud spirituale.

45 Cumque ita scriptum sit: Factum esse primum hominem Adamum animantem vivum, ultimus Adamus spiritus est vivificus.

46 Sed non primum est spirituale, sed animale, deinde spirituale.

47 Primus homo ex terra, terrenus: secundus homo de cœlo, cœlestis.

48 Qualis terrenus, tales etiam terreni: & qualis cœlestis, tales etiam cœlestes.

49 Ac quemadmodum tulimus imaginem terreni, feremus etiam cœlestis imaginem.

50 Hoc autem ideo dico, fratres, quod caro & sanguis, divinum regnum consequi nequeunt, neque mortalitas immortalitatem consequetur.

51 Equidem arcanum quiddam vobis dico: Omnes quidem non obdormiemus, sed omnes mutabimur:

52 uno temporis puncto, oculique momento, ad ultimum clangorem. Clangeretur enim & mortui resurgent incorruptibiles, & non mutabimur.

53 Oportet enim hos corruptibiles

ptibile incorruptibili natura, & hoc mortale immortalitate indui.

54 Cum autem hoc incorruptibile incorruptam naturam, & hoc mortale immortalitatem induerit, tunc accidet id quod illo scripto dicitur: Absorpta mors est victoriosa.

55 Ubi est tuus, o mors, stimulus: Ubi tua, o Orce, victoria?

56 Est autem mortis stimulus peccatum, & peccati potentia lex.

57 Sed Deo gratia, qui nobis victoriam dat per Dominum nostrum Jesum Christum.

58 Proinde, fratres mei charissimi, praestate vos constantes, immobiles, semper excellentes in Domini negotio, scientes vestrum in re Domini laborem non esse vanum.

CAPUT XVI.

Hortatur ut fratrum Hierosolymitanorum inopia succurrant. Deinde Timotheum commendat, & amica exhortatione: deinde salutationibus epistolam claudit.

QUOD ad collectam attinet in sanctos conferendam, quemadmodum Galatiae ecclesiis praecipi, sic vos quoque facite.

2 Primo quoque post Sabbatum die unusquisque vestrum apud se reponat, congerens quod commodè poterit, ne tum demum, cum venero, fiant collectae.

3 Ut autem advenero, quos vos per epistolas probaveritis, eos mittam, qui ferant beneficium vestrum Hierosolymam.

4 Quod si me etiam proficisci fuerit operae precium, mecum proficiscetur.

5 Veniam autem ad vos, postquam Macedoniam obiero: nam Macedoniam obiturus sum.

6 Apud vos autem forsitan

commorabor, aut etiam hyemabo, ut vos me deducatis, quocunque proficiscar.

7 Nolo enim vos duntaxat obiter videre, quin me spero aliquamdiu mansurum apud vos, si Dominus permiserit.

8 Morabor autem Ephesi usque ad Quinquagesimam.

9 Nam mihi janua magna patet, & efficax, & multi sunt adversarii.

10 Quod si venerit Timotheus, videte ut sine metu sit apud vos: Nam Domini opus agit, ut & ego.

11 Quamobrem nemo eum contemnat, sed eum bona cum pace dimitte, ut ad me veniat. Expecto enim eum cum fratribus.

12 Quod ad Apollo fratrem attinet, multum eum hortatus sum ut ad vos cum fratribus veniret, sed prorsus non erat voluntas nunc eundi: verum veniet, cum erit ei commodum.

13 Vigilate, stete in fide, este viri & constantes,

14 omnia vestra cum charitate fiant.

15 Cohortor autem vos, fratres: scitis Stephanæ & Fortunati familiam esse Achaiae primitias, & sese ad ministerium addixisse sanctis:

16 ut vos quoque talibus, & omni adjuvanti, laborantique pareatis.

17 Gaudeo equidem adventu Stephanæ & Fortunati, & Achaici, quod hi defectum vestri suppleverunt:

18 quippe qui & meum & vestrum animum recreaverint. Tales ergo recognoscite.

19 Salutant vos multum per Dominum Aquila & Priscilla, una cum suae domus ecclesia.

20 Salutant vos fratres omnes.
Salutate inter vos osculo sancto.

21 Salutatio mea Pauli manu

22 Si quis Dominum Jesum
Christum non amat, esto detestabilis Maranatha.

23 Gratia Domini Jesu Christi
vobis adsit.

24. Meus amor in Christo Jesu
vobis omnibus adsit. Amen.

*Ad Corinthios prima scripta est
Philippis, missa per Stephanam,
& Fortunatum, & Achaicum,
& Timotheum.*

PAULI APOSTOLI

EPISTOLA SECUNDA AD

CORINTHIOS.

CAPUT I.

*A laude afflictionum auspicatur,
exponens quid in Asia pertulerit,
& quam dexter affulserit
Deus. Addit nulla levitate id
factum esse, quod non venerit,
uti fuerat pollicitus.*

PAULUS JESU CHRISTI
Apostolus, per Dei voluntatem,
& Timotheus frater, Ecclesiae Dei, quae Corinthi
est, necnon sanctis omnibus in
tota Achaia degentibus,

2 gratiam & pacem à Deo patre
nostro, & Domino Jesu Christo.

3 Collaudandus Deus & pater
Domini nostri Jesu Christi, misericordiae pater, & omnis consolationis Deus,

4 qui nos consolatur in omni
calamitate nostra, quod possimus
eos, qui sunt in quacunque calamitate,
consolari ea consolatione,
qua confirmamur ipsi à Deo.

5 Quamto enim majoribus propter
Christum malis afficimur, tanto per Christum major est nostra
consolatio.

6 Nam si affigemur, id fit
pro vestra consolatione atque sa-

lute, quae agitur in tolerandis iisdem
malis, quae nos quoque patimur:
si confirmamur, id fit pro vestra
consolatione & salute:

7 ac firmam de vobis spem habemus,
scientes quemadmodum adversorum
participes estis, sic fore etiam consolationis.

8 Nolumus enim vos ignorare,
fratres, quanta afflictione, & quam
omnino viribus nostris majore pressi
fuerimus in Asia, usque adeo ut etiam
de vita dubitarem.

9 Verum ideo de nobis latam
mortis sententiam sensimus, ne ipsi
nobis consideremus, sed Deo mortuorum
suscitatori,

10 qui nos à tanta morte & defendit
& defendat, quem speramus etiam
deinceps defensurum esse,

11 vobis quoque nos supplicatione
adjuvantibus, ut à multis personis
aguntur ingentes Deo gratiae, ob
collatum in nos beneficium vestra causa.

12 Nam haec nostra gloriatio est,
nostrae conscientiae testimonium:
quod cum divina simplicitate

citare ac sinceritate, non cum humana sapientia, sed cum divina gratia, versati sumus cum in reliquo orbe, tum potissimum apud vos.

13 Non enim alia vobis scribimus, quam quæ legitis, aut etiam recognoscitis: &, ut spero, ad extremum recognoscetis,

14 quemadmodum nos aliquatenus recognovistis, quod nos vestra sumus gloriatio, sicut & vos nostra ad diem Domini Jesu.

15 Atque hac fiducia volebam prius ad vos venire, ut alterum beneficium acciperetis,

16 & istac in Macedoniam transire: rursusque ex Macedonia ad vos venire, & à vobis in Judæam deduci.

17 Hoc igitur deliberans, numquid levitate usus sum? aut quæ delibero, humano more delibero, ut sit apud me etiam, etiam: & non, non?

18 Fidelis est Deus quodd nobis ad vos oratio non fuit etiam, & non?

19 Nam Dei filius Jesus Christus, qui apud vos per nos predicatus est, per me, & Sylvanum & Timotheum, non fuit etiam, & non: sed in eo fuit etiam.

20 Omnes enim Dei promissiones tales sunt, ut in eo sit etiam, & in eo sit ita, quæ res Deo sit gloriæ per nos.

21 Ac qui nos vobiscum confirmat in Christum, & qui nos unxit, Deus est, is qui nos confirmavit, & spiritus arrabonem nostris animis indidit.

22 Ego verò animi mei testem appello Deum, me parcendi vobis causa, nondum Corinthum venisse:

23 non quodd vobis fiduciam auferamus, sed consulimus vestro gaudio: nam fiducia statis.

CAPUT II.

Excusans se quodd non venerit clam illos taxat, & communem sympathiam ostendit, ut nequeat nisi ipsis hilaribus gaudere. Macho quem satana tradi præceperat, resipiscendi veniam dari obsecrat, & professionis suæ in Macedoniam meminit.

SED hoc ego apud me decrevi, non vos rursus visere cum dolore.

2 Nam si ego vos contristo, ecquis est qui me oblectet, nisi is qui à me contristetur?

3 Atque idipsum vobis ideo scripsi, ne si venissim, dolore afficerer ab eis, per quos gaudere debeo: persuasum habens de vobis omnibus, meum gaudium, omnium esse vestrum.

4 Nam multa cum animi angustia atque angore vobis scripsi, multis cum lachrymis, non quodd doleretis: sed amorem ut cognosceretis, quo vos singulariter prosequimur.

5 Quodd si quis contristavit, non me contristavit, nisi aliquatenus, ne vos omnes onerem.

6 Satis est illi ea castigatio plurium,

7 ut contrà potius condonetis, ac consolemini, ne fortè immo dico mœrore conficiatur.

8 Quamobrem hortor vos, ut charitatem in eum exeratis.

9 Nam ideo scripsi, ut vestri periculum facerem, an sitis ad omnia morigeri.

10 Cui autem vos condonatis, ego quoque condono. Etenim ego si quidd ei condonavi, cui condonavi, id feci propter vos in persona Christi,

11 ne circumveniamur à Satanâ: Nec enim ejus conatus ignoramus.

12 Cum autem in Troadem

ob Christi Evangelium venissem, & esset mihi in Domini negotio aperta janua :

13 nullam animi requierem habui, quòd Titum fratrem meum non invenissem. Itaque illis valedicto, profectus sum in Macedoniam.

14 Deo verò gratia, qui semper facit, ut in Christi negotio triumphemus, ejusque cognitionis odorem per nos divulgat omnibus in locis :

15 siquidem Christi suavis odor sumus Deo, in iis qui servantur, & in iis qui pereunt :

16 quorum his sumus mortalis odor ad mortem, illis vitalis odor ad vitam : Ad quæ quisnam sit idoneus ?

17 Nec enim sumus ut multi, qui divinam doctrinam caupnantur : sed ut ex sinceritate : sed ut ex Deo, in Dei conspectu, in Christi negotio loquimur.

CAPUT III.

Dicit se satis habiturum commendationis, quamdiu permanerint in fide, se ministrum non litera, sed spiritus. Discrimen Legis & Evangelii exponit, quod illius claritas magis perstringat oculos quam illuminet, hujus vero lux conspicuam Dei faciem exhibeat.

Ingredimur rursum nosipsum commendare ? an verò nihil egemus (ut quidam) commendatiis vel ad vos, vel à vobis epistolis ?

2 Epistola nostra vos estis, inscripta nostris animis, cognoscenda, legendaque cunctis hominibus :

3 estque perspicuum, vos esse Christi epistolam, à nobis administratam, non atramento, sed viventis Dei spiritu descriptam non in lapideis, sed in carneis animi tabulis.

4 In ea autem apud Deum persuasione sumus per Christum :

5 non quia per nosipsum sumus idonei, qui aliquid, ut per nosipsum vel cogitemus : sed quòd idonei sumus, id à Deo est,

6 Qui nos idoneos reddidit novi fœderis ministros, non literæ, sed spiritus : nam litera perimit, at spiritus vivificat.

7 Quòd si mortis ministerium in literis impressum in lapidibus, tamen tanti fuit splendoris, ut non possent Israelitæ in Moysi vultum intueri propter ejus vultus splendorem perituum :

8 nōne magis spiritus ministerium, erit cum splendore conjunctum ?

9 Si enim damnationis ministerium splendidum est, multò magis excellit splendore ministerium justitiæ.

10 Etenim ne splendidum quidem fuit id, quod splendidum fuit, si cum superante splendore conferratur.

11 Si enim quod perit, tamen cum splendore conjunctum est : multo magis quod manet, est cum splendore.

12 Habentes igitur hujusmodi spem, magna perspicuitate utimur :

13 non ut Moses vultui suo velamen obtendebar, ne Israelitæ in rei perituræ finem intuerentur, sed mentes haberent torpentes,

14 Nam ad hunc usque diem idem velamen in veteris lectione fœderis manet, neque detegitur id in Christo aboleri.

15 Quin ad hodiernum usque diem, dum legitur Moyses, velamine tecti sunt eorum animi.

16 Quandounque autem reuertitur ad Dominum, detrahatur velamen,

17 De-

17 Dominus autem spiritus est: ubi verò Domini spiritus est, ibi est libertas.

18 Nos verò omnes detecta facie splendorem Domini specularantes, in eandem transformamur imaginem, splendore perpetuando, tanquam à Domini spiritu.

CAPUT IV.

Recenset se adeò laborasse in prædicando Evangelio, ut à Satana excacati sint, qui illius splendorem non cernant, prolatum in testaceis vasculis, tot arumini obnoxii, itaque suo exemplo ad foritudinem eos hortatur, ex contemptu presentis vita.

Propterea habentes hanc administrationem (quæ divina est in nos clementia) non defethiscimus:

2 quin turpi occultatione repudiata non nos callidè gerimus, neque divinam doctrinam fallaciter tractamus: sed veritatis declaratione nosipsum apud omnem hominum conscientiam in Dei conspectu commendamus.

3 Quòd si tectum est nostrum Evangelium, tectum est pereuntibus:

4 quorum videlicet infidentium, mentes cæcavit hujus sæculi Deus, ne collustrer eos claritas gloriosi Christi Evangelii, qui est imago Dei inaspectabilis.

5 Non enim nosipsum prædicamus, sed Christum Jesum Dominum: nos autem vestros servos, per Jesum.

6 Nam Deus qui lucem ex tenebris lucere jussit, is est qui nostris illuxit animis, ad claritatem cognitionis gloriæ Dei, in Jesu Christi persona.

7 Habemus autem thesaurum

hunc in testaceis vasis: ut tam excellens potentia sit Dei, non ex nobis,

8 qui in omnibus premimur quidem, sed non opprimimur: æstuamus, sed non exæstuamus:

9 vexamur, sed non deserimur: dejicimur, sed non perimus:

10 semper Domini Jesu occisionem in corpore circumferentes, ut etiam Jesu vita in nostro corpore repræsentetur.

11 Semper enim nos viventes morti dedimur propter Jesum, ut & vita Jesu repræsentetur in nostra mortali carne.

12 Itaque in nobis mors, in vobis vita viget.

13 Ac eodem fiduciæ spiritu præditi, ut fert scriptum illud: Credidi, ideoque locutus sum: nos quoque credimus, ideoque loquimur,

14 scientes futurum esse, ut qui Dominum Jesum suscitavit, idem nos quoque per Jesum suscitet, ac vobiscum sistat.

15 Omnia enim propter vos fiunt, ut tam largum beneficium per multorum gratiarum actionem redundet ad Dei gloriam.

16 Hanc ob causam non defethiscimus, quin etiamsi exterior noster homo corrumpatur, at interior quidem renovatur in dies.

17 Brevis enim levisque nostra calamitas, incredibile dictum quàm sempiternam, quamque gravem nobis gloriam pariat,

18 non spectantibus ea quæ cernuntur, sed quæ non cernuntur. Nam quæ cernuntur, temporaria sunt: quæ vero non cernuntur, sempiterna.

CAPUT V.

Perstat in eodem argumento, de certa spe salutis, per fidem. Non ut se jactet cum Deum & ipsius Ecclesiam præ oculis habeat, & nihili aestimet omnia, præter vitam novitatem in Christo.

SCimus enim, si terrestris nostræ domus tabernaculum dissolutum fuerit, ædificium habituros esse nos à Deo, domum nullis manibus factam, sempiternam in cælis.

2 Etenim in hoc gemimus, domicilium nostrum cœleste superinduere cupientes,

3 si modò induti, non nudi, reperiemur.

4 Nam qui sumus in tabernaculo gemimus onerati, quandoquidem nollemus exui, sed superindui, ut mortalitas conficiatur à vita.

5 Qui verò nos ad hoc ipsum fecit Deus est, is qui nobis spiritus arrabonem dedit.

6 Itaque semper confidimus : & cum sciamus, nos in corpore peregrinantes, à Domino peregrinos abesse,

7 (nam in rei fiducia, non in ipsa re versamur)

8 confidimus : & mallems à corpore abesse, & apud Dominum adeste.

9 Proinde operam damus, ut siue adsumus, siue absumus ei sumus accepti.

10 Nam nobis omnibus comparandum est ante Christi tribunal, ut ferat quique præmium ejus quod in corpore fecerit, vel boni vel mali,

11 Scientes igitur Dominum esse metuendam, utut hominibus persuademus, Deo quidem perspicui sumus : quanquam spero, nos etiam in vestris animis esse perspicuos.

12 Non enim rursus nos ipsos vobis commendamus, sed occasionem vobis damus de nobis gloriandi, ut munici sitis adversus eos qui specie, non animo gloriantur.

13 Nam siue infanimus, Deo infanimus : siue sani sumus, vobis sumus.

14 Amor enim Christi tenet nos, ita judicantes : si unus pro omnibus mortuus est, ergo omnes esse mortuos :

15 ideoque pro omnibus esse mortuum, ut vivi non jam sibi ipsi vivant, sed ei qui pro eis & mortuus est, & revixit.

16 Itaque nos deinceps neminem novimus secundum carnem. Quòd si Christum secundum carnem cognovimus, at nunc jam non novimus.

17 Proinde si quis in Christo est, is nova creatura est. Vera præterierunt, ecce nova facta sunt omnia :

18 omnia autem à Deo, qui nos sibi reconciliavit per Jesum Christum nobisque reconciliationis administrationem dedit,

19 quippe cum Deus esset in Christo, mundum sibi reconcilians, eis non imputans ipsorum peccata, nobisque reconciliationis orationem mandaverit.

20 Itaque cum pro Christo legatione fungamur, ut Deo per nos adhortante, quæsumus pro Christo, reconciliamini Deo,

21 qui peccati ignarum pro nobis peccatum effecerit, ut in eo nos fieremus justitia Dei.

CAPUT VI.

Ut vitam Christo dignam vivant, hortatur, ne afflictionibus deiciantur, nec gloria insulescant : pollutiones fugiant, cum sint viva viventis Dei templa.

NOS verò ad hanc rem adjutores, hortamur vos, ut detis operam, ne Dei beneficium incassum acceperitis.

2 Dicit enim: Te accepto tempore exaudi, tibi die salutis subveni. Adest nunc tempus acceptum, adest nunc dies salutis.

3 Nos nullam usquam offensionem asserimus, ne taxetur ministerium:

4 sed omnibus in rebus nos ipsos, ut Dei ministri commendamus, in multa patientia, in calamitatibus, in rebus adversis, in angustiis,

5 in plagis, in custodiis, in agitationibus, in laboribus,

6 in vigiliis, in jejuniis, in castitate, in scientia, in clementia, in benignitate, in spiritu sancto, in charitate genuina,

7 in veritatis oratione, in Dei potentia armis justitiæ dextris & sinistris,

8 per gloriam & dedecus, per maledicta, & benedicta,

9 quasi fallaces, & tamen veraces: quasi ignoti, & tamen noti: quasi morientes, cum tamen vivamus: quasi qui castigemur, neque necemur:

10 quasi dolentes, & tamen semper gaudentes: quasi pauperes, cum multos locupletemus: quasi nihil habentes, & tamen omnia tenentes.

11 Os nostrum ad vos apertum est, Corinthii: animus noster largus est.

12 Si vos estis angustii, non erga nos estis angustii, sed erga hominem cui estis intimi.

13 Ego vero ut à filiis vicem reposco: largi estote vos quoque:

14 ne este infidentium socii jugales. Quod est enim justitiæ cum improbitate consortium?

quæ luci communitas cum tenebris?

15 quæ Christo cum Belialæ concordia? aut quod fidenti cum infidente commercium?

16 quæ Dei templo cum deastris convenientia? Vos enim viventis Dei templum estis, quem admodum dixit Deus: Habitabo ac versabor apud eos, eroque eorum Deus, & ipsi mihi populus erunt.

17 Quapropter exite ex medio eorum, ac separamini, inquit Dominus: neve impurum tangite: & ego vos accipiam,

18 vobisque pater ero, & vos mihi eritis filii ac filiæ, inquit Dominus omnipotens.

CAPUT VII.

Ne nimium teneros animos arguendo profernat probabile reddit, quod omnia dixerit ex ingenti erga illos dilectione, itaque sibi non displicere quod mœrore eo effecerit, & adduxerit ad penitentiam non penitentiam.

HÆC igitur habentes promissa, charissimi, purgemus nos ipsos ab omni & corporis & animi labe, sanctimonia perfungentes cum Dei metu.

2 Admittite nos: nemini injuriam fecimus, neminem corrupimus, neminem circumscispiimus.

3 Non equidem vestri damnandi causa dico, quippe qui ante dixerim, vos in nostris animis esse ad simul vel moriendum vel vivendum.

4 Multa mihi apud vos loquendi libertas est: multa mihi de vobis est gloriatio: plenus sum consolationis: circumfluo lætitia in omni calamitate nostra.

5 Etenim cum venissemus in Macedoniam, nec ullam quietem haberet nostra caro, sed in

omnibus premeremur, extrinsecus praeliis, intrinsecus timoribus,

6 tamen humilium consolator Deus nos adventu Titi consolatus est.

7 Neque solum ejus adventu, sed etiam solatio, quo de vobis affectus est, exponens nobis vestrum nostri desiderium, complo-rationem, atque studium, ita ut magis lætatus sim :

8 adeò, ut etiam si vos per epistolam dolere affecerim, non me poeniteat, etiam si poenituisset. Video enim, si epistola illa, brevem quidem, sed tamen dolorem vobis fecit,

9 non vos doluisse solum, sed (id quod gaudeo) ad vitæ correctionem doluisse. Doluistis enim secundum Deum, ita ut nullo per nos incommodo sitis affecti.

10 Divinus enim dolor, vitæ correctionem, ad nunquam poenitendam salutem efficit : At mundanus dolor mortem parit.

11 Ecce enim vel hoc ipsum, quod secundum Deum doluistis, quantam vobis peperit diligentiam, imò defensionem ? imò indignationem ? imò metum ? imò desiderium ? imò studium ? imò vindictam ? quibus omnibus vestram in eo facinore innocentiam probastis.

12 Itaque si vobis scripsi, id non ejus qui fecit, nec ejus, qui passus est injuriam, causa factum est : sed ut vestrum nostri studium apud vos patefieret, in Dei conspectu.

13 Propterea orto à vobis solatio confirmati sumus : sed longè maximam cepimus ex Titi lætitia voluptatem, quòd ejus animus à vobis omnibus recreatus sit.

14 Nam si quid apud eum de vobis gloriatus eram, non me puduit : quin ut omnia verè vobis elocuti sumus, sic nostra de vobis apud Titum gloriatio vera fuit.

15 Atque ipse vos singulari charitate prosequitur, recolens vestrum omnium obedientiam, ut se cum metu ac tremore acceperitis.

16 Gaudeo, posse me omnibus in rebus vobis confidere.

CAPUT VIII.

Macedonum, atque adeò ipsius Christi exemplo, ut liberales sint in Sanctos hortatur, Titum, & alium fratrem hac de causa ad ipsos profectos dicit.

CERTiores autem vos facimus, fratres, de Dei beneficio in ecclesias Macedoniæ collato,

2 quòd in tanta, quæ explorati sunt calamitate, eorum singularis alacritas, penitissimæque paupertas, tantum effecit, in appareret eorum opulenta simplicitas :

3 qui pro viribus (hæc testor) atque etiam supra vires ultro :

4 nos multis cum precibus oraverint, ut beneficium & commune in sanctos officium reciperemus.

5 Neque id quemadmodum speraveramus : quin seiplos ad-dixerunt, primum Domino, deinde nobis, Dei voluntate,

6 ut nos Titum hortati sumus, quòd ille, quemadmodum jam coepit, sic absolvat hoc etiam erga vos beneficium :

7 utque quemadmodum omnibus in rebus excellitis, fide & oratione, & scientia, & omni studio, & isto erga nos amore, sic in hoc quoque beneficio excellatis.

8 Non per præceptum dico : critatemque vestram : sed ut per aliorum studium vestræ quoque charitatis germanitatem explorem.

9 Cognoscitis enim Domini nostri Jesu Christi beneficium, qui propter vos pauper fuerit, cum dives esset, ut vos ejus paupertate ditaremini.

10 Atque in hoc consilium do : hoc enim è re vestra est, qui jam ab anno superiore non solum facere, sed etiam velle cœperitis.

11 Nunc igitur etiam rei perfectionem absolvite : ut quomodo est voluntatis alacritas, ita sit etiam ex facultate perfectio.

12 Nam si jam adest alacritas, prout habet quis, ita acceptus est, non prout non habet.

13 Non enim aliis laxitatem, vobis angustiam esse oportet :

14 sed ex æqualitate, ad præsens tempus, abundantia vestra illorum egestati subveniri : ut illorum abundantia vestram vicissim egestatem suppleat, quò fiat æqualitas :

15 quemadmodum scriptum extat : Neque qui plus collegerat, plus habebat : neque qui minus collegerat, minus habebat.

16 Est autem Deo gratia, qui idem vestri studium injecerit in animum Titi :

17 qui adhortationem ita admiserit, ut diligentior sua sponte profectus sit ad vos.

18 Misimus autem unà cum eo fratrem, qui præterquam quòd in re Evangelica per omnes laudatur Ecclesias,

19 etiam Ecclesiarum suffragio creatus est nostri socius itineris, in hoc beneficio à nobis ministrando, ad Domini gloriam ala-

20 hoc caventes, ne quis nos in hac à nobis ministranda liberalitate carpat :

21 prospicientes, ut non solum in Domini, verumetiam in hominum conspectu honestè seres habeat :

22 Misimus autem unà cum eis fratrem nostrum, quem sæpe cum multis in rebus diligentem experti sumus, tum nunc longè diligentior : tanta est de vobis confidentia.

23 Quòd sive Titus spectetur, socius meus est, & ad vos collega : sive fratres nostri, Apostoli sunt ecclesiarum, gloria Christi.

24 Quapropter & amoris vestri, & nostræ de vobis gloriationis specimen datote erga eos, & in ecclesiarum conspectu.

CAPUT IX.

Cum de eorum voluntate bene sentiens, illis tamen adhortandis sedulo incumbat, rationem adducit, & sementi elemosynas comparat, quam Deus rependit magno fœnore.

NAM de officio erga sanctos, ad vos scribere mihi supervacaneum est.

2 Novi enim alacritatem vestram, de qua vestro nomine glorior apud Macedones, Achaiam ab anno superiore paratam esse : quæ vestri æmulatio plerisque excitavit.

3 Ideo autem fratres mihi, ne nostra de vobis gloriatio vana sit in hac parte : ut (quemadmodum dicebam) sitis parati :

4 ne, si mecum venerint Macedones, & vos offenderint imparatos, pudeat nos (ne dicamus vos) in hoc gloriationis argumento.

5 Itaque necessarium putavi, fratres

fratres hortari, ut ad vos præirent, & jam divulgatam vestram liberalitatem ita præpararent, ut parata foret: sic tamen, ut liberalitas, non ut profusio.

6 Cæterum & qui parcè seret, parcè etiam metet: & qui largè seret, largè etiam metet:

7 prout quisque animo destinauit, non ægrè, aut invitus: hilarum enim datorem amat Deus.

8 Potest autem Deus adedò vos omni beneficio cumulare, ut omnibus in rebus omnino quod satis sit habentes, abundetis ad omnia rectè facta,

9 quemadmodum scriptum extat: Cum dispergat, & pauperibus largiatur, ejus liberalitas manet æterna.

10 Qui verò serenti, & semen & panem ad victum suppeditat, is vobis semen suppediter, multiplicetque, ac vestræ liberalitatis proventus sic augeat,

11 ut omnibus summa cum simplicitate circumfluatis, quæ efficiat per nos ut agantur gratiæ Deo.

12 Siquidem hujus muneris officium ejusmodi est, ut non solum sanctorum egestates suppleat: verum insuper hoc tam probando officio in causa sit, ut multi Deo gratias agant,

13 Deum collaudantes, tum ob vestram, qui in Christi Evangelium concordēs sitis, obedientiam, & simplicem in eos inque omnes largitatem:

14 tum ob eorum vota de vobis, qui propter singularem Dei in vos favorem, vestri sint cupidi.

15 Gratia Deo, de ejus dono ineffabili.

CAPUT. X.

Qua fiducia, quibus armis, qua vindicta sit instructus adversus improborum calumnias ostendit, sequē presentem non minus virtutis habere in operibus quàm absens gravitatis in verbis.

dit, sequē presentem non minus virtutis habere in operibus quàm absens gravitatis in verbis.

Ille ego Paulus vos exhortor per Christi lenitatem ac mansuetudinem, qui præsens quidem apud vos humilis, absens verò sum in vos confidens.

2 Rogo autem, ut detis operam, ne mihi præsenti sit audendum confidentia, qua audere cogito in quosdam, qui nos perinde habent, ac si secundum carnem gradiamur.

3 Nam in carne gradientes, non secundum carnem militamus.

4 Arma enim militiæ nostræ non carnalia sunt, sed divini potentia, ad munitionum demolitionem:

5 quibus armis cogitationes deturbamus, & omnem sublimitatem elatam contra Dei cognitionem, omnemque mentem ad obediendum Christo cogimus.

6 Et omnem ulcisci contumaciam sumus parati, cum completa fuerit vestra obedientia.

7 Rerum speciem spectatis? Si quis sibi persuaserit, se esse Christi: hoc rursus per sese cogitet, ut ipse Christi est, sic nos quoque esse Christi.

8 Etsi enim paulo amplius de potestate nostra gloriē, quam nobis Dominus ad vos struendos non destruendos dedit, non me pudebit,

9 ne videar vos per epistolas terrere conari,

10 quod epistolæ quidem (inquit) graves fortesque sunt, at corporis præsentia imbecilla, oratioque abjecta est.

11 Hoc cogitet ille, quales oratione per epistolas sumus absentes, tales re etiam præsentes esse.

12 Nec enim ausimus comparare aut conferre nos cum quibusdam, qui sese commendant illi quidem, sed ipsos se in se ipsis metiri, seque sibi comparare non intelligunt.

13 Nos verò non immodicè gloriabimur, sed ex modo regulæ, quem Deus nobis eum tribuit, ut etiam ad vos usque pertingamus.

14 Non enim quasi ad vos non pertingamus, nos nimis extendimus: nam ad vos etiam pervenimus Evangelio Christi, non supra modum gloriantes in alienis laboribus:

15 spem habentes, fore, ut crescente in vobis vestra fide, usque adeò amplificemur ex nostra norma,

16 ut ultra vestros fines doceamus Evangelium: non aliena norma, de eis quæ sunt in promptu, gloriando,

17 Qui verò gloriatur, in Domino gloriatur.

18 Non enim qui seipsum commendat, probandus est, sed quem Dominus commendat.

CAPUT XI.

Ingenti se erga Corinthios amore cogi testatur, ut laudes suas depradicet. Gratuitam illis suam operam impendisse, ne qua in re superiores essent pseudopostoli: quos longè antecellere recenset in iis qua vera sunt laudis.

UTinam paululum aliquid meæ stultitiæ ferretis: & verò ferte me:

2 vobis enim obrecto divina obrectatione, quippe quos uni viro desponderim, virginem castam Christo tradendam.

3 Sed vereor ne fortè, ut serpens Evam sua astutia decepit, sic vestræ mentes à simplicitate,

quæ esse debet in Christianis, corruptæ defleant.

4 Quòd si veniret qui alium Jesum prædicaret, quàm quem nos prædicavimus: aut si alium spiritum acciperetis, quàm quem accepistis: aut aliud Evangelium, quàm quod admistis, rectè illum ferretis.

5 Ego verò me existimo nihilo inferiorem fuisse vel summis Apostolis.

6 Quòd si oratione imperitus sum, at non scientia: quin in omnibus omnino apud vos rebus patuimus.

7 An peccatum admisi, meipsum demittens, ut vos extolleremini, quod vos gratis divinum Evangelium docui?

8 Alias ecclesias diripui, accipiendo ad vobis inserviendum stipendio?

9 & præsens apud vos, & egens, neminem tamen exuli. Nam egestati meæ subvenièrè fratres, qui ex Macedonia venerant: itaque omnibus in rebus, ne vobis oneri essem & cavi, & cavebo.

10 Hoc per Christum verè confirmo, non me commissurum esse, ut hac gloriatione excludar in Achaïæ tractibus.

11 Quamobrem? an quia non amo vos? Scit Deus.

12 Ac quod facio, facturussque sum, id facio ut occasionem mihi adimam, qui occasionem captant, quò sibi in quo gloriantur, suppetat, quemadmodum & nobis.

13 Sunt enim istiusmodi falsi apostoli, fallaces operarii, qui in Christi Apostolos transformantur.

14 Nec mirum, cùm ipse Satan transformetur in lucis angelum.

15 Itaque non magnum est,

fi ejus quoque ministri sic transfigurantur, ut justitiæ ministri esse videantur: quos quidem dignus eorum factis exitus manet.

16 Iterum dicam: Nemo me dementem esse putet. Sin aliquis putat, vel ut dementem admittite me, ut ego quoque paululum me jactem.

17 Quod dico, non ut Domino dignum est dico, sed ut per dementiam in hac gloriationis materia.

18 Quandoquidem multi humano more se jactant, ego quoque me jactabo:

19 quoniam vos libenter dementes fertis, ipsi prudentes.

20 Fertis enim, si quis vobis serviliter abutitur, si quis vos exest, si quis dona accipit, si quis sese effert, si quis vos in os cædit.

21 Indecorè dicam: quasi verò nos nequeamus. Quin si quid est, in quo quisquam audeat (insipienter dicam) ausim & ego.

22 Hebræi sunt, & ego: Israëlitiæ sunt, & ego: Abrahami progenies sunt, & ego:

23 Christi ministri sunt (desipiens dicam) ego magis: in laboribus amplius, in plagis plus: in custodiis amplius, in mortibus sæpenumero.

24 A Judæis quinquies undequadragenis plagis affectus sum: ter verberatus, semel lapidatus.

25 Ter naufragium feci: noctem & diem in profundo egi:

26 sæpe versatus in itineribus, in periculis fluminum, periculis latronum, periculis à meis civibus, periculis ab extraneis, periculis in urbe, periculis in solitudine, periculis in mari, periculis in falsis fratribus,

27 in labore & fatigatione, in vigiliis sæpenumero, in fame &

siti, in jejuniis frequenter, in frigore & nuditate:

28 præter cætera, quæ me quotidiana distinent, videlicet omnium ecclesiarum cura.

29 Quis æger est, quin ego sim æger? quis offenditur, quin ego urar?

30 Si gloriandum est, de imbecillitate mea gloriabor.

31 Scit Deus & pater Domini nostri Jesu Christi, qui est collaudandus in sempiternum, me non mentiri.

32 Damasci præfectus regis Aretæ, Damascenorum urbem custodiebat, capere me volens.

33 Itaque per fenestram in calatho demissus sum per murum: atque ita ejus manus effugi.

CAPUT XII.

Invitus recenset revelationes divinitus sibi factas, ob quas cum verè gloriari possit, non velit infirmitatum suarum conficius, sed hanc sibi necessitatem ineptiendi ipsos injicere, dum se addicunt ambitiosis hominibus, per quos à Christo alienantur.

GLoriari sanè mihi non expedit: veniam enim ad visiones, & Domini patefactiones.

2 Novi hominem Christianum, ante annos quatuordecim (an in corpore, an extra corpus, nescio: scit Deus) hunc, inquam, raptum ad tertium usque cælum.

3 Et scio, eum hominem (an in corpore, an extra corpus, nescio: scit Deus)

4 raptum esse in Paradisum, & audivisse arcana verba, quæ homini eloqui nefas.

5 De hujusmodi homine gloriabor: de me verò non gloria-
bor, nisi in meis infirmitatibus.

6 Quod si vellem gloriari,
non

non essem equidem amens: utpote qui verum dicerem. Sed parco, ne quis de me existimet supra quàm esse me videt, aut ex me audit aliquid.

7 Ac ne ob patefactionum præstantiam me nimis efferam, appositus est mihi stimulus carni, angelus Satanæ, qui me tundat, ne nimis efferar.

8 De eo ter Dominum oravi, ut is à me facefferet.

9 Sed ille mihi sic dixit: Satis est tibi mea gratia, nam mea fortitudo in imbecillitate perficitur. Itaque multo libentissimè gloriabor in meis debilitatibus, ut habitet in me fortitudo Christi.

10 Proinde mihi placeo in debilitatibus, in contumeliis, in rebus adversis, in vexationibus, in angustiis pro Christo. Dum enim debilis sum, tum fortis sum.

11 Amens fui, qui gloriatus sim: vos me coegistis, cum deberem ego à vobis commendari. Nihilo enim inferior fui vel summis Apostolis, tametsi nihil sum.

12 Specimina, quidem Apostoli edita sunt apud vos, in summa patientia, in prodigiis & miraculis ac portentis.

13 Quid enim est in quo superati sitis à cæteris ecclesiis, nisi quòd ego vos non exuxi? Condonate mihi hanc injuriam.

14 Jam tertium paratus sum visere vos, neque tamen vos exugam. Non enim vestra, sed vos expeto. Nec enim debent liberi parentibus congerere, sed parentes liberis.

15 Ego verò libentissimè & infumam & infumar pro vestris animis, quamvis vos majorem in modum amans, minus redamer.

16 Sed esto, ego vos non gravavi: sed vaser, credo, dolo vos cepi.

17 Num quis est eorum, quos ad vos misi, per quem vos circumvenerim?

18 Hortatus sum Titum, & unà legavi fratrem: nunquid vos circumvenit Titus? Nonne eodem animo, nonne iisdem vestigiis ingressi sumus?

19 An rursus putatis, vobis excusare nos? In Dei conspectu per Christum loquimur, & omnia, ô charissimi, pro vestra utilitate facimus.

20 Vereor enim, ne fortè cùm venero, & ego vos non quales vellem inveniam, & ipse vobis qualem non velleris inveniar: ne fortè sint lites, æmulationes, iræ, jurgia, maledicta, susurri, tumores, inconstantia.

21 ne rursus ad vos ubi venero, affligat me Deus meus, multosque deplem, qui antè peccaverint, nec ab ea, cui operam dederint, turpitudine, stupro & libidine destiterint.

CAPUT XIII.

Tertio adveniens, severiorem vinctam illis denunciat, qui ipsa experti sunt virtutem Christi in suo Apostolatu. Optat tandem ut resipiscant, & fausta illis precatur.

JAM tertio venturus sum ad vos: ex duorum triumve testium ore decerneretur de omni re.

2 Et prædixi, & prædico: ac sicuti dum iterum aderam, nunc absens scribo, iis qui antè peccaverint, cæterisque omnibus, me si rursus venero, non esse parsurum,

3 quandoquidem experimentum petitis loquentis in me Christi: qui erga vos debilis non est, sed pollet in vobis.

4 Nam si per debilitatem crucifixus est, at vivit per Dei potentiam. Etenim nos quoque debiles in eo sumus : sed vivemus cum eo per Dei in nos potentiam.

5 Vosipsum pertentate, an sitis fide præditi : vosipsum explorete. An non vosipsum eos agnoscitis, in quibus sit Jesus Christus ? nisi forte rejectanei estis.

6 Spero equidem futurum ut nos non esse rejectaneos intelligatis.

7 Faxit Deus, ut nihil mali faciatis : non ut nos accepti esse videamur, sed ut vobis rectè facientibus, nos rejectanei esse videamur.

8 Nec enim quicquam possumus contra veritatem, sed pro veritate.

9 Gaudemus enim, cum & nos debiles, & vos fortes estis. Hoc

equidem optamus, vos esse bene comparatos.

10 Propterea hæc absens scribo, ne præsentem mihi severè sit utendum potestate, quam mihi Dominus ad juvandum, non ad officiendum, dedit.

11 Cæterum, fratres, gaudete, comparate vos, confirmamini, idem sentite, pacem agite, & Deus amoris atque pacis vobis aderit.

12 Salutate inter vos osculo sancto. Salutant vos sancti omnes.

13 Domini Jesu Christi gratia, & Dei amor, & sancti spiritus communio vobis adsit omnibus. Amen.

Ad Corinthios secunda scripta est Philippis Macedonia, missa per Titum & Lucam.

PAULI APOSTOLI

EPISTOLA AD

GALATAS.

CAPUT I.

*Post inscriptionem, subjungit ob-
jurgationem, Galatas accusans
defectionis, à suo Evangelio,
quod à Deo accepit, antequam
cum ullo Apostolorum contu-
lisset.*

PAULUS Apostolus, non ab hominibus, neque per hominem, sed per Jesum Christum, & Deum patrem, qui me excitavit ex mortuis,

2 & mei comites omnes fratres, ecclesiis Galatiæ,

3 gratiam & pacem à Deo patre, & Domino nostro Jesu Christo,

4 qui seipsum pro nostris peccatis dedit, ut nos eriperet, ex instante seculo malo, de voluntate Dei, patrisque nostri,

5 cui gloria in omnem perennitatem, Amen.

6 Miror, vos tam citò ab eo, qui vos in Christi beneficio vocavit, traduci ad aliud Evangelium :

7 quanquam nullum est aliud, nisi quod sunt quidam qui vos

vos turbant, & Christi Evangelium pervertere volunt.

8 Verum etiam si nos aut celestis angelus, vos diversum doceat ab eo quod vos docuimus, esto detestabilis.

9 Ut jam diximus, nunc iterum dicam, si quis vos diversum docet, ab eo quod accepistis, esto detestabilis.

10 Nam utrum tandem homines persuadeo, an Deum? num hominibus placere conor? Nam si jam hominibus placerem, Christi servus non essem.

11 Hoc autem vobis declaro, fratres, traditum à me Evangelium, non esse humanum.

12 Nec enim ego id ab homine accepi, aut didici, sed patefaciente Jesu Christo.

13 Audivistis enim, quomodo aliquando versatus sum in Judaismo: quàm immodicè divinam infestarem ac depopularer Ecclesiam,

14 & meæ nationis æquales meos Judaismi profectu longè superarem, mearum patriarum institutionum faciliè studiosissimus.

15 Sed simulac Deo, (qui me à matris utero destinavit, & pro suo favore vocavit,)

16 suum filium in me patefacere visum est, ut eum per gentes publicarem, non quidem, cum carne & sanguine contuli,

17 neque Hierosolymam ascendendi ad Apostolos priores me: sed Arabiam petii, & rursus Damascum reverti.

18 Deinde post annos tres Hierosolymam ascendi, visendi Petri gratia, apud quem etiam mansi dies quindecim.

19 Apostolorum quidem alium nullum vidi, nisi Jacobum, Domini fratrem.

20 Ac quæ vobis scribo, te-

stor Deum, me non mentiri.

21 Postea veni in Syriæ Ciliæque tractus.

22 Eram autem ignotus facie Christianis Judææ ecclesiis.

23 Tantùm audiverant, eum, à quo aliquando infestabantur, nunc fidem quam aliquando populus esset, docere,

24 Deoque in me gratias agebant.

CAPUT II.

Nihil à suo Evangelio diversum sensisse Apostolus, incircumcisi Titus exemplo ostendit, & quod asseruerit illud adversus Petri simulationem. Inde transitum facit ad causæ tractationem, gratuito nos justificari per Christum.

Deinde post annos quatuordecim rursus ascendi Hierosolymam, cum Barnaba, assumpto etiam Tito.

2 Ascendi autem divino instinctu, & ad illos Evangelium retuli, quod apud extraneas gentes publicarem: præsertim ad illustres, ne fortè in cassum vel curerem, vel cucurrissem.

3 Quin neque Titus, meus comes, cum Græcus esset, circumcidi coactus est:

4 idque propter emissarios falsos fratres, qui sese insinuerant ad speculandum, quam haberentur in Christo Jesu libertatem, quod nos servituti subicerent:

5 quibus ne ad horam quidem parendo cessimus, ut Evangelii veritas apud vos permaneret.

6 Quod ad eos attinet, qui videntur esse aliquid, quales tandem essent, mea nihil refert: persona hominis rationem Deus non habet mihi quidem illustres nihil contulerunt.

7 Contraque videntes mihi creditum esse præputi Evangelium, quemadmodum Petro circumcisionis,

8 (nam qui in Petro id egit, ut circumcisorum esset Apostolus, idem in me quoque id egit, ut essem alienigenarum)

9 cognoscentes, inquam, collatum in me beneficium Jacobus, & Cephas, & Johannes, qui columnæ esse videbantur, dextras mihi & Barnabæ dederunt societatis, ut nos alienigenas, ipsi circumcisos instituerent,

10 dummodo pauperum memores essemus: id quod equum facere studui.

11 Cum venisset autem Petrus Antiochiam, ego ei in os testiti, quoniam reprehendendus erat.

12 Cum enim, antequam venissent à Jacobo quidam, cum alienigenis epularetur, postquam illi advenerunt, inhibuit, seque abduxit, circumcisos veritus.

13 Itaque unà cum eo simulant etiam reliqui Judæi, adeò et Barnabas quoque ad eorum simulationem abduceretur.

14 Ego verò, qui viderem eos non recto pede incedere ad Evangelii veritatem, dixi Petro oram omnibus: Si tu Judæus alienigenarum more vivis, non adæorum, cur alienigenas judicare cogis?

15 Nos natura Judæi, non ex alienigenis fontes,

16 scientes hominem non legis operibus justum fieri, sed tantum fide in Jesu Christo collocanda, nos quoque, inquam, idem adhibuimus Christo Jesu, ut justi fieremus Christi fide, non legis operibus: quoniam legis operibus mortalium nemo justus her.

17 Quòd si studentes per Christum justi fieri, reperimur tamen ipsi quoque fontes, ergo Christus peccati minister est? id quod absit.

18 Atqui si quæ abolevi, eadem redintegro, fontem me præbeo.

19 Ego enim per legem legi mortuus sum, ut Deo viverem:

20 crucifixus sum cum Christo. Vivo autem, non jam ego, sed vivit in me Christus. Quòd verò nunc in carne vivo, fide vivo filii Dei, qui me adeò amavit, ut seipsum pro me dederet.

21 Non repudio Dei beneficium. Nam si in lege posita est justitia, ergo Christus frustra mortuus est.

CAPUT III.

Exprobrat quod se abduci passi sint ab expressa illis ad vivum in Christo justificationis gratia, Abrahæ exemplum adducit, effectum, & causas latæ legis exponens.

O Dementes Galatæ, quis vos fascinavit, ut veritati non obtemperetis? quibus ob oculos Jesus Christus antea depictus fuit, apud vos crucifixus.

2 Hoc tantum volo à vobis discere, per legis opera spiritum acceperitis, an per orationem fidei.

3 Adeòne dementes estis, ut à spiritu exorsi, nunc in carnem desinetis?

4 Tanta passi estis frustra? si tamen frustra.

5 Utrumne qui vobis spiritum suggessit, & apud vos portentosa recit, id per legis opera fecit, an per orationem fidei?

6 Quemadmodum Abrahamus Deo credidit, id quod ei iustitiz ductum est.

7 Ergo cognoscite, qui sunt à fide, eos Abrahami filios esse.

8 Prævidentes autem literæ, Deum per fidem justificaturum esse gentes, antè denunciaverunt Abrahamo, in eo beandas esse gentes omnes.

9 Itaque qui à fide sunt, in nà cum fidente Abrahamo beantur.

10 Quicumque enim sunt à legis operibus, execrationi subiecti sunt. Scriptum est enim, execrabilem esse quicumque non steterit omnibus in legis libro scriptis, eaque præstiterit.

11 Neminem autem lege fieri justum apud Deum, hinc perspicuum est, quòd justus per fidem vivet.

12 Atqui lex non est ex fide, sed qui homo illa fecerit, per ea vivet.

13 Christus nos à legis execratione asseruit, factus pro nobis execratio. Scriptum est enim, execrabilem esse, quisquis ex patibulo pendeat;

14 ut ad gentes felicitas Abrahamica perveniat per Christum Jesum, ut spiritus promissum adipiscamur per fidem.

15 Fratres, humana loquor. Quamvis hominis sancitum pactum, nemo tamen repudiat, aut immutat.

16 Abrahamo autem promissa sunt illa, & ejus semini. Non dicit, Et feminibus, quasi de multis, sed ut de uno: Et semini tuo, qui Christus est.

17 Hoc autem dico: Fœdus à Deo sanctum, spectans in Christum, lex quæ post annos quadringentos triginta fuit, non antiquat, ita ut promissionem rescindat.

18 Atqui si à lege pendet hæreditas, non jam pendet à pro-

missio, & tamen Abrahamo per promissum donavit Deus.

19 Quorsum ergo lex? delictorum causa adjecta est, donec veniret semen, cui promissum erat: instituta per angelos, lata per sequestrem,

20 sequester autem unius non est. Atqui Deus unus est.

21 Ergone lex est contraria Dei promissis? Nequaquam. Si enim data lex esset, quæ vitam conferre posset, planè in lege sita foret justitia.

22 Sed concluderunt literæ omnia sub peccatum, ut promissum per Christi Jesu fidem daretur fidentibus.

23 Antequam autem venisset fides, sub lege custodiebamur, conclusi ad fidem, quæ patefacienda erat.

24 Itaque lex pædagogus noster fuit ad Christum, ut fide justii fieremus.

25 Postquam autem venit fides, non jam sub pædagogo sumus.

26 Omnes enim Dei filii estis, fide Christo Jesu habenda.

27 Nam quicumque baptizati estis, Christum induistis.

28 Non est neque Judæus, neque Græcus: non est neque servus, neque liber: non est vel mas vel femina. Nam vos omnes idem estis in Christo Jesu.

29 Quòd si vos Christi estis, ergo Abrahami semen estis, & ex promisso hæredes.

CAPUT IV.

At tutela Legis emancipatos, Christi adventu qui ejus est finis, absurdum est ad egenas suspensiones relabi. Revocat ergo eos ad puritatem doctrinae Evangelii, & pulchra allegoria suam dissertationem ornatur.

SIC autem dico: Quandiu hæres puer est, nihil differt à servo, & tamen est omnium dominus:

2 sed sub tutoribus & dispensatoribus est, usque ad prænitium à patre tempus.

3 Similiter & nos, cum pueri essemus, sub mundanis rudimentis eramus emancipati.

4 Sed postquam plenum tempus advenit, misit Deus filium suum, ex muliere natum, qui sub lege fuit,

5 ut legi subditos redimeret, quo adoptionem adipisceremur.

6 Et quoniam filii estis, misit Deus filii sui spiritum in vestros animos, qui clamer, Abba pater.

7 Itaque non jam servus es, sed filius: quòd si filius, etiam hæres Dei per Christum.

8 Sed tum quidem ignorantes Deum, servivistis eis, qui natura dii non sunt.

9 At nunc Deum cognoscetes, vel potius à Deo cogniti, qui fit ut vos rursus ad infirma egenaque rudimenta convertatis, quibus rursus de integro servire vultis?

10 Dies observatis, & menses, & tempora, & annos.

11 Metuo equidem vobis, ne frustra in vobis laboraverim.

12 Este mei similes, quoniam & ego sum vestri: Fratres, oro vos. Nullam mihi fecistis injuriam.

13 Scitis autem quanta cum carnis infirmitate vos antea instituerim.

14 & tamen mei tentationem, quam in carne pertuli, tantum absuit ut repudiaretis, aut respueretur, ut me ceu Dei angelum, ceu Christum ipsam Jesum, acceperitis.

15 Quæ ergo est beatitudo vestra? Testor enim, vos, si fieri potuisset, vestros oculos effosuros, & mihi daturos fuisse.

16 Ergone vester inimicus factus sum, vera vobis dicendo?

17 Ambiunt vos, non rectè: nam excludere nos volunt, ut se æmulemini.

18 Deceret autem æmulari in re bona semper, non solum me apud vos præsentem.

19 Filioli mei, quos iterum parturio, donec formetur in vobis Christus:

20 Vellem equidem nunc apud vos adesse, vocemque meam mutare, quoniam in vobis dubito.

21 Dicite mihi, qui sub lege esse vultis, legem non auditis?

22 Scriptum est enim Abrahamum duos habuisse filios, unum ex ancilla, alterum ex libera:

23 quorum, ancillæ filius humano more natus est, liberæ autem filius ex promisso:

24 quæ res aliud significant. Nam eæ sunt duo fœdera. Unum à monte Sina, in servitutem gignens, videlicet Agar:

25 nam Agar, Sina mons est in Arabia, qui cum ea quæ nunc est Hierosolyma congruit, quippe quæ unà cum suis serviat.

26 At superior Hierosolyma libera est, quæ mater est omnium nostrum.

27 Scriptum est enim; Lætare sterilis, quæ non paris: erumpe in clamorem, quæ non eniteris: Nam plures futuri sunt desertæ nati, quam virum habentis.

28 Nos verò fratres, quemadmodum Isaacus, promissionis nati sumus.

29 Sed ut tunc qui humani-

rus erat genitus, genitum divinitus infestabat: ita fit etiam nunc.

30 Verum quid aiunt literæ? Ejice ancillam ejusque filium: non enim hæres erit ancillæ filius cum liberæ filio,

31 Ergo fratres, non ancillæ nati sumus, sed liberæ.

C A P U T V.

Quia ex libera ortos esse dixit, admonet quantum sit pretium tanta libertatis, qualiter ea sit utendum, ut spiritui obediant, resistent carni.

Quamobrem in libertate, in quam Christus nos asseruit, stete, & nolite rursus jugo servitutis teneri.

2 En ego Paulus vobis dico, si circumcidemini, Christus nihil vobis proderit.

3 Hoc item confirmo omni homini, qui circumciditur, eum debere toti parere legi.

4 Nihil rei vobis cum Christo est: qui in lege positam habetis justitiam, ex beneficio excidistis.

5 Nos enim spiritu per fidem à spe justitiæ pendemus.

6 Nam in Christo Jesu neque circumcisio quicquam valet, neque præputium, sed fides per charitatem operans.

7 Currebatis bene: quis vos impedivit quo minus veritati obtemperaretis?

8 Ista persuasio non ab eo est qui vos vocavit.

9 Paulum fermenti totam massam fermentat.

10 Equidem hoc mihi de vobis per Dominum persuasi, vos omnino non aliter animatos fore. Verum qui vos turbat, dabit penas, quisquis est.

11 Ego quidem, fratres, si adhuc circumcisionem prædico.

qui sit ut tamen infester? Si ita esset, non esset ea quæ est crucis offensio.

12 O utinam excidantur, qui vos inquietant.

13 Vos enim ad libertatem vocati estis, fratres: modò ne libertate ad libidinem abutamini, sed per charitatem alius alii serviat.

14 Nam tota lex in uno dicto comprehenditur, videlicet, Alterum ut te ipsum diligito.

15 Quòd si alii alios mordetis ac exeditis, videte ne alii ab aliis consumamini.

16 Dico autem, obtemperate spiritui, neve carnis cupiditatem exequimini.

17 Caro enim, contrà quam spiritus, & spiritus contrà quam caro concupiscit. Atque hæc ita sunt inter sese contraria, ut non quæ velitis, ea faciatis,

18 Quòd si spiritu agimini, non estis sub lege.

19 Sunt autem manifesta carnis opera, videlicet adulterium, stuprum, impuritas, salacitas,

20 deastrorum cultus, veneficiū, inimicitia, lis, æmulationes, iracundia, contentiones, seditiones, sectæ,

21 invidia, homicidia, ebrietates, comestationes, & his similia: quæ qui faciunt (hoc vobis prædico, quemadmodum jam prædixi) in divinum regnum non obtinebunt.

22 At spiritus fructus, est charitas, gaudium, pax, clementia, benignitas, bonitas, fides, lenitas, continentia. Contra talia non est lex.

23 Qui sunt autem Christi, carnem unà cum libidinibus & cupiditatibus crucifixerunt.

24 Si spiritu vivimus, etiam spiritu gradiamur.

25 ne simus gloriosi, invicem provocantes, invicem invidentes.

CAPUT VI.

Agit jam in specie de charitate erga delinquentes & lapsos, erga ministros verbi, erga domesticos fidei, non quemadmodum falsi Legis zelatores, qui in carne mutilata gloriantur, non autem in cruce Christi.

Fratres, si quis aliquo delicto anticipatus fuerit, vos enim, qui spirituales estis, reficite cum animi comitate, aspicientes vosipsos, ne vos quoque tentemini.

2 Alii aliorum onera ferte, atque ita Christi lege perfungimini.

3 Nam si quis sibi videtur esse aliquid, cum nihil sit, ipse se animo fallit.

4 Exploret autem suum quisque opus, ita demum in seipso tantum quod gloriatur habebit, non in altero:

5 Nam suum quisque feret onus.

6 Communicet autem qui doctrina eruditur, cum eo à quo eruditur, omnia bona.

7 Ne errate. Deus non eludatur: nam quod quisque severit, idem metet:

8 siquidem qui in suam carnem severit, ex carne metet interitum. Qui verò in spiritu severit, ex spiritu vitam metet sempiternam.

9 Nolumus autem rectè faciendo defethisci, nam nostro tempore metemus, non defatigandi.

10 Ergo ut tempus habemus beneficiamus, cum omnibus, tum maximè fidei domesticis.

11 Videte quantis vobis literis scripserim mea manu.

12 Quicumque se in carne pulchra specie venditant, ii vos circumcidi cogunt, tantum ut Christi cruce non infestentur.

13 Nam ne ipsi quidem, qui circumciduntur, legi parent: sed ideo vos circumcidi volunt, ut in vestra carne glorientur.

14 At mihi gloriari ne sit, nisi in cruce Domini nostri Jesu Christi, per quem & mundus mihi crucifixus est, & ego mundo.

15 Etenim in Christo Jesu neque circumcisio quicquam valet, neque præputium, sed nova creatura.

16 Et quicumque ad hanc normam se gerent, iis pax & misericordia tribuetur, unà cum divinis Israelitis.

17 Deinceps nemo mihi negotia facessat: ego enim Domini nostri Jesu Christi notas in corpore meo gesto.

18 Domini nostri Jesu Christi gratia adsit animis vestris, fratres. Amen.

Ad Galatas scripta est Roma,

PAULI APOSTOLI

EPISTOLA AD

EPHESIOS.

CAPUT I.

Post salutationem, de gratuita Dii electione, & adoptione differit, à qua solus hominum tanquam ex vero & nativo fonte manat. Et quia tam sublime arcanum capi non potest, precatur, ut ad plenam Christi cognitionem Ephesios Deus adducat.

Paulus Apostolus Jesu Christi, de Dei voluntate, sanctis omnibus, qui sunt Ephesi, & adentibus per Christum Jesum,

2 gratiam & pacem à Deo patre nostro, & Domino Jesu Christo.

3 Concelebrandus Deus, & pater Domini nostri Jesu Christi, qui nos felicitavit omni ubertate divina, in rebus Christi celestibus :

4 quemadmodum nos in eo elegerat ante orbem conditum, ut essemus in suo conspectu sancti & inculpato, charitate præditi.

5 Destinaverat enim nos adoptioni per Jesum Christum, in eundem, pro suæ voluntatis arbitrio,

6 ad laudem suæ gloriosæ beneficentiæ, qua nos acceptos reddidit per suum charissimum,

7 in quo liberationem habemus per ejus sanguinem, videlicet delictorum veniam, pro ejus tam divite beneficentia,

8 qua erga nos tam large usus est, summa cum sapientia atque prudentia,

9 declarando nobis arcanum

suæ voluntatis. Atque id fecit, quoniam sic ei visum est, ut ipse secum statuerat dispensanda esse tempora, cum peracta forent,

10 omniaque in Christo summatim comprehendenda, tum celestia tum terrestria.

11 In Christo, inquam, in quo nos in sortem asciti sumus, destinati decreto efficientis omnia suæ voluntatis arbitratu,

12 ut ei laudi simus ac gloriæ, nos, qui spem in Christo collocavimus :

13 in quo eodem vos quoque spem collocastis, audita veritatis oratione, hoc est, vestræ salutis Evangelio, cui fidem habendo, consignati estis sancto spiritu promissionis,

14 qui pignus est hæreditatis nostræ, ad asserendam partam possessionem, quæ res ei gloriosam laudem pariat.

15 Propterea ego vestram fiduciam in Domino Jesu collocatam, & amorem erga omnes sanctos audiens,

16 non intermitto gratias de vobis agere, vestri mentionem faciens in meis precibus,

17 ut Domini nostri Jesu Christi Deus, gloriæ pater, vos sapientiæ & patefactionis autore spiritu donet, quo eum cognoscatis,

18 illustratis vestræ mentis oculis, ut sciatis quid sperandum sit vocatis ab eo & quam locuples, gloriosaq; sit ejus hæreditas destinata sanctis,

19 & quàm excellens sit ejus in nos fidentes potentia magnitudo,

20 quam pro sui egregii corporis virtute exeruit in Christo, eum ex mortuis suscitando.

21 Atque is Christus illi dexter affedit, in cœlestibus, supra omnem principatum & potestatem, & potentiam, & dominatum, supraq; omne nomen quod dominatur non solum in hoc seculo, verumetiam in futuro.

22 Et ille ejus pedibus omnia subjecit, eumque supra omnia Ecclesiæ,

23 (quæ ejus corpus est) delit caput complementum omnia complementis in omnibus.

CAPUT II.

Ut gratia magnitudinem ex comparatione amplifcet, reducit illis in memoriam, quod exilio prorsus addicti, gratia sint servati, & propinqui facti, reconciliatione per Christum facta, & per Evangelium publicata.

VOS quidem mortui fuistis delictis & peccatis,

2 in quibus aliquando versati estis, ut est hujus mundi vita, ad principis aëreæ potestatis arbitrium, videlicet spiritus, qui nunc in contumacibus viget hominibus.

3 In iisdem peccatis nos quoq; omnes versati sumus aliquando, in nostræ carnis cupiditatibus facientes quæ vellent caro atque cogitationes: fuimusque natura digni supplicio, sicut & cæteri.

4 Verum Deus, misericordia dives, tanta nos charitate complexus est,

5 ut cum delictis essemus mortui, revocaverit nos in vitam, unâ cum Christo (estis beneficio servati.)

6 simulque suscitaverit, &

in Christo Jesu in cœlestibus collocaverit,

7 ut ostendat in futuris seculis suam tam divitem beneficentiam, quæ pro sua benignitate usus est in nos in Christo Jesu.

8 Nam beneficio servati estis per fiduciam, idq; non ex vobis.

9 Dei donum est, non ex factis, ne quis se jactet.

10 Ejus enim sumus opus conditi in Christo Jesu, ad rectè facta, quæ præparavit Deus, ut in eis versæremur.

11 Quamobrem mementore vos aliquando carne alienigenas (qui præputium vocamini, ab ea quæ circumcisio dicitur, in corpore manu facta.)

12 vos inquam, in illo tempore fuisse sine Christo, ab Israelitica republica alienos, fœderibus promissionis carentes, spem non habentes, & Dei expertes in mundo.

13 At nunc in Christo Jesu vos, qui aliquando aberatis, factum est ut aditis per Christi sanguinem.

14 Is est enim pax nostra, qui ex ambobus unum fecit, septiq; interstitium abruptit,

15 & inimicitias, legem præceptorum in placitis positam, in sua carne abolevit, ut in sese ex duorum conderet unum novum hominem, faciendo pacem.

16 & ambos uno in corpore reconciliaret Deo per crucem, peremptis in ea inimiciis.

17 Venit autem pacem nunciatum & vobis qui aberatis, & iis qui aderant.

18 Siquidem per eum aditum habemus utrique, per unum spiritum, ad patrem.

19 Ergo non jam peregrini estis, & inquilini, sed sanctorum cives, Deique domestici,

20 super apostolorum vatum-
que fundamentum extructi, an-
guli capite ipso Jesu Christo,

21 per quod totum ædificium
compactum crescit in sanctum
templum in Domino:

22 in quo vos quoque unà æ-
dificamini ad Dei domicilium
divino afflatu.

CAPUT III.

*Ideo se dicit à Judæis multa pas-
sum, quod mysterium de Gen-
tilibus servandis Dei jussu præ-
dicaverit. Deinde rogat Ephe-
sios ne ob afflictiones quas patitur
deficiant. Ac propterea orat
Dominum, ut percipiant quan-
ta sit Christi dilectio.*

Hujus gratia ego Paulus, Jesu
Christi vinctus, propter vos
alienigenas, legatione fungor:

2 si modò audivistis Dei be-
neficii dispensationem, quod
mihi ad vos collatum est:

3 quandoquidem ille mihi di-
vinis mysterium declaravit,
quænammodum antè breviter
scripsi,

4 unde potestis legentes a-
nimadvertere meam in Christi
mysterio intelligentiam,

5 quod nullis aliis seculis de-
claratum est hominum generi,
ut nunc patefactum est sanctis
ejus apostolis ac vatribus, divina
inspiratione,

6 videlicet alienigenas esse
coheredes, & ejusdem corporis,
& participes divini promissi in
Christo per Evangelium,

7 cujus ego factus sum mini-
ster, dono divini beneficii, quod
beneficium mihi divinæ poten-
tiæ vi collatum est.

8 Mihi omnium sanctorum mi-
nimo id beneficium collatum est,
ut apud exteris gentes infinitam
Christi opulentiam publicem,

9 & omnibus perspicuum faci-
am quæ sit mysterii communio,

quod ab omni æternitate apud
Deum (qui omnia per Jesum
Christum condidit) fuit celatum,

10 ut nunc declararetur princi-
patibus & potestatibus, in coe-
lestibus per ecclesiam, tam va-
ria Dei sapientia,

11 quemadmodum & ab omni
ævo decreverat, & in Christo
Jesu Domino nostro præstitit,

12 in quo habemus audaciam,
atque aditum, confessione quæ est
in fide ei habenda.

13 Quamobrem peto, ne ani-
mos dispondeatis, ob eas quæ
ego pro vobis fero, calamitates,
quæ vestra gloria est.

14 Hujus gratia flecto me-
genua ad patrem Domini nostri
Jesu Christi,

15 ex quo omnis & in coelis &
in terra denominatur cognatio,

16 ut pro sua gloriosa opulen-
tia det vobis fortiter corroborari
per suum spiritum, in interiore
hominem,

17 quo habitet Christus per
fidem in vestris animis,

18 & sitis in charitate radi-
cati atque fundati, ut compre-
hendere ac cognoscere valeatis
unà cum sanctis omnibus, quàm
latè longèque, quàm altè ac sub-
limè pateat,

19 & quàm omnem cogniti-
onem excedat amor Christi, ut
omni divina perfectione sitis
perfecti.

20 Ei verò, qui ea vi, quæ
viget in nobis, potest omnia
longè longèque copiosius facere,
quàm nos poscere aut cogitare,

21 ei, inquam, gloria in Ec-
clesia per Christum Jesum in
omnem omnium seculorum per-
petuitatem, Amen.

CAPUT IV.

*Tria ultima capita præceptiones be-
moribus continent, hortatur ad*

ministri

mutuam conjunctionem, propterea varia dona à Deo conferre, ut adificetur Ecclesia. Revocat ergo eos ab infidelium vanitate, à mendacio & spurcitiæ sermonis.

EXhortor ergo vos ego propter Dominum vinctus, ut ita vos geratis, ut dignum est ista conditione, ad quam vocati estis,

2 cum omni modestia ac mansuetudine, cum patientia, ferentes alius alium cum charitate,

3 spiritus unitatem pacis vinculo tueri studentes,

4 Unum corpus, unusque spiritus, quemadmodum in unam conditionis vestræ spem estis vocati.

5 Unus Dominus, una fides, unum baptisma,

6 unus Deus & pater omnium, qui est supra omnia, & per omnia, & in omnibus.

7 Cæterum unicuique nostrum collatum est beneficium, pro portione doni Christi.

8 Itaque ascendens in sublime (inquit ille) captivos abduxit, & dona dedit hominibus.

9 Quid est autem Ascendit, nisi quod prius in imas terræ partes descenderat?

10 Qui descenderat, idem est qui supra cælos omnes ascendit, ut omnia compleret.

11 Atque is partim Apostolos, partim Vates, partim Evangelistas, partim pastores & magistros, dedit,

12 ad condendos sanctos, ad opis ministerium, ad Christi corporis extractionem,

13 donec perveniamus omnes ad unitatem fidei, cognitionisque filii Dei in virum adultum, ad modum plenæ ætatis Christianæ:

14 ne simus amplius pueri, qui omni doctrinæ vento fluctuemus ac circumferamur, hominum ver-

sutia, qua nos malitiosè ad fallendum aggrediantur.

15 sed verum tenentes cum charitate, omnino in eum adulescamus, qui caput est, videlicet Christus,

16 ex quo totum corpus omnibus (per quas efficitur administratio) commissuris compactum atque connexum, actione (quæ pro cuiusque partis modo fit) facit corporis incrementum, ad semet extruendum in charitate.

17 Hoc igitur per Dominum dico, moneoque ne deinceps vos geratis, quomodo cæteri alienigenæ se gerunt, in suæ mentis vanitate:

18 animo caligantes, à divina vita alieni, propter eam qua præditi sunt ignorantiam, propter eorum animi claritatem,

19 qui obducto callo, seipsum addixerunt libidini, ad omnem obscenitatem avidè perpetrandam.

20 At vos non ita Christum didicistis,

21 si modò eum audivistis, & ab eo (ut est in Jesu veritas) docti estis,

22 veterem hominem (qui superiores vestri fuere mores) deponere, qui fallacibus perit cupiditatibus,

23 & mentis vestræ spiritu renovari,

24 ac novum hominem induere, conditum divinitus, cum iustitia, veraque pietate.

25 Quamobrem deposita falsitate, loquimini vera alius cum alio: quandoquidem alii aliorum membra sumus.

26 Ita irascimini, ut ne peccetis: neve sol occidat iratis vobis,

27 neve locum date diabolo:

28 Qui furabatur, ne furetur amplius, sed potius manum labori

labore bona comparet, ut habeat quod egentibus impertiat.

29 Nulla vitiosa oratio ex ore vestro prodeat, sed si quæ bona est ad instructionem, qua si opus ut auditoribus beneficium conferat :

30 neve sanctum Dei spiritum contristate, quo consignati estis ad liberationis diem.

31 Omnis acerbitas, & odium, & ira, & clamoritas, & maledicentia, denique omne vitium tollatur ex vobis :

32 ac este alii in alios benigni, misericordes, condonantes inter vos, quemadmodum Deus vobis in Christo condonavit.

CAPUT V.

Et ne in vitis qua reprehendit, oscitanter suas admonitiones excipiant, severa denuntiatione eos terret, stimulos etiam adhibet, & a generali morum paratesi ad specialem uxorum & maritorum descendit.

Quapropter este imitatores Dei, ut chari filii :

2 & cum charitate vitam agite, quemadmodum Christus admaavit nos, & seipsam pro nobis dedit, ferum hostiamque Deo ad suavem odorem.

3 Stuprum verò, aut ulla obscœnitas aut avaritia, ne quidem nominetur apud vos, ut sanctos decet :

4 aut turpitudine, aut stulta oratio, aut facietia, quæ dedecent : sed potius gratiarum actio.

5 Hoc enim scitote, nullum scortatorem, aut impurum, aut avarum (qui est deastricola) habiturum esse hæreditatem in Christi Deique regno.

6 Nemo vos decipiat vanis verbis : nam propter has res invadit ira Dei contumaces homines.

7 Quare nolite eorum esse socii.

8 Cum enim essetis aliquando tenebricosi, nunc lucidi estis in Domino : ut lucis homines vos gerite,

9 (est autem lucis fructus in omni bonitate ac justitia & veritate,)

10 approbantes quæ sunt accepta Deo :

11 tantumque absit ut infructuosa tenebrarum opera participetis, ut ea potius arguatis;

12 Nam quæ ab illis occulte fiant, vel dicere turpe est.

13 Omnia autem quæ arguuntur, luce patefiunt. Quicquid enim patefit, lucidum est.

14 Propterea, Expergiscere qui dormis (inquit) & surge ex mortuis, & tibi Christus affulgebit.

15 Videte igitur, ut solemter gradiamini, non ut insipientes, sed ut sapientes,

16 ementes tempus, quoniam tempora mala sunt.

17 Quocirca ne este socordes, sed intelligite quæ sit Domini voluntas :

18 neve inebriamini vino, in quo inest luxuria : sed spiritu pleni este,

19 colloquentes inter vos carminibus : Deique laudationibus & divinis cantionibus Dominum ex animo canentes, ac cantantes,

20 Deo & patri semper pro omnibus gratias agentes in nomine Domini nostri Jesu Christi :

21 alius alii obedientes cum Dei metu.

22 Vox uxores vestris parete viris, ut Domino.

23 Nam vir caput uxoris est, ut Christus Ecclesiæ caput, idemque corporis servator est.

24 Ac quemadmodum Ecclesia Christo paret, sic uxores suis viris parere debent in omnibus.

25 Vos viri amate vestras uxores

uxores, ut Christus amavit Ecclesiam, seque pro ea dedit.

26 quo eam sanctam redderet, aquæ lotionem purgatam, divinis verbis :

27 ut eam sibi præstaret gloriosam Ecclesiam, nulla macula aut ruga, aut ulla tali re præditam, sed quæ sancta inculpataque foret.

28 Sic debent amare viri suas uxores, ut sua ipsorum corpora. Qui suam uxorem amat, seipsum amat.

29 Nam nemo unquam suum corpus odit, sed id alit fovetque, ut Christus Ecclesiam :

30 cujus Christi corporis membra sumus nos ex ejus carne atque ossibus.

31 Propterea homo, relicto patre atque matre, adhærebit uxori suæ, fietque ex duobus una caro.

32 Mysterium hoc magnum est. Ego de Christo & Ecclesia dico.

33 Quamquam vestrum quoque, singulatim suam quisque uxorem sic amato, ut seipsum. Uxor autem virum revereatur.

CAPUT VI.

Subjicit præcepta de liberorum servorum, dominorum officiis.

Deinde proponit quàm acris pugna fidelibus sit proposita, quibus armis in ea utendum. Postremo Tychicum commendat.

VOS liberi obedite vestris parentibus in Domino : id enim æquum est.

2 Honora tuum patrem atque matrem, quod primum est cum promissione præceptum,

3 ut tibi benè sit, & vivas in terra diu.

4 Vos patres ne vestros iritate natos, sed eos in Domini disciplina ac monitis educate.

5 Vos servi obedite vestris

quod ad carnem attinet, dominis, timidè ac trepidè, cum animi simplicitate, tanquam ipsi Domino :

6 non ad oculum serviendo, ut hominibus placere conantes, sed ut Christi servi, Dei voluntatem obeuntes ex animo,

7 cum benevolentia, serviennes Domino, non hominibus :

8 scientes fore, ut quod quisque boni fecerit, ejus à Domino præmium reportet, sive servus, sive liber.

9 Item vos domini, vices eis reddite, remissis minis, scientes eorum & vestrum Dominum in cœlis esse, qui nihil personis tribuat.

10 Cæterum, mei fratres, convalescite in Domino, ejusque virtutis robore.

11 Induite divinam armaturam, ut possitis aggressiones sustinere diaboli :

12 Nec enim nobis lucta est adversus sanguinem & carnem, sed adversus principatus, adversus potestates, adversus mundi-potentes tenebrarum hujus sæculi, adversus spiritus malitiæ, qui sunt in rebus cœlestibus.

13 Quamobrem sumite divinam armaturam, ut adverso tempore resistere, & confectis omnibus stare possitis.

14 State igitur accincti latera veritate, & justitiæ loricam induti,

15 pedibus calceatis alacritate Evangelii pacis,

16 assumpto imprimis clypeo fiduciæ, quo omnia mali ignea tela extinguere poteritis.

17 Item salutis galeam sumite, & gladium spiritus, hoc est, divina dicta,

18 omnibus precibus ac supplicationibus, animo precantes omni

omni tempore, atque in id ipsum invigilantes summa cum perseverantia, & supplicatione, cum pro omnibus sanctis,

19 tum pro me ut mihi detur oratio, ad liberè verba faciendum, declarando Evangelii mysterio,

20 pro quo legationem obeam in catena, ut id tam ingenyè eloquar, quam debeo.

21 Ut autem vos quoque de me sciatis quid agam, omnia vobis exponit Tychicus frater charissimus, fidelique minister

in Domini negotio :

22 quem ideo ad vos misi, ut quo statu res nostræ sint cognoscatis, utque vestros confirmet animos.

23 Pacem fratribus & charitatem cum fiducia opto à Deo patre, & Domino Jesu Christo.

24 Adsit Dei gratia immortalis omnibus Dominum nostrum Jesum Christum amantibus : Amen.

Ad Ephesios missa est Roma per Tychicum.

PAULI APOSTOLI

EPISTOLA AD

PHILIPPENSES.

CAPUT I.

De pio animi sui erga Philippenses affectu testatus, de se & de suis vinculis tractat, & eos suo exemplo incitat, hortaturque ad unitatem, & patientiam.

PAULUS & TIMOTHEUS servi Jesu Christi, omnibus sanctis in Christo Jesu, qui sunt Philippis, necnon episcopis ac ministris,

2 gratiam & pacem à Deo patre nostro, & domino Jesu Christo.

3 Ago Deo meo gratias, quoties vestri venit in mentem,

4 semper in omnibus meis supplicationibus pro vobis omnibus cum lætitia supplicationem faciens,

5 quòd Evangelium hætenus à prima die participaveritis :

6 hoc fore confidens, ut qui in vobis rem bonam inchoavit, idem absolvat usque ad diem Jesu Christi,

7 quemadmodum æquum est, me hoc de vobis omnibus sentire, quòd vos in animo habeam & in vinculis meis, & in causæ dictione, & Evangelii confirmatione : vos omnes, inquam, collati in me beneficii unà participes.

8 Nam vos omnes (testis mihi Deus est) digna Jesu Christo affectione desidero :

9 atque hoc precor, ut charitate etiam magis magisque excellatis, in omni cognitione & perspicientia,

10 ut præstabilia approbetis, ut sinceri sitis, & innoxii ad Christi diem,

11 pleni justitiæ fructibus, qui per Jesum Christum ad gloriam laudemque Dei pertinent.

12 Scire autem vos volo, fratres, meos casus magis in Evangelii profectum cecidisse,

13 ut mea vincula in Christi-anitate, facta sint perspicua per totum prætorium cæterisq; cunctis:

14 adeò, ut plerique eorum qui in Domino fratres sunt, freti meis vinculis, magis audeant impavidi verba facere.

15 Et nonnulli quidem invide, ac dissentientes, nonnulli etiam quòd ita sentiant, Christum prædicant.

16 Et illi quidem, qui id cum dissidentia faciunt, Christum non castè publicant, putantes se afflictionem meis addituros vinculis.

17 Ii verò faciunt amore, scientes cum esse me, per quem defendatur Evangelium.

18 Sed quid? certè quoquomodo, sive in speciem, seu verè, Christus publicatur: id quod & gaudeo & gaudebo.

19 Scio enim hoc mihi saluti futurum per vestras preces, & spiritus Jesu Christi suppeditationem,

20 quemadmodum intentus expecto: futurumque spero, ut nulla in re confuter: sed summa cum loquendi libertate, ut semper, sic nunc quoque Christus evehatur in meo corpore, seu per vitam, seu per mortem.

21 Nam mihi & vivere Christus est, & mori lucrum.

22 Quòd si mihi in eo situs est protectus operis, si vivam in corpore, utrum eligam nescio.

23 Distrahor enim à duobus, & migrare quidem cupio, ac cum Christo esse: nam id multò melius esset.

24 Verum in corpore manere, magis necessarium est, propter vos.

25 Qua quidem re fretus, scio me mansurum, & apud vos

omnes remansurum esse ad vestrum profectum, fideique lætiti-
am,

26 quòd per me fiat, ut vos magis in Christo Jesu, vos jactare possitis, propter meum ad vos iteratum adventum.

27 Tantum dignam Christi Evangelio vitam agite, ut sive vos adibo ac videbo, sive abero, audiam eos esse vos, qui stetis in uno spiritu, uno animo, cum Evangelica fide dimicantes: nec ulla in re ab adversariis percellamini.

28 quod & illis exitii, & vobis salutis sit argumentum,

29 idque à Deo, quod vobis datum sit, non solum Christo fidem habere, verumetiam pro Christo adversa pati,

30 idem certamen habentibus, quale in me & vidistis, & nunc auditis.

CAPUT II.

Obtestatur eos ut nihil prius habeant humilitate, idque exemplo Christi. Timotheum se illis brevemissurum promittit, & moram Epaphroditii excusat.

Quamobrem si quæ est in Christo confirmatio, si quod charitatis solatium, si qua spiritus communio, si qua commiseratio ac misericordia,

2 explete meum gaudium, hoc est, ejusdem este sententia, eadem charitate præditi, unanimi-
mes, idem sentientes,

3 nihil per dissidentiam aut ostentationem, sed cum modestia, alius alium sibi præcellere existimantes:

4 non sua quisque curantes, verum etiam aliena.

5 Nam sic animati esse debetis, ut Christus Jesus,

6 qui cum in Dei forma foret, non rapinæ habuit suam cum Deo æqualitatem,

7 sed scriptum eousque ad nihilum redegit, ut sumpta servili forma, factus sit hominum similis: & figura repertus ut homo,

8 sese adeò deiecit, ut obediens fuerit usque ad mortem, & quidem mortem crucis.

9 Quapropter Deus eum summo perè extulit, & nomine donavit omnium nominum summo,

10 ut ad Jesu nomen omne se genu flectat, cœlestium & terrestrium & subterraneorum:

11 omnisque lingua confiteatur Dominum esse Jesum Christum, ad Dei patris gloriam.

12 Quamobrem mihi, charissimi, quemadmodum semper obtemperastis, non solum, ut in præsentia mea, sed nunc multò magis in absentia mea, cum metu ac tremore vestram salutem agite.

13 Deus enim is est, qui pro sua benevolentia in vobis efficit, ut & velitis & efficiatis.

14 Omnia facite sine fremitibus, pravisque cogitationibus;

15 ut irreprehensibili integritque sitis, inculpati Dei filii, in medio pravi, perversique generis hominum: quos inter micate, tanquam in mundo luminaria, vitalem doctrinam sustinentes,

16 quod mihi sit gloriationi in die Christi: quòd non nequicquam cucurrerim, neque nequicquam laboraverim.

17 Enimverò licet fidei vestrae sacrificio ac operatione immoler, gaudeo, & vobis omnibus gratulor.

18 Vos vicissim gaudete, mihi que gratulamini.

19 Spero autem fore per Dominum Jesum, ut Timotheum brevi mittam vobis, ut ego quoque recreer, cognito vestrarum rerum statu.

20 Neminem enim habeo ei parem animo, qui vestra germanè curet:

21 omnes enim suæ rei student, non Jesu Christi.

22 Ejus autem exploratam probitatem hinc cognoscite, quòd ceu patri filius, mecum unà inservivit Evangelio.

23 Hunc igitur, ut spero, mittam, simulac meis rebus prospexero.

24 Confido autem fore per Dominum, ut ego ipse brevi veniam.

25 Necessarium autem putavi, Epaphroditum fratrem & collegam, commilitonemque meum, vestrum autem apostolum, & mei muneris vicarium, ad vos mittere,

26 quandoquidem desiderabat vos omnes, de eo anxius, quòd se ægotasse audivissetis.

27 Ægotavit enim ita, ut morti proximus esset: Verum Deus ejus misertus est; nec ejus solum, sed etiam mei, ne dolorem super dolorem haberem.

28 Itaque eò avidius eum misi, ut & vos eo viso rursus gaudeatis, & ego minus doleam.

29 Quare eum excipite per Dominum, cum omni lætitia, & tales in honore habete:

30 nam propter Christi negotium eò venit, ut à mortis parum abesset, nulla habita suæ vitæ ratione, dum vestri erga me officii defectum suppleret.

CAPUT III.

Refellit inanes Pseudapostolorum jactantias, & illis unum Christum opponit, vim & naturam fidei describit, ut possit omnibus, assirent ad commendationem crucis Christi, cupit inimicos notat.

Cæterum, mei fratres, gaude-
te in Domino. Eadem vobis scribere, neque me piget,
& vobis tutum est,

2 Videte canes, videte malos
operarios, videte concisos.

3 Nosenim sumus circumcisi,
qui spiritu Deum colimus, & in
Christo Jesu gloriamur, non car-
ne freti :

4 quamquam ego carne fretus
esse possem. Si quis alius sibi
videtur in carne fiduciam habe-
re posse, ego magis,

5 circumcisos octavo die ge-
nere Israelita, tribus Benjami-
niæ, Hebræus ex Hebræis, in-
stituto Phariseus,

6 studio insectator ecclesiæ,
iustitia in lege inculpatus.

7 Sed quæ mihi lucra erant,
ea propter Christum pro damno
habui.

8 Quinimò omnia damnum
esse puto, propter cognitionis
Christi Jesu Domini mei præ-
stantiam, propter quam omnium
acturam feci, eaque pro sterco-
ribus habeo, ut Christum lucrer,

9 & mihi in eo suppetat, nec
habeam iustitiam meam, quæ à
ege pendeat, sed in fide Christo
habenda positam, pendentem à
Deo iustitiam in fide sitam,

10 eum, ejusque & resurre-
ctionis vim, & suppliciorum
communitatem cognoscendo :
lum ad ejus mortem conformor :

11 si qua ad mortuorum re-
urrectionem perveniam,

12 non quia jam consecutus
sum, aut jam perfectus, sed per-
sequor ut comprehendam, qua-
tenus à Christo Jesu sum com-
prehensus,

13 Fratres, ego me nondum
assequutum esse arbitror :

14 veruntamen quæ sunt à
ergo obliviscens, & ad anteriora

me intendens, ad scopum con-
tendo, ad palmam, ad quam su-
perne vocatus sum divinitus per
Christum Jesum.

15 Quotquot ergo perfecti
sumus, hoc sentiamus : quod si
quid aliter sentitis, id vobis pa-
refaciet Deus.

16 Interim quantum adepti
sumus, idem sentiamus, eandem
ad regulam vivamus.

17 Este mei imitatores, &
eos considerate qui ita se gerunt
ut nos exemplum habetis.

18 (Nam multi ita se gerunt
quos & sæpe vobis dixi, & nunc
plorans dico Christianæ crucis
hostes :

19 quorum exitus est exiti-
um : qui & ventrem pro Deo
habent, & gloriam sibi in sua
turpitudine collocant : qui ter-
restria sapiunt)

20 Nam nostra quidem ob-
versatio in cælis est, unde etiam
servatorem manemus Dominum
Jesum Christum,

21 qui humile nostrum corpus
sic transfigurabit, ut eandem
cum ejus glorioso corpore for-
mam habeat pro ea vi, qua ipse
sibi subicere potest omnia.

CAPUT IV.

*A particularibus monitis ad gene-
ralia descendit. Eorum liber-
tate ita quidem se fuisse exhila-
ratum dicit, ut patienter dese-
ctum liturus fuerit.*

Quamobrem, fratres mei chari-
tate desiderati, lætitia cor-
naque mea, sic stete in Domino,
ô charissimi.

2 Evodiam exhortor, & Syn-
tychen exhortor, idem ut ten-
tiant in Domino.

3 Quin tu quoque, vere so-
cie, rogo, eis opitulare, quæ
mecum certaverint in Evange-
lio, unà cum Clemente, reli-
quique

quisque meis collegis, quorum nomina sunt in libro vitæ.

4 Gaudete in Domino semper: iterum dicam, gaudete.

5 Æquitas vestra cunctis nota sit hominibus. Dominus propè adest.

6 Nihil esse solliciti, sed omni in re efficitur precibus & supplicationibus cum gratiarum actione, ut vestra postulata Deo declarentur:

7 & divina pax, omnem mentem exuperans, vestros animos ac cogitationes in Christo Jesu custodiet.

8 Cæterum, fratres, quæ vera sint, quæ gravia, quæ iusta, quæ casta, quæ amabilia, quæ fausta, si qua virtus & si qua laus est, ea cogitate,

9 quæ didicistis, & accepistis, & audivistis, & vidistis in me. Hæc agite, & Deus pacis vobis aderit.

10 Gavissus sum autem per Dominum magnopere, quod tandem aliquando reviruit vestra de me cura: tamen curam habebatis, sed opportunitate carebatis.

11 Neque propter inopiam dico: nam ego didici iis contentus esse quæ adsint.

12 Scio deprimi, scio & excellere: in omnibus ubique rebus edoctus sum & saturari & esurire, & abundare & carere.

13 Omnia possum per eum, qui me corroborat Christum.

14 Sed tamen rectè fecistis, quod calamitati meæ opitulati estis.

15 Scitis vos quidem Philippenses, initio Evangelii, cum ex Macedonia profectus essem, nullam ecclesiam mihi quicquam contulisse ad rationem expensorum & acceptorum, nisi vos solos,

16 qui mihi Thessalonicam semel atque iterum, quæ opus essent, misistis:

17 non quia dona quæram, quæro enim profectum, qui in vestram rationem redundet.

18 Habeo autem omnia, & abundo: cum latus sum, acceptis ab Epaphrodito iis, quæ misistis, qui suavis odor est, sacrificium Deo gratum, atque acceptum.

19 Deus verò meus, pro sua opulencia, quibus vobis opus erit, gloriosè cumulabit per Christum Jesum.

20 Deo autem patrique nostro gloria in perpetua seculæ Amen.

21 Salutate sanctos omnes in Christo Jesu. Salutant vos qui mecum sunt fratres.

22 Salutant vos omnes sancti, præsertim Cæsaris domestici.

23 Domini nostri Jesu Christi gratia adsit vobis omnibus Amen.

Missæ Roma per Epaphroditum.

PAULI

PAULI APOSTOLI

EPISTOLA AD

COLOSSENSIS.

CAPUT I.

Post inscriptionem, illos laudat ut attentos faciat ad se audiendum, testimonium doctrina quam ab Epaphra audierant, reddit; Divinam erga eos gratiam suis elegiis predicat, & omnes nostra salutis partes in solo Christo omnino sitas esse exponit.

PAULUS APOSTOLUS Jesu Christi, voluntate Dei, & Timotheus frater,

2 iis qui Colossis degunt sanctis fidentibus fratribus in Christo gratiam & pacem à Deo patre nostro, & Domino Jesu Christo,

3 Agimus Deo patrique Domini nostri Jesu Christi gratias, semper pro vobis orantes,

4 audita vestra in Christo Jesu fide, & amore in omnes sanctos,

5 propter ea, quæ vobis in cælis reposita sperantur, quæ antè audivistis in vera Evangelii oratione,

6 quod ad vos pervenit, quemadmodum etiam in toto orbe proficit, sicut in vobis, ex quo Dei beneficium verè audivistis ac cognovistis :

7 quemadmodum ex Epaphra didicistis, conservo nostro charissimo, qui fidus est pro vobis minister Christi,

8 qui idem nobis vestram in spiritu charitatem exposuerit.

9 Itaque nos ex quo die id

audivimus : non desinimus pro vobis orare, ac poscere, ut ejus voluntatis cognitione repleamini, cum omni sapientia, prudentiæque divina.

10 Quò sic vos geratis, ut Domino dignum est, ut ei omnino placeatis in omnibus rectè factis fructum ferentes, & in Dei cognitione crescentes,

11 summa vi convalescentes per ejus gloriosum robur, ut summa sitis patientia & clementia cum lætitia præditi.

12 Agimusque patri gratias, qui nos idoneos reddidit ad participandam sanctorum sortem in luce.

13 Qui nos ex tenebrarum potestate vindicatos, transtulit in regnum sui charissimi filii,

14 in quo filio liberationem habemus per ejus sanguinem, peccatorum veniam,

15 qui imago est inspectabilis Dei, totius rerum naturæ primogenitus,

16 utpote per quem condita sunt omnia, tum quæ in cælis, tum quæ in terra sunt: tum aspectabilia, tum inaspectabilia, & folia, & dominatus, & principatus, & potestates : Omnia & per eum, & propter eum condita sunt,

17 & is est ante omnia, & per eum constant omnia,

18 & is corporis ecclesiæ caput est,

est. Is est principium, primogenitus ex mortuis, ut sit is in omnibus princeps,

19 quoniam per eum visum est patri omnem universitatem inhabitare,

20 & per eum omnia sibi reconciliare, pacificando per ejus crucis sanguinem, hoc est, per eum, tum terrestria, tum coelestia.

21 Et vos aliquando mentibus alienos atque hostes in prave factis,

22 nunc reconciliavit ejus humano corpore per mortem, quod vos in suo conspectu sanctos, inculpato, & criminis expertes redderet :

23 si modo permanetis fide fundati atque fixi, neque de Evangelii spe dimovemini, quod audivistis, quod in omni creatura subjecta coelo praedicatum est, cujus ego Paulus factus sum minister.

24 Nunc laetor in eis quae pro vobis patior : & quae desunt Christi calamitates, meo corpore suppleo, pro ejus corpore, quae ecclesia est,

25 cujus ego factus sum minister, divina dispensatione, quae mihi ad vos commissa est, ut divinam doctrinam impleam.

26 Quod mysterium ab omni saeculorum aeo celatum nunc patefactum est ejus sanctis,

27 quibus voluit Deus declarare quae sit hujus gloriosi mysterii opulentia apud exterarum gentes : qui Christus est in vobis gloriae spes.

28 Quem nos nunciamus, omnem hominem admonentes, omnem hominem cum omni sapientia docentes, ut omnem hominem reddamus in Christo Jesu perfectum :

29 in quod ego elaboro, ejus vi certando, quae fortiter in me viget.

CAPUT II.

Vanitatis damnat quicquid est extra Christum. Nominatim de circumcisione, ciborum abstinentia, Angelorum cultu loquitur, unde constituit à Decretis per Christum liberatos esse.

Volo enim scire vos, quantum pro vobis & Laodicensibus, & quicumque me corpore praesentem non viderunt, certamen habeam,

2 tum ut confirmetur eorum animi, charitate connexorum : tum ut tam divite, tam plena abundant peritia, ut Dei patrisque & Christi mysterium percipiant,

3 in quo sunt omnes sapientiae ac scientiae opes reconditae.

4 Hoc ideo dico, ne quis vobis probabilibus verbis imponat.

5 Quamvis enim corpore absum, at animo quidem apud vos sum, gaudens spectansque vestrum ordinem, & vestrae in Christum fidei firmitatem.

6 Quamobrem quemadmodum Christum Jesum Dominum accipistis, sic in eo vos gerite,

7 ut in eo radicati aedificemini, & in fide (ut docti estis) confirmemini in ea cum gratiarum actione excellentes.

8 Videte ne quis sit, qui vos philosophia, fallaciaque vani praedetur, ex hominum institutione mundique rudimentis, non ex Christo,

9 in quo tota divinitatis plenitudo corporaliter habitat :

10 & vos in eo estis perfecti qui caput est omnis principatus & potestatis :

11 in quo etiam circumcisi estis circumcisione non manu facta :

facta, exuto humanorum peccatorum corpore in Christi circumcissione,

12 unà cum eo sepulti in baptismo: in quo etiam simul resurrexistis, per collocatam in Dei vi fiduciam, qui eum ex mortuis suscitavit.

13 Qui idem vos delictis & vestri corporis præputio mortuos, in vitam unà cum eo revocavit, omniaque nobis delicta condonavit,

14 obliterato placitorum chirographo, quod nobis adversabatur, contrariumque erat. Id ille de medio sustulit, affixum cruci:

15 per quam in spoliatos principatus, ac potestates palam exemplum edidit, eosque triumphavit.

16 Quare nemo vos damnet ob cibum, aut potionem, aut festorum discrimen, aut novilunia, aut Sabbata,

17 quæ sunt futurorum umbræ, quarum corpus est Christus.

18 Nemo vos supplantet, in modestia angelorumque cultu si placens, in iis quæ non dicunt sese jactans, sua humana mente temerè tumens,

19 neque caput tenens, à quo totum corpus, dum commissuris populisque compactum regitur, vivo crescit incremento.

20 Quod si unà cum Christo, quod ad mundi rudimenta attinet, mortui estis, cur tanquam a mundo viventes, utimini facitis?

21 Ne tetigeris, nève gustaveris, nève attrectaveris:

22 quorum omnium is usus est, ut usu pereant, & ad corporis expletionem pertineant, non ut in aliquo sint honore.

23 Ista verò præfata sunt ex omnium præceptis atque do-

ctrinis, quæ quidem sunt ejusmodi, ut rationem habeant sapientiæ, ob religionis speciem atque modestiam, & corporis vexationem severam.

CAPUT III.

Terrenis exercitiis quæ Pseudapostoli urgebant, cœlestia opponit, & à mortificatione carnis ordinatur, unde deducit particulares exhortationes, & particularia officia, quæ pendent ex singulorum vocatione.

SI igitur cum Christo surrexistis, superis studete, ubi Christus est, Deo dexter assistens.

2 Supera sentite, non terrestria.

3 Interiistis enim, vestraque vita cum Christo latet apud Deum.

4 Cum Christus vita vestra patefiet, tum vos quoque unà cum eo patefietis gloriosi.

5 Quamobrem necate vestra membra terrestria, impudicitiam, obscœnitatem, libidinem, cupiditatem malam & avaritiam: quæ deastrorum cultus est,

6 propter quæ invadit ira Dei contumaces homines,

7 in quibus vos quoque versati estis aliquando, cum in eis viveretis.

8 At nunc vos iidem omnia deponite, iram, odium, malitiam, maledicentiam, & orationis turpitudinem ex ore vestro.

9 Nolite alii in alios mentiri, exuti veterem hominem cum suis actionibus,

10 indutique novum, qui cognitione renovatur ad imaginem conditoris sui:

11 ubi non est Græcus aut Judæus, circumcisio aut præputium, Barbarus, Scythæ, servus, liber,

liber, sed & omnia & in omnibus Christus.

12 Induite igitur, ut Dei electi, sancti amatique, affectum misericordiæ, benignitatem, modestiam, mansuetudinem, patientiam.

13 alius alium ferentes, & invicem condonantes, si quis habet quod de aliquo exposulet: quemadmodum Christus vobis condonavit, sic vos quoque facite.

14 Sed super hæc omnia charitatem, quæ perfectionis viculum est:

15 vigeatque divina pax in vestris animis, ad quam estis in uno corpore vocati, & este grati.

16 Christi sermo largè in vobis habitet, summa cum sapientia. Docete & commonefacite, alius alium, carminibus Dei que laudationibus & divinis cantionibus Dominum animis gratè canentes:

17 ac quicquid vel verbis, vel re facitis, id in Domini Jesu nomine facitote, Deo patrique per eum gratias agentes.

18 Uxores, parete vestris viris, ut Dominicis dignum est.

19 Viri, amate uxores vestras, nève in eas sævite.

20 Nati, obedite parentibus in omnibus: hoc enim Domino gratum est.

21 Patres, ne vestros irritate natos, ne despondeant animos.

22 Servi, obedite in omni re vestris, quod ad carnem attinet, dominis, non ad oculum serviendo, ut hominum captantes gratiam: sed cum animi simplicitate, metuentes Deum:

23 ac quicquid facitis, id ex animo agitote, tanquam Domino, non hominibus servientes:

24 scientes fore, ut à Domino hæreditatem præmio accipiat, quippe cum Domino Christo serviat.

25 Qui verò injuriam facit, is quam fecerit injuriam luet, nec habebitur ulla ratio personarum.

26 Domini ex justo æquaque cum servis agite, scientes vos quoque dominum habere in cælis.

CAPUT IV.

Ad generales exhortationes redit, & precandi studium, ac sermonis suavitatem præcipit: postremæ commendationes & salutationes subjungit.

Supplicationi incumbite, in ea cum gratiarum actione vigilantes:

2 orantes simul pro nobis quoque ut Deus nobis portam sermonis aperiat, quo Christi mysterium eloquamur, propter quod vinctus sum,

3 ut id ita patefaciam, ut loqui debeo.

4 Sapienter vos erga alienos gerite, tempus redimentes.

5 Esto semper oratio vestra gratia prædita, sale condita, ut sciatis quomodo cuique respondere debeatis.

6 De me omnia vobis exponet Tychicus, charus frater, fidelisque minister & conservus in Domino:

7 quem ideo ad vos misi, ut vestrarum rerum statum cognoscat, vestrosque confirmet animos,

8 cum Onesimo fido charoque fratre, qui vestras est. Ite vos de omnibus, quæ hic geruntur, certiores facient.

9 Salutat vos Aristarchus meæ captivitatis socius: & Marcus Barnabæ consobrinus, de quo

mandata accepistis, si venerit ad vos, ut eum excipiatis :

10 Item Josua nomine Justus, qui sunt ex circumcisis, & ii quidem soli ad divinum regnum adjutores, qui mihi solatio fuerunt.

11 Salutat vos Epaphras, vester Christi servus, assiduus pro vobis precibus certans, ut perfecti absolutique stetis in omni voluntate Dei.

12 Nam eum testor magno vestri & Laodicensium ac Hierapolitanorum studio teneri.

13 Salutat vos Lucas medicus, mihi charissimus, & Demas.

14 Salutate Laodicenses fratres, & Nympham, & ejus domus ecclesiam.

15 Cumque lecta fuerit apud vos epistola, facite ut etiam in Laodicensium ecclesia legatur, itemque ut Laodicensem epistolam vos quoque legatis :

16 & Archippo dicite, ut quod munus à Domino accepit, id curet implendum.

17 Salutatio mea manu Pauli. Mementote meorum vinculorum. Adsit vobis Dei gratia: Amen.

Scripta est Roma, missa per Tychicum & Onesimum.

PAULI APOSTOLI

EPISTOLA PRIMA AD

THESSALONICENSES.

CAPUT I.

Gratiarum actionem ideò proponit, ut Dei beneficium esse admoneat, quicquid pradicat in ipsius laude dignum: & quod reliquis exemplum facti sint.

PAULUS ET SYLVANUS, & Timotheus Thessalonicensium ecclesiae, quae Dei matris est, & Domini Jesu Christi, gratiam, & pacem à Deo patre nostro, & Domino Jesu Christo.

2 Agimus immortales gratias deo de vobis omnibus, vestri mentionem facientes in nostris precibus,

3 continenter coram Deo, utrique nostro recolentes opus dei vestrae, charitatisque laudem, & spei in Domino nostro Jesu Christo sitae coram

Deo & patre nostro tolerantiam :

4 scientes, fratres charissimi, vos esse divinitus electos :

5 quandoquidem evangelium nostrum non fuit apud vos in verbis duntaxat positum, sed cum potentia, sanctoque spiritu & certissimis argumentis conjunctum. Scitis enim & quales nos istic vestra causa fuerimus,

6 & ut vos nostri Dominique fueritis imitatores, admissa doctrina cum multa calamitate, cum sancti afflatus lætitia,

7 adeò ut exemplo fueritis omnibus in Macedonia & Achaia fidentibus.

8 Non solum enim à vobis Dominica doctrina Macedoniam Achaïamque personuit, verum etiam in omnia loca permanavit vestra

vestra erga Deum fides, adeò ut nos quicquam loqui non sit opus.

9 Ipsi enim de vobis prædicant, qualem ad vos aditum habuerimus, utque vos à deastris ad Deum converteretis, ut venti veroque Deo serviretis,

10 & ejus filium ex cœlis expectaretis, quem ex mortuis excitavit Jesum, qui nos à futuro supplicio defendit.

CAPUT II.

Declarat quanta fide ipsis evangelium prædicavit, neque lucrum aut gloriam quasierit, idque eorum testimonio probat : & quòd ipsi infractò animo persecutiones à suis tulerint. Addit se magno illos visendi desiderio teneri.

SCitis enim ipsi, fratres, nostrum ad vos adventum non inanem fuisse :

2 quin quamvis antè Philip-
pis (ut scitis) mala contumelia-
que passi essemus, tamen per
Deum nostrum, ausi sumus divi-
num Evangelium vobis liberè,
multo cum certamine, eloqui.

3 Non est enim nostra coh-
ortatio erroris, aut obscœnitatis,
aut fraudis :

4 sed, quemadmodum nobis
divinitus probatis creditum est
Evangelium, sic loquimur, non
ut hominibus placentes, sed Deo,
qui nostros explorat animos.

5 Ne enim unquam assentato-
ria oratione usi sumus, ut vos sci-
tis : nec per avaritiam quic-
quam fecimus, testis Deus :

6 nec ab hominibus gloriam
expetivimus, nec à vobis, nec
ab aliis. Et licet oneri esse pos-
semus, ut Christi Apostoli ;

7 tamen adeò mites inter vos
fuimus, ut quemadmodum nu-
trix suos fovet alumnos :

8 sic vos præ vestri cupidita-

te libenter vobis non modo di-
vinum Evangelium, verum et
tiam nostras ipsorum animas im-
pertituri fuerimus : tam chari
nobis eratis.

9 Recordamini enim, fratres
nostrum laborem ac defatigatio-
nem : quippe qui noctes & dies
operando (ne quem vestrum gre-
varem) apud vos divinum
evangelium publicaverimus.

10 Vos testes estis, & Deus
quàm piè, quàm justè, inculpe-
tè nos erga vos fidentes gesser-
mus :

11 quemadmodum scitis, a
unumquemque vestrum, sicut
pater liberos, sic cohortaremur.

12 ac consolaremur, moner-
musque, ut ita vos gereretis, ut
Deo dignum esset, qui vos ad
unum regnum ac gloriam vocaret.

13 Itaque nos Deo continen-
ter gratias agimus, quòd vos, ac-
cepto Dei sermone, quem à nos-
bis audivistis, admisistis non
minimum sermonem, sed (ut verum
est) Dei sermonem, qui in vo-
bis fidentibus viger.

14 Vos enim imitatores fu-
istis, fratres, divinarum ecclesi-
arum, quæ sunt in Judæa, quæ
ad Christum Jesum attinet : &
quidem eadem vos quoque per-
estis à vestris tribulibus, quæ
à Judæis,

15 qui etiam Dominum
suosque vates interfecerunt
& nos exegerunt : neque
placent, & omnibus sunt ha-
nibus contrarii,

16 vetantes ne alienigenæ
quò servantur, alloquamur,
eorum peccata semper explen-
tur, adeò extrema Dei ira in-
stentur.

17 Nos verò, fratres, vobis
liquandiu præsentia, non an-
orbati, magna, vehementer

vestri coram videndi cupiditate flagravimus :

18 Itaque ad vos venire voluimus, ego quidem Paulus semel atque iterum, sed impedivit nos Satanas.

19 Etenim quænam nostra spes est, aut lætitia, aut gloriæ coronis corona ? nonne vos coram Domino nostro Jesu Christo, in ejus adventu ?

20 Vos enim nostra estis gloria atque lætitia.

CAPUT III.

Desiderii erga illos sui fidem facit, quod Timotheum ad eos miserit, quod prosperi eorum status nuncio ita sit affectus, ut stratiæ non possit satis agere, itaque in precationem erumpit.

Itaque cum jam durare non possemus, visum est nobis Athenis relinqui solis,

2 Timotheumque mittere, fratrem nostrum & Dei ministrum, ac nostrum in Christi evangelio collegam, ad vos confirmandos, & de vestra fiducia commonefaciendos,

3 ne quis ob has calamitates percellatur. Scitis enim ipsi nos huic esse rei destinatos.

4 Nam dum apud vos eramus, vos prædicebamus, fore ut affligeremur : quemadmodum & accidit, & vos scitis.

5 I propterea ego me jam non tenui, quin vestram fidem cognitum mitterem, nè fortè vos tentasset tentator, atque ita labor noster periisset.

6 Verum cum modò Timotheus, istinc ad nos venisset, nobisque vestram fidem & charitatem nuntiasset, vosque nostri bonam semper tenere memoriam cupientes videre nos, ut nos quoque vos :

7 propterea de vobis recreati

sumus, fratres, in omni calamitate nostra ac rebus adversis, per vestram fidem,

8 adeò, ut nos nunc vivamus, si vos statis in Domino.

9 Ecquam enim Deo de vobis referre gratiarum actionem valeamus, ob tantam lætitiæ, quam propter vos percipimus coram Deo nostro,

10 noctes & dies summo opere orantes videre vos coram, & quæ vestræ fidei defunt, supplere ? Ipse Deus paterque noster, & Dominus noster Jesus Christus nostrum ad vos iter secundet :

11 vos ved Dominus & mutua inter vos, & erga omnes charitate abundè cumulet, quali nos erga vos sumus :

12 ut animi vestri inculcata sanctitate confirmetur in Dei patrisque nostri conspectu, in adventum Domini nostri Jesu Christi cum ejus sanctis omnibus.

CAPUT IV.

Hortatur ad vitæ sanctitatem & charitatem mutuam. More infidelium eos vetat lugere mortuos, & historiam resurrectionis nostræ graphice depingit.

Quod superest igitur, fratres, oramus, ac hortamur vos per Dominum Jesum, ut quemadmodum à nobis didicistis, quomodo vos gerere, Deoque placere debeatis, in eo præcellatis.

2 Scitis enim, quæ mandata vobis per Dominum Jesum tradiderimus.

3 Hoc enim, & Dei voluntatis, & vestræ sanctitatis est, ut ab impudicitia vos abstineatis,

4 sciatque quisque vestrum suum vas cum sanctimonia ac honestate,

5 non (ut alienigenæ Deum ignorantes

ignorantes) cum cupiditatis libidine, possidere,

6 ne quis suum fratrem in negotiis circumveniat, aut circumscribat. Siquidem horum omnium ultor est Dominus, ut etiam antea vobis diximus, testatique sumus.

7 Non enim vocavit nos Deus ad obscenitatem, sed ad sanctimoniam.

8 Itaque qui repudiat, non hominem repudiat, sed Deum, qui nos suo sancto spiritu donat.

9 Quod ad fraternum amorem attinet, nihil opus est ut vobis scribatur, cum vos ipsi mutuo amare, divinitus didiceritis:

10 quippe, cum id erga omnes fratres, qui sunt in tota Macedonia, faciatis. Hortamur autem vos, fratres, ut in dies præcellatis,

11 acquiescere, & vestras res agere, vestrisque manibus operari contendatis, quomodo nos vobis præcipimus,

12 ut honestè vos ad alienos geratis, nec ulla re indigeatis.

13 Nolo autem ignorare vos, fratres, de iis qui obdormiverunt, ne cruciemini, ut cæteri qui spem non habent.

14 Si enim credimus, Jesum mortuum esse & resurrexisse, ita Deus eos etiam, qui in Christo obdormiverint, ducet cum eo.

15 Hoc enim vobis Domini verbis dicimus, fore ut nos vivi, qui ad Domini adventum supererimus, non antevertamus eos qui obdormiverint.

16 Nam ipse Dominus cum præconio, cum summi angeli voce, cumque divina tuba descendet de cælo, & mortui in Christo resurgent primum,

17 deinde nos viventes, qui erimus superstites, unà cum eis

rapiemur in nubibus obviam Domino, in aerem, atque ita semper cum Domino erimus.

18 Quamobrem consolamini alius alium his sermonibus.

CAPUT V.

Curiosam temporum adventus Christi inquisitionem damnans, admonet, ut assidue ad eum excipiendum sint parati. Hinc descendit ad varias admonitiones.

DE temporibus verò, temporibusque, fratres, non est opus ut vobis scribatur,

2 cum ipsi præclare sciatis, Domini diem esse venturam ut furem noctu.

3 Cum enim dicent homines, pacem esse & securitatem, tum repente, ut dolor uterum ferenti, sic eis instabit interitus, quem non effugient.

4 Vos fratres non estis in tenebris, ut vos dies illa tanquam fur opprimat:

5 omnes enim lucis dieique homines estis: Non sumus noctis aut tenebrarum:

6 ne dormiamus ergo, ut cæteri, sed vigilemus, sobriique simus.

7 Nam qui dormiunt, nocte dormiunt: & qui inebriantur nocte ebrii sunt.

8 At, nos cum diei simus sobrii simus, induiti fidei charitatisque lorica, galeamque spei salutis:

9 siquidem non destinavit nos Deus supplicio, sed salutis partem per Dominum nostrum Jesum Christum:

10 pro nobis mortuum, & five vigilamus, five dormimus unà cum eo vivamus.

11 Quamobrem cohortamini inter vos, & alius alium instigare, ut facitis.

12 Rogamus autem, vos fratres, ut eos qui in vobis laborant, vobisque præsunt in Domini necicio, & vos castigant, agnoscatis,

13 & maximi faciatis, charolue habeatis, propter eorum opus. Præbete vos eos pacatos.

14 Hortamur item vos, fratres, castigate incompósitos, solamini parum magnanimos, infirmis opitulamini, clementes este omnes.

15 Videte, ne quis cui malum pro malo rependat: sed semper beneficia & inter vos & in omnes exercete.

16 Semper gaudete,

17 continenter orate,

18 in omnibus Deo gratias agere: nam ea est Dei de vobis, fidei Christi Jesu, voluntas,

19 Spiritum ne extinguite,

20 vaticinationes ne contemne:

21 omnia probate, bonum tenere,

22 ab omni maleficii genere abstinere.

23 Ipse Deus pacis vos sanctos reddat & absolutos, integrique vestri spiritus, & animæ, & corpora criminis expertia in adventum Domini nostri Jesu Christi conserventur.

24 Ita fidelis est is qui vos vocavit, ut id facturus sit.

25 Fratres, orate pro nobis.

26 Salutate fratres omnes osculo sancto.

27 Obtestor vos per Dominum, ut hæc legatur epistola omnibus sanctis fratribus.

28 Adsit vobis Domini nostri Jesu Christi gratia. Amen.

Ad Thessalonicenses prima scripta est Athenis.

PAULI APOSTOLI

EPISTOLA SECUNDA AD

THESSALONICENSES.

CAPUT I.

audat incrementa fidei, charitatis, & tolerantia Thessal. Et Dei ultionem adversus priorum oppressores describens, fideles docet recumbere in expectationem ultimi judicii.

PAULUS ET SYLVANUS, & Timotheus, Thessalonicensium ecclesiæ, quæ patris nostri est, & Domini Christi,

gratiam & pacem à Deo nostro, & Domino Jesu Christo.

3 Deo gratias agere debemus immortales de vobis, fratres, ut dignum est, quod adeo crescit vestra fides, adeoque exuberat vestrum omnium mutua charitas,

4 ut nosipsi de vobis gloriemur in divinis ecclesiis, de patientia-atque fide qua præditi estis in omnibus quas sustinetis, vexationibus ac calamitatibus:

5 quod indicio est fore, ut justo Dei judicio divinum regnum consequamini, pro quo patientini.

6 Siquidem æquum est, ut à Deo reddatur, sicut affligentibus vos afflictio,

7 sic vobis qui affligimini, requies unà nobiscum, tum cum exister de cælo Dominus Jesus, cum potestatis suæ angelis,

8 in igne flammente, supplicium irrogaturus nescientibus Deum, Domini nostri Jesu Christi Evangelio non obedientibus,

9 qui æterno exitio pœnas dabunt Domino, ejusque gloriose potentia,

10 cum venerit, ut in illa die in sanctis suis illustretur, inque cunctis fidentibus admirandus esse videatur quod nostro ad vos testimonio creditum fuerit,

11 Eam ob rem nos semper pro vobis oramus, ut vos Deus, eo in quem vocati estis, statu dignos reddat, perficiatque ut bonitatem ac fidei opus, & libentissimè & fortiter persequamini atque absolvatis,

12 quò Domini nostri Jesu Christi nomen in vobis celebretur, & vos in eo, pro Dei nostri & Domini Jesu Christi beneficentia.

CAPUT II.

Negat venturum Christi diem, donec in Apostasiam prolapsus fuerit mundus, & revelatus fuerit Antichristus, cujus interitum describit. Insertaque inde exhortationem ad constantiam.

Rogamus autem vos, fratres, quod attinet ad adventum Domini nostri Jesu Christi, & nostri ad eum aggregationem,

2 ne citò de sententia dimoveamini, neve turbemini, nec spiritu, nec oratione, nec epistola, cujus nos aures esse videamur, quasi instet Christi dies.

3 Nemo vos ullo modo deci-

piat: nam non prius id futurum est, quàm venerit defectio, & patefactus fuerit homo flagitiosus, homo ille perditus,

4 qui adversatur, & se super quicquid dicitur Deus aut numen, extollit: adeò ut in Dei templo tanquam Deus sedeat, sese Deum esse ostendens.

5 An non meministis, me, cum adhuc apud vos essem, hæc vobis dicere?

6 Et nunc scitis quid obftet, quò minus existat ille suo tempore:

7 sceleris enim mysterium jam agitur: superest tantum, ut qui nunc tenet, è medio tollatur:

8 tum demum exister ille scelerosus: quem Dominus oris sui spiritu conficiet, adventusque sui claritate delebit:

9 cujus scelerosi adventus, Satanæ opera, erit cum omni falsorum prodigiorum, portentorum, miraculorumque genere,

10 cumque omni scelero fraude conjunctus, apud perituros quidem: quoniam veritatis amorem, quo salvi fierent, non admiserint.

11 Propterea mittet eis Deum vim erroris tantam, ut credam mendacio,

12 quò damnentur quicumque veritati non crediderint, sed sceleribus delectati fuerint.

13 Nos vero debemus Deo gratias agere immortales de vobis, fratres, Domino dilecti, quò vos principio Deus elegerit ad salutem, per spiritus sancti immortalem fidemque veritatis,

14 ad quò vos vocavit per Evangelium nostrum, quærendam domino nostro Jesu Christo gloriæ causam.

15 Quamobrem, fratres, perstate, & instituta tenete, quæ

ex nostra vel oratione vel epistola didicistis.

16 Ipse verò Dominus noster Iesus Christus, & Deus pater noster, qui nos suo favore adama- vit, æternoque solatio & bona spe donavit,

17 vestros stabiliat animos, & vos in omni bono & sermone & opere confirmet.

CAPUT III

Monet ut piis precibus Evangelii prædicationem promoveant: & se subducant ab iis qui ocio, & curiositate turbant ordinem publicum, quos etiam à communi fidelium cætu excludit.

Quod superest, orate fratres, pro nobis, ut Domini doctrina currat ac illustretur, sicut apud vos,

2 utque defendamur ab importunis, & malis hominibus: nec enim omnium est fides.

3 Sed Dominus, ut est fidelis, vos confirmabit, & à malo liberabit.

4 Atque equidem de vobis per Dominum confidimus, vos quæ vobis præcipimus, ea & facere, & facturos esse.

5 Dominus verò vestros dirigat animos ad divinam charitatem, Christianamque patientiam.

6 Denunciamus autem vobis, fratres, per Domini nostri Jesu Christi nomen, ut vitetis omnem fratrem intemperanter se, non ex institutione, quam à nobis accipit, gerentem.

7 Nam vos ipsi scitis quomodo mus imitandi: quippe qui nos

adèd non intemperanter gesserimus apud vos,

8 ut ne victum quidem grati à quicquam acceperimus, sed operoso labore noctes & dies functi fuerimus, ne cui vestrum graves essemus:

9 non quia nobis id non liceret, sed ut nos vobis imitandos exemplum proponeremus.

10 Etenim dum istic eramus, hoc vobis edicebamus, si quis operari noller, eum ne comedere quidem debere.

11 Audimus enim quosdam apud vos immodestè vivere, nihil agentes, sed supervacanea agentes.

12 Iis nos edicimus, eosque per Dominum nostrum Jesum Christum hortamur, ut quietè operantes sibi victum quærant.

13 Vos verò, fratres, nolite rectè agendo fatigari.

14 Quod si quis dictis nostris non obtemperat, eum per epistolam significate, & ab ejus commercio abstinete, ut eum pudeat:

15 neve eum pro inimico habete, sed ut fratrem castigate.

16 Ipse pacis Dominus, pace vos & semper, & omnino donet. Dominus vobis adsit omnibus.

17 Salutatio mea manu Pauli, quod signum est in omnibus epistolis. Sic scribo:

18 Adsit vobis omnibus Domini nostri Jesu Christi gratia: Amen.

Scripta Athenis.

PAULI APOSTOLI

EPISTOLA PRIMA AD

TIMOTHEUM.

CAPUT I.

Absolutum veri pastoris exemplar proponens, cum principua eius functio sit in docendo, monet ut reiectis vanis quaestionibus ea tradat, quæ charitatem & fidem spirent. Ac ne contemptui sit sua autoritas, qualis factus sit, per Dei gratiam honorificè n̄ adicat.

PAULUS Apostolus Jesu Christi ex mandato Dei servatoris nostri, & Domini Jesu Christi, spei nostræ,

2 Timotheo germano in fide filio, gratiam, misericordiam, pacem a Deo patre nostro, & Domino Jesu Christo, Domino nostro.

3 Quemadmodum ego te in Macedoniam proficiscens cohortatus sum, maneto Ephesi, ut quibusdam denuncies ne aliam sequantur doctrinam,

4 néve fabulas attendant, & antiquitates infinitas, quæ potius quæstiones pariunt, quàm divitiarum in fide instructionem.

5 Enimverò præceptionum finis est charitas, ex animo puro, bonaque conscientia, fide non ficta proficiscens:

6 a quibus aberrantes quidam, in eam orationis vanitatem deflexerunt,

7 ut velint legis esse doctores, cum nesciant quid dicant, neque de quibus affirmant.

8 Scimus sane bonam esse legem, si quis ea legitime utatur.

9 hoc intelligens, iustis non esse latam legem, sed sceleratis & contumacibus, impiis & improbis, irreligiosis & profanis, parricidis & matricidis,

10 homicidis, impudicis, pædiconibus, plagiaris, mendacibus, perjuris, & si quid aliud sanæ doctrinæ contrarium est,

11 quæ sita est in glorioso beati Dei Evangelio, quod mihi commissum est.

12 Et gratiam habeo ei qui mihi vires dedit, Christo Jesu Domino nostro, qui mihi tantum fidei habuerit, ut me huic ministerio præficeret,

13 qui prius eram in Deum maledicus, & infestus, & contumeliosus. Sed mei misertum est, quoniam ignarus feci, expers fidei:

14 verum Domini nostri beneficium fuit excellentissimum, cum fide & charitate in Christo Jesu posita.

15 Certa res est, & omni approbatione digna, Christum Jesum in mandum venisse servarum fontes, quorum vel primus ego sum.

16 Sed ideo mihi tributa misericordia est, ut in me in primis exereret Jesus Christus summam clementiam, ad eorum exemplum, qui ei fidem essent habituri ad vitam æternam.

17 Regiautem seculorum immortalis, inaspectabili, soli sapienti

Deo honos & gloria in perpetua secula : Amen.

18 Hoc tibi præceptum commendo, fili Timothee, secundum prægressa de te oracula, ut quem admodum ea postulant præclara fungare militia,

19 fidem habens, bonamque conscientiam : qua repulsa, quidam fidei naufragium fecerunt,

20 quorum est Hymenæus & Alexander, quos ego Satanæ dedidi, ut dediscant impiè loqui.

CAPUT II.

In precibus publicis vult omnes commendari Deo, idque duplici ratione. Inde omnes cujuscunque loci sint, ad orationem invitatur, & quo vestitu, quaque modestia mulieres in sacro cœtu se gerere debeant, disserit.

EXhortor igitur primum omnium, ut fiant supplicationes, preces, interpellationes, gratiarum actiones, pro cunctis hominibus,

2 pro regibus & omnibus potestate pollentibus, ut tranquillam quietamque vitam agamus, cum omni pietate ac gravitate.

3 Hoc enim honestum est, nostroque servatori Deo acceptum,

4 qui omnes homines servari vult, & ad veritatis cognitionem venire.

5 Unus enim Deus est, unus item sequester Dei & hominum, homo Christus Jesus,

6 qui seipsum, liberationis precium pro cunctis dedit : quam ad rem suis temporibus testandam ego præco sum & apostolus constitutus.

7 Verum dico per Christum, non mentior, magister alienigenarum fidelis atque verax.

8 Volo igitur ut supplicent homines quovis in loco, attolentes pias manus, citra iram pravamque cogitationem.

9 Item ut se mulieres modesto habitu cum verecundia & frugalitate comant, non cincinnis, aut auro aut margaritis, aut sumptuoso vestitu :

10 sed ut scēminas decet, pietatem rectè factis profiten-
tes,

11 Mulier quietè discat, summa cum obedientia.

12 Mulieri quidem docere non permitto, nec auctoritatem sibi vendicare in virum, sed quietam esse.

13 Nam prior Adamus formatus est, deinde Eva :

14 & Adamus non deceptus est : at mulier decepta delictum admisit.

15 Servabitur tamen per liberorum procreationem, si manserit in fide, & charitate, & sanctimonia cum frugalitate.

CAPUT III.

Episcopos, & Diaconos Christianos depingit, cum eorum uxoribus, liberis & familia. Et ecclesiam domum Dei nominat.

CErrares est : si quis episcopi munus expetit, bonum munus cupit.

2 Debet autem episcopus irreprehensibilis esse, unius uxoris vir, sobrius, frugi, modestus, hospitalis, aptus ad docendum :

3 non vinolentus, non petu-
for, non sordidus, sed æquanimis, à jurgis & avaritia alienus,

4 Suam domum bene administrans, liberos habens dicto audientes, summa cum gravitate.

5 Quòd si quis suam ipsius domum administrare nescit, quo pacto Dei ecclesiam procurabit ?

6 Ne sit novitius : ne inflatus, in Diaboli criminationem incurrat.

7 Debet etiam honesto alienorum testimonio commendatus esse,

esse, ne in probrum diabolique laqueum incidat.

8 Itidem ministri sint graves, non bilingues, non vino nimis dediti, non sordidi,

9 in fidei arcano sibi bene conscii.

10 Atque hi prius probentur, deinde ministrent inculpati.

11 Uxores item graves, non calumniatrices, sobriæ, fideles in omnibus.

12 Ministri sint singularum uxorum viri, liberos domosque suas bene regentes.

13 Nam qui rectè ministrant, ii præclarum sibi gradum faciunt, magnamque in fide in Christo Jesu collocanda libertatem.

14 Hæc tibi scribo, sperans me ad te venturum esse brevi,

15 ut, si tardem, scias quomodo sit in Dei domo versandum, quæ est Dei viventis ecclesia, veritatis columnen atque firmamentum.

16 Et profectò magnum est pietatis arcatum, Deus apparuit in carne, per spiritum commendatus est, conspectus angelis, prædicatus gentibus, creditus in mundo, receptus in gloria.

CAPUT IV.

Falsas doctrinas tam de conjugii & ciborum discrimine, quam prophanas damnat, commendat autem pietatis studium, & assiduum scripturæ lectionem.

Spiritus autem disertè dicit, fore ut ultimis temporibus, deficiat quidam à fide, spiritibus ad dicti fallacibus, dæmoniorumque doctrinis,

2 per simulationem hominum falsiloquorum, inuictam habentium conscientiam:

3 vetantium matrimonia contrahere, abstinere cibis, quos Deus creavit, ut eis cum gratiarum a-

ctione vescantur fidentes, qui verum intelligunt:

4 videlicet omnia à Deo condita, esse bona, nihilquè rejiciendum, quod cum gratiarum actione sumatur,

5 quippe quod divinis verbis & supplicatione lustretur.

6 Hæc tu fratribus proponens, bonus eris Jesu Christi minister, educatus in fidei verbis, bonæque doctrinæ quam assecutus es.

7 Profanas autem & aniles fabulas evita, ac teipsum ad pietatem exerceto.

8 Cùm sit enim corporis exercitatio ad pauca utilis, pietas ad omnia utilis est, promissiones habens & præsentis & futuræ vitæ.

9 Certa res est, & summa approbatione digna.

10 Nam ideo & laboramus, & probra patimur, quòd spem habemus in vivente Deo, qui cùm omnium, tum maximè fidentium hominum servator est.

11 Hæc præcipito ac doceto.

12 Effice ut nemo tuam juventutem despiciat: quin fidentibus exemplo esto; verbis, moribus, charitate, spiritu, fide, castitate, donec veniam.

13 Da operam lectioni, cohortationi, doctrinæ.

14 Noli dotem negligere, quæ præditus es, quæ tibi per oraculum collata est, cùm quidem tibi manus imposuisset senatus.

15 Hæc meditare, in his esto, ut in omnibus proficere videare.

16 Curam gere & tui ipsius, & doctrinæ, in iisque persevera: hoc enim faciens, & teipsum servabis, & auditores tuos.

CAPUT V.

Postquam modum monendi singulos præscripsit, de viduis agit, quæ tunc in Ecclesia ministrum cooptabantur, inde ad presby-

presbyteras transit, & quadam corporis valetudini servientis admiscet.

Seniorum ne oburgato, sed ut patrem exhortare: juniores, ut fratres:

2 Seniores fœminas, ut matres: juniores ut sorores, summa cum castitate.

3 Viduas honora, quæ verè viduæ sunt.

4 Quòd si quæ vidua liberos habet, aut nepotes, doceat in primis suam familiam pietatem colere, parentibusque vicem reddere. Hoc enim honestum est, & Domino acceptum.

5 Vera quidem vidua & deserta, habet in Deo spem; vacatque supplicationibus & precibus noctes & dies.

6 At deliciis indulgens vidua, vivens mortua est.

7 Atque hæc denunciato, ut sint criminis expertes.

8 Quòd si quæ suorum præsertim domesticorum, curam non habet, ea fidem abnegavit, estque infidens deterior.

9 Vidua cooptetur non minor annis sexaginta, quæ unius viri fuerit uxor,

10 à rectè factis bene audiens, si liberos educavit, si hospitalitatem exercuit, si sanctorum pedes lavit, si subvenit afflictis, si omnia rectè facta persecuta est.

11 Juniores autem viduas repudiato. Nam postquam Christum repudiantes læcivire ceperunt, nubere volunt:

12 eo damndæ, quòd primam fidem fregerunt.

13 Adde quod ociosæ discunt pervagari domus: nec solum ociosæ, verumetiam nugaces, & curiosæ, loquentes illicita.

14 Itaque volo juniores nubere, liberis operam dare, regere

familiam, nullam dare adversario occasionem criminandi.

15 Jam enim nonnullæ ad Satanam desciverunt.

16 Si quis, aut si quæ fidens viduas habet, subveniat eis: neve gravetur Ecclesia, ut veris viduis sufficiat.

17 Seniores qui rectè gubernant, gemino præmio afficiantur, præsertim qui in sermone doctrinæque elaborant.

18 Aiunt enim licet: Bovi trituranti os ne obthurato: & Dignus est operarius mercede sua.

19 Contra senioreni ne admiseris accusationem, nisi duo tresve testes sint.

20 Peccantes coram omnibus argue, quo cæteri metu afficiantur.

21 Obtestor in Dei, Domini-que Jesu Christi, & lectorum angelorum conspectu, ut hæc sine ullo discrimine exequare, nihil per favorem faciens.

22 Manus nemini protinus imposito, neve aliena peccata participato. Teipsum castum servato.

23 Ne amplius equam bibe, sed exiguo vino utere, propter tuum stomachum, & crebras infirmitates.

24 Nonnullorum hominum peccata perspicua sunt, & judicium anteveniunt: in nonnullis verò subsequuntur.

25 Itidem rectè facta perspicua sunt, & quæ aliter se habent, latere nequeunt.

CAPUT VI.

Decet quid servos deceat. Quam-avisiosa peccis sit avaritia. Et postquam obiter de divitiis meminit, iterum prohibet Timotheo ne se inanibus doctrinis impediatur.

QUicumque sunt sub jugo servi, heros suos omni honore dignos existiment, ne Dei nomen & doctrina malè audiat.

2 Qui verò fidentes habent heros, ne ideo contemnant, quia fratres sunt: sed potius serviant, quia fidentes, Deoque chari sunt, idem beneficium adepti. Hæc doce, & exhortare.

3 Si quis diversam sequitur doctrinam, neque sanis Domini nostri Jesu Christi dictis, pietatisque doctrinæ accedit,

4 is inflatus nihil intelligit, sed morbo circa quæstiones & verborum certamina laborat: ex quibus oritur invidia, jurgium, maledicta, prævæ suspensiones,

5 ineptæ disputationes hominum mente corruptorum, & veri expertium, pietatem pro quæstu habentium. A talibus abstineto.

6 Est verò quæstus magnus pietas, & sua sorte contentum esse.

7 Cum enim nihil in mundum attulerimus, profectò nihil auferre possumus:

8 itaque alimenta & tegumenta habentes, iis contenti simus.

9 Qui verò discescere volunt, incidunt in tentationem, & in laqueum, inque multas & insanas ac perniciosas cupiditates, quæ homines in perniciem interitumque demergunt.

10 Radix enim omnium malorum est avaritia: cujus avidi quidam, à fide aberrarunt & sese in multos dolores induxerunt.

11 At tu, divine vir, hæc fuge, justitiamque persequere, pietatem, fidem, charitatem, patientiam, mansuetudinem.

12 Certa præclarum fidei cer-

tamen: vitam prehende sempiternam, ad quam vocatus es, & præclara professione coram multis testibus professus es.

13 Edico tibi in Dei conspectu, vitam dantis omnibus: itemque Christi Jesu, qui coram Pontio Pilato præclara illa confessione verum testatus est,

14 ut præceptionem serves intemeratus ac irreprehensibilis, usque ad adventum domini nostri Jesu Christi,

15 quem adventum suis temporibus exhibebit beatus ille, solusque potens, regnantium rex, & dominantium Dominus,

16 solus habens immortalitatem, lumen habitans inaccessum, quem hominum nullus neque vidit, neque videre potest, cui honor & imperium æternum.

17 Amen. Iis qui in hac vita divites sunt, denuncia ne superbiant, nève spem habeant in incertis divitiis: sed in vivente Deo, qui nobis omnia largè suppeditat ad fruitionem:

18 ut benefaciant, ut rectè factis divites, ut liberales sint atque largi,

19 præclarum sibi fundamentum in futurum congerentes, ut vitam assequantur verè sempiternam.

20 O Timothee, depositum serva, abhorrens à profanarum vocum vanitate, & dissidiis ejus quæ falsò nominatur scientia:

21 quam profitentes quidam, à fide aberrarunt. Adsit tibi gratia: Amen.

Scripta est Laodicea, quæ Pacatiana Phrygia caput est.

PAULI APOSTOLI

EPISTOLA SECUNDA AD TIMOTHEUM.

CAPUT I.

Laudata fide Timothei, ut in munere sibi commisso fideliter pergat, eum hortatur. Et ne propter sua vincula, aut aliorum defectiones labaseat, de suo apostolatu gloriatur, & depositi custodiam illi commendat. Laudat etiam Onesiphorum.

PAULUS apostolus Jesu Christi, Dei voluntate, secundum vitam in Christo Jesu positam promissionem,

2 Timotheo charo filio gratiam, misericordiam, pacem, à Deo patre, & Christo Jesu Domino nostro.

3 Gratiam habeo Deo, quem ritu majorum pura conscientia colo, quod assiduam teneo memoriam tui in meis supplicationibus,

4 noctes & dies cupiens videre te, memor tuarum lacrymarum, ut læticia complear.

5 memoria repetens tuam non fictam fidem, quæ prius habitavit in avia tua Loide, & matre Eunice, & (quomodo mihi persuasi) etiam in te.

6 Quam ob causam summono te, ut suscites divinam dotem, qua per mearum manuum impositionem præditus es.

7 Non enim dedit nobis Deus timiditatis spiritum, sed fortitudinis, & charitatis, ac frugalitatis.

8 Quamobrem ne te pudeat testificationis Domini nostri, neque me ejus vincti : sed simul Evan-

gelii adversa, Dei virtute, perpetere,

9 qui nos servavit, ad sanctumque statum vocavit, non ob facta nostra, sed ob suum decretum & beneficium, quod nobis in Christo Jesu ante omnem temporum æternitatem donatum,

10 nunc repræsentatum est adventu servatoris nostri Jesu Christi, qui & mortem abolevit, & vitam ac immortalitatem collustravit, per Evangelium,

11 ad quod ego externarum gentium præco & Apostolus & magister constitutus sum.

12 ob quam causam hæc patior : sed me non pudet. Scio enim cui crediderim : & persuasum habeo, eum posse meum depositum custodire ad illam diem.

13 Exemplum sanorum dictorum, quæ ex me audivisti, retineo cum fide & charitate in Christo Jesu posita.

14 Præclarum istud depositum servato, per spiritum sanctum in nos habitantem.

15 Adversari sunt me (hoc tu nosti) omnes Asiæ, quorum est Phygelus, & Hermogenes.

16 Tribuat Dominus misericordiam Onesiphori familiæ : nam is me sæpe recreavit :

17 adeoque eum meæ cateræ non puduit, ut postquam Romanam pervenit, me diligenter quæstiverit, ac invenerit.

18 Faxit Dominus, ut misericordiam

cordiam consequatur à Domino in illa die. Quantum item Ephesi præstiterit, tu satis nosti.

CAPUT II.

Ut perseverantiam in militia Christiana commendet, similitudines sumit à militibus, & ab agricolis. Vincula sua sanctis usui esse declarat. Inde monet Timotheum ut sermonem veritatis rectè disperiat, & reprobatorum exempla fugiens, modestè omnia agat.

QUare tu, mi fili, convalesce beneficio in Christo Jesu posito :

2 & quæ ex me multis testibus audivisti, ea exponito fidis hominibus, qui sint ad alios etiam docendos idonei.

3 Tu ergo adversa patere, ut bonus Jesu Christi miles.

4 Nemo militans sese vitæ negotiis implicat, ut militiæ duci placeat.

5 Jam si quis dimicet, non coronatur, nisi legitimè dimicaverit.

6 Laborandum agricolæ est prius quàm fructum percipiat.

7 Intellige quæ dico : det verò tibi Dominus industriam in omnibus.

8 Recordare Jesum Christum ex mortuis excitatum, Davidis semine progenitum, ut fert Evangelium meum.

9 in quo adversa fero usque ad vincula, tanquam facinorosis : verum divinus sermo victus non est.

10 Propterea omnia tolero propter electos, ut ipsi quoque positem in Christo Jesu salutem cum gloria consequantur æterna.

11 Cesta res est : si simul morituri sumus, simul etiam vivemus.

12 Si unà toleramus, etiam unà regnabimus. Si negamus, ille quoque negabit nos :

13 si diffidimus, ille fidelis manet, seipsum negare non potest.

14 Hæc commemorato, obstitans in Domini conspectu, non esse verbis pugnandum, quæ res non modò nihil profit, verum etiam auditores evertat.

15 Da operam tu teipsum Deo probes, operarium non erubescendum, rectè secantem veritatis orationem.

16 Profanas autem verborum futilitates evitato : nam ad multam serpent impietatem,

17 eorumque sermo gangrææ ritu corroderet : quorum est Hymæus & Philetus,

18 qui à veritate aberrarunt, dicentes resurrectionem jam fuisse, & nonnullorum fidem evertunt.

19 Atqui firmum Dei fundamentum stat, hoc habens sigillum : Novit Dominus qui sint sui : itaque recedat ab injustitiis, quisquis nominat Christi nomen.

20 In magna autem domo non sunt solum aurea argenteaque vasa, verum etiam lignea & testacea, & alia ad res honestas, alia ad inhonestas.

21 Proinde si quis seipsum ab his expurgaverit, vas erit ad honestatem sacratum, hero utile, ad omne bonum opus paratum.

22 Juveniles cupiditates fuge : justitiam, fidem, charitatem, pacem, unà cum iis qui Dominum sincero animo invocant, persequere.

23 Stultas & in doctes quæstiones declina, quippe quæ (ut scis) pugnas gignant :

24 cum Domini servus non pugnare debeat, sed erga omnes mitis esse, ad docendum accommodatus, injuriæ patiens,

25 cum mansuetudine erudiens dissidentibus, si forte Deo eos ad frugem revocante, verum agnoscant :

26 ad seque redeant, & diaboli laqueum evadant, à quo capti, ejus arbitrio tenentur.

CAPUT III.

Prædicat quàm infesta pios tempora immineant: sed fiducia victoria animat eos ad certamen: exercitationem sana doctrina in primis commendans.

Illud autem scito, extremo ævo difficilia fore tempora.

2 erunt enim homines sui amantes, avari, arrogantes, superbi, maledici, in parentes contumaces, ingrati, irreligiosi,

3 inhumani, foedifragi, calumniatores, intemperantes, immites, virtutis inimici,

4 proditores, temerarii, inflati
L. Cæci & G. voluptatis magis quam Dei amantes.

5 pietatis speciem habentes, sed qui ejus vim abnegaverint. Hos tu averfare.

6 Ex his autem sunt, qui in domos sese insnuant, captivasque reddunt mulierculas, quæ peccatis coopertæ, & variis cupiditatibus actæ,

7 semper discunt, & nunquam ad veri cognitionem pervenire possunt.

8 Ac quomodo Jannes & Jambres Moysi resistunt, ita hi veritati resistunt: homines mente corrupti, circa fidem improbat.

9 Verum non procedent longius: nam eorum dementia erit omnibus perspicua, ut illorum fuit.

10 Tu verò assequutus es meam doctrinam, mores, propositum, fidem, clementiam, charitatem, patientiam,

11 vexationes, res adversas: qualia mihi contigerunt Antiochiæ, Iconii, Lystris: quales vexationes sustinui: ex quibus omnibus me vindicavit Dominus.

12 Et verò omnes qui volent in Christo Jesu piè vivere, infestabantur:

13 cum interea mali homines & impostores pergent in deterius, & fallent & fallentur.

14 Tu verò in eis persevera quæ didicisti, & per quæ fidens factus es, cum & scias à quo didiceris,

15 & à puero sacras literas novis, quæ te possint erudire ad salutem per fidem Christo Jesu habendam.

16 Omne scriptum divinitus inspiratum est, & utile ad doctrinam, ad reprehensionem, ad correctionem, ad justitiæ disciplinam.

17 ut compositus sit divinus homo, ad omne rectè factum bene comparatus.

CAPUT IV.

Obtestatur eum ut maxime evangelium prædicet in tam deplorato tempore. Sibi in propinquo esse mortem, sed ita ut quasi victor ad gloriosum triumphum properet. Tandem accersendi Timothei necessitatem ex presenti suo statu offendit.

Itaque obtestor ego in Dei conspectu, & Domini Jesu Christi, qui adventu regnoque suo & vivos & mortuos judicaturus est,

2 publicam doctrinam, instat opportune, importune: argue, increpa, cohortare summa cum clementia ac doctrina.

3 Erit enim tempus cum sanam doctrinam non ferent homines, sed ad suas libidines sibi magistros cumulant.

4 auribusque prurientibus, & à vero aversis, ad fabulas se convertent,

5 Tu verò in omnibus esto sobrius: mala patere: Evangelistæ officio fungere: tuo munere perfungere.

6 Nam ego jamjam immolans sum, discessusque mei tempus instat.

7 Præclarum certamen certavi: cursum absolvi: fidem servavi:

8 quod superest, reservatur mihi justitiæ corona, quam mihi Dominus reddet in illa die, justus iudex: neque solum mihi, sed etiam omnibus qui ejus adventum amaverint,

9 Da operam ut ad me brevi venias.

10 Demas enim me, vitæ præsentis amore, dereliquit, & Thesaloniceam profectus est: Crescens in Galatiam: Titus in Dalmatiam:

11 Lucas solus est mecum. Marcum assumptum tecum adducito: est enim mihi utilis ad ministerium.

12 Tychicum legavi Ephesum.

13 Penulam, quam in Troade apud Carpum reliqui, cum venies afferto, & liberos, maxime membranas,

14 Alexander faber ferrarius multis me malis affecit: red. dat ei dominus digna ejus factis præmia.

15 Eum tu quoque caveto: nam magnopere restitit nostris verbis:

16 In prima mea causæ dictione nemo mihi adfuit, sed omnes me deseruerunt, id quod ne eis imputetur precor.

17 At Dominus mihi adfuit, meque corroboravit, ut per me peragatur præconium, audiantque gentes omnes: atque ita liberatus sum ex leonis ore,

18 meque liberabit ab omni mala re, & ad cœlestem suum regnum conservabit Dominus, cui gloria in perpetua secula: Amen.

19 Saluta Priscam, & Aquilam, & Onesiphori familiam.

20 Erastus mansit Corinthi, Trophimum reliqui Mileti ægro- tantem.

21 Cura ut ante hyemem venias. Salutat te Eubulus, & Pudens, & Linus, & Claudia, denique fratres omnes.

22 Dominus Jesus Christus adsit animo tuo. Adsit vobis gratia: Amen.

Scripta est Roma ad Timotheum secunda, cum se Paulus iterum stitisset Casari Neroni.

PAULI APOSTOLI

EPISTOLA AD

TITUM.

CAPUT I.

Docet quales oporteat ministros eligere, simul ostendit quomodo vaniloquis os obturare oportet. Hic occasione perstringit Cretensium mores, Ac Judæos qui in rebus externis sanctitatem locabant.

PAULUS Dei servus, & Jesu Christi Apostolus, quod attinet ad fidem electorum Dei, & veritatis cognitionem,

2 quæ in religione cum spe vitæ sempiternæ conjuncta sita est,

est, quam Deus qui nunquam mentitur, ante æterna tempora promiserat,

3 & suis temporibus exhibuit, videlicet suum sermonem præconio promulgandum, quod præconium mihi servatoris nostri Dei mandato commissum est,

4 Tito germano, quod ad communem fidem attinet, filio, gratiam, misericordiam, pacem à Deo patre, & Domino Jesu Christo servatore nostro.

5 Ego te ideo in Creta reliqui, ut reliqua componas, & oppidatim seniores constituas, ut ego tibi præcepi:

6 Si quis est inculpatus, unius uxoris vir, liberos habens fidentes, non luxu infames aut contumaces.

7 Decet enim episcopum inculpatum esse, ut Dei dispensatorem, non audacem, non iracundum, non vinolentum, non percussorem, non avarum:

8 sed hospitalem, virtutis amantem, frugi, justum, pium, temperantem,

9 fidi sermonis, qui in docendo adhibetur, defensorem, quo possit & sana doctrina cohortari, & contradicentes refellere.

10 Sunt enim multi refractarii, & vaniloqui, atque vafri, præsertim circumcisi, quos refutare oportet:

11 qui totas domos evertunt, docentes illicita, turpis lucri causa.

12 Dixit eorum quidam, proprius ipsorum vates: Cres semper mendax, mala bestia, ventri iners est.

13 Hoc testimonium verum est: quamobrem argue eos severè, ut sint in fide sani.

14 non addicti Judaicis fabulis, hominumque præceptis, veritatem averfantium.

15 Puris quidem pura sunt omnia: sed pollutis & infidelibus nihil purum: quin polluta est eorum & mens & conscientia.

16 Deum se scire profitentur, & eundem factis negant, nefarii, & contumaces, & ad omne bonum opus inepti.

CAPUT II.

Personarum & aetatum præscribens officia, jubet ut de moribus doceat Ecclesiam: & à sine redemptionis argumentatur, quem dicit esse studium pie & rectè vivendi.

TU verò loquere quæ sanam deceant doctrinam.

2 Senes ut sint sobrii, graves, frugi: fide, charitate & patientia sani.

3 Anus item habitu augustæ, non calumniatrices, non nimis emancipatæ vino, bene institutæ:

4 ut juvenes foeminas doceant suorum virorum ac liberorum amantes esse:

5 frugi, castas, domi manentes, bonas, suis viris obedientes, ne divina doctrina malè audiat.

6 Juniores item exhortare ut sint frugi:

7 in cunctis teipsum rectè factorum exemplum præstans, in doctrina integritatem, gravitatem,

8 orationem sanam; & quæ damnari nequeat, ut adversarii moveantur, nihil habentes de vobis dicere viriosum.

9 Servi suis heris pareant, in omnibus obsequiosi, non respondatores, non furaces,

10 sed summam fidem bene præstantes, quo servatoris nostri Dei doctrinam cohonestent in omnibus.

11 Exiit enim divina beneficentia,

ficentia, cunctis hominibus salutaris,

12 quæ nos erudiat ut impietate mundanisque cupiditatibus vale dicto, frugaliter & iuste pieque vivamus in hoc seculo,

13 expectantes speratam beatitudinem, adventumque gloriosum magni Dei, & servatoris nostri Jesu Christi,

14 qui seipsum pro nobis dedit, quo nos ab omni scelere vindicaret, & sibi peculiarem populum purgaret, rectè factorum cupidum.

15 Hæc loquere & exhortare, & argue summa cum auctoritate, ita ut nemo te contempnat.

CAPUT III.

Generaliter nunc vult omnes moneri ut placide colant ordinem politicum & memores sint vitæ pristina, ut justificationem omnem ex gratia esse existiment. Quod si quis contentiosus his reclamet illum jubet omitti.

EOs commonefacito ut magistratibus & potestatibus pareant, & imperata faciant: ad omne rectè factum, parati sint:

2 nemini maledicant: ne sint contentiosi, sed æquanimis, summam erga omnes homines comitatem exerentes,

3 Fuimus enim aliquando nos quoque dementes, contumaces, errantes, variis servientes cupiditatibus & voluptatibus, in pravitate invidiaque degentes, alij aliis infensi.

4 Sed postquam benignitas &

humanitas exitit servatoris nostri Dei,

5 non ob iustitiæ opera, quæ fecerimus nos, sed pro sua misericordia servavit nos, lavacro renascentiæ, renovationisque spiritus sancti,

6 quo nos largè perfudit, per Jesum Christum servatorem nostrum,

7 ut ejus beneficio iusti facti, fiamus hæredes vitæ, quæ speratur, æternæ.

8 Cerra res est. Hæc te afferare volo, quod curent rectè factis fungi, qui Deo confidunt, Hæc sunt præclara, & hominibus utilia.

9 Stultis autem quæstionibus, & antiquitatibus, & litibus pugnisque legalibus, superfedero: sunt enim inutiles atque futes.

10 Sæctarium hominem post unam atque alteram admonitionem declinato,

11 sciens cum perversum esse, & ita peccare, ut ipse à seipso damnetur.

12 Cum ad te Artemam aut Tychicum misero, cura ut ad me venias Nicopolim: illic enim hyemare statui.

13 Zenam legisperitum, & Apollo sedulo deducito, ne quid eis desit.

14 Discant & nostri rectè facta obire, ad usus necessarios, ne sint infructuosi.

15 Salutant te mei comites omnes, Saluta eos, qui nos amant in fide. Adsit vobis omnibus gratia: Amen.

Scripta Nicopoli Macedonia.

PAULI

PAULI APOSTOLI

EPISTOLA AD

PHILEMONEM

CAPUT I.

Paulus argumentum humile hic tractans, suo tamen more sublimis ad Deum evehitur. Fugitivum servum & fratrem Philemoni remittens, pro illo deprecatur veniam: & graviter de aequitate Christiana deprecatur.

PAULUS Jesu Christi vinctus, & Timotheus frater, Philemoni charo amico, adjutorique nostro,

2 & Appiæ charissimæ, & Archippo commilitoni nostro, & ecclesiæ domus tuæ,

3 gratiam & pacem à Deo patre nostro, & Domino Jesu Christo.

4 Ago Deo meo gratias, semper tui mentionem faciens in meis supplicationibus,

5 audiens qua charitate, & fide præditus sis tum in Dominum Jesum, tum erga sanctos omnes,

6 quo ista liberalitate tuæ in Christo Jesu collocatæ fidei fiat, ut intelligatur quantum sit in à vobis boni.

7 Magna quidem lætitia & consolatione afficimur ex charitate tua, quod sanctorum animi per te, frater, recreati sunt.

8 Proinde cum magnam in Christo auctoritatem habeam imperandi tibi officium,

9 propter charitatem potius rogo, talis ego, hoc est Paulus

senex, & nunc etiam Jesu Christi vinctus.

10 Te inquam, rogo de meo filio, quem in meis vinctulis genui, Onesimo,

11 eo qui tibi aliquando fuit inutilis, nunc & tibi & mihi utilis, quem dimisi,

12 Tu verò eum, hoc est, mihi intimum, recipe:

13 quem ego volebam apud me retinere, ut mihi tua vice ministraret in Evangelii vinctulis:

14 sed injussu tuo nihil volui facere ut non coactum, sed voluntarium esset tuum beneficium.

15 Fortassis enim ideo ad tempus abfuit, ut eum reciperes æternum:

16 non jam ut servum, sed plus quam servum, fratrem etiam mihi charissimum, nedum tibi, & carnis & Dominicæ religionis nomine.

17 Quare si me socium habes, accipe eum, ut me.

18 Quod si quid te læsit, aut tibi debet, id mihi imputaro.

19 Ego Paulus scripsi meæ manu, ego dissolvam: ut interrim illud tibi non dicam, quod tu mihi etiam reipsum debes.

20 Age, frater, gratificare mihi per Dominum, recrea meum animum per Dominum.

21 Fretus obedientia tua scripsi tibi: sciens te plus etiam, quam peto, facturum.

22 Præterea

22 Præterea para mihi hospitium. Spero enim fore ut vobis per vestras preces condoner.

23 Salutant te Epaphras meæ in Christo Jesu captivitatis comes :

24 & Marcus, Aristarchus, Demas, Lucas, collegæ mei.

25 Domini nostri Jesu Christi gratia adsit animis vestris: Amen.

Missæ est Roma, per Onesimum servum.

JACOBI APOSTOLI EPISTOLA.

CAPUT I.

Differit de patientia, de fide, de animi modestia, ad divites. Deinde ostendit tentationes ad malum, non ex Deo esse, cum omnis boni author sit. Qualiter recipiendum sit sermo vita.

JACOBUS Dei & Domini Jesu Christi servus, duodecim tribubus ultro citroque dispersis salutem.

2 Summopere gaudendum existimate, fratres mei, cum in varias inciditis periculationes,

3 intelligentes fidei vestræ exploratione patientiam gigni.

4 Patientia autem perfectum opus habeat, ut perfecti integritate nulla re careatis.

5 Quod si quis vestrum sapientia caret, postulet à Deo, qui omnibus planè donat, nec exprobrat, & ei donabitur.

6 Postulet autem cum fiducia, nihil dubitans. Qui enim dubitat, similis est fluctui maris, ventis actus ac excito.

7 Neque verò se putet is homo quicquam à Domino impetraturum,

8 homo duplicis animi, in omnibus suis actionibus inconstans.

9 Glorietur autem frater humilis in sublimitate sua,

10 & dives in humilitate sua: nam ut herbæ flos, sic peribit.

11 Ut enim exortus cum ardore sol herbam arefacit, ejusque & flos decidit, & decora species interit: ita dives cum suis copiis marcescet.

12 Felix homo qui tentationem sustinet: approbatus enim, vitæ coronam accipiet, quam promisit Dominus suis amatoribus.

13 Nemo dum tentatur, dicat à Deo tentari se: Deus enim nec malis unquam tentatur, nec tentat ipse quenquam.

14 Sed à sua quisque cupiditate allectus ac inescatus, tentatur.

15 Deinde cupiditas conceptum parit peccatum: peccatum porro perpetratum, gignit mortem.

16 Nolite errare, mei fratres charissimi.

17 Omne bonum donum, omneque perfectum munus, superest, descendens à patre luminum, apud quem nulla est mutatio, aut ulla conversionis umbra.

18 Is consultò nos genuit, veritatis

veritatis oratione, ut effemus quādam quasi primitiæ suorum operum.

19 Proinde, mei fratres charissimi, esto omnis homo ad audiendum celer, ad loquendum tardus, ad iram tardus.

20 Nam hominis ira diviniæ justitiæ non parer.

21 Quamobrem, fratres, omnibus vitiorum sordibus excrementisque depositis, comiter accipite sativum sermonem, qui vestras animas servare potest.

22 Este autem ii qui sermoni pareatis, non eum duntaxat audiat: alioquin vosipsos decipitis.

23 Nam si quis sermonem audit, nec exequitur, is perinde est ac si quis corporis sui faciem contempletur in speculo,

24 deinde seipsum speculatus abeat, ac protinus qualis sit obliviscatur.

25 Qui verò in perfectam libertatis legem penitus introsperit, & in ea manserit, is, qui non sit obliviosus auditor, sed operis effector, suo facto beatus erit.

26 Si quis sibi videtur esse religiosus apud vos, neque tamen linguam suam frænât, sed animum suum fallit, hujus vana est religio.

27 Religio pura & impolluta apud Deum & patrem hæc est: curam gerere pupillorum & viduarum in eorum calamitate, & intaminatum se custodire à mundo.

CAPUT II.

Personarum acceptiones discrepare dicu a Christi fide, quam non satis est verbis profiteri, nisi & operibus misericordia & charitatis præstemus eandem, Abrahæ exemplo.

Fratres mei, nolite ita fidem habere in glorioso Domino nostro Jesu Christo collocatam, ut personarum habeatis rationem.

2 Nam si quis aureos gestans annulos, in veste splendida, in vestrum conventum ingrediatur, eodemque intret etiam pauper in obsoleta veste:

3 & vos in eum, qui vestem gestat splendidam intueamini, eique dicatis: Tu sede hic pulchrè: pauperi autem dicatis, Tu istuc sta, aut hîc sub meo subsellio sede:

4 nōne discrimen apud vos fecistis, & malè cogitantes iudices fuistis?

5 Audite, mei fratres charissimi: Nonne Deus elegit hujus mundi pauperes, fide divites, hæredesque regni, quod suis promissit amatoribus?

6 & vos pauperem despiciatui habetis? Nonne divites vobis imperant, & iidem vos in jus trahunt?

7 Nonne iidem pulchro nomini maledicunt, à quo vos nuncupamini?

8 Si quidem legi paretis regniæ, quæ sic literis est prodita, Alterum ut teipsum diligito: rectè facitis.

9 Sin personis indulgetis, peccatum committitis, & à legi, ut qui contra eam faciatis, arguimini.

10 Qui enim, quamvis alioquin totam legem observet, tamen in uno delinquit, is omnibus tenetur.

11 Nam qui dixit, Ne adulterato: idem dixit, Ne occidito. Quòd si non adulteras, sed occidis, contra legem committis.

12 Sic loquimini & sic agite, ut liberratis lege judicandi.

13 Nam

13 Nam judicium erit inclemens in eum, qui pietatem non exercuerit: at pietas iudicio insultat.

14 Quæ est utilitas, mei fratres, si quis se fidem habere dicat, & opera non habeat? Num potest eum servare fides?

15 Si frater aut soror nudi sint, quotidianoque alimento destituti,

16 & eos vestrum aliquis bona cum pace abire, calefierique & satiari jubeat, nec eis detis quæ corpus requirit, quid prodest?

17 Ita fides ejusmodi per se est, ut si opera non habeat, mortua sit.

18 Itaque dicit aliquis: Tu fidem habes, ego opera habeo: ostende mihi tuam fidem sine tuis operibus, ego tibi ex meis operibus fidem meam ostendam.

19 Tu Deum unum esse credis? Rectè facis: & dæmones credunt, atque horrent.

20 Vis autem intelligere, ô homo vane, fidem sine operibus mortuam esse?

21 Abrahamus parens ille nobis, nonne operibus factus est justus, Isaac filio suo in ara libando?

22 Vides, ut fides ejus opera adjuverit, utque operibus fides perfecta fuerit.

23 Atque ita comprobatum est scriptum illud, quod sic habet: Credidit Abrahamus Deo, idque ei justitiae ductum est, & Dei amicus est appellatus.

24 Videtis ergo operibus justum reddi hominem, non solum fide.

25 Idem Rachaba meretrix, nonne operibus justificata est, admissis nunciis, & alia via emissis?

26 Ut enim corpus absque spi-

ritu mortuum est, ita fides sine operibus mortua est.

CAPUT III.

Ut doceat linguam homini Christiano esse coercendam fidei & charitatis sancta repagulis, commoda & incommoda quæ ab ea proveniunt ostendit, & quid humana sapientia, à celesti distet.

Nolite multi esse magistri, fratres mei: scientes non graviore esse poenas daturos.

2 Multa enim delinquimus omnes. Si quis in verbis non delinquit, is perfectus homo est, qui possit etiam totum frænare corpus.

3 Frænos quidem equorum orbibus adhibemus, ut nobis pareant, eorumque totum corpus agimus.

4 Itemque tanta navis, tam vehementibus impulsæ ventis, tantulo gubernaculo, quocunque velit gubernatoris impetus, aguntur.

5 Sic & lingua, quæ parvum membrum est, magnas vires habet. En quantulus ignis quantam materiam incendit?

6 Et lingua ignis est, scelerum mundus. Sic se habet in nostris membris lingua, totum corpus contaminans, & avi cursum inflammans, & ipsa à Gehenna inflammanda.

7 Omnis enim & ferarum natura, & volucrum serpentumque & aquatiliū, humano ingenio domatur, domitaque est:

8 at linguam nemo potest hominum domare, effrænatum malum, mortifero refertam veneno.

9 Ea Deum & patrem colaudamus, eadem homines execramur, ad Dei similitudinem factos:

10 prodeunte ex eodem ore laudatione & execratione. Non decet, mei fratres, hæc ita fieri.

11 Num

11 Num fons ex eodem foramine, dulci aqua manat, & amara?

12 Potest ne, mei fratres, aut ficus oleas, aut vitis ficus edere? Sic nullus fons & salsam & dulcem aquam emittere.

13 Qui in vobis sapiens est, & intelligens, ostendat bonis moribus sua opera, cum sapientiæ mansuetudine.

14 Quod si amaram invidiam, & simulatam habetis in animo, nolite contra verum jactare vos, atque mentiri.

15 Non ea est ista sapientia, quæ supernè proficiscatur: sed terrestribus, humana, dæmoniaca.

16 Ubi enim invidia est & simulas, ibi est inconstantia, omnique vitiosa res.

17 At supernè oriens sapientia, primum casta est, deinde pacifica, æqua, obsequiosa, pietate bonisque referta fructibus, severa, & minime simulatrix.

18 Fructus verò justitiæ in pace feritur, colentibus pacem.

CAPUT IV.

Enumerat incommoda quæ ex carnis operibus proveniunt. Animi submissionem subiungit & repurgationem, à superbia, detractione, & ab obliuione propria infirmitatis.

UNde apud vos bella & pugnae? nonne hinc, ex vestris libidinibus, quæ militant in vestris membris?

2 Concupiscitis, nec obtineris: invidetis & æmulamini, nec assequi potestis: pugnat & belligeratis: non obtinetis, quoniam non postulatis.

3 Postulatis, & non adipiscimini, quia malè postulatis, ut in vestras impendatis libidines.

4 O degeneres & viri & foeminae: nescitis mundi amicitiam,

Dei esse inimicitias? Qui vult amicus esse mundi, inimicus efficitur Dei.

5 An putatis illud insaniter esse literis proditum: Scilicet, ad invidiam propensus est is qui in vobis habitat, spiritus?

6 At majus confert beneficium. Itaque Deus, inquit ille, & superbis adversatur, & modestorum fautor est.

7 Quamobrem parete Deo, resistite diabolo, & is vos fugiet:

8 accedite Deum, & accedet vos. Purgate manus, ô improbi, & animos lustrate:

9 qui estis animo duplici afflictate vos, & lugere ac plorate. Ritus vester in luctum convertatur, & gaudium in moerorem.

10 Summittite vos Domino, & vos evehet. Nolite alius alii detrahere. Qui fratri detrahit, fratremque suum damnat, legi detrahit, legemque damnat.

11 Quid si legem damnas, non legis executor es, sed condemnator.

12 Unus est legislator atque Judex, qui & servare potest, & perdere. Tu verò quis es, qui alterum damnas?

13 Age jam, qui dicitis: Hodie aut cras proficiscemur in illam urbem, & illinc unum annum agemus, & mercabimur, & lucrabimur:

14 cum nesciatis quid sit cras futurum. Qualis enim est vita vestra? Vapor est qui paulisper extat, deinde evanescit.

15 Cum dicere debeatis? Si volet Dominus, & si vivimus, hoc aut illud faciemus.

16 Nunc in vestris insolentiis vos jactatis. Omnis ejusmodi jactantia prava est.

17 Ergo qui rectè facere novit, neque facit, is in vitio est.

CAPUT V.

Divini judicii severitatem divitibus denunciatur, enumerata eorum superbia, ut pauperes audientes divitum infelicem exitum, a quo animo afflictiones, ut Job, etiam cum infirmantur, ferant.

JAM verò, ô divites, plorate, ejulantes ob vestras miseras, vobis eventuras.

2 Divitiæ vestræ putruerunt : vestimenta vestra à tineis erosa sunt :

3 aureum & argentum æruginosum, eorumque ærugo contra vos testimonium dicet, vestrasque carnes ignis in morem consumeret, L. Pœnam G. vobis congestistis in ultimum tempus.

4 Merces ipsa mercenariorum qui vestros messuerunt agros, à vobis retenta, quiritatur, messorumque querelæ in Domini armipotentis aures penetrarunt.

5 Luxuriastis ac lasciviistis in terris : genio indulgistis, tanquam ad lanienæ diem.

6 Condemnastis, occidistis fontes, vobis non resistentes.

7 Quamobrem durate, fratres, usque ad Domini adventum. Ipse agricola expectat eximium terræ fructum, & quidem in eo durat, dum primorem serotinamque pluviam accipiat.

8 Durate vos quoque, roborate vestros animos : nam Domini adventus instat,

9 Nolite aliis adversus alium genere, fratres, ne damnemini. En iudex pro foribus adest.

10 Exemplum capite, fratres mei, tolerantiae ac patientiae, de

vatibus, qui Domini nomine locuti sunt.

11 Equidem beatos judicamus eos, qui patiuntur. Jobi patientiam audivistis, & quem ei finem Dominus (quippe misericors & clemens) dederit, vidistis.

12 In primis autem, mei fratres, ne juratore neque cœlum, neque terram, nec aliud ullum iurjurandum : sed esto ejusmodi sermo vester, ut etiam sit etiam, & non non, ne in simulationem cadatis.

13 Affligitur vestrum aliquis, supplicet. Læus est quis, psallat.

14 Ægotat vestrum aliquis, advocet ecclesiæ seniores, qui eum in Domini nomine ungant oleo, pro eoque supplicent,

15 & si tei supplicatio laborantem servabit, eumque allevabit Dominus, & si peccata commiserit, ignoscetur ei.

16 Confitemini invicem delicta, & supplicate alius pro alio, ut sanemini. Multum valet efficitque iusti precatio.

17 Elias homo erat iisdem, quibus nos, obnoxius : & tamen cum precibus petisset ne plueret, non pluit in terram per annos tres & sex menses.

18 Eodem rursus precatò, & cœlum dedit imbrem, & terra suum fructum germinavit.

19 Fratres, si quis vestrum à vero aberraverit, & eum quispian revocaverit,

20 intelligat eum, qui contra erroris sui via revocaverit, animam ex morte vindicasse, multitudinemque texisse peccatorum.

PETRI APOSTOLI

EPISTOLA PRIMA.

CAPUT I.

Magnifice extollit Dei gratiam in Christo, qua fide recipitur, & spe possidetur: de qua vaticinati sunt prophetae. Inde deducit exhortationem, ut renunciantes mundo & priori vita, se Deo conferment.

PETRUS Jesu Christi Apostolus, sparsim peregrinantibus in Ponto, Galatia, Cappadocia, Asia, & Bithynia,

2 secundum Dei patris providentiam electis, spirituque lustratis, ut obediant, & Jesu Christi, sanguine conspergantur, gratiam & pacem plurimam ducit.

3 Gratas agimus Deo, patrique Domini nostri Jesu Christi, qui nos pro sua singulari misericordia, Christum ex mortuis suscitando, regenuit in vividam spem,

4 ad immortalē, impollutam, & invictam hereditatem, vobis in cœlis, repositam,

5 qui divina potentia per fidem custodimini ad salutem ultimo tempore exhibendam.

6 Ac in eo sanè exultatis, paululum modò (si est opus) variis tentationibus vexati,

7 ut explorata vestra fides, auro (quod perit, & igne exploratur) longe preciosior inveniat, ad laudem & gloriam, & honorem tum futurum, cum existit Jesus Christus,

8 quem vos non visum amatis:

de quo jam, non eum videntes, sed ei confidentes, incredibili & gloriosa læticia gestitis,

9 reportaturi fidei vestræ finem, salutem animorum.

10 Quam salutem exquisiverunt ac perscrutati sunt vates, qui de conferendo in vos beneficio vaticinati sunt,

11 scrutantes quodnam aut quale tempus indicaret Christi spiritus, quo erant præditi, præsignificans & Christi supplicia, & deinde secururam gloriam.

12 Quibus demonstratum est non ipsos sibi, sed vobis ea administrare, quæ nunc vobis nunciata sunt, per eos qui vos in evangelio instituerunt, per spiritum sanctum de cœlo missum, quæ cupiunt ipsi angeli perspicere.

13 Quamobrem succinctis mentis vestræ laceribus, sobrii, perfectè sperate afferendum vobis adventu Jesu Christi beneficium,

14 ut obedientes filii, non vos superioribus ignorantiae vestræ cupiditatibus accommodantes:

15 sed, quemadmodum qui vos vocavit, sanctus est, ita vos quoque sanctos vos in omni vita præbentes.

16 Quandoquidem scriptum est: Sancti estote, nam ego sum sanctus.

17 Quod si patrem invocatis eum, qui severissimè ex cujusque facto judicat, vestræ peregrinationis tempus religiosè transigite,

18 scientes

18 scientes non vos caducis rebus argento aut auro, ex vanis istis patriis moribus esse liberatos,

19 sed Christi precioso sanguine, sicut integri vitioque carentis agni,

20 provisi ante orbem conditum: exhibiti autem ultimis temporibus, propter vos,

21 qui per eum Deo confiditis, qui eum ex mortuis excitavit, & gloria donavit, ut sit vestra fides atque spes in Deo collocata.

22 Lustrate obediendo veritati vestros animos, per spiritum ad fraternum amorem non fictum: & pura mente inter vos impense amate,

23 renati non ex mortali, sed immortalis semine, per sermonem viventem Dei, & manentem in sempiternum.

24 Nam mortales quidem omnes sunt herbae similes, omnisque hominis gloria est velut herbae flos. Aret herba, caditque flos:

25 At Domini dictum manet in sempiternum. Est autem hoc dictum illud, quod apud vos est nuntiatum.

CAPUT II.

Fideles verbo Dei renatos, hortantur ad ducendam vitam, qua genitura respondeat: ac ne timent eorum fides, allegat quid de Christo praedictum fuit. Hortatur deinde, ut obedientiam praestent magistratibus, & patienter adversa ferant Christi exemplo.

ERgo deposito omni vitio, omnique fallacia, & simulationibus, & invidiis, & omnibus malevolentibus,

2 ut recens nati infantes, rationale & alienum à fraude lac

appetite, ut eo grandescatis ad salutem:

3 si modò sensistis Dominum esse benignum,

4 ad quem (lapidem vivum, ab hominibus improbatum, Deo lectum & eximium) accedentes,

5 ipsi quoque ut vivi lapides edificamini, divina domus, sacrum sacerdotium, ad facienda divina sacrificia, Deo per Jesum Christum accepta.

6 Itaque sic in literis habetur: Positurus sum in Sione lapidem angularem, lectum, eximium: cui qui confidet, non frustrabitur.

7 Vobis quidem fidentibus eximius est: at diffidentibus, quem lapidem structores improbarunt, is ad anguli caput adhibitus est, & lapis in quem impingant, & petra in quam illidunt,

8 qui in sermonem offendent, ei inobedientes, ad quod erant destinati.

9 At vos lectum genus estis, regale sacerdotium, sancta gens, populus acquisitus, ut virtutes pradicetis ejus qui vos ex tenebris in suam lucem admirabilem vocavit:

10 qui aliquando non populus, nunc Dei populus estis: qui misericordiam non consecuti, nunc misericordiam estis consecuti.

11 Charissimi, cohortor, ut inquilinos ac peregrinos: abstinere vos à corporeis cupiditatibus, quae contra animum militant.

12 honestè vos gerentes apud exteros, ut pro eo quod vobis tanquam maleficis detrahunt, rectè facta considerantes honorent Deum in die curationis.

13 Itaque omnibus parete personis humanis propter Dominum: & regi, ut potestate pollenti:

14 & prætoribus, ut ab eorum ad maleficorum ultionem, tum ad beneficorum laudationem missis.

15 Nam ea est Dei voluntas, ut rectè facientes, amentium hominum ignorantiam compefcatis,

16 ut liberi, non ut vitiorum prætextum habentes libertatem, sed ut Dei servi.

17 Omnes honorate: fraternitatem amate, veremini Deum, regem honorate.

18 Servi, parete cum omni metu heris, non solum bonis & æquis, verum etiam iniquis.

19 Hoc enim gratiam emere-
tur, si quis, quoniam sibi sit Dei
consciens, dolores fert, patiens in-
justè.

20 Nam quæ gloria est, si
peccantes cædi vos sustinetis?
At si rectè facientes toleratis in-
juriam, hoc verò gratiam merere-
tur apud Deum.

21 Ad hoc enim vocati estis,
siquidem Christus quoque pro
nobis injuriam passus est, nobis
præscriptum relinquens, ut ejus
vestigia subsequamini:

22 qui peccatum nullum com-
misit, nec exitit in ejus ore do-
lus:

23 qui conviciantibus convi-
cia non regerebat, injuriam pa-
tiens non minabatur, sed rem ju-
stè judicaturus committebat:

24 qui peccata nostra ipse
suo corpore sustulit in patibulum,
ut peccatis defuncti, justitiæ vi-
vamus: cujus vibice vos estis sa-
nati.

25 Eratis enim quasi palantes
oves: sed nunc ad pastorem vos,
& animorum vestrorum curato-
rem, convertistis.

CAPUT III.

*Ne mulieres Christiana viros suos
licet Ethnicos contemnant, pia-*

*rum mulierum exemplum pro-
ponit: Addis generales præce-
ptiones, ut æquis animis sustine-
ant persecutiones: & intrepide
respondeant de sua fide. Idque
auspicium Christi.*

Similiter, uxores, vestris parete
viris, ut quibus oratione
non persuadetur, si per uxorum
mores absque oratione lucrifi-
cant,

2 vestrorum morum castitatem
cum religione conjunctam con-
templati.

3 Esto autem vester ornatus
non exterior ille, in capillorum
cincinnis, & auri circumpositu,
aut palliorum amictu positus:

4 sed mentis occultus homo,
cum mitis & quieti animi sinceri-
ritate, quæ res magni est in Dei
conspectu precii.

5 Sic enim olim sanctæ illæ
fœminæ, in Deo spem habentes,
sefe comebant, obediens suis
viris,

6 ut Sara obedivit Abraha-
mo, dominum eum appellans:
cujus factæ estis filiæ, dum be-
nefacitis, & nullo pavore terre-
mini.

7 Viri itidem, habitate scien-
ter cum uxoribus, muliebri va-
si, ut infirmiori, tribuentes ho-
norem, ut multiplicis beneficii &
vitæ cohæredes, ne vestræ præ-
ces impediantur.

8 In summa, este omnes una-
nimes, eodem modo affecti, fra-
terno amore, misericordes, affa-
biles,

9 Non malum malo, aut con-
viciu convicio rependentes, sed
è contrario fausta precantes: sci-
entes ad hoc vocatos esse vos,
ut felicitatem obtineatis.

10 Nam qui vitæ cupidus
est, & felicia videre vult tempo-
ra, coerceat linguam suam à
miliua,

malitia, & labra sua à loquendo fraudulentè : declinet malum, & faciat bene : studeat paci, eamque persequatur.

11 Habet enim Dominus oculos intentos in iustos, & aures ad eorum implorationem.

12 Faciem autem habet Dominus intentam in maleficos.

13 Ecquis verò est qui vos lædat, si bonitatis imitatores sitis ?

14 Quanquam etiam si propter justitiam feratis injuriam, felices estis. Quæ verò metuunt illi, vos ne metuite, nève turbamini,

15 sed Dominam Deum animis sanctè colite : Ac semper parati este, quicumque ex vobis spei, qua præditi estis, rationem petierit, ei comiter ac religiosè respondere,

16 vobis bene conscii, ut cùm nunc de vobis, ceu maleficis maledicant, contrà fiat, ut pudeat eos, qui vestros bonos in Christianitate mores incessunt.

17 Præstat enim rectè facientes, si ita ferat Dei voluntas, adversa pati, quàm pravè facientes :

18 siquidem Christus quoque semel pro nobis passus est, iustus pro iniustis, quò nos ad Deum adduceret, carne necatus, spiritu in vitam revocatus :

19 in quo etiam spiritibus, qui erant in carcere, prædicatum ivit,

20 qui olim non paruerant, cùm semel exspectaret Dei clementia, temporibus Noë, cùm extrueretur arca : in qua paucæ, hoc est, octo animæ in aqua conservatæ sunt.

21 Consimili forma nunc quoque baptisma vos servat, quod non est corporis sordium detractio, sed bonæ conscientie sti-

pulatio ad Deum, per Jesu Christi resurrectionem,

22 qui est ad Dei dexteram, profectus in cœlum, angelis ei & potestatibus potentatibusque subiectis.

CAPUT IV.

Longius profert Christi exemplum, nempe ad carnis mortificationem. Charitatem in primis commendans ; Redit inde ad patientiæ doctrinam. Necessè enim esse ut initium correctionis ab ecclesia fiat.

Igitur Christo pro vobis carne supplicium passo, vos quoque eadem mente armamini, siquidem qui carne supplicium tulit, is peccare desinit,

2 ne deinceps ad hominum cupiditates, sed ad Dei voluntatem reliquum in carne tempus vivat.

3 Satis est enim nobis, præterito vitæ tempore extraneis morem gessisse, versantes in libidinibus, cupiditatibus, vinolentiis, commetionibus, potationibus, & nefariis deastrorum culturis.

4 Atque id sanè miratur illi, non concurrere vos ad eandem luxuriæ profusionem, & maledicunt :

5 reddituri rationem ei, qui & vivos est mortuos & judicaturus.

6 Nam ideo mortuis quoque nunciatus est, ut & secundum homines carne judicentur, & secundum Deum spiritu vivant.

7 Omnium autem finis instat : Quocirca este frugi, & ad supplicationes sobrii,

8 ac ante omnia mutuam charitatem intentam habere : nam charitas multa peccata regit.

9 Este alii in alios hospitales, sine murmuribus

10 Prout quisque aliquo munere

munere donatus est, ita id alii in alios dispensate, ut boni variorum Dei beneficiorum dispensatores.

11 Si quis loquitur, ut divina oracula: si quis subministrat, ut ex facultate quam Deus suppeditet, quò in cunctis celebretur Deus per Jesum Christum, cujus est gloria & imperium in perpetua secula: Amen.

12 Charissimi, nolite istud incendium quod vestri periclitandi gratia vobis accidit, quasi novum aliquid vobis usuveniat, admirari:

13 sed quatenus Christi suppliciorum participes estis, gaude te, ut tum quoque, cum existeret ejus gloria latitia exultetis.

14 Si ob Christi nomen probis incessimini, felices estis, quod gloriosus divinusque spiritus vos insidet, Per illos quidem viuperatur, sed per vos collaudatur.

15 Absit enim, ut aliquis vestrum supplicio afficiatur ut homicida, aut fur, aut facinorosus, aut ut alieni appetens:

16 aut si ut Christianus, ne pudeat eum, quin Deum hac in parte condecoret:

17 Quandoquidem ejusmodi tempus est, ut poena à divina homo incipiat: Quòd si capitur à vobis initium, quis futurus est exus eorum, qui divino non parent evangelio?

18 Et si justus ægrè servatur, impius & improbus ubi comparebit?

19 Proinde qui Dei voluntate tiantur adversa, ii rectè faciendo, conditori, ut fideli, suas commendent animas.

CAPUT V.

Seniores admonet ne imperium insurpent in ecclesiam, juvenibus

docilitatem & modestiam commendat: Sobrietatem quoque, & excubias adversus hostem truculentum.

Igitur seniores vestrum cohortor, ipse quoque senior, & Christi suppliciorum testis, & idem representandæ gloriæ socius,

2 pascite istud ovile Christi, id non inviti, sed sponte curantes: non avarè, sed alacriter:

3 neque ut gregibus imperantes, sed ut qui ovilis exempla sitis.

4 Ita fiet, ut cum advenerit pastorum magister, nunquam flaccescentem gloriæ coronam accipiat.

5 Similiter juniores parete senioribus, & omnes invicem obsequendo modestia ornami: nam Deus & superbis adversatur, & modestorum fautor est.

6 Quamobrem summittite vos potenti Dei manui, (ut vos tempore curationis evehat)

7 omni vestri cura in eum rejecta: quippe cui curæ sitis.

8 Sobrii este, vigilate: nam adversarius noster Diabolus, ut leo rugiens circuti, quærens quem devoret.

9 Cui resistite fide firmi, scientes eadem vestris, qui in orbe degunt, fratribus usuvenire patientia.

10 Deus verò omnis gratiæ, qui nos ad æternam suam gloriam per Christum Jesum vocavit, is vos paulum passios componat, confirmet, corroboret, fundet.

11 Ei gloria & imperium in perpetua secula: Amen.

12 Per Sylvanum vobis, fidum, ut arbitror, fratrem, paucis scriptis commonefaciens & testificans, istud esse verum Dei beneficium, in quo statis.

13 Saluat vos ea quæ Babylonē est, etiā electa, & Marcus filius meus.

14 Salutate inter vos charitatē osculo. Pax vobis quotquot estis in Christo Jesu: Amen.

PETRI APOSTOLI EPISTOLA SECUNDA.

CAPUT I.

Postquam Dei bonitatem, & fidei bona commemoravit, sanctitatem vitæ illis commendat: & quo plus ponderis habeat monitio, se jam morti vicinum indicat. Insuper etiā oculatum testem se esse asserit.

SIMON PETRUS, JESU Christi servus & apostolus, iis qui parem nostræ fidem per Dei nostri & servatoris Jesu Christi justitiam sortiti sunt,

2 gratiam & pacem plurimam dicit, in Dei & Jesu Domini nostri cognitione,

3 ut cujus divina potentia omnia nobis ad vitam & pietatem largita sit, per ejus cognitionem, qui nos sua gloria & virtute vocavit,

4 propter quem ille nos eximis, maximisque promissis donavit, ut per ea fiat divina participes naturæ, & mundanam cupiditatis corruptelam effugiat.

5 Vos verò in hoc omni studio incumbite, acquirentes in fide vestra virtutem, in virtute scientiam,

6 in scientia temperantiam, in temperantia patientiam, in patientia pietatem;

7 in pietate fratrum amorem, in amore fraterno charitatem,

8 Hæc enim si in vobis inierunt & abundabunt, non ociosos vos aut inertes efficient ad Domini nostri Jesu Christi cognitionem.

9 Cui verò non adsunt hæc, cæcus est, excutiens, oblivione captus expiationis veterum suorum peccatorum.

10 Proinde magis studete, fratres, rectè factis ratum efficere vestri vocatum ac electionem. Hæc enim facientes, nunquam delinquetis.

11 Ita enim vobis largè suppetet aditus ad æternum Domini nostri servatorisque Jesu Christi regnum.

12 Itaque non negligam vos semper de his commonefacere, quanquam gnaros, & in præsentis veritate fixos.

13 Veruntamen æquum est iudico, quandiu sum in hoc domicilio, excitare vos admonitione:

14 sciens brevi fore, ut meum domicilium deponam, quemadmodum mihi Dominus noster Jesus Christus significavit.

15 Verum dabo operam, ut vos post meum discessum, assidua horum mentionem facere valeatis.

16 Non enim sciolas secum fabulas, potentiam vobis & æternum Domini nostri Jesu Christi

declavimus: sed ipsi ejus majestatem contemplati,

17 quippe qui à Deo patre honorem acceperit & gloriam, voce delata ad eum hujusmodi à magnifica gloria.

18 Hanc nos vocem audivimus de cælo delatam, quum unà cum eò essemus in sacro monte: Hic est meus charissimus filius, in quo me oblecto.

19 Adde quod habemus firmiorem fatidicum sermonem, in quem rectè facitis quod estis intenti, tanquam in lucentem in obscuro loco lucernam, donec dies illucescat, & lucifer oriatur in cordibus vestris:

20 dum tamen hoc primum intelligatis, nullum fatidicum scriptum privatæ explanationis esse.

21 Non enim hominis voluntate editum est unquam oraculum, sed Sancti spiritus instinctu locuti sunt homines divini.

CAPUT II.

Exponit cur hac monuerit superius, nimirum propter falsos doctores, quorum nefandas artes ac interitum describit. Brutis animalibus, & fontibus sine aqua eos comparat, quod homines Deo consecratos, ad pristinam immundiciam retrahant.

Euerunt autem & falsi vates in populo, ut etiam in vobis erunt falsi magistri, qui perniciosas sectas introducent, vindictamque suam herum abnegantes, celerem sibi perniciem conciliabunt.

2 Eorumque perniciem multi subsequuntur, per quos veri institutio malè audiet,

3 quique vos per avaritiam & citius verbis nundinabuntur: quorum supplicium jamdiu non oritur, neque perniciēs dormitat.

4 Nam si Deus angelis, qui

peccaverunt, non peperit, quin eos in tartarearum tenebrarum catenas præcipitatos conjecit, ad judicium custodiendos:

5 & antiquo generi adeò non peperit, ut octavo Noa justitiam præcone conservato, in æorum generi diluvium invexerit:

6 & Sodomorum, Gomorrhæque urbes in cinerem redactas, everfione punivit, documentum statuens eorum qui impii essent futuri:

7 & justum Lotum, qui à libidinosis nefariorum moribus vexabatur tutus est:

8 nam justus ille inter eos habitans, justum animum noctes & dies, scelestorum operum & aspectu cruciabat & auditu.

9 Scit Dominus & pios ex periculis eripere, & injustos ad judicii diem cruciandos custodire;

10 Maximè qui corpori obsequentes, in obscænis cupiditatibus degunt, dominatumque contemnunt, audaces, insolentes, qui de dignitatibus maledicere non horrent:

11 Cum angeli, viribus & potestate majores, non ferant contra eos apud Dominum maledicam sententiam.

12 At isti, similes animalibus rationis expertibus, naturaliter in prædam interitumque natis, de eis quæ ignorant, maledicunt, in sua corruptela perituri,

13 & injustitiæ præmium latenti: qui voluptatem in quotidianis ponant deliciis, labe & maculæ, qui de vobis in suis erroribus convivantes jocantur,

14 oculos habentes degeneris perpetuique peccati plenos, inescantes infirmas animas, animam rapinis exercitatum habentes: homines intestabiles,

15 qui relicta recta via, errant,

Balaam Boforis filii viam secuti, qui sceleris premium amavit, sui que criminis convictus est.

16 Jumentum mutum, humana voce locutum, inhibuit vatis amentiam.

17 Si sunt fontes aridi, ætæ procella nubes, quibus tenebrarum caligo sempiterna reservatur:

18 Nam prætumida vanaque loquendo, inescant libidinosi corporis cupiditatibus eos qui prope modum effugerant, eos qui in errore versantur,

19 libertatem eis pollicentes, ipsi servi interitus. Siquidem quo quis victus est, ei emancipatus est.

20 Si enim ex mundanis fecditatibus, domini & servatoris Jesu Christi cognitione elapsi, nisdem rursus implicati vincuntur, fit eorum posterior conditio prior deterior.

21 Satiùs enim fuisset eis, justitiæ viam non cognovisse, quam ea cognita, à tradita sibi sancta disciplina retrò recessisse:

22 eis que accidit, quod est in illo vero proverbio: Canis ad suum vomitum regressus, & lotus ad coeni volutabrum.

CAPUT III.

Ostendit non frustrà hæc repeti, quia sapius excitandi sunt, ob periculum quod ab illusoribus illis impendat. Itaque pios monet ne ex carnis sensu, diem Domini metiantur, sed quasi præsentem sibi statuunt. In quâ doctrina Paulum facit sibi socium, & suffragatorem.

HAS jam alteras vobis, charissimi, scribo literas, in quibus vestram sinceram mentem admonitione excito,

2 ut vetera dicta sanctorum veterum, & nostram, qui Domini

servatoris que legati sumus, disciplinam recordemini:

3 hoc in primis scientes, venturos esse postremis temporibus illusores, suis cupiditatibus obsequentes;

4 qui dicant: Ubi est ejus promissus adventus? nam ex quo majores obdormiverunt, omnia eodem in statu manent ab orbe condito.

5 Illud enim eos volentes præterit, cœlos olim terramque & ex aqua & in aqua, Dei jussu constituisse,

6 quibus rebus illius temporis mundus aqua inundatus perierit.

7 Item qui nunc sunt cœli & terræ, eodem ejus jussu condita reservantur igni, ad judicii & impiorum hominum exitii diem.

8 Hoc autem unum ne lateat vos, charissimi, unum diem apud Dominum perinde esse ac mille annos, & mille annos perinde ac unum diem.

9 Non tardat Dominus promissum, ut nonnulli tarditatem interpretantur: sed lentus est erga nos, nolens quenquam perire, sed omnes ad sanitatem redire.

10 Veniet autem Domini dies ut fur noctu, in qua cœli perniciter interibunt, elementa ardentia dissolventur, & tellus, & que sunt in ea res, conflagrabit.

11 Quod cum sint hæc omnia dissipanda, quales decet esse vos in sanctis moribus ac pietatibus expectantes, properantes que dii adventum Dei,

12 per quam & cœli incendio peribunt, & elementa ardentia consumantur.

13 Novos autem cœlos, terramque novam ex ejus promissis expectamus, in quibus habitabit justitia.

14 Quapropter, charissimi, his expectandis, date operam, ut ei impolluti inculpatique cum pace reperiamini,

15 & Domini nostri lenitudinem pro salute ducite: quem admodum noster charissimus frater Paulus, pro ea qua donatus est, sapientia, vobis scripsit,

16 ut in omnibus epistolis, de hisce rebus in eis loquens: in quibus insunt obscura quædam,

quæ indocti infirmique, ut & cætera scripta, in suam perniciem detorquent.

17 Vos igitur, charissimi, id præcognoscentes, cavere ne in nefariorum errorem abducti, excidatis ex vestra firmitate:

18 & crescite in beneficio ac cognitione Domini nostri servatorisque Jesu Christi, cui gloria, & nunc & in diem sempiternam: Amen.

JOHAN. APOSTOLI EPISTOLA PRIMA.

CAPUT I.

Sermonem illum æternum in quo est Vita, & Lux, annuntiare se testatur & propitium fidelibus Deum fore, si gementes sub vitiorum onere, confugere discant ad ipsius misericordiam.

QUOD fuit à principio, quod audivimus, quod vidimus oculis nostris, quod & spectavimus, & nostris ipsi manibus tetigimus,

2 (de sermone vitæ loquor, quæ vita patefacta est) id, inquam, & videmus, & testamur, & vobis vitam nunciamus æternam, quæ apud patrem erat & nobis patefacta est.

3 Quod & vidimus & audivimus, id vobis annunciamus, ut & vos nobiscum communitem habeatis. Est autem nobis communitas cum patre, cumque ejus filio Jesu Christo,

4 Atque hæc vobis scribimus, ut plena afficiamini lætitia.

5 Est autem hoc nuncium, quod & ab illo audivimus, &

vobis nunciamus, Deum esse inmen, nec ullas in eo tenebras esse.

6 Si nobis cum Deo communionem esse dicimus, & tamen in tenebris degimus; mentimur, nec verum facimus.

7 Si in luce versamur, ut ipse in luce est: nobis est inter nos communitas: nosque Jesu Christi sanguis, ejus filii, expurgat ab omni peccato.

8 Si nos peccati expertes esse dicimus, fallimus nosipsos, nec est in vobis veritas.

9 Si confitemur peccata nostra, ille ita fidelis & justus est, ut nobis peccatorum veniam det, nosque ab omni culpa expiet.

10 Si nos peccasse negamus, mendacem facimus eum, nec est in nobis ejus sermo.

CAPUT II.

Proposito Christo mediatore, & advocato, docet in vita sanctimonia sitam esse Dei cognitionem, quam cujusvis ætatis, & conditionis hominibus communem facit, modo uni Christo adhæreant.

Tandem ubi ad contemptum mundi, hortatus est, suadet, Antichristos fugiendos esse: inbarendum autem agnita veritati.

Filioli mei, hæc vobis scribo, ut non peccetis: quod si quis peccaverit, patronum habemus ad patrem Jesum Christum, justum:

2 qui idem piaculum est peccatorum nostrorum: nec solum nostrorum, sed etiam totius mundi.

3 Ac in eo nobis eum esse notum intelligimus, si ejus præceptis paramus.

4 Qui eum sibi notum esse dicit, & tamen ejus præceptis non parer, mendax est, nec in eo est veritas.

5 Qui verò ejus dictis parer, is verè Dei amore perfectò præditus est. Hæc re nos in eo esse agnoscimus,

6 quod qui se in eo manere dicit, debet, ut ille se gesserit, ita ipse se gerere.

7 Fratres, non novam præceptionem vobis scribo, sed veterem præceptionem, quam à principio habuistis. Præceptio vetus, est sermo, quem audivistis principio.

8 Rursus novam præceptionem vobis scribo, quæ res & in se & in vobis vera est: videlicet tenebras præterire, jamque verum lumen apparere.

9 Qui se in lumine esse dicit, & tamen fratrem suum odit, is adhuc in tenebris est.

10 Qui fratrem suum amat, is in luce manet, & is est qui non impingat.

11 Qui vero fratrem suum odit, is in tenebris est, & in tenebris graditur: neque scit quò ear, quippe quum ejus oculos occæverint tenebræ.

12 Scribo vobis, filioli, quia vobis ignoscuntur peccata per ejus nomen.

13 Scribo vobis, patres, quia eum qui à principio est, novistis. Scribo vobis juvenes, quia Malum vicistis.

14 Scribo vobis, nati, quia patrem nostis. Scripsi vobis, patres, quia eum, qui à principio est, nostis. Scripsi vobis, adolescentes, quoniam fortes estis, in vobisque manet Dei sermo, & Malum vicistis.

15 Ne amate mundum, neque mundana. Si quis mundum amat, is non est patris charitate præditus,

16 nam quicquid in mundo est, videlicet carnis, & oculorum cupiditas, & vitæ arrogantia, non à patre, sed à mundo est.

17 Et mundus abit, & ejus cupiditas. Sed qui Dei voluntati parer, is manet in sempiternum.

18 Nati, ultimum tempus est: & quemadmodum venturum audivistis Antichristum, nunc quoque multi sunt Antichristi: unde ultimum tempus esse intelligimus.

19 A nobis profecti sunt, sed non erant ex nobis. Si enim ex nobis fuissent, nobiscum mansissent. Sed declarandum fuit, non omnes ex nobis esse:

20 Et vos à sancto uncti, novistis omnia.

21 Non ideo vobis scripsi, quod verum nesciatis: sed quod verum scitis, & quod nihil falsum ex vero est.

22 Quis est mendax, nisi qui Jesum negat esse Christum? Is Antichristus est, qui patrem negat, & filium.

23 Quisquis filium negat, ne patrem quidem habet.

24 Quod ergo vos ab initio audivistis, id in vobis maneat. Si in vobis manserit quod initio audivistis, & vos in filio ac patre manebitis.

25 Ac quod nobis promisit, id vita eterna est.

26 Hæc vobis de vestris deceptoribus scripsi :

27 & tamen ii estis, in quibus unctio, quam ab eo accepistis, maneat : neque vobis opus est ut quisquam vos doceat, quippe cum eadem unctio vos de cunctis doceat, veraque sit, & falsitatis expertus : ac quemadmodum ille vos docuit, sic maneatis in eo.

28 Et nunc, filioli, manete in eo, ut cum existeret, confidentiam habeamus, nec eum in ejus adventu erubescamus.

29 Si scitis eum esse justum, agnoscite, quicumque iusta faciat, ex eo esse natum.

CAPUT III.

Inestimabilem divina adoptionis honorem commendans, testandam esse bonis operibus vitam novitatem docet, cujus certum symbolum est charitas. Deinde fiduciam, & Dei invocationem subnectit.

Videte quanto nos profectus sit amore pater, ut Dei filii vocemur. Ideo nos mundus non cognoscit, quod eum non cognoscit.

2 Charissimi nos nunc Dei filii sumus, tamen nondum patet quid simus futuri. Scimus autem cum id patefactum fuerit, nos ejus fore similes : utpote quem cernemus, ut est.

3 Ac quisquis hanc in eo spem habet, is seipsum expurgat, quemadmodum ille purus est.

4 Quisquis peccatum committit, is noxam committit, & peccatum noxa est :

5 & scitis illum ideo advenisse, ut peccata nostra auferret, nec ulum in eo esse peccatum.

6 Quisquis in eo manet, non peccat : quisquis peccat, eum non didicit, neque novit.

7 Filioli, nemo vos decipiat. Qui iusta facit, iustus est, quemadmodum ille iustus est.

8 Qui peccatum committit, ex diabolo est : siquidem à principio Diabolus peccat. Ideo patefactus est Dei filius, ut Diaboli opera aboleret.

9 Quisquis ex Deo natus est, peccatum non committit, quod Dei semen in eo manet : ideoque peccare nequit, quod ex Deo natus est.

10 In eo manifesti sunt Dei filii, & diaboli filii, quod quisquis iusta non facit, is Dei non est, itemque qui fratrem suum non amat.

11 Nam hæc est quam principio audivistis, denunciatio, ut amemus inter nos :

12 non ut Cainus, qui cum à Malo esset, fratrem suum interemit. Cujus autem gratia eum interemit ? quoniam ejus opera erant mala, cum fratris essent iusta.

13 Nolite mirari, fratres mei, si vos odit mundus.

14 Nos scimus, nos à morte ad vitam migrasse, quoniam fratres amamus. Qui fratrem non amat, manet in morte :

15 quisquis fratrem suum odit, homicida est. Scitis autem neminem esse homicidam, qui æternam vitam habeat in se manentem.

16 Inde amorem cognoscimus, quod & ille pro nobis animam suam posuit, & nos debemus pro fratris animas ponere.

17 Jam qui cum hujus vitæ facultates

facultates habeat & fratrem suum egere videat, tamen non ejus visum misereatur, qui fieri potest ut sit Dei charitate præditus.

18 Filioli mei, non verbis aut lingua, sed re ac veritate amemus.

19 Ita fiet ut nos à veritate esse intelligamus, & id in ejus conspectu animus persuasum habeamus.

20 Quod si nos damnat animus noster, major est Deus, quàm noster animus, & cuncta novit.

21 Charissimi, si noster animus nos non damnat, confidentiam habemus ad Deum:

22 ac quicquid postulamus, id ab eo impetramus, quoniam ejus præceptis obtemperamus, eique morem gerimus.

23 Atque hæc est ejus præceptio, ut in ejus filii Jesu Christi nomen credamus, & inter nos amemus, quemadmodum præceptum dedit.

24 Ac qui ejus præceptis obedit, & ipse in illo, & ille in ipso manet. Atque hinc eum in nobis manere cognoscimus, videlicet ex spiritu, quo nos donavit.

CAPUT IV.

Ubi quadam infernit de probandis spiritibus: quia alii ex mundo, alii ex Deo loquuntur: ad charitatem redit, & Dei exemplo ad fraternum amorem hortatur.

Charissimi, ne cuius spiritui credite, sed spiritus explorete, an ex Deo sint: nam multi falsi vates in mundum prodierunt.

2 Hinc cognoscite Dei spiritum: quisquis spiritus Jesum Christum corporatum venisse confitetur, is à Deo est.

3 Quisquis autem spiritus Jesum Christum corporatum venisse non

confitetur, is à Deo non est. Atque hoc illud est de Antichristo quod audivistis, venturum esse, qui jam nunc in mundo est.

4 Vos à Deo estis filioli, & eos vicistis: quoniam major est qui in nobis, quàm qui in mundo est.

5 Illi à mundo sunt, itaque à mundo loquuntur, eosque mundus audit.

6 Nos à Deo sumus: Deum qui novit, nos audit: qui à Deo non est, non audit nos. Inde quis veritatis, quis sit erroris spiritus, dignoscimus.

7 Charissimi, amemus nos inter nos. Nam amor à Deo est: ac quisquis amat, ex Deo natus est, Deumque novit.

8 Qui non amat, non novit Deum: nam Deus amor est.

9 In eo patuit Dei erga nos amor, quòd suum filium unicum misit Deus in mundum, ut per eum vivamus.

10 In eo amor est, quòd Deus, non quia nos eum, sed quia ipse nos amaverit, misit filium suum, pro peccatis nostris piaculum.

11 Charissimi, si sic nos amavit Deus, nos vicissim debemus amare nos mutuo.

12 Deum nemo unquam vidit. Si alius alium amamus, manet in nobis Deus, simulque ejus perfetto amore præditi.

13 Hinc & nos in eo, & in nobis eum manere intelligimus, quòd nobis suum spiritum impertivit:

14 & nos vidimus & testamur à patre legatum esse filium, servatorem mundi.

15 Quisquis Jesum Dei esse filium confessus fuerit, & in eo Deus, & is in Deo manet.

16 Et nos amorem, quo nos Deus prosequitur, novimus ac credimus,

credimus. Deus amor est: & qui in amore manet, in Deo manet, & Deus in eo.

17 In eo perfecto amore præditi sumus, si de iudicii die confidimus, quod qualis ille est, tales nos simus in hoc mundo.

18 In amore metus non est: quin perfectus amor foras quatit metum, quoniam metus cruciatum habet: quique metuit, perfecto amore non est.

19 Nos eum amamus, quoniam prior ipse nos amavit.

20 Si quis à se Deum amari dicit, & tamen fratrem suum odit, mendax est. Qui enim fratrem suum, quem vidit, non amat: Deum, quem non vidit, qui possit amare?

21 Atque hoc ab eo præceptum habemus, ut Deum qui amat, suum quoque fratrem amet.

CAPUT V.

Ostendit fraternum amorem & fidem esse res conjunctas. Nullam autem haberi posse fidem Deo, nisi credendo in Christum. Hinc certa est invocatio: ut pro fratribus etiam valeant preces nostra.

Quiscunque Jesum credit esse Christum, ex Deo natus est: & quisquis genitorem amat, etiam ex eo natum amat.

2 Hinc intelligimus amari à nobis Dei filios, si Deum amamus, ejusque præceptis obtemperamus.

3 Is enim Dei amor est, si ejus præceptis obtemperamus, quæ sanè ejus præcepta gravia non sunt.

4 Nam quicquid ex Deo natum est, vincit mundum: & hæc victoria est, quæ vicit mundum, fides nostra.

5 Quis est qui vincit mundum, nisi qui credit Jesum esse Dei filium?

6 Hic est qui venit per aquam & sanguinem Jesus Christus: non in aqua solum, sed in aqua & sanguine. Et spiritus est qui testatur: siquidem spiritus est veritas:

7 quoniam tres sunt qui testantur (in cælo, pater, sermo, & spiritus sanctus: & hi tres unum sunt.

8 Item tres sunt, qui testantur in terra) spiritus, & aqua, & sanguis, qui tres unum sunt.

9 Si hominum testimonium admittimus, Dei testimonium majus est. Atque hoc est quod Deus de filio suo testimonium dixit:

10 Qui credit in Dei filium, is in se Dei testimonium habet. Qui Deo non credit, mendacem facit eum: quòd testimonio fidem non habeat, quod dixit Deus de filio suo.

11 Est autem hoc testimonium, quòd æterna vita donavit nos Deus, quæ vita in ejus filio est.

12 Qui Dei filium habet, vitam habet: qui Dei filium non habet, vitam non habet.

13 Hæc ego vobis, in nomen filii Dei credentibus, idèd scripsi: ut vos æternam habere vitam sciatis, utque in nomen filii Dei credatis.

14 Atque ea est quam ad eum habemus confidentia, quòd si quid ex ejus voluntate postulamus, audit nos:

15 Quod si nos ab eo audiri scimus, quicquid poscimus, scimus ea obtinuisse nos quæ ab eo poposcimus.

16 Si quis fratrem suum peccatum non lethale committere viderit, si is Deum poscat, Deus illi vitam dabit, videlicet peccantibus non lethaliter. Est lethale peccatum, pro quo orandum esse non dico.

17 Omnis injustitia est peccatum. Est & peccatum non letale.

18 Scimus quisquis ex Deo natus est, cum non peccare, nam ex Deo natus seipsum servat, nec eum Malus attingit.

19 Scimus nos à Deo esse, totumque mundum in Malo jacere.

20 Scimus item Dei filium venisse & nos eo ingenio donasse, ut verum cognoscamus Deum, sumusque in vero, in ejus filio Jesu Christo. Is verus est Deus, æternaque vita.

21 Filioli, cavete deaistros: Amen.

JOHAN. APOSTOLI EPISTOLA SECUNDA.

CAPUT I.

Inscribitur hæc epistola ancimæ ac præstanti dignitate summa, qua filius in Dei timore rectè educatus habebat. Hanc orat, ut in charitate Christiana perseveret, ne in Antichristos incidat, quin totius eos omnino vitet.

SENIOR electæ dominæ ejusque liberis, quos ego verè amo: nec ego solus, sed etiam omnes, qui veritatem noverunt,

2 propter veritatem, quæ & in nobis manet, & nobis aderit in sempiternum.

3 Adsit vobis gratia, misericordia, pax, à Deo patre, & à Domino Jesu Christo, patris filio, cum veritate ac charitate.

4 Lætatus sum magnopere, quod liberos tuos ex veritate vivere comperi, sicut præceptum accepimus à patre.

5 Et nunc rogo te, domina, non quod tibi novum scribam præceptum, sed quod habuimus ab initio, ut amemus nos mutuo.

6 Est autem in eo fias amor, ut ex ejus præceptione nos gosa-

mus. Hæc est præceptio quemadmodum audivistis ab initio, ut ex ea vivatis:

7 quoniam multi impostores in mundum introiverant, qui Jesum Christum corporatam venisse non consentunt. Hic ille impostor & Antichristus est.

8 Date operam ne perdamus, quæ elaboravimus, sed mercedem plenam accipiamus.

9 Quisquis delinquit neque manet in doctrina Christi, Deum non habet. Qui manet in doctrina Christi, is & patrem habet & filium,

10 Si quis venit ad vos, qui hanc doctrinam non ferat, eum domum ne accipite, neque salvere jubete.

11 Qui enim salvere jubet, participat ejus prævæ facta.

12 Cum multa vobis habere scribenda, nolui charta & atramento, spero enim me venturum ad vos & coram colloquaturum, ut plenam percipiatis læticiam.

13 Salutant te liberi tuæ sororis electæ: Amen.

JOHAN.

APOST. JOHANNIS

EPISTOLA TERTIA.

CAPUT I.

Hospitalitatem Gaii laudat, & Diotrephes perulantiam accusans, Gaium monet, ut bene faciendo perseveret. Postremo Demetrium commendat.

SENIOR Gaii charissimo, quem ego verè amo.

2 Charissime, cupio te ante omnia feliciter agere ac valere, quemadmodum animo feliciter agis.

3 Lætatus sum enim vehementer, cum venissent fratres, & tuam veritatem testati essent, uti ex veritate vivas.

4 Majorem lætitiā nullam habeo, quā ut audiam meos natos ex veritate vivere.

5 Charissime, fideliter agis, quicquid erga fratres & hospites facis,

6 qui tuam charitatem in ecclesiæ conspectu testati sunt: quos, rectè facies, si ut Deo dignum est deduxeris.

7 Nam pro ejus nomine profecti sunt: nihilque ab extraneis acceperunt.

8 Nos verò tales accipere debemus, ut veritatis simus adjutores.

9 Scripsi ecclesiæ: sed qui vult eorum esse primarius, Diotrephes, non admittit nos.

10 Itaque si venero, commemorabo, qualis patret facinorā, qui in nos verbis improbis garriat: nec his contentus, ne ipse fratres admittat, & volentes prohibeat, exque ecclesia ejiciat.

11 Charissime, ne imitare malum, sed bonum. Qui benefacit, à Deo est, qui verò malè facit, Deum non novit.

12 Demetrius & omnium & ipsius veritatis testimonio commendatus est: & nos idem testamur, & vos verum esse testimonium nostrum scitis.

13 Multa haberem scribenda tibi, sed nolo tibi charta & attramento scribere.

14 Brevis te, ut spero, videbo, & præsentes colloquemur. Vale.

15 Salutant te amici. Saluta amicos nominatim.

JUDÆ

JUDÆ APOSTOLI

EPISTOLA.

CAPUT I.

Admonet pios ut sibi caveant ab eo hominum genere, qui ex Christi gratia lasciviendi pretextum captant, quos non impunè laturos ejus gratia contemptum, tribas exemplis demonstrat, & vaticinium Enoch præfert: Modum demique piis ostendit, quo omnes eorum machinas dissipare queant.

JUDAS Jesu Christi servus, Jacobi frater, sanctificatis in Deo Patre, & Jesu Christo

1. servatis, vocatis,
2. misericordiam, & pacem, & charitatem plurimam dicit.

3. Charissimi, cum vobis de communi salute scribere summo studio contenderem, necesse habui vos scribendo cohortari, ut fide, quæ semel sanctis est tradita, ceteris.

4. Irreperunt enim homines quidam, olim ad hoc ipsum supplicium designati, impii, Dei nostri beneficium transferentes in libidinem: & solum herum Deum, Dominumque nostrum Jesum Christum negantes.

5. Illud autem vobis, quod semel didicistis, commemorare volo, quodd Dominus, cum populum ex Ægypto servasset, rursum eos, qui non considerant, perdidit;

6. angelosque qui suam originem non retinuerunt, sed suum domicilium reliquerunt, ad magni Dei judicium æternis vinculis sub tenebris servandos curavit:

7. ut Sodoma & Gomorra, finitimæque urbes, quoniam consimili modo meretricatæ, impudici corporis libidinibus obsecutæ sunt, jacent ad exemplum, poenas igne luentes sempiterno.

8. Similiter hi quoque somniantes, corpora habent polluta, & dominatum repudiant, dignitatibusque maledicunt.

9. Atqui Michael ille princeps angelus, cum disceptans cum diabolo, de Mosis corpore disputaret, non ausus est sententiam ferre maledicam, sed dixit: Increpet te Dominus.

10. Isti verò & quæ ignorant, de iis maledicunt: & quæ naturaliter, brutorum animalium more intelligunt, in iis corrupti sunt.

11. Væ eis, quoniam Cainiana via grassantur, & erroris Balaamici mercede profligati sunt, Coranæque conjuratione pergunt.

12. Hi sunt in vestris charitatibus labes, irreligiosè convivantes, seipfos pascentes, siccae nubes ventis circumactæ, arbores autumnales infructuosæ, bis mortuæ ac eradicatæ,

13. feri fluctus maris, spumantes suas sceditates, stellæ errantes, quibus reservatur caligo sempiterna tenebrarum.

24. De his etiam vaticinatus est septimus ab Adamo Enochus, dicens:

15. Venturus est Dominus cum suis sanctis legionibus, ut in omnes judicium

judicium exerceat, omnesque eorum impios vincat omniumque patraverint, impiè factorum, omniumque quæ contra eum atrociter dixerint fontes impii.

16 Hi sunt oblocutores, queruli, cupiditatibus suis obsequentes, & ore loquentes prætumida, personas admirantes utilitatis gratia.

17 Vos verò, charissimi, recordamini ea quæ à Domini nostri Jesu Christi apostolis prædicta sunt.

18 qui vobis dixerunt, futuros postremo tempore illusores, ex suis impiis cupiditatibus viventes.

19 Hi sunt qui seipso fecerunt, animales spiritum non habentes.

20 Vos verò, charissimi, in

sanctissima vestra fide vosipso exædificantes, sacro afflatu Deo supplicantes,

21 vos in Dei charitate servate, expectantes Domini nostri Jesu Christi misericordiam, ad æternam vitam,

22 & alios miseramini, delictum habentes :

23 alios religiosè servate, ex igne rapientes, exosi etiam carne coinquinatam vestem.

24 Ei vero qui vos expertes delicti servare, & ingloriæ suæ conspectu inculpatos cum lætitia sistere potest,

25 soli sapienti Deo servatori nostro gloria, & magnitudo, imperium & potentia, nunc & in omnia secula: Amen.

EPISTOLA

AD

HEBRÆOS.

CAPUT I.

Ut ostendas doctrinam à Christo allatam primas tenere, quia sit omnium prophetiarum clausula, nominatim illum supra angelos effert, & variis scripturæ testimoniis longè omnibus præcellere probat.

Multifariam & multipliciter olim Deus majores, per vates allocutus,

2 postremis hisce temporibus allocutus est eos per filium, quem omnium statuit hæredem, per quem etiam mundum fecit,

3 Qui cum sit ejus gloriæ splendor, & forma expressa substantiæ, factusque cuncta suo potenti sermone, facta per semetipsum expiatione peccatorum nostrorum, consedit ad dexteram majestatis, in sublimi,

4 tantò angelis factus præstantior. quantò excellentius quàm illi nomen obtinuit.

5 Cui enim dixit unquam angelorum: Filius meus es tu, ego hodie genui te? Et rursum: Ego ei pater, & ipse mihi filius erit.

6 Item cum in orbem inducit primoge-

primogenitum, dicit: Eumque adorent omnes divini angeli.

7 Et de angelis quidem sic dicit: Qui angelis utitur spiritibus, & ministris ignea flamma.

8 Sed de filio: Solium tuum, ô dive, in omnem permanet æternitatem: sceptrum æquitatis, sceptrum regni tui est.

9 Iustitiam amas, perosus improbitatem: propterea Deus, tuus Deus, oleo te lavifico potius inunxit, quam tuos socios.

10 Et: Tu principio, Domine, terram fundasti, & opera manuum tuarum sunt coeli.

11 Et illi quidem peribunt, te permanente, omnesque tanquam indumentum inveterascent:

12 &, te tanquam amictum eos involvente, obsolescent. At tu is es, qui annorum sis infinito-rum.

13 Item cui unquam angelorum dixit: Sede ad dexteram meam, donec ex tuis hostibus faciam pedum tuorum subsellium?

14 Nonne sunt omnes procuratores spiritus, qui ad ministerium legantur, propter eos qui salutem adepturi sunt?

CAPUT II.

Inde inferi, Christi doctrinam solidam audientiam debere, & eum nobis fratris loco in carne nostra proponit, ut libentius nos totos illi tradamus.

Propterea cò magis nobis attendenda sunt audita, ne forte persuasimus.

2 Si enim habitus per angelos sermo ratus fuit, & omne delictum ac contumacia dignas fuit penas:

3 quomodo effugiemus nos, tanta salute neglecta? Quæ sumpto à Domino ejus eloquenda

initio, ab his qui audierant, apud nos est confirmata,

4 attestante Deo ostentis miracolis, variisque prodigiis, & spiritus sancti donationibus, suarum arbitratu.

5 Non enim angelis subiectionem orbem futurum, de quo loquimur.

6 Sic autem testificatus est alibi quidam: Quid est homo, quem tu memineris? quid est hominem natus, ut eum cures?

7 Eum paulo angelis minores fecisti: eum gloria & honor coronasti, & operibus præfecisti manuum tuarum.

8 Omnia ejus pedibus subiectionem fuit. Nam omnia ei subijcienda nihil reliquit non ei subiecta. Nunc nondum videmus ea omnia subiecta;

9 sed paulò angelis minores factum videmus Jesum, propter necis supplicium gloria & honor coronatum, ut Dei beneficio per cunctis pateretur mortem.

10 Decebat enim, ut is, propter quem & per quem fiunt omnia, tot filiis in gloriam ducendis eorum salutis autorem supplicium perficeret.

11 Nam & qui sanctos reddidit, & qui sancti redduntur, omnes sunt ab uno. Quam ob causam eum non pudet eos vocare fratres, dum ait,

12 Prædicabo nomen tuum meis fratribus, in medio te ceteris collaudans.

13 Item: Ego ei confidam. Item: En ego & pueri, quos mihi tradidit Deus.

14 Jam cum pueri carnem & sanguinem habeant, ipse familiariter eisdem præditus fuit, ut per mortem aboleret eum qui mortis habebat imperium, hoc est, Diabolum:

15 eosque liberaret, qui mor-

tis mentis, per omnem vitam servituti erant obnoxii.

16 Non enim angelos, sed Abrahami semen assumpsit :

17 & proinde debuit per omnia fratribus esse similis, ut misericors fieret, fidusque pontifex in rebus divinis, quò populi peccata expiaret.

18 Quoniam enim passus est ipse dum tentaretur, potest, qui tentantur subvenire.

CAPUT III.

Nunc ostendit quantum inferior sit Moses Christo, nempe quantum distat servus à Domino. Inde exhortationes minasque admiscet ex Davidis testimonio, si quis vel contumaciter repugnet, vel ad obsequendum sit tardior.

Proinde fratres sancti, celestis vocatus participes, considerate legatum & pontificem professionis nostræ Christum Jesum,

2 fidelem erga eum à quo factus est, ut Moses in tota ejus domo fidelis erat.

3 Hic enim tantò majore, quàm Moses gloria affectus est, quantò majorem habet quàm domus honorem is, qui eam condidit.

4 Omnes enim domus ab aliquo conditur : qui autem omnia condidit Deus est :

5 Et Moses quidem fidelis erat in ejus universa domo, ut famulus, ad ea testanda, quæ erant dicenda.

6 At Christus ut filius est ejus domui præpositus, cujus domus sumus nos, si modò confidentiam & spei glorificationem ad extremum firmam tenemus.

7 Quamobrem ut ait spiritus sanctus : Hodie si ejus vocem audieritis,

8 Nolite indurare corda vestra,

ut in jurgio, die tentationis, in solitudine,

9 ubi me tentavere majores vestri, cum me probaverunt, & opera mea viderunt annos quadraginta.

10 Itaque pertæsus illius nationis, cogitans eos semper animis errare, mentumque institutorum ignaros esse,

11 iratus juravi non esse in meam quietem ingressuros.

12 Videte, fratres, ne fortè sit in aliquo vestrum prava diffidentia mens, deficiendo à vivente Deo :

13 quin vos inter vos quotidie cohortamini, quandiu hodie dicitur, ne quis vestrum peccati fraude occallescat.

14 Etenim Christi consortes facti sumus, si modò hoc argumentum ab initio ad finem firmum tenemus,

15 in quo dicitur : Hodie si ejus vocem audieritis, nolite indurare corda vestra, ut in jurgio.

16 Nam pars eorum qui audierunt, jurgati sunt, non omnes ex Ægypto ductu Moysi egressi.

17 Quorum ergo pertæsus est annos quadraginta ? nonne eorum qui peccaverunt, quorum membra ceciderunt in solitudine ?

18 Quibus autem juravit, non esse in suam quietem ingressuros, nisi contumacibus ?

19 quos videmus ingredi non potuisse, propter diffidentiam.

CAPUT IV.

Adhortationem comminatione admiscet ne quemadmodum patres requie sibi oblata priventur, sed in eam ingredi studeant. Inde initium facit retrahendi de sacerdotio Christi.

Quamobrem metumamus, ne, si fortè desinat ingrediendi in ejus quietem promissio, aliquis

aliquis nostrum tardasse videatur.

2 Etenim nobis denunciatum est, quemadmodum illis. Sed illis nihil auditus sermo profuit, non conjunctus cum eorum fide qui audiverant.

3 Ingredimur enim in requietem, qui fidem habemus: quemadmodum dixit, Iratus juravi, non esse in meam requietem ingressuros: cum tamen eae res jam ab orbe condito fuissent.

4 Nam quodam in loco de die septimo sic dictum est: Requievitque Deus die septimo ab omnibus suis operibus.

5 Atque hic rursum: Non esse in meam requietem ingressuros.

6 Ergo cum super sit ut aliqui in eam ingrediantur, & quibus antè denunciatum est, non ingressi sint propter contumaciam,

7 rursum quandam statuit David diem, Hodie dicens, tanto post tempore, ut dictum est: Hodie si ejus vocem audieritis, nolite indurare corda vestra.

8 Si enim eos Josua quietos reddidisset, nunquam ille postea de alio loqueretur die.

9 Superest ergo Sabbatismus divino populo.

10 Qui enim in ejus requietem ingressus est, is à suis requievit operibus, quemadmodum Deus à suis.

11 Quamobrem demus operam, ut in illam requietem ingrediamur, ne quis eodem contumaciae exemplo cadat.

12 Est enim divinus sermo vivus & efficax, & quovis ancipiti gladio acutior, ac penetrans usque ad divisionem animae, & spiritus, compagumque & medullarum, & animi cogitationum, consiliorumque judex:

13 adeoque nulla res ei obscura est, ut omnia nuda ac refulsina sint ejus oculis, de quo loquimur.

14 Habentes ergo summum pontificem, qui caelos penetravit, Jesum Dei filium, teneamus professionem.

15 Non enim eum habemus pontificem, qui nostris infirmitatibus affici non possit: sed qui sit in omnibus similiter periclitatus, citra peccatum.

16 Accedamus ergo confidenter ad gratiae solium, ut misericordiam adipiscamur, & gratiam inveniamus ad opportunum auxilium.

CAPUT V.

Primo docet quodnam sit summi pontificis officium. Secundò, Christum à Deo nostrum pontificem constitutum esse, & virtute praeitisse qua summi pontificis erant.

Omnis enim pontifex ex hominibus desumptus, pro hominibus praestit rebus divinis, ut munera victimasque libet pro peccatis:

2 potestque facilis esse ignorantibus & hallucinantibus: utpote cum ipse sit infirmitate circumdatus,

3 & propter hanc debeat, ut pro populo, sic etiam pro seipso libare piacula.

4 Neque sibi quisquam eum honorem arrogat, nisi qui vocatur à Deo, quemadmodum Aaron.

5 Sic Christus quoque non ipse sibi eum honorem vendicavit, ut fieret pontifex, sed is qui sic eum allocutus est: Tu meus es filius, ego te hodie genui.

6 Sicut alibi quoque dicit: Tu es sacerdos in aeternum ad rationem Melchisedechi.

7 Is Christus quum mortalibus geret, precibus ac supplicationibus ei, qui se à morte servare poterat, libatis cum vehementi questu ac lachrymis, & pro sua religione exauditus,

8 quamvis filius, didicit tamen ex iis quæ passus est obedientiam :

9 & perfectus, omnibus sibi obedientibus salutis æternæ causa fuit,

10 appellatus à Deo pontifex ad rationem Melchisedechi.

11 De eo nobis multa dicenda sunt, eaque explicatu difficilia, quandoquidem vos auribus segnes estis.

12 Etenim cum per tempus magistri esse debeatis, rursum docendi estis, quæ prima divinorum oraculorum elementa sunt : & iis estis quibus lacte sit opus, non solum cibo.

13 Cuicumque enim cum lacte es est, is orationis iustitiæ rudis est, quippe infans.

14 Adultorum autem est solus cibus, qui propter habitum, sensus habent ad boni malique discretionem exercitatos.

CAPUT VI.

Hebraeorum puerilem ignaviam perstringens, severa denunciatione eos terret, & maturè proficiendi studium excitat, meliora de ipsis sperans. Abrahæ exemplum citat, fidemque verbo Dei innixam, anchora comparat.

Quapropter omisso rudimento Christi sermone, ad perfectionem tendamus, non denuò fundamentum jacentes correctionis mortuorum operum, fidei Deo abendæ,

2 doctrinæ, baptismorum, impositionisque manuum & resurrectionis mortuorum, suppliciique æterni.

3 Atque id faciemus si permiserit Deus.

4 Fieri enim non potest, ut qui semel collustrati cœlesti domum gustarunt, & participes fuerunt Sancti Spiritus,

5 præclaraque Dei dicta & ævi futuri virtutes gustarunt,

6 & tamen relabuntur, ii iterum vitæ correctione renouentur : qui sibi Dei filium iterum crucifigant, & in eum exemplum edant.

7 Nam terra quæ imbrem sapius in se venientem combibit, & herbam parit illis accommodatam, propter quos colitur, ea Dei favore felicitatur.

8 At quæ spinas effert, & tribulos, improba est, & affinis execrationi, ad extremumque exurenda.

9 Quanquam de vobis, amici, meliora nobis, & saluti vicina persuasimus, licet ita loquamur.

10 Nec enim ita injustus Deus est, ut oblitus sit opus vestrum, laboremque charitatis, quam exeruistis in ejus nomen, dum sanctis & ministrastis & ministratis :

11 verum optamus, ut vestrum quisque idem studium ad spei plenitudinem præstet ad extremum,

12 ne sitis ignavi, sed eorum imitatores, qui per fidem, & patientiam obtinent promissa,

13 Nam Abrahamo promittens Deus, cum per nullum majorem jurare posset, juravit per seipsum :

14 dicens : Ni ego te felicitaro atque amplificabo.

15 Atque ita, cum ille patiens fuisset, promissum consecutus est.

16 Homines enim per majorem

aliquis nostrum tardasse videatur.

2 Etenim nobis denunciatum est, quemadmodum illis. Sed illis nihil auditus sermo profuit, non conjunctus cum eorum fide qui audiverant.

3 Ingredimur enim in requietem, qui fidem habemus: quemadmodum dixit, Iratus juravi, non esse in meam requietem ingressuros: cum tamen eae res jam ab orbe condito fuissent.

4 Nam quodam in loco de die septimo sic dictum est: Requievitque Deus die septimo ab omnibus suis operibus.

5 Atque hic rursum: Non esse in meam requietem ingressuros.

6 Ergo cum superfit ut aliqui in eam ingrediantur, & quibus antè denunciatum est, non ingressi sint propter contumaciam,

7 rursum quandam statuit David diem, Hodie dicens, tanto post tempore, ut dictum est: Hodie si ejus vocem audieritis, nolite indurare corda vestra.

8 Si enim eos Josua quietos reddidisset, nunquam ille postea de alio loqueretur die.

9 Superest ergo Sabbatismus divino populo.

10 Qui enim in ejus requietem ingressus est, is à suis requievit operibus, quemadmodum Deus à suis.

11 Quamobrem demus operam, ut in illam requietem ingrediamur, ne quis eodem contumaciae exemplo cadat.

12 Est enim divinus sermo vivus & efficax, & quovis ancipiti gladio acutior, ac penetrans usque ad divisionem animae, & spiritus, compagumque & medullarum, & animi cogitationum, consiliorumque judex:

13 adeoque nulla res ei obscura est, ut omnia nuda ac reclusa sint ejus oculis, de quo loquimur.

14 Habentes ergo summum pontificem, qui caelos penetravit, Jesum Dei filium, teneamus professionem.

15 Non enim eum habemus pontificem, qui nostris infirmitatibus affici non possit: sed qui sit in omnibus similiter periclitatus, citra peccatum.

16 Accedamus ergo confidenter ad gratiae solum, ut misericordiam adipiscamur, & gratiam inveniamus ad opportunum auxilium.

CAPUT V.

Primo docet quodnam sit summi pontificis officium. Secundò, Christum à Deo nostrum pontificem constitutum esse, & vire praestitisse qua summi pontificis erant.

O Meis enim pontifex ex hominibus desumptus, pro hominibus praestit rebus divinis, ut munera victimasque libet pro peccatis:

2 potestque facilis esse ignorantibus & hallucinantibus: utpote cum ipse sit infirmitate circumdatus,

3 & propter hanc debeat, ut pro populo, sic etiam pro seipso libare piacula.

4 Neque sibi quisquam eum honorem arrogat, nisi qui vocatur à Deo, quemadmodum Aharon.

5 Sic Christus quoque non ipse sibi eum honorem vendicavit, ut fieret pontifex, sed is qui sic eum allocutus est: Tu meus es filius, ego te hodie genui.

6 Sicut alibi quoque dicit: Tu es sacerdos in aeternum ad rationem Melchisedechi.

7 Is Christus quum mortalis gereret, precibus ac supplicationibus ei, qui se à morte servare poterat, libatis cum vehementi questu ac lachrymis, & pro sua religione exauditus,

8 quamvis filius, didicit tamen ex iis quæ passus est obedientiam :

9 & perfectus, omnibus sibi obedientibus salutis æternæ causa fuit,

10 appellatus à Deo pontifex ad rationem Melchisedechi.

11 De eo nobis multa dicenda sunt, eaque explicatu difficilia, quandoquidem vos auribus segnes estis.

12 Etenim cum per tempus magistri esse debeatis, rursus docendi estis, quæ prima divinorum sacramentorum elementa sunt : & ii estis quibus lacte sit opus, non solido cibo.

13 Cuicumque enim cum lacte es est, is orationis iustitiæ rudis est, quippe infans.

14 Adultorum autem est solius cibus, qui propter habitum, sensus habent ad boni malique discretionem exercitatos.

CAPUT VI.

Hebraeorum puerilem ignaviam perstringens, severa denunciatione eos terret, & maturè proficiendi studium excitat, meliora de ipsis sperans. Abrahæ exemplum citat, fidemque verbo Dei innixam, anchora comparat.

Quapropter omisso rudimento Christi sermone, ad perfectionem tendamus, non denudamentum jacentes correctionis mortuorum operum, fidei Deo habendæ,

2 doctrinæ, baptismorum, impositionisque manuum & resurrectionis mortuorum, supplicique impiterni.

3 Atque id faciemus si permiserit Deus.

4 Fieri enim non potest, ut qui semel collustrati cœlesti domum gustarunt, & participes fuerunt Sancti spiritus,

5 præclaraque Dei dicta & ævi futuri virtutes gustarunt,

6 & tamen relabuntur, ii iterum vitæ correctione renoveantur : qui sibi Dei filium iterum crucifigant, & in eum exemplum edant.

7 Nam terra quæ imbrem sapius in se venientem combibit, & herbam parit illis accommodatam, propter quos colitur, ea Dei favore felicitatur.

8 At quæ spinas effert, & tribulos, improba est, & affinis execrationi, ad extremumque exurenda.

9 Quanquam de vobis, amici, meliora nobis, & saluti vicina persuasimus, licet ita loquamur.

10 Nec enim ita injustus Deus est, ut oblitus sit opus vestrum, laboremque charitatis, quam exeruistis in ejus nomen, dum sanctis & ministrastis & ministratis :

11 verum optamus, ut vestrum quisque idem studium ad spei plenitudinem præstet ad extremum,

12 ne sitis ignavi, sed eorum imitatores, qui per fidem, & patientiam obtinent promissâ,

13 Nam Abrahamo promittens Deus, cum per nullum majorem jurare posset, juravit per seipsum :

14 dicens : Ni ego te felicirabo atque amplificabo.

15 Atque ita, cum ille patiens fuisset, promissum consecutus est.

16 Homines enim per majorem

rem jurant, eisque omnium controversiarum finis est iurjurandum, ad rem confirmandam.

17 Itaque volens vehementius demonstrare Deus, hæc edibus promissi immutabilitatem sui consilii, iurjurandum interposuit,

18 ut per duas immutabiles res, (in quibus ut Deus mentiatur fieri non potest) validam consolationem habeamus, qui ad tenendam spem propositam confugimus,

19 quam velut anchoram habemus animi, tutam atque firmam, & intra siparium intransi-

20 quò præcursor pro nobis intravit Jesus, ad Melchisedechi rationem pontifex factus in sempiternum.

CAPUT VII.

Hæc enim ipso stimulat, ut attentè expendere, quæ in Melchisedechi consideranda sunt. In quibus similis sit Christus. In summa cur sedere Lex Evangelio debeat.

IS enim Melchisedechus Solymæ rex, summi Dei sacerdos, qui Abrahamo à regum cæde redeunti occurrit, eumque faustis omnibus prosecutus est,

2 cui etiam decimas omnium dedit Abrahamus: qui Melchisedechus primum iustitiæ rex interpretatur: deinde Solymæ rex, hoc est, pacis rex,

3 sine patre, sine matre, sine majoribus, nec ævi principium, nec vitæ finem habens, ac Dei filio consimilis, manet sacerdos in perpetuum.

4 Videtis autem quantus sit hic, cui etiam decimas dederit Abrahamus ex manubiis, summus ille pater.

5 Etequidem qui à Levi genus sacerdotum ineunt, in mandatis

habent, ut populum ex lege decimant: hoc est, suos consanguineos, quamvis ex Abrahami lumbi egressos.

6 Is verò qui ad idem cum ei genus non refertur, Abrahamum decimavit, & habentem promissi prosecutus est faustitate.

7 Jam verò sine ulla controversa, minori à præstantiore imperatur faustitas:

8 & hic quidem decimas morturi homines accipiunt: at illic is quem vivere traditur.

9 Atque ut ita dicam, in Abrahamo etiam Levis, qui decimas accipit, decimatus est.

10 Adhuc enim in patris lumbis erat, cum illi Melchisedechus occurrit.

11 Quod si in Levitico sacerdotio sita foret perfectio (nam sub eo sacerdotio lata lex est populo) quid jam opus esset ad rationem Melchisedechi aliam existere sacerdotem dici, ac non ad Abrahami rationem?

12 Transferendo enim sacerdotio, etiam legis translatio fieri necesse est.

13 Nam de quo hæc dicuntur, is aliæ tribus est, ex qua nullus astat arx.

14 Perspicuum est enim à Iude exortum esse Dominum nostrum, ad quam tribum quoddam pertineret nihil de sacerdotio locutus est Moyses.

15 Atque id eo etiam manifestum est, si ad Melchisedechi similitudinem extitit sacerdos alius.

16 Qui non ex humani præcepti lege factus sit, sed ex indissolubili vitæ.

17 Sic enim testatur: Tu sacerdos in æternum, ad rationem Melchisedechi.

18 Fit enim præcepti superi-

ris abrogatio, propter ejus infirmitatem & inutilitatem:

19 quandoquidem nihil perfectit lex, sed adjectio melioris spei, per quam ad Deum accedimus:

20 melioris, inquam, quatenus non abest iusjurandum. Nam illi sine iurejurando facti sunt sacerdotes:

21 hic verò cum iurejurando, per eum qui de eo sic dicit: Jurat Dominus non mutaturus sententiam, tu sacerdos es in æternum, ad rationem Melchisedechi:

22 tanto præstantioris testamenti sponsor fuit Jesus.

23 Et illi quidem plures fuere sacerdotes, quòd morte prohiberentur permanere.

24 At hic, qui durat in sempiternum, nunquam transiturum habet sacerdotium:

25 & ideo planè servare potest eos, qui per ipsam Deum adveniunt, quippe qui semper vivat ad supplicandum pro eis.

26 Talis enim nobis conveniebat pontifex, pius, vitii expertus, intemeratus, à fontibus alienus, cœlisque sublimior factus.

27 qui non habet quotidie necesse, sicuti pontifices, prius pro suis peccatis victimas libare, deinde pro populi.

28 Hoc enim semel fecit, dum seipsum libavit.

29 Lex enim homines constituit pontifices, imbecillitate præditos: at iurandi legem secuti sermo, filium in perpetuitatem perfectum.

CAPUT VIII.

Quò certius probet abrogatam esse Legis ceremonias, ideo institutas esse commemorat, ut cœlesti prototypo servirent, Jeremia locum adducit, ut veteris Testamenti correctionem probet.

HUJUS autem oratione summa est, quòd ejusmodi habemus pontificem, qui consedit ad dextram solii majestatis, in cœlis,

2 sanctuarii sacrificus, & veri tabernaculi, quòd fixit Dominus non homo.

3 Omnis enim pontifex ob munera victimasque libandas constituitur: ideoque necesse est, ut hic quoque aliquid habeat, quòd liber.

4 Nam si foret in terris, ne sacerdos quidem esset, quum sint sacerdotes qui ex lege munera obmoveant,

5 qui quidem cœlestium exemplo & umbra ceremoniis operantur, quemadmodum oraculo monitus est Moyses, absolurus tabernaculum. Vide, inquit, ut omnia facias ad exemplum tibi in monte demonstratum.

6 Nunc hi tanto præstantius sortitus est munus, quanto melioris est testamenti sequester, quòd melioribus adhibitis promissis compositum est,

7 Si enim primum illud vitio careret, non quæreretur secundi locus.

8 Atqui ille eos accusans sic loquitur: Futurum est (inquit Dominus) ut faciam cum Israelis Judæque domo novum testamentum,

9 non quale testamentum feci cum eorum majoribus, tum cum eos manu prehenso ex Ægypto eduxi. Nam illi in meo testamento non manserunt, & ego eos neglexi, inquit Dominus.

10 Sed hoc est testamentum, quòd cum Israelis domo faciam post illud tempus, inquit Dominus. Indam meas leges in eorum mentes, inque eorum animos eas inscribam, & ego eis Deus,

& ipsi mihi populus erunt.

11 Neque jam inter sese & alii alios Dominum cognoscere decebunt: nam omnes ab eorum minimo ad maximum me cognoscent:

12 quoniam eorum vitiis veniam dabo, nec eorum peccata & scelera deinceps recordabor.

13 Dum novum dixit, prius antiquavit.

14 Quod autem antiquatur ac senescit, id est prope interitum.

CAPUT IX.

Tabernaculi dispositionem, & ritus Legales ad veritatem in Christo exhibitam conferens, concludit non jam amplius alio sacerdote opus esse, quia ipse Christus sub novo Testamento has partes impleat.

HAbebat autem prius testamentum instituta ceremoniarum, mundanumque sanctuarium.

2 Fuit enim conditum primum tabernaculum, in quo erat candelabrum, & mensa, & appositio panum, quæ sacra dicitur,

3 Post secundum velum erat tabernaculum, quod sanctissimum sanctuarium appellatur, aureum habens thuribulum, & arcam testamenti, undique tectam auro:

4 in qua erat urna aurea, habens manna, & Aharonis virga, quæ germinaverat, testamentique tabulæ.

5 Super eam erant splendidi Cherubi, propitiatorium inumbrantes, de quibus non est nunc dicendum singulatim.

6 His autem ita compositis, in primum tabernaculum semper ingrediuntur sacerdotes, ceremonias obeuntes:

7 at in secundum semel in

anno solus pontifex, non absque sanguine, quem & pro seipso, & pro populi imprudenter commissis libat:

8 hoc declarante sancto spiritu, nondum patefactam esse sanctuarii viam, adhuc priore tabernaculo statum habente: quæ ejusmodi res erat, ut præsens in tempus aliam rem indicaret,

9 quo tempore munera & hostiæ libarentur, quæ immolationem, quod ad conscientiam attinet, perficere non possent.

10 posita tantum in cibis & potionibus, diversisque lotionibus, & carnalibus institutis, usque ad correctionis tempus.

11 At Christus advenit, futurorum bonorum pontifex, qui per majus perfectiusque tabernaculum, non manufactum, hoc est non hujus structuræ,

12 neque per hircorum & vitulorum sanguinem, sed per suum ipsius sanguinem, ingressus est semel in sanctuarium, æternam liberationem adeptus.

13 Si enim taurorum & hircorum sanguis, juvenæque cinis, pollutos aspergens, lustrat ad corporis puritatem:

14 quanto magis Christi sanguis, qui per æternum spiritum seipsum libavit innocentissimum Deo, purgavit nostram conscientiam a mortuis operibus, ut viventem colamus Deum?

15 Atque ideo novi testamenti sequester est, ut mortis interveniente ad expiationem commissorum in primum testamentum, vocati consequantur promissam hæreditatem sempiternam.

16 Nam ubi est testamentum, testatoris mortem consequi necesse est.

17 Testamentum enim post mortem ratum est: siquidem nondum

condum valet, dum vivit testator.

18 Itaque ne primum quidem sine sanguine sancitum est.

19 Effatus enim omnia mandata ex lege Moses universo populo, sumpto vitulorum & hircorum sanguine, cum aqua & lana cocina ac hyssopo, ipsum librum & universum populum consperxit.

20 dicens: Hic est sanguis testamenti, quod ad vos mandavit Deus.

21 Tabernaculum quoque & omnem ceremoniarum suppellectilem sanguine similiter omnia consperxit.

22 Et ferè sanguine omnia ex lege purgantur, nec absque sanguinis fusione datur venia.

23 Necessè est ergo, cœlestium exempla hisce purgari: ipsa autem cœlestia potioribus sacrificiis, quàm sunt hæc.

24 Non enim in manufactum sanctuarium ingressus est Jesus, quod veri sanctuarii exemplar foret: sed in ipsum cœlum, ut nunc Deo coràm appareat pro nobis.

25 Neque ut sæpe seipsum libaret, quemadmodum pontifex ingreditur sanctuarium quotannis, adhibito sanguine alieno:

26 alioquin fuisset ei sæpe patiendum supplicium ab orbe conlito. Nunc semel sub seculorum exitu, ad obliterandum suo sacrificio peccatum, exiit.

27 Ac quomodo hominibus semel moriendum est, deinde subeundum iudicium:

28 ita Christus semel ad multorum tollenda peccata libatus, iterum sine peccato conspicietur expectantibus se ad salutem.

CAPUT X.

Legis sacrificia inde colligit infirma fuisse, quia quotannis repetebantur, Christi verd hostiam unicam esse, & perpetuam, Davidis testimonio probat. Hinc exhortationem subiiciens, severe iis minatur qui Christi gratiam abjecerint. Postremo tolerantiam, qua ex fide nascitur, commendat.

UMbram enim habens lex futurorum bonorum, non ipsam rerum representationem, anniversariis iisdem sacrificiis, quæ jugiter fiunt, nunquam potest accedentes perficere.

2 Alioquin nonne fieri desissent, quod semel purgati immolatores, nullius jam sibi peccati essent conscii?

3 Atqui per ea fit quotannis peccatorum commemoratio.

4 Fieri enim non potest, ut taurorum caprorumque sanguis peccata tollat.

5 Itaque in mundum ingrediens dicit: Sacrificium & fertum tibi non placet, corpus autem perfecti mihi:

6 Victimis & piaculis non delectaris.

7 Tunc dixi: En adsum: in capite libri scriptum est de me, ut exequar Deus voluntatem tuam.

8 Cum superius dixisset, sacrificium, & fertum, & victimas, & piacula ei non placere, nec accepta esse quæ ex lege fiunt, deinde dicit: En adsum, ut exequar Deus voluntatem tuam.

9 Tollit prius, ut alterum statuat:

10 in qua voluntate semel lustrati sumus per corporis Jesu Christi libationem.

11 Cumque omnis sacerdos pergat quotidie ceremoniis funeri, &

& eadem sæpe sacrificia facere, quæ peccata adimere nunquam possunt :

12 ille uno pro peccatis functus in perpetuum sacrificio, con-sedit ad Dei dexteram,

13 deinceps expectans, donec ejus hostes fiant ejus pedum sub-sellium.

14 Uno enim libamento per-fecit in perpetuum lustrandos :

15 id quod nobis testatur etiam spiritus sanctus, qui ita præ-dixerit :

16 Hoc est testamentum, quod cum eis faciam post illud tempus, inquit Dominus : Indam meas leges in eorum mentes, inque eorum animos inscribam,

17 nec eorum peccata & sce-lera deinceps recordabor.

18 Ubi autem est peccatorum venia, nulla superest pro peccato libatio.

19 Quis nobrem, fratres, cum ad sanctuarium aditum habeamus liberum per Jesu sanguinem,

20 quam viam nobis lustravit recentem atque vivam, per velum, hoc est, per suum corpus :

21 cumque pontificem habeamus, Dei domui præfectum,

22 accedamus cum vero animo, plenaque fide, & animis à mala conscientia ablutis, & cor-poribus aqua pura loris,

23 tedeamus spei professionem immobilem (fidelis enim est qui promisit,)

24 & videamus ut alii alios ad charitatem & rectè facta provo-cemus :

25 nè nostram consociatio-nem deseramus, ut solent nonnulli : sed cohortemur, idque cò magis, quòd videtis instare diem :

26 Nam si postquam veri cognitionem affecuti sumus, data opera peccamus, non jam super-

est ullum pro peccatis sacrificium,

27 sed horrenda quædam expectatio judicii, ignisque sævitiæ adversarios confecturi.

28 Si quis contra Mosaicam legem commisit, is citra ullam misericordiam, ex duorum triumve testimonio moritur :

29 quanto graviore putatis afficiendum poena, qui Dei filium proculcaverit; testamentique sanguinem, per quem lustratus est, pro profano habuerit, & gratiæ spiritum affecerit contumelia ?

30 Scimus enim quis dixerit : Mea est ultio, ego rependam, inquit Dominus. Item : Dominus vindicabit suum populum.

31 Horribile est in viventium Dei manus incidere.

32 Recordamini verò superiora tempora, in quibus collustrati magnum adversorum certamen sustinistis,

33 partim dum ipsi per contumelias & calamitates ostentui fuistis : partim dum socii fuistis eorum, cum quibus sic actum est.

34 Nam & meorum vinculo-rum vicem doluistis, & facultatum vestrarum direptionem cum lætitia tulistis, intelligentes habere vos penes vos ipsos meliores opes in cœlis, & durabiles.

35 Quapropter nolite vestram projicere confidentiam, quæ magnum est habitura præmium.

36 Nam patientia vobis opus est, ut Dei voluntatem executi promissa reportetis.

37 Etenim perpaulo post quæ venturus est, veniet, neque tardabit.

38 Justus autem fide vivet

quod si se subtraheret, non est acceptus animo meo,

39 Nos verò non ii sumus, qui nos subtrahamus, ad perniciem: sed qui fidamus ad vitam comparandam.

CAPUT XI.

Tractat usque ad finem capitis non aliunde salutem ad pios esse patres, quicunque ab initio mundi Deo probati fuerunt, quam ex fide: ut sciens Judæi hac sola se colligari patribus in sanctam civitatem.

EST autem fides sperantium subjectio, rerum demonstrationis quæ non cernuntur:

2 atque in ea explorati sunt antiqui.

3 Fide intelligimus mundum esse Dei jussu conditum, ita ut ex non extantibus, facta sint ea quæ cernuntur.

4 Fide præstantiorem rem divinam fecit Abel, quam Caius, Deo: per quam eum iustum esse testatum est, ejus muneribus testimonium dante Deo: & per eandem mortuis adhuc acquiritur.

5 Fide Enochus ita translatus est, ut mortem passus non sit: & à Deo translatus, nusquam exiit. Nam ante ejus translationem, testatum est eum placuisse Deo:

6 cui ut sine fide placeatur, fieri non potest. Credendum est enim ei, qui ad Deum accedat, Deum esse, & sui studiosis præmia dependere.

7 Fide admonitus oraculo Noe de rebus, quæ nondum cernuntur, veritus Deum, extruxit arcam, ad suæ familiæ salutem, per quam damnavit mundum, & vitam in fide justitiam obtinuit.

8 Fide vocatus Abrahamus

obedivit, in locum proficiscendo, quem hæreditas obtenturus erat: & profectus est, nesciens quid vaderet.

9 Fide migravit in promissam terram, ut alienam, & in tabernaculis habitavit, cum Isaac & Jacobo, ejusdem cum eo promissi cohæredibus.

10 Expectabat enim fundamenta habentem urbem cujus artifex opifexque Deus est.

11 Fide ipsa quoque Sara vires ad jactum seminis accepit, præterque tempus ætatis peperit, quandoquidem fidum existimavit promissorem.

12 Itaque ex uno, eoque æmortaluo, tam multi nati sunt, quantus est cœlestium stellarum numerus, aut arenæ marini littoris, quæ est innumerabilis.

13 Fide præditi, mortui sunt omnes hi, non adepti promissa, sed ea procul conspiciati crediderunt, & amplexi sunt, seque in terra hospites & peregrinos esse confessi.

14 Qui enim dicunt talia, patriam se requirere declarant.

15 Quod si eam recordarentur ex qua profecti sunt, haberent revertendi tempus.

16 Nunc potiorem desiderant, hoc est cœlestem. Itaque Deum non pudet eorum, quo minus eorum Deus appelleretur: quippe quibus urbem paraverit.

17 Fide libavit Abrahamus Isaacum, cum tentaretur: unigenitum obtulit, is cui illa promissa fuerant,

18 cui dictum fuerat, ejus progeniem ab Isaac denominatam in is

19 cogitans Deum vel ex mortuis excitare posse: unde eum videtur quodam modo recepisse.

20 Fide in futurum fausta precatus est Isaacus Jacobo & Esau.

21 Fide Jacobus moriens, utrique filio Josephi bene precatus est, & in caput baculi sui sese venerabundus inclinavit.

22 Fide Josephus decedens, Israelitarum exitum memoravit, deque suis ossibus mandata dedit.

23 Fide Moses natus tres menses à parentibus occultratus est, quòd puerum elegantem videntes, regis edictum veriti non fuerunt.

24 Fide Moses postquam adolevit, filius Pharaonis filius dici recusavit,

25 maluitque cum divino populo mala pati, quam brevem habere peccati fruitionem:

26 majores divitias esse ratus Christi probum, quàm Ægypti thesauros, utpote qui præmium spectaret.

27 Fide reliquit Ægyptum, non veritus regis iram: tanquam enim inaspectabilem aspiceret, sic duravit.

28 Fide Pascha sanguinisque fusionem fecit, ne primogenitorum interfector illos tangeret.

29 Fide item illi mare rubrum tanquam terra sicca trajecerunt, quod experti Ægyptii, exhausti sunt.

30 Fide Hierichuntis mœnia collapsa sunt, per septem dies circumdata.

31 Fide Rachaba meretrix non periit unà cum dissidentibus, quæ exploratores amice acceperat.

32 Denique quid multis? deficiet me tempus narrantem de Gedeone, Baraco, Sampsonè. Jephtha, Davide, Samuele, & vatibus,

33 qui per fidem regna expugnaverunt, iustitia functi sunt, adepti sunt promissa, obturaverunt fauces leonum,

34 vim ignis extinxerunt, gladiatorum mucrones effugerunt, convalescerunt ex morbis, fortes in bellis fuerunt, agmina verterunt hostium,

35 receperunt scemina revocatos in vitam suos mortuos. Alii autem cruciati sunt, neque se liberari siverunt, quo meliorum assequerentur resurrectionem.

36 Alii ludibria, & scuticas, itemque vincula & custodias experti sunt,

37 lapidati, secti, tentati sunt, gladii cœde interierunt, ovinas caprinaeque pelles gestarunt, egentes, calamitosi, ærumnosi,

38 quibus dignus non erat mundus, per deserta & montes antraque & terræ specus errantes.

39 Atque hi omnes fide explorati, non obtinuerunt promissum,

40 Deo de nobis quiddam melius providente, ne illi sine nobis perfecti redderentur.

CAPUT XII.

Non modò ab eorum patrum quoque recitavit exemplis hortatur ad patientiam & constantiam, sed etiam ab exemplo Christi. Non rectè estimatum iri castigatio Dei ex presenti carnis nostræ sensu.

Proinde nos quoque tanto circumsepti nimbo testium, deposito omni onere, ambiziosoque peccato, patienter decurramus propositum nobis certamen,

2 spectantes in fidei ducem perfectoremque Jesum qui pro laetitia sibi proposita, sustinuit contempto pudore crucem, & ad dexteram solii Dei consedit.

3 Considerate verò eum, qui tantos pertulit improborum adversum se insultus, ne defatigati animos despondeatis.

4 Nondum usque ad sanguinem restitistis, adversus peccatum decertantes,

5 & oblici estis cohortationis, quæ vos ceu filios alloquitur: Fili mi, ne contemne Domini castigationem néve desponde, eo te corrigente.

6 Quem enim amat Dominus, castigat: & verberat, quemcunque filium acceptum habet.

7 Si castigationem sustinetis, ut filiis vobis utitur Deus. Quis est enim filius quem non castiget pater?

8 Quod si castigationis expertes estis, cujus participes fuerunt omnes, ergo spurii estis, non veri liberi.

9 Ergone cum corporum nostrorum patres haberemus castigatores, reverebamur? non multo magis parebimus spirituum patri, ut vivamus?

10 Nam illi ad tempus exiguum, prout eis videbatur, castigabant: hic verò ad utilitatem, quò ejus sanctitatem participemus.

11 Omnis quidem castigatio in præsentia non voluptatis, sed doloris esse cernitur: verum tandem salutarem justitiæ fructum reddit iis, qui per eam sunt exercitati.

12 Quocirca remissas manus dissolutaque genua porrigite,

13 & rectas pedibus istis orpitas imprimite, ne claudum quod est, contorqueatur, sed potius saturetur.

14 Pacem cum omnibus prosequimini & sanctimoniam, sine qua nemo Dominum videbit:

15 dispicientes, ne quis Dei amore careat, ne qua radix acritatis sursum pullulans, noceat, ut eamque multi contaminentur,

16 ne quis sit impudicus, aut profanus, ut Esau, qui pro uno cibatu ætatis suæ prærogativam addixit.

17 Scitis enim, cum postea felicitatem obtinere vellet, repudiatum fuisse, neque poenitentiae locum invenisse, tametsi felicitatem cum lacrymis requisierit.

18 Non enim accessistis ad palpandum montem, ardentemque ignem, & caliginem, & tenebras, & procellam,

19 tubæque sonitum, & illam verborum vocem, quam qui audiverant, orarunt ne sibi plura verba fierent.

20 Non ferebant enim præceptum illud: Etiam bestia si montem terigerit, lapidetur, aut missilibus configatur:

21 cum adeo horribile foret illud spectaculum, ut se Moyses ipse præ timore tremere dixerit.

22 Verum accessistis ad Sionem montem, & Dei viventis urbem, Hierosolymam cœlestem, angelorum legiones,

23 conventum cœtumque primogenitorum in cœlis conscriptorum, & judicem Deum omnium, & ad spiritus justorum perfectorum,

24 & novi fœderis sequestrum Jesum, & iustalem sanguinem, meliora loquentem quàm sanguis Abelis.

25 Videte ne loquentem repudietis. Nam si illi non effugerunt, qui oracula dantem in terris detrectarunt: multo magis nos non effugiemus, si cœlestem averfamur,

26 qui & tum sua voce terram concussit, & nunc ita denunciavit: Adhuc semel ego commovebo non solum terram, verum etiam cœlum.

27 Hoc verbum, Adhuc semel, concutiendorum mutationem declarat quippe conditorum, quò maneant non concutienda.

28 Proinde regnum capeffentes inconcuffum, habeamus gratiam, per quam ita reverenter & religioſè Deum colamus, ut ei fimus accepti.

29 Eſt enim Deus noſter ignis edax.

C A P U T XIII.

Præceptiones addit non tantum quæ ad mores, ſed etiam quæ ad doctrinam pertinent.

DUret fraternus amor.

2 Hospitalitatem oblivioni ne mandate: per hanc enim nonnulli inſcipienter angelos hoſpicio acceperunt.

3 Mementote victorum, perinde ac ſi eſſetis ipſi ſimul victi: & calamitoſorum, ut qui ſitis ipſi quoque in corpore.

4 Honeſtum eſto matrimonium in omnibus, intemeratusque lectus. Impudicos verò & adulteros punit et Deus.

5 Moribus eſſe à pecuniæ ſtudio alienis, contenti ſis quæ adſunt. Dixit enim ille: Non deſeram te, neque derelinquam:

6 adeò ut nobis confidenter dicere liceat: Dominus mihi deſenſor eſt, non metuum ne quid mihi faciant homines.

7 Mementote eorum qui vobis præſunt, qui vobis divinam expoſuere doctrinam, quorum intuentes eventum morum imitamini fidem.

8 Jeſus Chriſtus & heri, & hodie, & idem eſt in ſempiternum:

9 Variis peregriniſque doctrinis nolite ferri. Præclarum verò eſt gratiarum actione firmari animum, non cibis, quibus nihil adjuti ſunt qui eis vixerant.

10 Habemus aram, ex qua cibum capiendi poteſtatem non habent qui tabernaculo ſerviunt.

11 Quorum enim piaculorum ſanguis in ſanctuarium inferitur à pontifice, eorum corpora cremantur extra caſtra.

12 Itaque Jeſus, ut ſuo ſanguine populum luſtraret, extra portam ſupplicium pertulit.

13 Proinde exeamus ad eum extra caſtra, ejus dedecus ferentes.

14 Non enim habemus hic durabilem urbem, ſed futuram requirimus.

15 Per eum igitur liberamus affiduum laudationis ſacrificium Deo, hoc eſt, laborum fructum, ejus nomen celebrantium.

16 Beneficentiam autem & liberalitatem oblivifci nolite: talibus enim ſacrificiis propitiatur Deus.

17 Parete verò gubernatoribus veſtris, & obſequimini (nam ſi pro animis veſtris vigilant, ut rationem reddituri) ut id cum lætitia faciant, non gementes; nam id eſt veſtra non eſſet.

18 Orate pro nobis, qui bene nobis eſſe conſcios confiſimus, præclare nos in omnibus gerere volentes.

19 Ad id autem faciendum vehementius exhortor, ut celeriter vobis reſtituar.

20 Deus verò pacis, qui et mortuis revocavit magnum illorum ovium paſtorem, per æterni teſtamenti ſanguinem, Dominum noſtrum Jeſum,

21 vos ritè componat in omnibus rectè factis, ad exequendam ſuam voluntatem, vobis ut viſum fuerit, faciens per Jeſum Chriſtum, cui gloria in omni perennitatem: Amen.

22 Quæſo vos, fratres, bene conſi-

consulite hunc exhortatorium sermonem: nam paucis scripsi vobis.

23 Scitote fratrem Timotheum solum esse: cum quo, si quamprimum venerit, videbo vos.

24 Salutare omnes rectores

vestros omnesque sanctos. Salutant vos Italici.

25 Adsit vobis omnibus gratia. Amen.

Missæ ex Italia per Timotheum.

APOCALYPSIS

JOANNIS THEOLOGI,

HOC EST PATEFACTIO.

CAPUT I.

Indicat doctrina genus quod hic tractatur, nempe illius qui est principium & finis. Deinde septem candelabrorum & stellarum mysterium explicat.

JESU Christi patefactio, quam dedit ei Deus, ut servis suis ostenderet quæ brevi futura sunt, & misso angelo suo, per eum significavit servo suo Johanni,

2 qui Dei sermonem, & Jesu Christi testimonium, ac quæcunque vidit testatus est.

3 Felix qui legit, & quique oraculi dicta audiunt, & quæ in eo scripta sunt exequuntur: nam tempus instat.

4 Johannes septem Asianis ecclesiis gratiam & pacem, ab eo qui est, & qui fuit, & qui venturus est: & à septem spiritibus, qui sunt ante ejus solium:

5 & à Jesu Christo, teste illo fidei, primogenito ex mortuis, & regum terræ principe.

6 Ei qui nos amavit, suoque sanguine à peccatis abluit, & reges ac sacerdotes Deo & patri suo fecit, ei gloria & imperium in perpetua secula: Amen.

7 Venturus est cum nubibus, eumque cernet omnis oculus, & qui eum compunxerunt, deque eo plangent omnes terrarum nationes. Etiam profecto.

8 Ego sum α & ω , principium, & finis, inquit Dominus, qui est, qui fuit, & qui venturus est, Omnipotens.

9 Ego Johannes, qui & frater sum vester: & socius in calamitate, inque regno & patientia Jesu Christi, cum in insula nomine Patmo, propter Dei sermonem propterque Jesu Christi testimonium essem,

10 divinitus affatus die Dominico, audiui post me magnam quasi tubæ vocem dicentis:

11 Ego sum α & ω , primus & ultimus. Tu quod cernis, scribe in libro, & mitte Asianis ecclesiis, Ephesum & Smyrnam. & Pergamam, & Thyatira, & Sardes, & Philadelphiam, & Laodiceam.

12 Tum ego converti, ut viderem, quæ vox esset allocuta me: conversusque vidi septem aurea candelabra,

13 & in medio septem candelabrorum similem hominis filio indutum

indutum veste talari, & ad mammas cinctum aureo cingulo.

14 Ejus autem caput & crines erant albi, ut alba lana aut nix: oculi ut ignis flamma:

15 pedes chalcobano similes, tanquam in fornace igniti. Vox ejus, qualis est aquarum multarum vox.

16 Habebat in sua manu dextera septem stellas, exque ejus ore gladius anceps acutus prodibat. Ejus aspectus erat, qualis micat cum sua virtute Sol.

17 Eum conspicatus ego, ad ejus pedes penè mortuus cecidi. At ille dextera sua manu mihi imposta dixit: Ne metue: ego sum primus & ultimus, qui vivo,

18 & fui mortuus, & jam sum vivus in perpetua secula. Ita est: & habeo Orci claves atque mortis.

19 Scribe quæ videris, quæque sunt, & quæ sunt posthac futura.

20 Arcanum septem stellarum, quas in mea dextera vidiſti, & septem aureorum candelabrorum est hoc: Septem stellarum, angeli sunt septem ecclesiarum. Septem autem candelabra, quæ vidiſti, septem ecclesiae sunt.

C A P U T II.

Jubetur Johannes scribere qua Dominus necessaria noverat Ecclesiis, Ephesiorum, Smyrnenſium, Pergamenorum, Thyatirenſium, ut qua ab Apostolis acceperunt, teneant.

Ephesinæ Ecclesiae angelo sic scribito: Hæc dicit qui septem stellas sua dextera tenet, qui in medio septem aureorum candelabrorum ambulat,

2 Novi tua facta, laborem, & patientiam, utque malos ferre nequeas: & eos exploraveris

qui se profitentur apostolos, nec sunt: quos tu falsos deprehendiſti,

3 & toleraſti, patientiaque uteris, & propter meum nomen laboras indefessus.

4 Sed habeo de te quod expostulem, quod charitatem tuam pristinam omiſiſti.

5 Quamobrem memento unde excideris, & ad sanitatem redi, ac priora opera facito. Alioquin adoriar te brevi, tuumque candelabrum ex suo loco transmovebo, nisi ad sanitatem redieris.

6 Quoniam id habes, quod Nicolaitarum facta odiſti, quæ ego quoque odi.

7 Qui habet aurem, audiat quid spiritus dicat ecclesiis: Vitori dabo vefci arbore vitæ, quæ in medio est divini pomarii.

8 Item angelo ecclesiae Smyrnenorum scribito: Hæc dicit primus & ultimus, qui fuit mortuus & revixit.

9 Novi tua facta & calamitatem ac pauperiem (cùm tamen dives sis) eorumque impium dictum, qui se Judæos esse dicunt, nec sunt, sed Satanæ catterva.

10 Noli metuere quæ passurus es. Daturus est quidem Diabolus vestrum nonnullos in custodiam, ut exploremini: feretisque decem dierum afflictionem. Esto fidelis ad mortem usque, & tibi dabo coronam vitæ.

11 Qui habet aurem, audiat quid spiritus dicat ecclesiis, Qui vicerit, non lædetur à secunda morte.

12 Item Pergamenſis ecclesiae angelo scribito: Hæc dicit qui gladium habet ancipitem, acutum:

13 Novi tua facta, & ubi habites,

habites, ubi Satanæ solium est: teneſque meum nomen, nec meam fidem negaſti, etiam iis temporibus, quibus Antipas, fidus ille teſtis meus, apud vos interfectus eſt, ubi Satanas habitat.

14 Sed habeo contra te pauca, quòd habes iſtic qui Balaami doctrinam teneant, qui propter Balacum docebat Iſraelitis detrimentum afferre, quo immolata deaſtris veſcerentur, ac ſcortarentur.

15 Item habes tu idem qui Nicolaitarum doctrinam teneant, id quod ego odi.

16 Corrige te: alioquin aggrediar te brevi, & cum iſtis oris mei gladio depugnabo.

17 Qui habet aurem, audiat quid ſpiritus dicat eccleſiis: Victori dabo occultò manna veſci: eique dabo calculum album, & in calculo novum nomen ſcriptum, quod nullus novit, niſi qui accipit.

18 Item angelo Thyatirenſis eccleſiæ ſcribito: Hæc dicit Dei filius, qui oculos habet igneæ flammæ ſimiles, cuiusque pedes ſimiles ſunt chalcobibano.

19 Novi tua facta, & charitatem, & adminiſtrationem, & fidem, & patientiam, & poſtrema plura prioribus.

20 Sed habeo contra te pauca, quòd mulierem Jeſabelem, quæ ſe vatem eſſe dicit, docere finis, ſervosque meos decipi & ſcortari, & deaſtris immolata veſci.

21 Cui quum ego tempus dederim, quo ab impudicitia ſua recederet, non-vult recedere.

22 Ego verò eam in lectum, & cum ea adulterantes in magnam calamitatem proſternam, niſi à ſuis operibus deſtiterint:

23 ejuſque liberos morte multabo: & efficiam, ut intelligant

omnes eccleſiæ, eum eſſe me, qui renes & corda ſcruter, & vos pro ſuis quemque factis remunerabor.

24 Vobis autem dico, reliquiſque Thyatirenſibus, quotquot hanc diſciplinam non habent, & qui Satanæ calliditates non norunt, ut aiunt: non imponam vobis aliud onus:

25 ac quòd habetis, tenete, donec veniam.

26 Qui verò vicerit, operaque mea ad extremum retinuerit, huic ego dabo in gentes eam poteſtatem,

27 ut eos virga ferrea paſcat, quomodo fiſtilia vaſa conteruntur, ut & ego à patre meo accepi:

28 eique ſtellam dabo matutinam.

29 Qui habet aurem, audiat quid ſpiritus dicat eccleſiis.

CAPUT III.

Sequitur epiſtola quinta ad paſtores Eccleſiæ Sardenſium, Philadelphiensium, & Laodiceuſium, ne trepidi ſint, ſed gloria Dei promovenda operam dent.

Item angelo Sardenſis eccleſiæ ſcribito: Hæc dicit qui ſeptem Dei ſpiritus, & ſeptem ſtellas habet: Novi tua facta, qui quum viventis nomen habeas, mortuus es.

2 Præſta te vigilantem, & cætera moritura confirma. Non enim inveni tua opera erga Deum officioſa.

3 Reminiſcere igitur, quomodo acceperis audiviſque, & ſerva, ad frugemque redi. Quòd niſi vigilaveris, adoriar te ut fur, neque ſcies qua te adoriar hora.

4 Sed habes pauca nomina etiam Sardis, quæ ſua veſtimenta

non contaminarunt : ii mecum in albis vestibus ambulabunt, utpote digni.

5 Qui vicerit, is albis induetur vestibus, nec ejus nomen ex libro vitæ delebo : & ejus nomen coram meo patre, coramque ejus angelis confitebor.

6 Qui habet aurem, audiat quid spiritus dicat Ecclesiis.

7 Item angelo Philadelphien- sis ecclesiæ scribito : Hæc dicit sanctus, verus, qui Davidis cla- vem habet, quo aperiente nullus claudit, claudente nullus ape- rit.

8 Novi tua facta. Ego tibi apertam proposui portam, quam claudere nullus queat : quoniam exiguas vires habens, meis dictis parvisti, neque meum nomen negasti.

9 Ego cogam nonnullos ex Sathanæ caterva, qui se Judæos esse dicunt, nec sunt, sed men- tionentur : eos inquam, ed adigam, ut te ante pedes tuos veneratum veniant, reque mihi charum esse intelligant.

10 quoniam meum patientiæ sermonem conservasti : ego quo- que te adversus tentationis ho- ram conservabo, eventuram toti orbi, quò tenentur incolæ ter- rarum.

11 Ego brevi venturus sum : tene quod habes, ne quis tibi coronam præripiat.

12 Qui vicerit, eum ego co- lumnæ faciam in templo Dei mei, quæ deinceps inde non exi- bit : eique Dei mei nomen inscri- bam, & nomen urbis Dei mei, novæ Hierosolymæ, de cælo à Deo meo descendenti, itemque meum nomen novum.

13 Qui habet aurem, audiat quid spiritus dicat ecclesiis.

14 Item angelo Laodicensis

ecclesiæ scribito : Hæc dicit, Amen, testis fidus atque verus, opificii Dei caput.

15 Novi tua facta, qui neque frigidus sis, neque fervidus. U- rinam aut frigidus esses, aut fer- vidus.

16 Ergo quia tepidus es, neque frigidus, neque fervidus, evomam te ex ore meo :

17 quoniam te divitem dita- tumque esse dicis, nec ulla re in- digere : neque scis te esse ærum- nosum & miserum, & pauperem, & cæcum, & nudum.

18 Suadeo tibi, ut à me aurum igne candens emas, quò ditiescas : & vestimenta candida, quo in- duare ne appareat tuæ nuditatis obscenitas : & collyrio illine tuos oculos, ut cernas.

19 Ego quos amo, arguo & castigo. Quamobrem vehemen- tior esto, reque corrige.

20 Equidem pro foribus asto, atque pulso. Si quis audita voce mea januam aperuerit, ingrediar ad eum, & cum eo cœnabo, & ipse mecum.

21 Qui vicerit, ei dabo me- cum in meo federe folio, ut ego quoque victor confedi cum meo patre in ejus folio.

22 Qui habet aurem, audiat quid spiritus dicat ecclesiis.

C A P U T IV.

Alia narratur visio, divina ma- jestatis gloriam continens, quæ à quatuor animalibus, & viginti quatuor senioribus celebratur.

Postea animadverti apertam in cælo portam, voxque illa prima (quam perinde ac si me- cum tuba loqueretur, audive- ram) dixit : Ascende hac, & ti- bi ostendam quæ posthac futu- ra sunt.

2 Hic ego continuo divinitus afflatus, video positum in cælo solium,

folium, & in folio sedentem quendam,

3 qui sedens, aspectu similis erat jaspidi gemmæ, & sardio. Solium circumdabat Iris, aspectu smaragdum referens:

4 idemque solium circumstant vigintiquatuor solia, in quibus foliis vidi sedentes vigintiquatuor senatores, vestibus indutos candidis, qui in capitibus coronas habebant aureas.

5 Ex folio prodibant fulgura, & tonitrua, & fragores, & septem facies igneæ, & ante solium ardentes, quæ sunt septem Dei spiritus.

6 Ante solium erat mare vitreum, crystalli simile: & in medio solii, circumque solium, quatuor animalia, oculis, & à fronte & à tergo referta.

7 Primum animal erat leoni simile: alterum animal erat vitulo simile: tertium animal faciem habebat hominis: quartum animal simile erat aquilæ volanti.

8 Hæc quatuor animalia habebant singulas senas alas, per circuitum, & intus erant oculis referta. Ea sine ulla intermissione dies, & noctes dicunt: **SANCTUS, SANCTUS, SANCTUS** Dominus Deus armipotens, qui fuit, qui est, & qui venturus est.

9 Cum autem tribuunt animalia gloriam, & honorem, & gratiarum actionem sedenti in folio, viventi in perennia secula:

10 procumbunt vigintiquatuor senatores ante sedentem in folio, & adorant viventem in perennia secula, abjiciuntque suas coronas ante solium dicentes:

11 Dignus es, Domine, qui gloriam, & honorem, & potestatem accipias, quoniam tu omnia

condidisti, eaque tua voluntate & sunt & condita sunt.

CAPUT V.

Librum septem sigillis obsegnatum, quem nemo aperire poterat, Agnus ille Dei dignus qui aperiat, omnium celestium decantatur voce.

Item vidi ad sedentis in folio dexteram, librum intus & extra scriptum, septem sigillis obsegnatum:

2 vidique validum angelum magna voce pronunciantem: Quis dignus est qui librum aperiat, & ejus sigilla resignet?

3 Sed nullus nec in caelo nec in terra, nec sub terra, librum aperire aut inspicere poterat.

4 Ego verò multum plorare, quòd nullus inventus esset dignus qui librum aperiret, & legeret, aut inspiceret.

5 Tum senatorum quidam me alloquens: Ne plora, inquit: evicit leo qui est ex tribu Judæ, Davidica stirpe, qui librum aperiat, ejusque septem sigilla referet.

6 Tum ego aspiciens, animadverti in medio solii, & quatuor animalium, inque medio senatorum stantem agnum, tanquam mactatum, habentem septem corna, septemque oculos, qui sunt septem Dei spiritus in omnes dimissi terras.

7 Is venit, accipitque librum de dextera sedentis in folio.

8 Postquam is librum accepit, quatuor animalia, & vigintiquatuor senatores procidere ante agnum, habentes singuli citharas, aureasque phialas suffumigantium plenas, quæ sunt sanctorum supplicationes,

9 novumque carmen canere, dicentes: Dignus es qui librum accipias, ejusque sigilla resolves,

quoniam mactatus es, nosque Deo sanguine tuo comparasti ex omni natione, lingua, populo, gente,

10 nosque fecisti Deo nostro reges & sacerdotes regnatos in terra.

11 Deinde aspiciens audivi multorum angelorum vocem, circum solium, & animalium ac senatorum, quorum numerus erat distributus in millies centena millia, & decies centena millia,

12 qui magna voce dicebant: Dignus est mactatus agnus qui potestatem accipiat, & divitias, & sapientiam, & vim, & honorem, & gloriam, & laudem.

13 Tum omnem rerum naturam, quæ & in cælo est, & in terra, & sub terra, & in mari, hæc & quæ in eis sunt omnia audivi dicere: Sedit in folio & agno laus, & honos, & gloria, & imperium in sempiterna secula.

14 Et quatuor animalia dixerunt: Amen. Et vigintiquatuor senatores procubuerunt, & viventem in sempiterna secula venerati sunt.

C A P U T VI.

Aperit agnus primum libri sigillum: secundum, tertium, quartum, quintum & sextum: quibus apertis, cades, fames, pestis, sanctorum querela, terra motus, & varia cæli prodigia oriuntur.

DEinde aspiciens, quum aperisset agnus unum de septem sigillis, audivi unum de quatuor animalibus dicens, quasi voce tonitruus: Veni spectatum.

2 Ego aspiciens animadverti equum album, cui qui insidebat, arcum habebat, eique data corona est: isque prædiit vincens, & ut vinceret.

3 Deinde ubi sigillum secundum aperuit, audivi secundum animal dicens: Veni spectatum.

4 Tum prædiit alius equus rufus, quem insidenti commissum est ut ex terris auferret pacem, ita ut alii alios necarent: eique datus est magnus gladius.

5 Postquam tertium aperuit sigillum, audivi tertium animal dicens: Veni spectatum. Hic ego aspicio nigrum equum, cui qui insidebat, libram habebat in manu,

6 audivique vocem in medio quatuor animalium dicentem: Chœnix tritici denario, & tres chœnices hordei denario, & oleum & vinum ne læseris.

7 Ubi quartum aperuit sigillum, audivi vocem quarti animalis dicentem: veni spectatum,

8 animadvertique pallidum equum, cui qui insidebat, nomen habet Mors, quem simul comitatur Orcus. His data potestas est interficiendi ad quartam partem terræ, gladio, fame, letho, ferisque terrestribus.

9 Deinde ubi quintum aperuit sigillum, vidi sub ara animas necatorum propter Dei sermonem, propterque testimonium quod habebant,

10 qui ingenti voce sic elamabant: Quousque tandem, ô Domine sancte atque vere, non ulcisceris ac vindicas sanguinem nostrum de terræ incolis?

11 Sed eis singulis datæ sunt albæ stolæ, eisque dictum est ut quiescerent adhuc paulisper, donec plenus esset numerus etiam conservorum eorum atque fratrum, qui interficiendi essent, ut & ipsi.

12 Deinde aspiciente me, ubi sextum

sextum sigillum aperuit, exitit magnus terræmotus: factusque est sol tam ater, quam est saccus cilicinus: & luna facta est sanguinea,

13 & cœli stellæ ceciderunt ad terram, sicut ficus abjicit suas grossos, cum vehementi vento quatitur:

14 & cœlum recessit, perinde ac si scheda convolvatur: omnesque & montes & insulæ ex suis locis motæ sunt,

15 & terrarum reges, & summates, & divites, & tribuni, & potentes, & omnes tum servi, tum liberi, seipsos in specus rupesque montium abdere,

16 & montibus rupibusque dicere: Obruite nos, & abdite ex conspectu sedentis in folio, & ab ira agni,

17 quoniam venit magna dies ejus iræ, quam quis possit subsistere?

CAPUT VII.

Grassantes in orbe angeli, inhibentur donec electi Domini ex omnibus tribubus signentur. Deinde eorum qui Christi causa persecutionem sustinuerunt, felicitas, & gaudium describitur.

Postea vidi quatuor angelos, stantes ad quatuor terræ angulos, tenentes quatuor terræ ventos, ne ventus terram, aut mare, aut ullam arborem afflaret.

2 Item vidi alium angelum ab ortu solis ascendentem, habentem viventis Dei sigillum, qui ad quatuor angelos (quibus ut terram & mare læderent, commissum erat) magna voce clamavit his verbis:

3 Ne læditote terram, nec mare, nec arbores, donec Dei nostri servos in eorum frontibus consignemus.

4 Audiui autem consignato-

rum numerum, qui consignati erant centum quadragintaquatuor millia ex omnibus Israelitarum tribubus.

5 Ex tribu Judæ consignata erant duodecim millia. Ex Rubenis, duodecim millia. Ex Gaddi, duodecim millia.

6 Ex Aseris, duodecim millia. Ex Napthalis, duodecim millia. Ex Manassis, duodecim millia.

7 Ex Simeonis, duodecim millia. Ex Levis, duodecim millia. Ex Issacharis, duodecim millia.

8 Ex Zabulonis, duodecim millia. Ex Josephi, duodecim millia. Ex Benjaminis, duodecim millia.

9 Postea animadverti tantam turbam, ut eam numerare nullus posset, ex omnibus gentibus, nationibus, populis & linguis, qui ante solium & agnum stabant, stolis amicti candidis, palmas gestantes in manibus,

10 & magna voce clamantes in hunc modum: Salus sedenti in folio Dei nostri, & agno.

11 Omnes autem angeli, folium senatoresque & quatuor animalia circumstantes, procubuerunt ante solium proni, Deumque venerati sunt,

12 dicentes: Amen. Faustitas, & gloria, & sapientia, & gratiarum actio, & honos, & potentia, & vires, Deo nostro in perpetua secula: Amen.

13 Tum unus de senatoribus, sic me affatus est: Hi stolis albis amicti quinam sunt, & unde venerunt?

14 Cui ego: Domine, tute scis. Et ille: Hi sunt, inquit, qui ex magna calamitate veniunt, stolasque suas agni sanguine perluerunt ac dealbarunt,

15 propterea sunt ante Dei solium, eumque dies & noctes in ejus templo colunt, apud eosque deget is qui sedet in solio.

16 Non amplius esurient, nec amplius sitient, nec eos sol aut ullus æstus feriet:

17 quoniam agnus, qui est inter solium, pascet eos, & ad vivos aquæ fontes ducet, abstergetque Deus ex eorum oculis omnem lacrymam.

C A P U T VIII.

Septimo sigillo aperto, offeruntur sanctorum preces per suffūsus. Procedunt septem angeli cum tubis, & quatuor primis clangentibus ignis decedit, mare turbatur, aqua amarescunt, & stella obtinebantur.

UT autem septimum aperuit sigillum, exiit in cœlo silentium ferè dimidiam horam:

2 vidique septem angelos, qui in Dei conspectu assiderant, quibus septem tubæ datæ sunt.

3 Alius item angelus venit, & ad aram constitit, thuribulum habens aureum, eique data sunt multa suffimenta, ut sanctorum omnium supplicationes ad auream aram ante solum positam obmoveret:

4 ascenditque fumus suffimentorum supplicationum sanctorum, ex angeli manu in Dei conspectum.

5 Deinde sumpsit angelus thuribulum, & altaris igne replevit, ad terramque deiecit: & extiterunt fragores, & tonitrua, & fulgura, & terræmotus.

6 Itemque septem angeli, qui septem tubas habebant, sese ad clangendum pararunt.

7 Cumque primus angelus clauxisset, exiit grando & ignis permixta sanguini: quibus ad terram dejectis, tertia pars

arborum combusta est, & omnes virentes herbæ conflagraverunt.

8 Deinde ubi secundus clauxit angelus, quidam quasi mons ingens, igni flagrans, in mare dejectus est, conversaque est pars tertia maris in sanguinem:

9 & mortua est tertia pars rerum quæ in mari animatæ sunt, tertiaque navium pars corrupta.

10 Ut tertius clauxit angelus, cecidit de cœlo magna stella, facis in morem ardens, qua in tertiam fluviorum partem, & in aquarum fontes delapsa:

11 (est autem stellæ nomen Absinthium) conversa est tertia pars in Absinthium, multique hominum ab aquis interierunt, quod amaræ factæ essent.

12 Ad quarti angeli clangorem ista est solis tertia pars, & lunæ tertia pars, & stellarum tertia pars, adeo ut offuscata eorum parte tertia, dies tertia parte sui non luceret, itidemque nox.

13 Tum aspiciens audivi quendam angelum volantem per medium cœli, magna voce dicentem: Væ, væ, væ, terræ habitatoribus, à reliquis tubarum sonis trium angelorum, qui jam clangent.

C A P U T IX.

Quinto angelo clangente locustæ vastatrices produnt. Sextus autem clangens equites producit, humanum genus devastantes.

TUM ubi clauxit quintus angelus, vidi stellam de cœlo delapsam ad terram, cui data clavis est putei Tartari:

2 qua postquam Tartareum puteum aperuit, exhalavit ex puteo talis fumus, qualis est magnæ fornacis, quo putei fumo, sol est & aer obscuratus.

3 Ex eo fumo prodierunt in terram locustæ, quibus talis est data vis, qualem habent terrestres scorpionum:

4 eisque præceptum est, ne terrestres herbas læderent, néve ullam viriditatem ullamve arborem, sed solos homines, qui Dei signum in frontibus suis non haberent.

5 Est autem mandatum eis, ne eos interficerent, sed ut quinque menses cruciarentur: ita ut essent eorum cruciatus, qualis scorpionum cruciatus est, cum hominem punxit.

6 Atque illa tempestate quærent homines mortem, nec inveniunt: cupientque mori, & eos fugiet mors.

7 Erat autem locustarum ea species, ut similes essent equis ad prælium paratis: erantque in earum capitibus quædam quasi coronæ, auri similes. Vultus erant ut vultus hominum:

8 capillos habebant muliebrium similes: dentes erant quales sunt leonum.

9 Habebant & loricas, cuiusmodi sunt ferreæ lorice: eratque earum alarum sonitus qualis est curruum sonitus multorum equorum, ad pugnam currentium.

10 Caudas habebant scorpionum similes & in caudis erant aculei. Earum potestas est, homines lædere per quinque menses:

11 habentque sibi præfectum regem, angelum Tartari, cui nomen est hebraicè Abaddon, Græco autem sermone Apollyon.

12 Una miseria præterit, venturæ sunt adhuc posthac duæ miseriæ.

13 Deinde ubi sextus clauxit angelus, audiui ex quatuor altaris aurei cornibus, ante Deum positi,

vocem quandam,

14 dicentem sexto angelo qui tubam habebat. Solve quatuor angelos ad magnum flumen Euphratem colligatos.

15 Itaque soluti sunt quatuor angeli, qui ad horam, & diem, & mensem, & annum parati erant, ad hominum tertiam partem peccandam.

16 Erat autem exercitus equitum numerus bis millies centena millia, eorumque numerum audiui.

17 Atque ita visus sum videre equos, & in eis equitantes, qui loricas habebant igneas & hyacinthinæ ac sulphureas. Equorum capita erant leoninorum capitum similia, exque eorum oribus manabat ignis, & fumus, & sulphur.

18 Ab his tribus cladibus interfecta est hominum pars tertia, videlicet igne, & fumo & sulphure quæ prodibant ex eorum oribus.

19 Potestas enim eorum in ore eorum erat: siquidem eorum caudæ erant anguium similes, capita habentes quibus nocerent.

20 Reliqui hominum, qui his calamitatibus occisi non sunt, non destiterunt à suis actionibus, ne dæmonia venerarentur, & simulacra aurea, argentea, ærea, lapidea, lignea, quæ nec videre possunt, nec audire, nec ingredi:

21 nec sua homicidia, nec veneficia, nec stupra, nec furta omiserunt.

CAPUT X.

Alius apparet angelus amictus nube, libellum apertum tenens. Inclamat & Johanni osculi iussu, devorandum tradit.

Deinde vidi alium angelum validum, de cælo descendentem,

dentem, indutum nube, cujus capiti iris incumbibat. Facies erat soli similis, pedes ut igneae columnae. Habebat autem in manu libellum apertum, posuitque pedem suum dextrum in mari, sinistrum in terra,

2 & magna voce clamavit, quomodo rugit leo. Postquam clamavit, locuta sunt septem tonitrua suas voces,

3 quibus septem tonitruis suas voces locatis, cum ego scripturus essem, audiavi vocem dicentem mihi: consigna quae locuta sunt septem tonitrua, & ea ne scripseris.

4 Tum angelus, quem in mari & in terra stantem videram, sublata in caelum sua manu,

5 iuravit per viventem in perpetua secula, qui caelum & coelestia, terram & terrestria, mare & marina condidit, futurum esse ut tempus deinceps non sit,

6 videlicet diebus vocis septimi angeli, quom clauferit, peractumque fuerit arcanum Dei, ut suis servis vaticiniis nuntiavit.

7 Atque eadem vox, quam de caelo audiveram, rursus mecum locuta est in hunc modum: I, sume libellum apertum, qui est in manu angeli, in mari terraque stantis.

8 Tum ego angelum aggressus: Da mihi libellum, inquam. Et ille: Accipe, inquit, eumque degluti, & tibi ventrem amaritudine torquet, quanquam in ore tuo erit tam dulcis quam est mel.

9 Hic ego sumptum de angeli manu libellum deglutivi, qui mihi in ore quidem tam dulcis fuit, quam est mel: sed ubi id comedi, amaruit mihi venter.

10 Et ille me alloquens: Vaticinandum tibi rursus est, inquit,

super populis, & gentibus, linguis, regibusque multis.

CAPUT XI.

Templum metiri jubetur. Dominus testes duos excitat, quos bestia laniatos nemo terra mandat: Deus autem in vitam revocatos ad caelum evocat. Terrentur impii. Et septimi angeli tuba resurrectionis, & iudicii nuncia describitur.

TUM datus est mihi calamus virgae similis, Et angelus stans: Surge, inquit, & Dei metire templum, aramque, & adorantes in eo.

2 Ac exterius atrium templi, foris exclude, neque id metire, quippe datum extraneis, qui sanctam urbem conculcabunt menses quadraginta duos,

3 Mandaboque duobus meis testibus, ut vaticinentur dies mille ducentos sexaginta, centonibus amicti.

4 Hi sunt olivae duae, duoque candelabra in conspectu Dei terrae, stantia.

5 Quod si quis eos laedere vult, manat ex eorum ore ignis, qui eorum hostes conficit: & si quis eos laedere vult, sic interficiendus est.

6 Hi potestatem habent claudendi caeli, ne pluat imber tempore suae vaticinationis: habentque in aquas potestatem, eas in sanguinem convertendi, & terrae quamlibet cladem infligendi, quoties velint.

7 Quom autem suum testimonium peregerint, bestia ex tartaro ascendet, quae eos aggressa, bello vincet ac interficiet:

8 Jacebuntque eorum corpora in urbis magnae foro, quae vocatur spiritualiter Sodoma & Aegyptus, ubi etiam Dominus noster crucifixus est:

9 & aspicient homines de populis & nationibus, linguisque & gentibus eorum corpora tres dies & dimidium, nec sinent eorum corpora monumentis mandari.

10 Gaudebunt autem terræ incolæ super eis, lætique dona mittent inter sese, quodd hi duo vates cruciaverint incolas terræ.

11 Verum post dies tres & dimidium, vitali spiritu à Deo in eos ingresso, constiterunt in pedes suos, magno timore correptis iis qui eos spectabant :

12 audivique vocem magnam de cœlo dicentem eis: Ascendite huc. Atque illi in cœlum in nube ascenderunt, spectantibus eos hostibus eorum.

13 Ac eadem hora tantus extitit terræmotus, ut collapsa sit urbis pars decima, occisis in eo motu humanorum capitum septem millibus. Reliqui timore perculsi, tribuerunt cœlesti Deo gloriam.

14 Misericordia secunda præterit, ecce tertia miseria mox aderit.

15 Deinde septimus clauxit angelus, extiteruntque magnæ voces in cœlo dicentes: Facta sunt mundi regna Domini nostri, ejusque Christi, qui regnabit in omnem perpetuitatem.

16 Et viginti quatuor senatores ante Deum suis in solis sedentes, proni procubuerunt, Deumque venerati sunt,

17 dicentes: Agimus tibi gratias, Domine Deus omnipotens, qui es, qui fuisti, qui que futurus es: quodd magnam tuam potestatem adeptus, regnum iniisti,

18 & gentes iratæ sunt, & venit ira tua, tempusque quo mortui judicentur, & merces detur tuis servis vatibus & sanctis, tumque nomen reverentibus, cum

parvis tum magnis, & corrumpantur corruptores terræ.

19 Tum aperto Dei templo in cœlo, visa est arca fœderis in ejus templo, extiteruntque fulgura, & sonitus & tonitrua, & terræmotus, & magna grando.

CAPUT XII.

Mulieris parturientis signum apparet, cujus filio insidiatur draco qui à Michaelē devictus, dejicitur. Et quo magis vincendus excluditur, eò acrius suas non desinit multiplicare versutias.

Vissum est ostentum ingens in cœlo, mulier amicta sole, ejus pedibus subjecta luna, capiti autem imposita duodecim stellarum corona.

2 Ea in alvo gestans vociferabatur, & parturiens pariendi doloribus cruciabatur.

3 Item conspectum est aliud ostentum in cœlo: Draco erat ingens, rufus, habens septem capita, & decem cornua, & in capitibus diademata septem,

4 cujus cauda tertiam cœlestium siderum partem detraxit, ad terramque dejecit. Is draco stetit ante mulierem, quæ paritura erat, ut cum ea suum filium peperisset, ipse eum devoraret.

5 Peperit autem filium marem, qui gentes omnes ferreo sceptro rectorus est: qui ejus filius raptus est ad Deum, ejusque solium.

6 Mulier autem fugit in solitudinem, ubi locum habet à Deo paratum, ut illic alatur dies mille ducentos sexaginta.

7 Factum est autem in cœlo prælium, Michael & ejus angeli adversus draconem pugnabant:

8 & draco ejusque angeli pugnantes victi sunt, nec ullus extitit jam eorum locus in cœlo.

9 Itaque dejectus est draco ille magnus, serpens antiquus, qui Diabolus & Satanas appellatur, qui totum orbem decipit: dejectus est, inquam, ad terram, ejusque angeli dejecti sunt.

10 Deinde magnam vocem audivi dicentem: In cœlo nunc facta est salus, & potestas, & regnum, Dei nostri & potentia Christi ejus: quoniam dejectus est frater nostrorum accusator, qui eos apud Deum nostrum dies & noctes accusabat.

11 Eam illi, agni sanguine, suisque testimonii sermone vicerunt: animamque suam usque adeo non amarunt, ut mortem oppetierunt.

12 Propterea lætamini cœli, & cœlicolæ. Væ terræ & maris incolis: quandoquidem descendit Diabolus ad vos, magno furore percitus, sciens habere se breve tempus.

13 Ubi draco se ad terram dejectum vidit, mulierem persecutus est, quæ marem pepererat.

14 Sed mulieri datæ sunt alæ duæ ingentis aquilæ, ut in solitudinem in locum suum avolarer, illic alenda tempus, & tempora & dimidium temporis, ad vitandum serpentem.

15 Jecit autem serpens post mulierem, ex ore suo, aquam fluminis instar, quo eam flumine summergeret.

16 Verùm terra mulieri succurrit, aperisque suis faucibus, flumen hausit, quod draco ore suo ejaculatus erat.

17 Tum iratus mulieri draco, ivit illatum bellum reliquis ejus feminis, qui Dei præceptis obediunt, & Jesu Christi testimonium haberent.

C A P U T XIII.

Describitur Bestia illa multiceps,

qua maximam mundi partem in idololatriam seducit, qua ab alia bestia ascendente confirmatur.

EGO in maris arena stans, vidi ascendentem ex mari bestiam habentem capita septem, & cornua decem, & in cornibus diademata decem, & super capita nomen contumeliosum.

2 Erat autem bestia, quam vidi, pardali similis pedibus urfinis, ore leonino simili. Ei draco suas vires suumque solium, & magnam dedit potentiam.

3 Deinde vidi unum ejus capitum penè morte extinctum, sed cujus letiferum vulnus sanatum est. Itaque tantæ fuit per totam terram admirationi bestia,

4 ut draconem venerarentur, qui potentiam dedisset bestiæ, & bestiam item venerarentur, dicentes: Quis par est bestiæ? quis cum ea pugnare possit?

5 Ei autem datum est os magna & infanda loquens, & potestas agendi menses quadraginta duos,

6 eaque os suum aperuit, in contumeliam adversus Deum, in ejus nomen: inque tabernaculum & cœlicolas contumeliose loquens.

7 Item ei datum est bellum cum sanctis gerere, eosque vincere: eidemque potestas est data in omnes nationes, & linguas, atque gentes,

8 ita ut eam adoraturi sint omnes terrarum incolæ quorum nomine ab orbe condito scripta non sunt in vitæ libro agni marcati.

9 Si quis aurem habet, audiat.

10 Si quis captivos abigit, in captivitatem abit. Si quis gladio occiderit, cum gladio oportet occidi. Hic est patientia, fidesque sanctorum.

11 Item

11 Item vidi aliam bestiam ex terra ascendentem, quæ duo cornua habebat agni similia, & loquebatur ut draco.

12 Ea omnem prioris bestię potestatem exercebat in ejus conspectu: efficiebatque ut terra & ejus incolæ priorem bestiam, cujus mortiferum vulnus erat sanatum, venerarentur:

13 magnaue ostenta faciebat, adeo ut etiam ignem de cœlo ad terram devocaret in hominum conspectu,

14 & terræ incolas ostentis (quæ ei in bestię conspectu facere datum erat) fallebat, jubens terræ incolis ut simulacrum facerent bestię, quæ gladio vulnerata revaluerat.

15 Atque ei datum est, spiritu donare simulacrum bestię, adeo ut loqueretur simulacrum bestię efficeretque ut quicumque non venerarentur bestię simulacrum, occiderentur.

16 Atque eò adigebat omnes, parvos juxta ac magnos, divites ac pauperes, liberos ac servos, ut eorum manui dexteræ, aut frontibus, notam inureret:

17 néve cui emere lixeret, aut vendere, nisi qui notam aut nomen haberet bestię, aut ejus nominis numerum.

18 Hic est acumen. Qui habet ingenium, computet bestię numerum: numerus enim hominis est, estque ejus numerus sexcenti sexaginta sex.

CAPUT XIV.

Agno stante super montem Sion, una cum castis suis cunctis, Angelus unus Evangelium nuntiabat. Alius Babylonis casum predicit. Tertius bestiam vitari monet, vox è cœlo leatos illos pronuntiat qui Domini causa moriantur. Mutatur postea

falsæ Domini in messem, & in vindemiam.

DEinde animadverti agnum stantem in Sione monte, & cum eo centum quadraginta-quatuor millia, patris ejus nomen in suis frontibus scriptum habentia:

2 audivique de cœlo sonitum, qualis multarum aquarum ingentisque tonitruui sonitus est: itemque vocem audivi citharædorum, citharis suis canentium,

3 qui velut novum carmen canebant ante solium, & ante quatuor animalia ac senatores, quod carmen nullus discere poterat, nisi illa centum quadraginta-quatuor millia redempti à terra.

4 Hi sunt qui cum fœminis non sunt polluti: sunt enim virgines. Hi sunt qui agnum, quocunque vadat, sequuntur. Hi ex hominibus redempti sunt, primitiæ Deo & agno,

5 quorum in ore nulla reperta fraus est: sunt enim inculpatorum Dei folio.

6 Vidi item alium angelum medio cœlo volantem evangelium æternum habentem, quod terræ incolas, gentesque & nationes, & linguas, & populos omnes doceret,

7 dicentem magna voce: Timere Deum, eique gloriam tribuite: nam venit hora ejus judicii: & adorate cœli, terræ, maris, & fontium aquarum conditorem.

8 Item alius angelus secutus est dicens: Cecidit, cecidit Babylon urbs illa magna, quoniam sævo impuditiæ suæ vino gentes omnes potionavit.

9 Item tertius angelus eos secutus est magna voce dicens: Si quis bestiam, & ejus imaginem veneratur, notamque in frontem, manuque suam admittit:

10 is etiam sœvum Dei vinum mixtum merumque potabit in ejus iræ poculo, & igne ac sulphure torquetur in sanctorum angelorum agnique conspectu:

11 eorumque tormenti fumus exhalabit in omnem perpetuitatem, nec ullam die nocte requietem habebunt, qui bestiam & ejus imaginem venerantur, aut si quis ejus nominis notam accipit.

12 Hic est sanctorum patientia: hic sunt qui Dei præcepta, Jesuque fidem tuentur.

13 Tum vocem audiui de cœlo dicentem mihi: Scribe, Beati mortui qui in Domino moriuntur. Ii deinceps (affirmat spiritus) à suis requiescent laboribus, & sua eos comitantur opera.

14 Præterea animadverti nubem candidam & nubi insidentem quendam filio hominis similem, habentem in capite coronam auream, & in manu falcem acutam.

15 Tum alius angelus exiit ex fano, magna voce clamans ad eum qui nubi infidebat: Immitte falcem tuam, & mete: nam tibi venit hora metendi, quandoquidem aruit terræ seges.

16 Itaque immisit qui in nube sedebat, falcem suam in terram, messaque terra est.

17 Item alius prodiit ex fano, quod in cœlo erat, angelus, habens & ipse falcem acutam:

18 & alius prodiit angelus ex ara, ignipotens, qui magna voce clamans, eum qui falcem habebat sic allocutus est: Injice tuam istam falcem acutam, & terræ uvas vindemia, quoniam ejus maturuerunt racemi.

19 Ita angelus ille, sua falce in terram injecta, terræ vineam

vindemiavit, & uvas in ingens sœvitæ Dei torcular conjecit:

20 quo torculari extra urbem calcato, manavit ex torculari sanguis usque ad frænos equorum, per mille sexcenta stadia.

CAPUT XV.

Apparent septem angeli habentes plagas septem ultimas. Victores bestia Deum laudant. Angelis septem, septem dantur di-vini furoris phiala.

Vidi & aliud in cœlo ostentum ingens, ac mirabile, angelos septem, habentes septem clades ultimas, in quas Dei sœvitia absumatur.

2 Itemque vidi quasi mare vitreum, igne mixtum, & ex bestia ejusque simulacro, & nota, & nominos numero, victores, stantes super mare vitreum, divinas habentes citharas,

3 & Moïsi Dei servi carmen, agnique carmen ita cantantes: Magna & mirabilia sunt opera tua, Domine Deus omnipotens: justa veraque sunt instituta tua, sanctorum rex.

4 Quis te non metuat, Domine, tuum nomen celebret? nam tu solus sanctus: nam te gentes omnes coram adoratum venient, quod tua jura patefacta sint.

5 Postea vidi fanum apertum oracularis tabernaculi in cœlo:

6 & ex fano prodire septem angelos, septem ultimas clades habentes, puro nitidoque vestitos lino, & pectora cingulis aureis cinctos.

7 His septem angelis dedit unum quatuor animalium septem phialas aureas, plenas sœvitæ Dei viventis in omnem seculorum feriem,

8 estque fanum tanto fumo, præ Dei splendore atque potèntia, completum.

completum, ut nullus posset in fanum intrare, donec septem angelorum septem clades peractæ forent.

CAPUT XVI.

Effundunt Angeli septem commisas sibi furoris divini phialas, quibus effusis varia plaga in orbe terrarum exoriantur, ad terrendos improbos, & magna urbis incolas.

Tum magnam ex fano vocem audivi, dicentem septem angelis: Ite, effundite phialas sævitie Dei in terram.

2 Itaque primus abiit, & phialam suam in terram effudit, diroque & tetro vulnere affecti sunt homines, bestię notam habentes, & ejus simulacrum colentes.

3 Deinde secundus angelus effudit suam phialam in mare: idque in cruorem, qualis mortuorum esse solet, mutatum est, omnesque animantes mortuæ sunt in mari.

4 Item tertius angelus phialam suam in fluvios & aquarum fontes effudit, iique mutati sunt in sanguinem.

5 Tum aquarum angelum audivi dicentem: justus es, Domine, qui es, quique fuisti, quique sanctus es, qui hæc ita facienda judicaveris,

6 ut qui sanctorum vatumque sanguinem effundebant, eis sanguinem potandum dederis, ut digni sunt.

7 Deinde alium audivi ex ara dicentem: Etiam, Domine Deus omnipotens: vera justaque sunt tua judicia.

8 Item quartus angelus effudit phialam suam in solem, eique mandatum est ut homines igne ureret.

9 Itaque magno ardore usti sunt homines, Deique nomini

contumeliam dixerunt, qui haberet in eas clades potestatem: nec ad frugem redierunt, ut ei gloriam tribuerent.

10 Deinde quintus angelus phialam suam effudit in bestię folium: adeoque obscuratum est ejus regnum, ut ipsi suas præ dolore linguas manderent,

11 cœlique Deo; præ doloribus vulneribusque suis conviciarentur, nec à suis actionibus desisterent.

12 Deinde sextus angelus phialam suam effudit in magnum flumen Euphratem, & aruit ejus aqua, ut pararetur via regum, qui essent à solis ortu.

13 Item vidi ex ore draconis, & ex ore bestię, & ex ore falsi vatis, tres spiritus immundos, raturum similes.

14 Sunt autem dæmonum spiritus, qui spiritus efficiunt ut edantur ostenta ad terrarum & totius orbis reges, quod eos congregent in prælium illius magnæ diei omnipotentis Dei.

15 Venturus sum ut fur. Felix qui vigilat, suaque vestimenta servat, ne nudus incedat, ejusque obscœna cernantur.

16 Congregavit autem eos in locum, qui Hebraicè vocatur Armageddon.

17 Deinde septimus angelus phialam suam in aërem effudit, & prodiit magna vox ex cœli fano, ex folio, dicens, Factum est:

18 extiteruntque sonitus & tonitrua ac fulgura: tantusque terræmotus factus est, ut post homines in terris natos tantus, tam ingens terræmotus nullus extiterit:

19 divisaque est urbs magna in tres partes, & gentium urbes corruerunt: & Babylon magna Deo

Deo venit in mentem, ut ei poculum daret vini suae saevae iracundiae :

20 & omnes insulae fugerunt, & montes nusquam extiterunt,

21 & ingens grando ad talenti magnitudinem de coelo delata est in homines, feceruntque homines convicium Deo, ob grandinis cladem: tam gravis erat illa clades grandinis.

C A P U T XVII.

Describitur Meretrix illa magna, cum qua Reges terra scortantur, ebria prorum sanguine, & Bestia qua portat illam, mysterium utriusque & exitium, postremo agni victoria.

Venit autem unus septem angelorum, septem phialas habentium, qui me sic allocutus est: Ades, ostendam tibi supplicium meretricis magnae, sedentis in multis aquis,

2 cum qua scortati sunt reges terrae, cujusque impudicitiae vino inebriati sunt incolae terrae.

3 Deinde me divino afflatu abstulit in solitudinem, ubi mulierem vidi insidentem beluae coccinae nefariis nominibus plenae, habenti septem capita, & decem cornua.

4 Erat ea mulier induta purpura & coccino, aurorque deaurata, & gemmis & margaritis, habens aureum poculum in sua manu, flagitiis & turpitudine ejus stuprum refertum :

5 & inscriptum suae fronti nomen, Mysterium Babylon magna, meretricum, flagitorumque terrae mater.

6 Eam ego mulierem vidi sanguine sanctorum, testiumque Jesu ebriam, qua visa, cum vehementer admirarer, angelus sic mecum loquitur:

7 Quid miraris? ego tibi mu-

lieris mysterium eloquar, & portantis eam beluae, habentis septem capita & cornua decem.

8 Belua, quam vidisti, fuit, & non est: & ascensura est ex Tartaro, & in perniciem abitura: mirabunturque terrae incolae, quorum nomina in vitae libro ab orbe condito scripta non sunt, videntes beluam fuisse, nec esse, tamen si est.

9 Hic est sententia quae acumen habet. Septem capita, septem sunt montes, in quibus sedet mulier: septemque reges sunt,

10 quorum quinque ceciderunt, & unus est: alius nondum venit, & cum venerit, paululum duraturus est.

11 Bestia autem quae fuit, & non est, is est octavus, & ex septem est, inque perniciem abit,

12 Decem autem, quae vidisti, cornua, decem reges sunt, qui regnum nondum adepti sunt: sed potestatem, ut reges, eadem hora adipiscantur cum belua.

13 Ii eundem animum habebunt, suasque vires ac potestatem beluae tradent.

14 Ii cum agno bellum gerent, eosque vincet agnus, utpote dominorum Dominus, & regum Rex, nec non vocati cum eo, electique ac fidentes.

15 Quas autem aquas vidisti (inquit me alloquens) ubi sedet meretrix, populi sunt, & plebes & gentes, & linguae.

16 Item decem cornua, quae super belua vidisti, ii meretricem oderint eamque desertam, ac nudam reddant, & ejus carnes comedent, & eam igne comburent.

17 Eis enim Deus eam mentem injecit, ut ejus sententiam exquantur, eodemque animo agant, & regnum suum beluae tradant, donec Dei mandata peragantur.

18 Mulier autem, quam vidiſti, eſt urbs magna, regnum in reges terræ obtinens.

CAPUT XVIII.

Horrendum Babylonis excidium proponitur, lugent negotiatores terra, quæ ex pompa & luxu ipsius ditati ſunt. Exultant verò omnes Electi ex tam juſta Dei ultione.

Poſtea vidi alium angelum de cœlo ſcendentem, magna poteſtate præditum, cujus ſplendore colluſtrata terra eſt.

2 Is vehementer, magna voce clamans, dixit: Cecidit, cecidit magna Babylon, facta que eſt dæmonum domicilium, & omnium impurorum ſpirituum, omniumque obſcœnarum & inuiſarum volu- crum cuſtodia:

3 Quoniam retro ſtuprorum ſuorum vino gentes omnes porio- navit, regesque terrarum cum ea ſcortati ſunt, & terrarum merca- tores ejus deliciarum copia locu- pletati.

4 Item aliam vocem audivi de cœlo dicentem: Migrate ex ea, mi populus, ne ſitis ejus pecca- torum participes, nève ejus cla- dibus afficiamini:

5 quoniam ejus peccata ad cœ- lum uſque pertigerunt ejuſque ſcelera recordatur Deus.

6 Afficite eam ut & ipſa vos affecit, eique duplicem pro ejus factis gratiam reſerte: eodem poculo quo miſcuit, miſcete ei duplum:

7 quantum ipſa ſe honoravit & luxuriata eſt, tantum ei cruci- atum luſtumque date: quoniam ipſa ſic cum animo ſuo cogitat: Sedeo regina, neque vidua futura ſum, neque luſtu afficiar.

8 Propterea uno die venient ejus clades, mors, luſtus, fames, eaque igni cremabitur: quoniam

potens eſt Dominus Deus, qui eam ulciſcetur:

9 eamque terrarum reges, qui cum ea ſcortati luxuriatique fue- rint, deplorabunt, ac lamenta- buntur, cum ejus incendii ſumum videbunt,

10 procul, metu ejus cruciatus, aſſiſtentes, ac dicentes: Eheu urbs illa magna Babylon, urbs illa potens, cujus ſupplicium una venit hora.

11 Item eam terrarum merca- tores deſlebunt ac lugebunt, quòd eorum mercem nemo jam emer,

12 mercem auri, & argenti, & gemmarum, & margaritarum, & byſſi, & purpuræ, & ſerici, & coccini, & omnis generis lignum thyinum, eburneque, & ex præ- cioſiſſimis lignis confecta vaſa, & ære, & ferro, & marmore,

13 & cinamomum, & odores, & unguentum, & thus, & vinum, & oleum, & ſimilam, & triti- cum, & jumenta, & oves, & e- quorum, & rhedarum, & corpo- rum, & animas hominum.

14 Diſceſſerunt à te cupita a- nimo tuo poma, omnia denique opima & præclara à te diſceſſe- runt, nec ea amplius invenies.

15 Horum mercatores ab ea locupletati, procul, præ ejus cru- ciatus metu, aſtabunt, plorantes ac lugentes,

16 & ita dicentes: Heu, heu, urbs illa magna, induta byſſino, & purpureo, & coccino, & auro deaurata, gemmiſque & marga- ritis. Una hora depopulata ſunt tantæ opes.

17 Item omnes navicularii, omniſque copia navalis, & nautæ, & quicunque in mari negotiantur, procul aſtiterunt,

18 & ejus incendii ſumum ſpe- ctantes, ita vociferari inſtiterunt: Et quæ par fuit urbi illi magnæ?

19 Tum

19 Tum sparso super capita sua pulvere, flentes ac lugentes ita quiritari: Heu, heu, urbs magna in qua omnes habentes in mari navigia, ditati sunt ejus pretiis: ea una hora depopulata est.

20 Lætare super ea cælum, sanctique Apostoli atque vates, quoniam Deus vestras injurias in eam ultus est.

21 Deinde sustulit robustus quidam angelus saxum ingens, ut molam: & in mare deiecit, dicens: Tali impetu jaciatur Babylon urbs illa magna, nec amplius extabit,

22 nec amplius in te citharædorum & musicorum & tibicinum, & tubicinum vox audietur: nec amplius in te ullius artis artifex extabit, nec amplius in te molæ sonus audietur,

23 nec amplius in te lucernæ lumen lucebit, nec amplius in te sponsi sponsæve vox audietur. Tui mercatores erant hominum optimates: tuis beneficiis deceptæ sunt gentes omnes,

24 & in eadem te vatium sanctorumque cruor inventus est, & omnium in terris occisorum.

C A P U T XIX.

Laudant cælestes Deum, quòd vindicavit sanguinem suorum è manu meretricis. Beati describuntur, qui ad cœnam nuptiarum agni vocati sunt. Angelus adorari se prohibet. E cælo summus ille Rex regum apparet, Bellum oritur in quo apprehenditur Bestia, & in stagnum ardens deiecitur.

Postea audiivi magnam ingentis multitudinis vocem in cælo, dicentis: Halleluia, Salus, & gloria, & honos, & potestas Domino Deo nostro,

2 cujus vera iustaque sint ju-

dicia, qui magnam illam meretricem (quæ terram impudicitia sua corrumpibat) damnaverit, & ab ea poenas sanguinis suorum repperit.

3 Iterumque dixerunt: Halleluia. Ejus autem fumus exhalat in omnia secula.

4 Tum viginti quatuor senatores, & quatuor animalia procubuerunt, Deumque in folio sedentem venerati sunt, dicentes: Amen, Halleluia.

5 Et vox ex folio prodit, dicens: Laudate Deum nostrum omnes ejus servi, eumque metuentes, parvi juxta ac magni.

6 Item audiivi quasi ingentis multitudinis vocem, quasque multarum aquarum, & vehemementium tonitruorum sonitum, qui dicebant: Halleluia, regnum enim adeptus est Dominus Deus omnipotens.

7 Gaudeamus & exultemus eique gloriam tribuamus, quoniam agni venerunt nuptiæ, ejusque conjux sese paravit,

8 eique datum est byssino purpureo splendidoque vestiri. Est autem byssinum, virtutes sanctorum.

9 Scribe (inquit me alloquens Beati qui ad nuptiarum agni cœnam vocati sunt. Hæc sunt (inquit mihi) vera dicta Dei.

10 Hic ego ei ad pedes accidi ejus venerandi gratia. Sed ille: Cave, inquit, ne facias: confectus tuus sum, tuorumque fratrum, Jesu testimonium habentium. Deum venerator: nam Jesu testimonium, oraculi spiritus est.

11 Deinde vidi apertum cælum: & ecce albus equus cui insidebat, vocatur fidelis & verus, iustæque & judicat & beligerat.

12 Ejus oculi sunt ignis flamme

hammæ similes: in capite insunt multa diademata: habet nomen scriptum, quod nullus novit, nisi ipse.

13 Indutus est pallio tincto sanguine, & nomine vocatur Sermo Dei:

14 eumque sequuntur in equis albis exercitus, candido mundoque byssino induti.

15 Ex ejus ore prodit gladius acutus, quo gentes feriat, quas ipse ferro baculo reget: idemque calcabit torcular vini sævitæ & træque Dei omnipotentis.

16 Habet autem in pallio & semore suo scriptum nomen: Regum Rex, & dominorum Dominus.

17 Præterea vidi alium angelum in Sole stantem, qui magna voce clamans, omnes medio cœlo volantes aves sic allocutus est: Adeste, & coite ad magni Dei cœnam,

18 ut regum, ut tribunorum, ut potentum, ut equorum, equumque, ut omnium tum liberorum, tum servorum, tum parvorum, tum magnorum carnes comedatis.

19 Vidi & beluam, terræque reges & eorum exercitus congregatos, ad bellum gerendum cum equi equite, ac ejus exercitu.

20 Verum comprehensa est belua, & cum ea falsus vates, qui in ejus conspectu fecerat ostentum, quibus deceperat eos qui beluæ notam acceperant, quique eius venerabantur imaginem. Duo illi vivi coniecti sunt in stagnum ignis ardens sulphure.

21 Reliqui gladio necati sunt cadentis in equo, qui gladius ex ejus ore prodibat, eorumque carnibus satiatae sunt omnes aves.

CAPUT XX.

Angelus Satanam vinculis constringit ad mille annos, quibus solutus, Gog & Magog, id est, occultos & apertos hostes, in Sanctos concitat. Sed Domini vindicta coercet illorum insolentiam. Aperiantur libri, ex quibus judicantur mortui.

DEinde vidi angelum de cœlo descendentem, clavem habentem Tartari, & ingentem catenam in manu sua.

2 Is cepit draconem, serpentem antiquum, qui est Diabolus, & Satanas, eumque colligavit in mille annos,

3 & in Tartarum coniecit, conclusitque, & insuper obsignavit, ne deinceps gentes deciperet, donec peracti forent mille anni, post quos solvendus est ad exiguum tempus.

4 Tum sellas vidi, in quibus confessum est, illisque iudicium datum est: itemque vidi animas decollatorum propter Jesu testimonium, propterque Dei sermonem, & qui neque bestiam, aut ejus imaginem venerati sunt, neque notam in suam frontem, aut manum acceperunt, eæ revixerunt, & cum Christo mille annos regnarent.

5 Reliqui mortuorum non revixerunt, donec transacti forent mille anni. Hæc est prima resurrectio.

6 Felices, sanctique sunt, qui sunt primæ resurrectionis compotes. In eos secunda mors potestatem non habet, quin erunt Dei & Christi sacerdotes, & cum eo regnabunt mille annos.

7 Peractis iis mille annis solvetur Satanas ex suo carcere,

8 & proficiscetur ad decipendas gentes quæ quatuor terræ angulis continebuntur, Gogum &

& Magogum, ut eos ad bellum convocet : quorum tantus erit numerus, quantus est arenæ maris.

9 Hi facta, quàm latè tellus patet, expeditione, sanctorum castra & urbem amatam circumfederunt.

10 Sed eos delapsus à Deo ignis de cœlo, confecit : & Diabolus, qui eos decipiebat, dejectus est in igneum, sulphureumque stagnum, ubi erat belua, falsisque vates : cruciabunturque dies & noctes in omnem perennitatem.

11 Item vidi folium album, ingens, & quendam in eo sedentem, cujus ex conspectu terra cœlumque fugit, nec ullo jam loco extiterunt.

12 Vidi item mortuos, parvos juxta ac magnos, ante Deum astantes, apertique sunt libri, & alius liber apertus est, qui est vitæ liber, & judicati sunt mortui ex librorum scriptis pro suis factis.

13 Reddiditque mare suos mortuos, & mors & Orcus mortuos reddidère suos : de quibus ut erant cujusque facta, ita judicatum est.

14 Mors autem & Orcus conjecti sunt in stagnum igneum. Hæc est secunda mors.

15 Quod si quis in vitæ libro scriptus inventus non est, is in igneum stagnum coniectus est.

C A P U T XXI.

Novam Jerusalem descendentem è cœlo sponsam uxorem agni, ac illius structuram describit preciosis lapidibus ornata, cujus templum est agnus.

Vidi autem novum cœlum, novamque terram : nam prius cœlum, priorque terra perierat, nec usquam jam erat mare,

2 Ego Johannes vidi urbem sanctam, Hierosolymam novam, à Deo de cœlo descendentem paratam ut sponsam viro suo ornatam.

3 Audivique magnam vocem de cœlo dicentem : Ecce Dei apud homines tabernaculum, qui apud eos habitabit, & ipsi ejus populus erunt, & ipse Deus erit apud eos Deus eorum :

4 abstergetque Deus omnem lachrymam ex eorum oculis, nec amplius mors erit, neque luctus, neque quiritatus, neque labor erit amplius, quod priora abierint.

5 Ego (inquit is qui in folio sedebat) facturus sum omnia nova. Tum me alloquens : Scribe, inquit, hæc dicta, vera, fidaque esse.

6 Tum mihi dixit : Factum est. Ego sum α & ω , principium & finis : ego sitienti dabo de fonte aquæ vitæ, gratis.

7 Victor possidebit omnia, & ego Deus ero, & ipse mihi filius erit.

8 Sed ignavos & infideles, & execrabiles, & homicidas, & impudicos, & veneficos, & deastrictos, & omnes mendaces, hos, inquam, sua sors manet in stagnum, quod igni ardet & sulphure, quæ secunda mors est.

9 Tum venit ad me unus septem angelorum, qui septem phylalas habebant, septem postremarum cladum plenas, qui me sic allocutus est : Ades, monstrabo tibi sponsam, agni uxorem.

10 Deinde me divino afflatus in magnum, arduumque montem sustulit, & mihi monstravit urbem magnam, sanctam Hierosolymam, de cœlo à Deo, descendentem,

11 divina gloria præditam. Ejus luminare simile erat lapidi preciosissimo, velut jaspidi crystallum imitanti,

12 habebatque murum ingentem & altum, & portas duodecim, superque portis angelos totidem, & inscripta nomina, videlicet duodecim Israelitarum tribuum.

13 Ab oriente tres erant portæ: à borea tres: ab austro tres: ab occidente tres.

14 Urbis murus habebat fundamenta duodecim, & in eis nomina duodecim Apostolorum agni.

15 Qui autem mecum loquebatur, calamus habebat aureum, quo urbem, ejusque portas & murum metiretur:

16 cujus urbis is situs erat, ut erat quadrata, tanta longitudine quanta latitudine. Hanc urbem calamo dimensus est ad stadiorum duodecim millia, pari longitudine & latitudine ac altitudine.

17 Ejus murum centum quadragiata quatuor cubitis dimensus est hominis, hoc est angeli mensura.

18 Ejus muri structura erat ex jaspide: urbs ipsa ex auro puro, puri vitri similis.

19 Muri urbis fundamenta omnibus ornata gemmis. Primum fundamentum erat jaspis, alterum sapphirus, tertium chalcedon, quartum smaragdus,

20 quintum sardonius, sextum sardius, septimum chrysolithus, octavum berillus, nonum topazium, decimum chrysoprasus, undecimum hyacinthus.

21 duodecimum amethystus. Duodecim portæ duodecim erant uniones, ex singulis unionibus singulæ constantes. Urbis area erat autem purum, pellucida ut vitrum.

22 In ea sanum non vidi: nam Dominus Deus omnipotens ejus sanum est, & agnus.

23 Urbs Sole non eget, neque Luna, qui in ea luceant: nam Dei splendor eam collustrat, ejusque lucerna agnus est.

24 Atque in ejus urbis lumine gentes servatorum ingredientur, in eamque conferent terrarum reges gloriam suam ac honorem:

25 nec ejus portæ claudentur interdiu (nam nox quidem illic nulla erit)

26 & in eam conferetur gentium gloria & honos:

27 nec in eam intrabit quicquam profanum, quodve scelus committat, aut mendacium, sed duntaxat scripti in agni libro vitæ.

CAPUT XXII.

Ostenditur aqua viva fluvius & arbor vite. Sequitur Prophetia hujus conclusio, in qua Johannes ostendit verissima esse qua hic continentur. Et jam tertio repetit dictata hac omnia ab eo esse, qui est A & Ω.

DEinde mihi monstravit vitalis aquæ purum fluvium, limpidum ut crystallum, ex Dei & agni solio manantem:

2 & in medio ejus areæ & fluvii hinc atque hinc vitæ arborem, fructus duodecim parientem, singulis mensibus suum fructum edentem. Arboris folia ad gentium curationem pertinent:

3 in ea nec ulla deinceps erit devotio, & Dei, agnique solium erit, eumque sui servi colent, & ejus faciem videbunt,

4 & ejus nomen gestabunt in suis frontibus:

5 nec erit ibi nox, nec lucerna solisve lumine indigebunt, quippe quos collustrabit Dominus Deus, & regnabunt in omnia secula.

6 Hæc sunt (inquit me alloquens) certa veraque dicta: & Dominus, sanctorum vatum Deus, angelum

angelum suum misit, ad monstrandum suis servis quæ brevi futura sunt.

7 Ego brevi venturus sum. Felix qui verbis paret oraculi huius libri.

8 Ego verò Johannes, qui hæc & aspexi & audiui, cum audivissem aspexissemque, angelo qui hæc mihi monstrabat, ad pedes accidi, ut eum venerarer.

9 Sed ille: Cave ne facias, inquit: tuus enim conservus sum, tuorumque fratrum vatum, & eorum qui istius libri dictis parent. Deum venerator.

10 Item illud addidit: Oraculi istius libri dicta ne obsignato: nam tempus in propinquo est.

11 Qui nocet, nocentior fiat: & qui sordet, sordidior fiat: & iustus iustior fiat: & sanctus sanctior fiat.

12 Equidem brevi venturus sum, meam mecum mercedem ferens, ut pro suo quemque merito remunerer.

13 Ego sum α & ω , principium & finis, primus & ultimus.

14 Beati qui ejus præcepta obeunt, ut potestatem habeant in

arborem vitæ, & per portas intrent in urbem.

15 Foris quidem erunt canes, & venefici, & impudici, & homicidæ, & deastricolæ, & quisquis falsa amat atque facit.

16 Ego Jesus meum angelum misi, qui vobis hæc super ecclesiis testaretur. Ego sum Davidis stirps atque genus, stella clara & matutina.

17 Et spiritus & sponsa dicant, Veni: & qui audit, dicat, Veni: & qui sitit, veniat: & qui vult, sumat aquam vitæ gratis.

18 Testificor autem omnibus oraculi huius libri dicta audientibus, si quis ad hæc addiderit, addet ei Deus clades in hoc libro scriptas.

19 Et si quis de verbis libri huius oraculi ademerit, adimet Deus sortem ejus de libro vitæ, deque sacra urbe, & scriptis in hoc libro.

20 Dicit, qui hæc testatur: Etiam, veniam brevi: Amen. Etiam veni Domini Jesu.

21 Domini nostri Jesu Christi gratia adsit vobis omnibus: Amen.



F I N I S.

ne

et,

o-

uis

um

his

ps

tu-

nt,

ni;

lt,

ous

en-

rit,

oro

bi

net

te,

acc

ur :

en.

ifi

A-